







# প্রীতির নিদর্শন

প্রথম পরিচ্ছেদ

প্রীতি সম্মিলন ।

শনিবার । কলকাতার গড়ের মাঠে ঘোড়দৌড় চলিতেছে । দু'নম্বর  
এক্সক্লুজিভ গ্যালারীর নিয়ে দাঁড়াইয়া বীরদৎ রেশ্ দেখিতেছিল ।  
দু'নম্বর পরিধানে ইংরাজী বেশ, মুখে ছাভানা চুফট, হাতে অপেরা  
গ্লাস । নাসিকা-নিবদ্ধ চশমার ল্যাভটি বুকের সামনে বটের ঝুরির মত  
হুসিতের ছিল ।

সাঁহারা নিয়মিত ঘোড়দৌড়ে যান এবং হোম-রেকর্ডস্ বাঁহারা অবগত  
আছেন, বীরদৎ তাঁহাদের নিকট অত্যন্ত সুপরিচিত, অতিশয় প্রিয় ।  
ইনি বিলাতে থাকিতে বড় বড় ঘোড়দৌড়ে 'জকির' কাজ করিয়া বিশেষ  
প্রসিদ্ধিলাভ করিয়াছিলেন । সম্প্রতি দেশে ফিরিয়াছেন, ইচ্ছাটা  
এখন সুদেশেই বসবাস করেন । ইঁহার পুরানামটি বীরেন্দ্রচন্দ্র দত্ত, কিন্তু  
বিলাতে সাহেব-মেমেরা তাঁহার নামকরণ করিয়াছিল, বীরদৎ !  
বীরেন্দ্রচন্দ্র দত্ত বলিলে কলকাতার কাঠখোলার দত্তমহাশয়গণ তাঁহাকে  
চিনিতে পারিতেন সন্দেহ নাই, কিন্তু বীরদৎ না বলিলে আসল লোকটিকে



## শ্রীতির

### নিদর্শন

চিনিবার কোনও উপায় ছিল না। বীরদৎ নয় বৎসর বিলাতে ছিলেন। উনিশ বৎসর বয়সে তাঁহার জনক (এখন স্বর্গীয়) বটকৃষ্ণ দত্ত মহাশয় ছেলেকে ব্যারিষ্টারী পড়িতে বিলাতে পাঠাইয়াছিলেন। বীরদৎ ব্যারিষ্টারী পড়িবার জন্ত অনেক টাকা আনিয়াছিলেন কিন্তু কোথাও ভর্তি হইবার পূর্বেই দেখা গেল যে কয়েকটা ঘোড়া কিনিয়া ফেলায় ব্যয় গচ্ছিত টাকা প্রায় নিঃশেষ হইয়াছে এবং আস্তাবল ভাড়া ও সাজসরঞ্জাম কিনিতে তখনও অনেক টাকার দরকার। বটকৃষ্ণ দত্ত মহাশয় নিরীহ গোছের জমিদার। একটু আধটু লেখাপড়া শিখিয়াছিলেন, কিন্তু বিলাত দেশটা তাঁহার চোখে প্রায় মেঘ আর গিরির মতই ছিল। ছেলে যখন লিখিল, ব্যারিষ্টারী করিবার সমস্ত আয়োজন প্রস্তুত, কেবলমাত্র ‘ইনে’ ভর্তি হইবার ও একটা বিরাট গোছের ভোজ দিবার অর্থের জন্তই হইতেছে না। তখন বটকৃষ্ণ দত্ত মহাশয় বেশ ভারী রকমের একটা ছক কাটিয়া পত্র লিখিলেন, ভোজটা খুব ভালো করিয়া দিবে। শুনিয়াছি সে দেশের লোক, আমাদের ব্রাহ্মণ সম্প্রদায়ের অনুরূপ। তাঁহারা ভোজনে সস্তুষ্ট হইয়া বর প্রদান করিলে তুমি খুব বড় কৌশলী হইয়া আসিতে পারিবে। যথাসময়ে ড্রাফ্ট ও পিতার লিখিত পত্র বীরদত্তের হস্তগত হইল। এবং বিশ্বস্তহুত্রে জানা গেল যে ‘ইনের’ পথেই টাকাটা কয়েকজন আস্তাবলওয়াল খুব জোরে করমর্দন করিয়া একরকম কাড়িয়া কুড়িয়া লইয়াছে। কাজেই কৌশলী পথের একমাত্র লৌহদ্বার যেমন বন্ধ ছিল, তেমনি রহিল; কেবলমাত্র বটকৃষ্ণ দত্ত সংবাদ পাইলেন পুত্রের শারীরিক মানসিক উভয়তঃ মঙ্গল। কৌশলী কলেজের পড়া উত্তমরূপেই চলিতেছে। তবে এবছর এখানে ফসল উৎপন্ন ন

হওয়ায় (যুদ্ধে পুরুষ চাষী সব মরিয়াছে এখন স্ত্রীলোকেই চাষাবাস করে, কাজেই শস্য প্রচুর পরিমাণে উৎপন্ন হয় নাই) সমস্ত জিনিষই মহাধা! একটা সাবানের দাম, দুই পোণ্ড; একটা টুথ্ পেস্ট কিনিতে হয়, দেড় পোণ্ডে; সেদিন একটা গার্লকে উপহার দিতে একছড়া পাল' নেকলেট কিনিতে বত্রিশ পোণ্ড পড়িয়া গেল। অথচ না দিসেও উপায় ছিল না— গার্লটি আমার এক প্রোফেসর (শিক্ষক) এর ওন্লি চাইন্ড! কাজেই নামে নামে যে টাকা আসে তাহার দুইগুণ না পাঠাইলে চলিবার উপায় নাই।.....টুথ্ পেস্ট কি দামে বিকায় জানি না, তবে পাল' নেকলেটটা সত্যি বত্রিশ পোণ্ডে ক্রয় করিতে হইয়াছিল, এবং সত্যি সত্যি সে'ট থমাস্ নামক জনৈক অর্থশিক্ষকের একমাত্র কন্যা লীলার কণ্ঠে পরাইয়া দিয়া বীরদৎ মেয়েটির লজ্জাজড়িত গণ্ডে একটা চুষন করিয়া ফেলিয়াছিল।

দেশ হইতে ক্রমাগত তাগিদ আসে—বীরদৎ উত্তর দেয়, গতবারে ফেল্ করিয়া বড়ই মনস্তাপ পাইয়াছি। এ বৎসর অত্যন্ত পরিশ্রম করিতে হইতেছে। আপনাদের সময় মত পত্রাদি দিতে পারি না, মাপ করিবেন। বটকুম্ভ দত্ত সর্কাস্তঃকরণে মার্জনা ত করিলেনই; পুত্রটি যাহাতে অত্যধিক পরিশ্রম করিয়া শরীরপাত না করে সে বিষয়ে নানা উপদেশ দিয়া পত্র লিখিলেন। উপযুগ্যপরি আট বৎসর এই রকমেই কাটিল, নবম বৎসরের মাঝামাঝি সময়ে মিঃ জে, এন্ রায়ের পুত্র জ্যোৎস্না রায় বিলাত হইতে আসিয়া বিলাতে ভারবী খেলায় বাঙ্গালী যুবকের অসাধারণ কৃতিত্ব দেখাইয়া ক্রমাগত 'ষ্টেট্ স্ম্যানে' দীর্ঘ পত্র লিখিতে লাগিল। এবং বাঙ্গালা সংবাদপত্রের মাননীয় সম্পাদকগণ স্বদেশ-প্রেম-বিগলিত লেখনীমুখে স্বদেশ-প্রেমের কালিতে সেই বঙ্গীয় যুবক জকিকে একেবারে ঘোড়শোপচারে

## প্রীতির

### নিদর্শন

পূজা করিতে উঠিয়া পড়িয়া লাগিয়া গেলেন। দত্তজা বৈকালিক নিদ্রাভঙ্গে গুড়গুড়ি টানিতে টানিতে নিত্য নিয়মিত বাঙ্গালা সংবাদপত্র পাঠ করিতেন। তাঁহার চশমার কাঁচ বাপসা হইয়া গেল—চশমা খুলিয়া কাগজখানা নাসিকা সন্নিহিতে ধরিয়া দত্তজা পাঠ করিলেন।.....বীরদৎ আমাদের কাঠখোলার জমিদার শ্রীযুক্ত বটকৃষ্ণ দত্ত-মহাশয়ের একমাত্র পুত্র বীরেন্দ্রচন্দ্র দত্ত। আমরা শুনিয়াছি.....দত্তজা কাগজখানা ছুঁড়িয়া ফেলিয়া চীৎকার করিয়া উঠিলেন—শুনিয়াছি! গোষ্ঠীর মাথা শুনিয়াছি! চীৎকার শুনিয়া ভূতা ফেলারাম সসব্যস্তে আসিয়া কাগজখানা তুলিয়া দিতে গিয়া এমন চপেটাঘাত প্রাপ্ত হইল যে বেচারী সেখানেই মাটিতে পড়িয়া, আধঘণ্টা গোঁয়াইয়া, অতিকষ্টে বারবার সরকার মহাশয়কে কটিদেশ দেখাইয়া, মাহিনাপত্র চুকাইয়া লইয়া, সেই রাত্রেই গাড়ীতে জন্মভূমি বাঁকুড়াভিমুখে প্রস্থান করিল।

দত্তজা বিপন্নক, গৃহে বিধবা কন্যা নীরজা ছাড়া আর কেহই নাই। দত্তজা নীরজাকে অনেক ভৎসনা করিলেন; পাড়ার ছোকরার দল গো-রক্ষা সমিতির টাকা আদায় করিতে আসিয়া, অথাৎ খাইয়া পলায়ন করিল; মোটরগাড়ী-চালক কৃষ্ণরাম বন্দ্যোপাধ্যায় পেট্রল চুরীর অপরাধে জোড়াবাগানের খানায় প্রেরিত হইল, ইত্যাদি ইত্যাদি। এবং এতগুলি সাধু ভদ্রমণ্ডলীর কল্যাণ কামনার প্রাবল্যে সেই রাত্রেই দত্তজার প্রবল জ্বর আসিল, দাতদিনের দিন ভোরে দত্তজা ইহলোক ত্যাগ করিলেন।

বীরদৎ টেলিগ্রাম পাইয়াছিল, দেৱীতে। সে তখন ইংলণ্ডে ছিল না—সহরতলীতে কিছুদিনের জন্ত থমাস্ পরিবারের মধ্যে বাস

## প্রীতির

## নিদর্শন

করিতেছিল। লগুনে তাহার বাসার লোক থমাসের ঠিকানা জানিত না। বীরদৎ কাহাকেও বলিয়া যায় নাই, কেবলমাত্র তাহার ব্যাঙ্কাসদের উপর হুকুম দেওয়া ছিল, চিঠিপত্র আসিলে, জমা রাখিতে এবং যখন যেখান হইতে চাহিব সেখানেই পাঠাইয়া দিতে। পোষ্টাফিসের কর্তাদের জানাইয়া রাখিয়াছিল, অমুক ব্যাঙ্কে আমার পত্রাদি পাঠাইয়া বাধিত করিবেন। পিতার মৃত্যু সংবাদ-বহু তারখানিও কর্তারা ব্যাঙ্কে পাঠাইয়া বাধিত করিলেন; বীরদত্তের হাজার চিঠিপত্রের মধ্যে এখানিও জমা রাখিয়া ব্যাঙ্ক স্তব্ধ করিতে মন দিল।

মাস দেড়েক পরে টাকার দরকার হওয়ায় ব্যাঙ্কে ঠিকানা পৌছিল। ব্যাঙ্ক রেজেষ্ট্রি করিয়া টাকা আর রাশাকৃত কাগজপত্র পাঠাইয়া দিল। বীরদৎ তার খুলিয়াই পিতার মৃত্যু সংবাদে স্তম্ভিত হইয়া গেল।

বীরদৎ আস্তাবল তুলিয়া, অনেকগুলি ঘোড়া বেচিয়া, কেবলমাত্র হুঁ একটি ভারতের পথে পাঠাইবার ব্যবস্থা করিয়া দিয়া, সে দেশের চালচুলা উঠাইয়া, ‘নন্দা’ জাহাজে উঠিয়া বসিল।

মাস তিনেক আগে সে কলিকাতায় আসিয়াছে।

বীরদত্তের ঠিক পাশেই তিনটি বঙ্গীয় যুবতী এক ক্লশকায় যুবকের সন্নিবিষ্টভাবে দাঁড়াইয়া ঘোড়দৌড় দেখিতেছিল। বীরদৎ এতক্ষণ যুবতীদের কাহাকেও দেখে নাই—ভালো করিয়া দেখে নাই। হঠাৎ বানাকণ্ঠে সে যেই শুনিল, আর আমি খেলব না। আমার প্রাইজের টাকাগুলো পর্য্যন্ত গেল—বীরদৎ মুখ ফিরাইয়া সর্বপ্রথম তাহাকেই দেখিয়া লইল। মেয়েটি কঁাদ কঁাদ মুখে, ছলছল চোখে নাঠের দিকে

## প্রীতির

### নিদর্শন

চাহিয়া আছে। এক মিনিট, তাহার পরেই বীরদৎ অপেরাঘাস্ চোখে দিয়া দূরের জিনিষ দেখিতে লাগিল।

পুনরায় শুনিল, আমি ত আস্তে চাইনি—সকলে মিলে, হ্যাঁ.....

আর একজন কে বলিল—তুই ত আর একলা হারিস নি নীলা? আমার চারশো টাকা গেচে, দিদির ত কথাই নেই, গরীব খগেন বাবুর সত্তর আশি টাকা গেচে, সিদ্ধীসাহেবের কম করে হাজার খানেক ত গেচেই,—এখনও তিনটে রেশ বাকী। এইবারটি ধর, হার উঠে যাবে।

বীরদৎ হাসিল। এদিকে চাহিয়া নয়,—অন্যদিকে মুখ করিয়া। এমন হার তুলিতে গিয়াই লোকে সর্বস্বান্ত হইয়া যায়, সে এই কথা কয়টাই ভাবিতেছিল।

এই সময়ে খুব মোটা মোটা একটি জালা-বিশেষ ভদ্রলোক হাঁফাইতে হাঁফাইতে আসিয়া অতি নিম্নস্বরে বলিলেন—শুন্ছেন, এত হারে কি আর বাড়ী ফেরা যায়? দেখলেন ত, থার্ড রেশটায় সেই লোকটা সারউড্ বেল ধরে তিনট হাজার টাকা গুনে নিলে। আমাদেরও একটা মিললে.....

মেয়েটি বলিল—হেরে হেরে কি ভালো লাগে? আমি আর খেলতে চাইনে, খেলব না।

অন্য মেয়েটি বলিল—তুই না খেলো.....

অপরা সমর্থন করিয়া কহিল—আমরাও.....

কৃশকায় যুবকটি কহিল—আমি ত নিশ্চয়ই না!

মোটা লোকটি বলিলেন—এই বাজীটা খেলুন। আপনার জেতে এ'র সবাই খেলতে পাচ্ছেন না।

কেন, আমি কি খেলতে বারণ করছি ওঁদের? আমি শুধু খেলব না—তাই বলছি।

মোটাকি কহিলেন—ক্যাপ্টেন লি-র খরর! আমি ত হাজার টাকা দিলাম ধরে। আপনারা?

বীরদৎমুখ ফিরাইয়া একবারমাত্র লোকটিকে দেখিয়া লইল। মনে মনে কহিল, কথা কহিল কে? আমি ত মাটির উপরেই একটি টুপি দেখছি।

বড় মেয়েটি রুদ্ধশ্বাসে জিজ্ঞাসিলেন—কত নম্বর ধরলেন?

বীরদৎ আর একটু হাসিল,—“১২নং”—অশ্বের নাম, জন্ট!

মোটাকি বলিতেছিলেন, অপ্‌সেট নিশ্চয়! আমি ওদিকে আছি, আপনারা কিন্তু দেৱী করবেন না।—তিনি প্রস্থানোত্তত হইবামাত্র বড় মেয়েটি বলিলেন—মিঃ সিংহ আমাদের কিছু টাকা দিতে পারেন?

নিশ্চয়ই পারি। কত?

তিন বোনে—তিনশ হ'লেই হ'বে।

ভদ্রলোক তিনখানি নোট্‌ যুবতীর হাতে দিয়া অত্ৰদিকে চলিয়া যাইতেই ছোট মেয়েটি খগেনকে জিজ্ঞাসিল—আপনি?

খগেন নিয়কণ্ঠে কহিল—আমার টাকা নেই।

নিলেন না কেন? ডাক্‌ব?

না—না—থাক্‌।

মিঃ সিংহ! মিঃ.....

সিংহ সাহেব ফিরিলেন, প্রস্তাব শুনিয়া বলিলেন—আমার কাছে খুচরো টাকা ত নেই, নীলা!

প্রতিভা .

নিদর্শন

খগেন কুণ্ঠায় এতটুকু হইয়া বলিল—থাক্—থাক্ ।

ফেণিলা বলিল—আমার থেকে আপনি দশ টাকা নিন্, খগেন বাবু !

তাহার আগ্রহাতিশয্যে খগেন সন্মত হইল । তখন বারো নম্বরটিতে তিন বোনের পঞ্চান্নখানা উইন-প্লেস্, এবং খগেনের জন্ত দুইখানি কেবল-মাত্র প্লেস্ খেলিবার টাকা সুশীলা খগেনের হাতে দিয়া কহিলেন—দেরী ক’রনা খগেন, ক্রোজিং বেল্ বাজচে !

খগেন ছুটিয়া যাইবে, বীরদৎ তাহার হাতটা ধরিয়া বলিল—দেখুন, আপনার অনেক টাকা হার হ’য়েচে, আপনি জন্টকে না ধরে’ মেয়ীকে উইনে দশটাকা লাগিয়ে দিয়ে আসুন ।—বলিয়া সে বোর্ডের দিকে চাহিয়া মনে মনে হিসাব করিয়া পুনরায় বলিল—ওয়ান-টু টোয়েন্টি ত বটেই, বেশীও হ’তে পারে ।

খগেন নেয়েদের দিকে চাহিতেই সুশীলা বলিলেন—লুক সার্প, খগেন ।

খগেন চলিয়া গেল ।

জন্ট কোথায় যে পড়িয়া রহিল, তাহার ঠিকানা-ও নাই । খগেন দশমিনিটের মধ্যে তিনশো ছ’ টাকা পেমেণ্ট লইয়া ফিরিয়া আসিল । বীরদৎ ধৃতবাদ পাইয়া বলিল—আপনার হার উঠেছে ?

খগেন্দ্র আন্তরিক ধৃতবাদ দিয়া যেন শেষ করিতে পারিতেছিল না, বীরদৎ বলিল—এবার ঐ তিনশ লাগিয়ে দিন্—পাঁচে । ওয়ান্-টু—ফরট ! পাঁচ ফারলণ্ডের ঘোড়া এভ্রী চাল—একমাইল ছ’ ফারলণ্ডে ছুটবে, কেউ ধরচে না ।

খগেন জিজ্ঞাসিল—তিনশ’ ধরব ?

বেশী পারেন, আরো ভালো । আমরা বিশহাজার ধরেছি ।—বলিয়া

বীরদৎ তাহার 'পার্শেরি' লোকটিকে বায়নাকুলার ও খাতাপেন্সিল যাহা ছিল দিয়া, খগেনকে বলিল—আধঘণ্টা পরে আস্টি আমি।

ফেগিলা বলিল—খগেন বাবু, আপনার বেশ বরাত।

খগেন বলিল—ঐ ভদ্রলোক !

বিশুকমুখে মোটা লোকটি আসিয়া কহিলেন—সব জুচ্চুরী, সব জুচ্চুরী ! মেরী আবার একটা ঘোড়া, হুঁ !

ফেগিলা বলিল—আপনার কাপ্তেন কি বল্লেন ?

সিংহ সে কথার জবাব না দিয়াই জিজ্ঞাসিলেন—তুমি পে-মেন্ট আনতে যাচ্ছিলে—কারণ হে ?

ফেগিলা বলিল—উনি ত মেরী ধরেছিলেন; তিনশ ছ' টাকা পেয়েছেন।

সিংহের খাবা মাটিতে বসিয়া গেল, কহিলেন—বল কি ! অ্যাঁ !

ফেগিলা বলিল—এবারে কি খেলবেন মিঃ সিংহ ?

অগ্রসরমুখে মিঃ সিংহ—দেখি—বলিয়া বোর্ডে জকিদের নাম নিরীক্ষণ করিতে লাগিলেন।

ইতোমধ্যে খগেন ফেগিলাকে এভ্রী চান্সের কথা বলিয়াছিল। ফেগিলা মেজ বোনকে বলিল,—মেঝ, এবার এভ্রী চান্সকে ধরি আয়।

সুনীলা ইতঃপুত করিয়া বলিল—আবার ধার নেব ?

খগেন বলিল—এই তিনশ' টাকায় চারজনের খেলা চলতে পারে।

বড় মেয়েটি নাসিকা কুঞ্চিত করিয়া কহিলেন—তার মানে ?

খগেন আর কথা কহিল না। মেজ মেয়েটি বলিল—নীলা, আপনি আর আমি—তিনশ' টাকায় তিনজনের সমান ভাগ রইল। যান্ খগেন



## ‘প্রীতির

### নিদর্শন

বাবু, আপনি টিকিট আনুন। ফেগিলা বলিল—দিদির ভাবনা কি ?  
—বাড়ার ভাগ একটি ইঙ্গিতও করিল।

মিঃ সিংহ জিজ্ঞাসিলেন—কি ধরছ, নীলা ?

ফেগিলা কটাক্ষ করিয়া কহিল—আমাদের ত আর কাপ্তেন-মেজর-  
লেফটেন্যান্টের টিপ্ নয়, শুনে কি করবেন বলুন মিঃ সিংহ ! বরঞ্চ  
আপনি কি খেলছেন—বলুন—শুনে নিই।

বড় মেয়েটির দিকে চাহিয়া মিঃ সিংহ কহিলেন—সুশীলা, আমি  
কুইন্স অ্যানিকে ব্যাক্ করব।

সুশীলা বলিলেন—আমার জন্তেও পাঁচটা উইন, পাঁচটা প্লেস ধরবেন।

আচ্ছা, বলিয়া মিঃ সিংহ চলিয়া যাইতেই সুশীলা সুনীলাকে কহিল—  
এভরী চান্স পাঁচ ফার্ল্ডের ঘোড়া, আর একটি দিন মোটে হোম-রেকর্ডসে  
উইণ করেছিল—বুঝলি স্নু ? এখানে এই একমাইলের ওপরে তা’কে  
কিছু করতে হ’চ্ছে না। এ তুই দেখে নিস। গরীব ছোঁড়াটার কতক-  
গুলো টাকার শ্রাদ্ধ হ’বে’খন।

ফেগিলা একটুখানি শ্লেষের সহিত কহিল—গরীব ছোঁড়া ত পরের  
টাকায় খেলেনি দিদি !

মেজমেয়ে সুনীলা নীলার হাতটি ধরিয়া ঈষৎ টান মারিয়া বলিল—  
আঃ নীলা, ঝগড়া করিস কেন ?

মিঃ সিংহ আর থগেন আশ্রুলো কাঁচপোকাকার মত ফিরিয়া আসিলেন।  
মিঃ সিংহ সুশীলাকে সাক্ষী রাখিয়া কহিলেন—এইবার আপনাদের থগেন  
বাবু কাৎ ! তিনশ’ টাকা ব্যাক্ করেছেন—পাঁচ ফার্ল্ডের ঘোড়া এভরী  
চান্সকে। ছোঃ ছোঃ !

সুশীলা সহ্যে কহিলেন—কে ওঁকে টিপ্. বলে দিয়েছে। মেরীর টিপ্-ও নাকি সেই বলে দিয়েছিল !

সিংহ খুগেনের দিকে চাহিয়া জিজ্ঞাসিলেন—কে-হে ?

তা জানিনে।

আকাশবাণী শুন্তে পেয়েছ ?

তাই হ'বে বোধ হয়—বলিয়া সুশীলা তাহার কনিষ্ঠা দুইট বোনের দিকে চাহিয়া মৃদু মৃদু হাস্য করিতে লাগিলেন।

সিংহ পুনশ্চ জিজ্ঞাসা করিলেন—বলই না-হে! মক্কেলটা কে—  
শুনি ?

বলুম ত—জানিনে !

সিংহ সাহেব ভ্রুকুটি করিয়া কহিলেন—বল্বে না—তাই বল !

সুশীলা মাঠের পানে চাহিয়া বলিল—সু, ঐ দেখ ঘোড়া বেরিয়েচে।

ফণিলা সোৎসাহে বলিল—দেখনা-দিদি, ড্রেসটা কি পাঁচের ?

সুশীলা বহি দেখিয়া বলিল—ব্লাক, রেড স্লিভস, ও ক্যাপ্. ঐ, ঐ, পাঁচ। জকি হচ্ছে বীরদৎ। হিন্দুস্থানী হ'বে বোধ করি, না-রে ?

সত্য কথা বলিতে কি খগেন্দ্রকে বিজ্ঞপ করিলেও তাহার মূনে একটা সন্দেহ জন্মিয়াছিল।

খগেন সকলকে ছাড়িয়া রেলিঙের ধারে আসিয়া দাঁড়াইল। খানিক পরে ঘোড়াগুলিকে আব দেখা গেল না; তখনি চং করিয়া ঘণ্টা বাজিতেই ঘোড়ার দল অতি দূরে গর গর শব্দ করিয়া ছুটিতে লাগিল। গ্যালারীর উপর হইতে ঘন ঘন চাঁৎকার উঠিতেছে। কত লোকে যে

## প্রীতির

### নিদর্শন

কত নান করিতেছে, কত উৎসাহ দিতেছে—তাহার ঠিক নাই। ইচ্ছাৎ সব উল্লাস-চীৎকার নীরব হইয়া নম্বর উঠিল—পাঁচ।

থগেন ডাকিল—নীলা!

ফেণিলা সোল্লাসে বোর্ডটার দিকে ফিরিয়া জিজ্ঞাসিল—কত পাব থগেন বাবু?

পঞ্চাশ-টি বিক্রী—বলিয়া থগেন কাউণ্টারের নিকট চলিয়া গেল। ফেণিলা স্ত্রীলীর কাছে আসিয়া বলিল—ছোড়া অনেক টাকা মেরে দিয়েছে, দিদি!

স্ত্রীলা মুখ ভার করিয়া বলিল—বেশ ত!

ফেণিলা আর একটু গোঁচা তুলিয়া বলিল—সিন্দীসাহেব পে-মেন্ট নিতে গেছেন বুঝি?

সিংহ সাহেব শেষের বাজার জকির নাম প্রোগ্রামে মিলাইয়া লইতে-ছিলেন, ফেণিলাও যে দেখিতে পায় নাই, তাহা নহে।

থগেন প্রাপ্ত টাকা তিন অংশে ভাগ করিতেছে, বীরদৎ আসিয়া হাসিমুখে জিজ্ঞাসিল—কত দিলে?

ছ' হাজার তিনশো কুড়ী।

বীরদৎ ঠিক সামনে ফেণিলাকে দেখিয়া বলিল—আপনার হার উঠে গেছে ত?—সে তিনটা ভাগ দেখিতে পাইয়াছিল। ফেণিলা কোন কথা বলিবার পূর্বেই বীরদৎ নাথার টুপিটা তুলিয়া বলিল—আচ্ছা, নমস্কার!

থগেনের সঙ্গে সঙ্গেই ফেণিলা ও স্ত্রীলা হাত তুলিয়া বলিল,—নমস্কার।

শেষের বাজী আর তাহারা খেলিল না। খেলিল না বটে, তবে

## প্রীতির

## নিদর্শন

মহিলা রহিয়া গেল। সুশীলা সিংহ সাহেবের সহিত একযোগে ভেরী লিটকে বেট করিয়াছে, কি হয়—না দেখিয়া যাওয়া যায় না।

১৭ মিনিটে খেলা শেষ হইয়া গেল। ফেব্রুয়া সিংহ সাহেবকে বলিল—আজকে ত আর হ'বে না, চল্ন আস্চে দিন দেখা যাবে—হারটা তোলবার চেষ্টা।

সিংহের কেশর ফুলিয়া উঠিল, কেবলমাত্র সুশীলা তাঁহার পাশেই ছিল বলিয়া সুশীলার বোনট এ-যাত্রা প্রাণে বাঁচিয়া গেল।

---

## দ্বিতীয় পরিচ্ছেদ

রেশ ।

আসিবার সময় খগেন ট্রামে চড়িয়া আসিয়াছিল, এখন আর ভিড়  
ঠেলিয়া, কষ্ট সহিয়া, ট্রাম ধরিতে ইচ্ছা হইল না । সে একটু পূর্বে বাহির  
হইয়া একখানা ট্যাক্সি লইয়া ঠিক গেটের সামনে দাঁড়াইয়া রহিল । ফেণিলা  
বাহিরে আসিয়াই বলিল—ট্যাক্সি করেছেন খগেন বাবু ?

ফেণিলা, সুনীলা ট্যাক্সিতে উঠিয়া সুনীলার প্রতীক্ষা করিতে লাগিল ।  
যদিচ সকলেই জানিত, সুনীলা সিংহ সাহেবের মোটরেই যাইবে, তবুও  
ফেণিলার কি ঝোঁক পড়িয়া গেল, দিদির সঙ্গে দেখা না করিলে  
চলিতেছে না ।

খগেন नीচেই দাঁড়াইয়াছিল, হঠাৎ কাহার করস্পর্শে ফিরিয়া চাহিতেই  
দেখিল, সেই সুদর্শন যুবকটি, মাঠে যিনি তাহাকে অবাচিত, আশাতীত  
সাহায্য করিয়াছিলেন ।

যুবক তাঁহার মোটরখানিকে বাহির করিবার পথ খুঁজিতেছিলেন ।  
খগেনের ট্যাক্সি একটু নাড়িয়া বাহির হইয়া গেলেই তিনিও বাহির হইতে  
পারেন । খগেনের পৃষ্ঠে মুহূর্ণ করাঘাত করিয়া এই নবপরিচিত ব্যক্তি  
কহিলেন—আপনাদের কি দেরী আছে ?

এই যে আপনি—বলিয়া ফেণিলা কলকণ্ঠে তাহার সঞ্চর্চনা করিল ।  
যুবক মোটরের ষ্টিয়ারিং হুইলটিকে ধরিয়া বসিয়াছিল, টুপিটা খুলিয়া  
তাহার উত্তর দিল । খগেন কৃতজ্ঞতাপূর্ণ হৃদয়ে ফেণিলাকে জিজ্ঞাসিল—

আমাদের গাড়ী না বেকলে উনি বেকতে পাচ্ছেন না। দেয়ী করার দরকার কি ?

তাই না-কি—বলিয়া ফেণিলা ড্রাইভারকে চালাইতে বলিল। থগেন জিজ্ঞাসিল—আপনি—আবার শনিবারে আপনাকে—আপনি থাকবেন ?

থাক্ব, সেকেণ্ড থার্ড রেশের সময় ঐখানেই দেখতে পাবেন, তার আগে আমি গ্রাণ্ডে থাকি।—বলিয়া সে নিজের গাড়ীর ঠাট দিল। এবং ইঁহাদের ট্যাক্সিকে ফেলিয়া বিশালকায়া মিনার্ভা নিনেমধ্যে অদৃশ হইয়া গেল।

এস্প্র্যানেডের মোড়ে আসিয়া একথণ্ড এস্পায়ার কিনিয়া সকলে বাড়ী ফিরিয়া আসিল। তখনও সুশীলা আসেন নাই। হেরষনাথ বলিলেন—বস-হে থগেন, গল্প করতে করতে চা-টা জম্বে ভালো।

হেরষনাথ সুশীলা, সুনীলা ও ফেণিলার জনক।

ফেণিলা বলিল—আচ্ছা থগেন বাবু, ভদ্রলোকের নামটা কেন জিজ্ঞাসা করলেন না আপনি ?

থগেন স্বীকার করিতে বাধ্য হইল, তাহার অত্যন্ত অগ্রায় হইয়া গেছে। আগামী দিন সর্বপ্রথম সেইটি জানিয়া লইবে। শুনিয়া ফেণিলা হাসিয়া উঠিল।

সুনীলা ঘরের মধ্যে আলোর সামনে দাঁড়াইয়া এস্পায়ার পড়িয়া লইতেছিল, হাসির শব্দে চমকিয়া বারান্দার দিকে চাহিয়া ডাকিল—নীলা !

ফেণিলা ঘরে আসিলে, জিজ্ঞাসিল—কি-রে ?

তুমি এত নিবিষ্টচিত্তে কি দেখছ তাই শুনি ?

পৌতির

নিদর্শন

সিক্‌স্‌ত রেশে বাঙ্গালী জকি চড়েছিল বীরদত্ত—জানিস্ ?

ফেগিলা বলিল—দূর ! বাঙ্গালী আবার জকি !

এই দেখ—বলিয়া সুনীলা কাগজখানা কনিষ্ঠার সামনে ধরিল।  
থগেন আস্তে আস্তে আসিয়া জিজ্ঞাসিল—কি, নীলা ?

তখন কাগজখানা লইয়া তিনজনেই বারান্দায়, অন্ধকারে যেখানে  
হেরষনাথ শুইয়া আকাশের নক্ষত্র গণনার ব্যর্থ চেষ্টা করিতেছিলেন  
সেইখানেই আসিয়া উপস্থিত হইল। সুইচ টিপিয়া বারান্দার বাতি  
জালিয়া দিয়া নীলা পড়িতে লাগিল—

একজন বাঙ্গালী জকির অভাবনীয় সাফল্য !

মিঃ বীরদত্ত ! ( ওরফে বীরেন্দ্রচন্দ্র দত্ত )

কাগজ পড়া শেষ হইলে ফেগিলা জিজ্ঞাসিল—হ্যাঁ বাবা, বাঙ্গালী  
জকি হয় ?

হেরষনাথ বলিলেন—কাগজেই ত দেখ্‌লে না।—একটু থামিয়া  
পুনরায় কহিলেন—বাঙালী কি হয় না নীলা ? এমন একটা কাজের  
নাম কর ত মা বা বাঙালী পারে নি,—অন্তে করেছে ?

প্রতিবাদ করিতে, অন্ততঃ তর্কের পাতিরে, ফেগিলা অনেক কথাই  
বলিতে পারিত, কিন্তু তর্কের প্রযুক্তি তাহার ছিল না। সে জানিত,  
স্বজাতীয়ের কথা একবার আরম্ভ হইলে তাহার বুদ্ধ পিতার উৎসাহ শতগুণ  
বাড়িয়া যায়। সে সময়ে প্রতিবাদ করিয়া তর্ক জয় ত হয়-ই না, কেবল  
তঁাহাকে উত্তেজিত করা। ফেগিলা পাঁচ সাত ভাবিয়া বলিল—না  
বাবা, আমি বলছি কি, জকির কাজটা অতি ছোট কাজ নয় কি ?

হেরষনাথ বলিলেন—রেশ খেলা যে তার চেয়ে ছোট কাজ নীলা !

জিকি ত ঢের ভালো। সে ঘোড়াকে শেখাচ্ছে, তৈরী করছে, চড়ে দৌড়াচ্ছে, আর এই ঘোড়দৌড়ের বাজী যারা খেলে, তাদের উজ্জ্বলিত্বগুলি একবার দেখ-দেখি.....

ফেগিলা বলিল—উজ্জ্বলিত্ব কি-সে ?

হেরদ্বনাথ বলিলেন—নয় ? প্রথম ধর কি ভয়ানক নেশা ! রবিবার থেকেই আঙ্গুল গোণা আরম্ভ হ'ল, বৃহস্পতিবারে রাত্রি জেগে ঘোড়ার গরদ, জাত নির্ণয়, পিতা-মাতার নাম ধাম, জাতি-গোত্রের তল্লাস, শুক্রবারে পাথর মেলানো, শনিবারে ত একেবারে অষ্টাদশপর্ক মহাভারত ! যার যা সঞ্চয় নিয়ে গিয়ে ঢাললে, ফেরবার সময় মুখে কালী মেখে কাঁদতে কাঁদতে এল ! তার ওপর, হিংসা ঘেষ ত আছেই।

হিংসা ঘেষ কেন ?

কেন ? মনে কর হু'জনে খেলছ, তুমি তোমার টিপে, ও ওর টিপে খেলা চলছে। ধর, তোমার ভাগ্যে একটা এল, বেশ মোটা টাকাও দিলে, আর তোমার সঙ্গীর অবস্থা তখন.....

সুনীলা বলিল—ঠিক বলেছ বাবা ! আজই মাঠে আমি দেখেছি।

হেরদ্বনাথ, শুধু তিনি কেন. খগেন, নীলা সকলেই সুনীলার মুখের পানে চাহিল। সুনীলা তাহা বুঝিয়াই কাগজখানার পানে চোখ রাখিয়া বসিয়া রহিল।

ভৃত্য ট্রে সাজাইয়া চায়ের পেয়ালাগুলি আনিয়া টিপয়টার উপর রাখিয়া বাহির হইয়া গেল। সুনীলা সকলের সামনে এক এক পেয়ালা চা নামাইয়া দিয়া বলিল—তুমি কি বিস্কুট খাবে বাবা ?

না-মা, রাত্রে কোনদিনই ত আমি বিস্কুট খাই নে। তোমরা খাও,



## প্রীতির

### নিদর্শন

কৈ-হে খগেন, খাও না ! যাই হোক—বেশ লোকটি জোঁগাড় করেছিলে মোদা ! আবার শনিবারে দেখা শুনো হ'বে ত ?

খগেন বলিল—আজ্ঞে হ্যাঁ, বলেছেন ত !

তা হ'লে এখন চল—কি বল !

খগেন বিস্মিত হইয়া বারেকমাত্র তাঁহার দিকে 'চাহিয়া চোখ নামাইয়া লইল। হেরষনাথ পেয়ালায় মুখ দিয়া চুক্ চুক্ করিয়া চা খাইতেছিলেন।

এই সময়ে মোটরের হর্ণ বাজিতেই হেরষনাথ কহিলেন—সুশীলা এসেছে !

ফেণিলা রাস্তায় মুখ বাড়াইয়া বলিল—সিংহ সাহেবও আসছেন।

বেয়ারা আগে হইতেই দু'খানা চেয়ার বারান্দায় বাহির করিয়া দিল। সিংহ সাহেব আসিয়াই খগেনকে জিজ্ঞাসিলেন—কি-হে ছোকরা, কত হ'ল ?

ফেণিলা বলিল—পাঁচ টাকায় ১০৫ দিয়েছে। হিসেব করেই দেখুন না !—একটু হাসিয়া বলিল—কাগজ পেন্সিল চাই ?

এই শেষের কথাটায় সিংহ সাহেব অত্যন্ত ক্রুদ্ধ হইয়া উঠিলেন কিন্তু সাহস করিয়া ধমক দিতেও পারিলেন না। ঐ খর্বাকৃতি ক্ষুদ্র মেয়েটি বিশ্ববিজ্ঞানয়ের তিন তিনটা পাস্ করিয়া ফেলিয়াছে; তাহার শয়ন-কক্ষের আলমারিটা, কেবল তাহারই পাওয়া প্রাইজের বাহিতে, সোণা রূপার মেডেলে ভর্তি !

খগেন দাঁড়াইয়া উঠিয়া হেরষবাবুকে নমস্কার করিল। একযোগে সকলের দিকে চাহিয়া হাত দু'টি জোড় করিয়া বলিল—আমি যাই।

ফেগিলা পরিহাসের স্বরে কহিল—পালান কেন খগেন বাবু ?  
আপনার টাকা ত আর কেউ কেড়ে নিচ্ছে না ।

সিংহ সাহেব ফেগিলার প্রতি সন্তুষ্ট হইয়া বলিলেন—বোধ হয়  
বাঙ্গালটা সেই ভয়েই পালাচ্ছে ।

ফেগিলা সহাস্ত্রে কহিল—আশ্চর্য্য নয় ! সিংহ দেখলে বাঙ্গালী কেন,  
অনেক সাহেবেরও পিলে চমকায় ।

হেরষনাথ বলিলেন—নীলা, তুমি অনেকদিন সন্ধ্যায় গান কর নি ।  
সিংহ সাহেব, নীলার গান আপনার কেমন লাগে ?

সিংহ সাহেব বিস্মৃত চিবাইতে চিবাইতে অতি কষ্টে কহিলেন—বেশ ।

কিন্তু বাবা, আজকে ত আমি গাইতে পারব না ।

সিংহ সাহেব পেয়ালা নামাইয়া রাখিয়া কহিলেন—পাশ করা  
লোকের সামনে ছাড়া গাইবেন না-বুঝি ?

ফেগিলা তৎক্ষণাৎ কহিল—পাশের জন্তে নয়, বাঙ্গালীর সামনে  
ছাড়া বাঙ্গালা গান আমি গাইনে !—পিতার মুখের কাছে মুখ লইয়া  
কহিল—বড্ড শ্রান্ত, বাবা ।

তবে থাক, মা—বলিয়া হেরষনাথ নিজেই উঠিয়া ঘরের মধ্যে  
অর্গ্যানটা খুলিয়া গাহিলেন—

“নীল আকাশের অসীম ছেয়ে ছড়িয়ে গেছে চাঁদের আলো ।

আবার কেন ঘরের ভেতর,—আবার কেন প্রদীপ জ্বালো ॥”

গানের মাঝখানেই ফেগিলা আসিয়া খুট করিয়া বাতি নিবাইয়া, কণ্ঠ  
মিলাইয়া দিল—

আবার কেন ঘরের ভেতর, আবার কেন প্রদীপ জ্বালো ।

## প্রীতির

### নিদর্শন

এবং গানের শেষে পিতার গলা জড়াইয়া ধরিয়া বলিল—আর একটা গাও বাবা, তোমার নিজের গান-টা। আমিও গাইব। হেরষনাথ গাহিলেন। এত যে বয়স হইয়াছে, কণ্ঠের তেজ যদি এতটুকু কমিয়া থাকে! বাহির হইতে কেহ শুনিলে কখনই ধারণা করিতে পারিত না, এ-কোন ষাটবৎসর বয়স্ক রক্তের কণ্ঠোচ্চারিত সঙ্গীত ধ্বনি। তখনও ফেনিলা মুখের পাশে মুখ রাখিয়া পিতার সঙ্গেই গাহিতেছিল, গান শেষ হইলে হেরষনাথ তাহার হাতটি টানিয়া লইয়া সাদরে একটি চুম্বন করিয়া বলিলেন—চল মা, বাইরে যাই।

বাহিরে আসিতেই সিংহ সাহেব নিম্নস্বরে বলিলেন—শ্রোতা ছুটল না নালা।

ফেনিলা সহজভাবেই জবাব দিল—তা জানেন না বুঝি? এ যে মৃগনাভি! নিজের দেহের সুবাসে নিজেই মতে ওঠে। আমার গানের আমিই গায়িকা, আমিই শ্রোত্রী।

সুনীলা, গান শেষ হইতেই, নীচে পাকশালার তত্ত্বাবধানে গিয়াছিল। হেরষ বাবুর তিন মেয়ে, সংসারের তিনটি বড় বড় ভার গ্রহণ করিয়াছিল। জ্যেষ্ঠ সুনীলার উপরে ভার ছিল, অতিথি সেবার। মধ্যম সুনীলা পাকশালার একছত্রী ছিল। কনিষ্ঠ, ফেনিলা গৃহের আসবাব পত্র, বেশ-ভূষা চাকর বাকর, গরু বাছুরের ভার লইয়াছিল।

সুনীলা ও ফেনিলা, পিঠোপিঠি। এদের বয়সের পার্থক্য ছিল, দেড় বৎসরের, আর মনের মিলে ছিল ছুটিতে যেন একটি জোড়া। সুনীলা ইহাদের চেয়ে বছর আঠেক বড়, নায়ে একটি ভাই, হিতেন্দ্র, বছর তিন মারা গিয়াছে।

## প্রীতির

## নিদর্শন

ফেগিলা দেখিল, সুনীলা নাই, বুঝিল, সে নীচে । একবার সিংহ সাহেবের, একবার পিতার দিকে চাহিয়া বলিল—বাবা, মেজদির কাছে যাই । যদি দরকার পড়ে, ডেকো । কেমন ?

হেরৎনাথ সম্মতি জ্ঞাপন করিতেই ফেগিলা মন্তরগতিতে নামিয়া গেল ।

নীচে আসিয়া সুনীলাকে চাপিয়া ধরিয়া বলিল—আমার সঙ্গে লাগা ! খুব শুনিযে দিযেছি, বুঝলে মেজদি ! কেন—কিসের জন্তে—শুনি তাই । বড় লোক আছেন বড় লোক আছেন, আমাধের কি ? ওঃ যাকে যা খুসী তাই বলবেন, আর আমি থাক্ব চুপ করে ? ভারী দাঘ পড়ে গেছে কি না আমার !

সুনীলা ছোট বোন্টিকে আদর করিয়া বলিল, ছিঃ নীলা, ওরকম করে' বলতে আছে কি ? দিদি মনে মনে কষ্ট পান্ ।—কথাটার শেষটা সুনীলা যেন অতি কষ্টে বলিতে পারিল । ফেগিলা তাহা বুঝিল না, সে প্রবল বেগে মাথা নাড়িয়া কহিল বয়েই গেল, বয়েই গেল । ওঃ মনে মনে কষ্ট পান । কষ্টই যদি পান, সাহেবটিকে একটু সভ্য করবার চেষ্টা করেন না কেন, শুনি ।

আঃ নীলা—বলিয়া তাহাকে টানিতে টানিতে রান্নাঘরে ঢুকিয়া বলিল—বোস্—একটা নতুন রকমের রান্না করিয়েছি—খাবি ।

## তৃতীয় পরিচ্ছেদ

( ক )

আসল কথা ।

গ্রন্থবর্ণিত পরিবারটির পরিচয় এইরূপ :—

হেরস্বনাথ পোষ্টাফিসে উঁচুদরের একটা কাজ করিতেন, দশবৎসর পেন্সন লইয়া কলিকাতায় বাস করিতেছেন। এখন মাসে চারিশত চুয়াল্লিশ চোদ্দো আনা চার পাই করিয়া পেন্সন আসে। শুনিতে পাওয়া যায়, হাতে পয়সাও প্রচুর পরিমাণে আছে—সংসারটি বেশ সুখের ও স্বচ্ছন্দে চলিছে। হেরস্বনাথের স্ত্রী হেমাজিনী ফেণিলাকে প্রসব করিয়া কি একটা উৎকট রোগে মারা যান—ফেণিলাকে মিস্ টড্ নাম্নী জর্নৈক ধাত্রী লইয়া যান এবং ফেণিলার চতুর্দশবর্ষ বয়ঃক্রম কালে হেরস্বনাথ বেশ মোটা অঙ্কের একখানি চেক ও বহুল ধন্যবাদ প্রদান করিয়া মিস্ টডের আশ্রয় হইতে তাহাকে লইয়া আসেন। হেমাজিনীর মৃত্যু ছেলেমেয়েদের কারুণ্য প্রায় মনেই পড়ে না, যদিও বা ছিল, একমাত্র সুশীলাই জানিত। সুশীলা হিতৈষী তখন শিশু। নীলা ঘরে ফিরিয়া আসিলে, প্রথম প্রথম তাহাকে লইয়া মহাবিপদ উপস্থিত হইল। ফেণিলা—ডাকনাম—নীলা, একটা মেয়ে স্কুলে তখন সর্বোচ্চ শ্রেণীতে পড়িলেও কিন্তু বাংলা শিক্ষাটা তাহার আদৌ হয় নাই। বাড়ীর লোকে যা বলে, প্রায়ই সে বুঝিতে পারে না। নীলা হেরস্বনাথের কাছে বাংলা পড়া শুরু করিয়া দিল। তাহার মত মেধাবী বালিকার পক্ষে বিদেশীয় ভাষা শিক্ষা করাই যখন কষ্টকর হয় নাই,

## প্রীতির

## নিদর্শন

স্বদেশের ভাষা অতি শীঘ্রই সে আয়ত্ত করিয়া ফেলিল। তাহার বড় বোন রাঁচীতে একটা অনাথ বিদ্যালয়ে অবৈতনিক শিক্ষকতা করে, সুনীলা বড় একটা কিছু করে না—তবে রাশি রাশি কাব্য আর উপন্যাস হজম করিয়া একদম নীলকণ্ঠ হইয়া গেছে। হিতৈশ্ব ছিল, তাহাদের একটি মাত্র ভাই। বেচারী ছিল যেমন রোগা তেমনি অপটু। রোগে ভুগিয়া ভুগিয়া লেখাপড়া করা ত তাহার হইলই না, কাশির সঙ্গে কবে একটু রক্ত উঠিয়াছিল, সেই ভাবিয়া ভাবিয়া যক্ষা টানিয়া আনিল এবং দ্বাবিংশতি বর্ষ পূর্ণ হইবার পরদিনই সকল ভাবনা শেষ করিয়া দিল। হেরষনাথ বলিলেন—থাক। ভগবান একটি দায় হইতে নিষ্কৃতি দিলেন, —এখনও তিনটি।

যে পাড়াটায় তাঁহার বাস ছিল, সেখানকার আর যাহারা ভদ্রগৃহস্থ ছিল, তাহারা বলিত ঐ বাড়ীটায় বেঙ্গ থাকে। নিরক্ষর দরিদ্রগণ বলিত—থাক, তাদের কথা আর লিখিয়া কাজ নাই। কলেজগামী ছেলেরা বলিত, এনলাইটেণ্ড ফ্যামিলি! কলেজগামী মেয়েরা গাড়ীর মধ্যে থাকিয়া বলাবলি করিত, কোথায় পড়ে কে জানে। পাশাপাশি বাড়ীর লোক গান শুনিয়া মোহিত হইত, আড়ালে আবডালে থাকিয়া ইহাদের রূপ যৌবনেরও প্রশংসাও করিত, প্রকাশে বেঙ্গদত্তা-রূপ উপদেবতার ঘাড়ে সব দোষ চাপাইয়া দিয়া ছোটছোট ছেগেপিলে সাবধান করিত।

তা করুক, না করিবেও যদিচ বিন্দুমাত্র ক্ষতিও হইত না—আমরা ত আসল কথা জানি, হেরষ বেঙ্গ ও নন, দত্তাও নন, এমন কি ব্রাহ্মও নন। তাঁর মেয়েদের স্বাধীনতা আছে সত্য, কিন্তু সেই স্বাধীনতা কি হিন্দুধরের মেয়েদের কুত্রাপিও নাই? পাড়ার লোকে পরখ করিতে

. প্রীতির .

নিদর্শন

একবার রাতারাতি ঘাড়ে করিয়া কার্তিকঠাকুর বহিরা দরজায় ফেলিয়া, চাক ঢোল বাজাইয়া দিল ; হেরষনাথ সকালে নগদ ছ'আনা পয়সা বায় করিয়া, মুটে ডাকাইয়া স-ময়ুর ঠাকুরটিকে বিডন-বাগানে পাঠাইয়া দিলেন। লোকে বলিল—উঃ—ভীষণ বেদ্বা! আমরা বলি, ইহাই ব্রাহ্মধর্ম্মাবলম্বীর চরম ও পরম প্রমাণ না হইতে পারে। পরম হিন্দু, নানা তিলকধারী ধনবান যতীন ঘোষকে এবাধিধ কার্য্য করিতে অনেক লোকেই দেখিয়াছে। তবে কি তিনি হিন্দু? এ কথার উত্তর আমরা সঠিক দিতে পারি না। যেহেতু তাঁহাদের পাকশালায় এক অনাথ খুঁটানী পাকের কার্য্যে নিযুক্ত ছিল। হেরষবাবুর চাকরীর আমাদের মুসলমান পেয়াদা রক্ষানি মিঞা এখনও চা-কেকুপুড়িং তৈয়ার করিয়া থাকে। এমন সব অহিন্দুর হাতে থাওয়া নাওয়া করিলে কি হিন্দুত্ব বজায় থাকে? তবে তিনি কি?

আমরা বুঝিতে পারিতেছি এই প্রশ্নের উত্তর দিতে পারিলে অনেক জটিল সমস্তার সমাধান হইতে পারিত, এবং ধর্ম্ম সম্বন্ধীয় আলোচনা অত্যন্ত উপাদেয় হইলেও, আমাদের এই পথ ত্যাগ করিতে বাধ্য হইতেছে। হেরষনাথ প্রত্যহ গঙ্গাস্নান করিয়া থাকেন, উড়িয়াসমুত্ত জ্বৈনক পাণ্ডা রোজই তাঁহার ললাটটি চন্দন চর্চিত করিয়া দেয়, ছ'একটা পিতলের ছাপও বুকে বাহুতে আঁটিয়া দিয়া 'বড় বাবু'র মঙ্গল কামনা করিয়া থাকে। হেরষনাথ গৃহে ফিরিয়া পুনরায় স্নান করিয়া থাকেন. ( গঙ্গার জলে অত্যন্ত ময়লা, বালি, গায়ে লেপিয়া থাকে বলিয়া ) কাজেই গোসল শেষ করিয়া হেরষনাথ যখন সকলের সাঙ্গাতে বাহির হ'ন, তখন না থাকে ছাপ, না থাকে ধূলাবালির চিহ্নটুকু। রক্ষানি মিঞা তখন

সাদা উর্দি আঁটিয়া, মাথায় এম-লেথা তক্কা পরিয়া, চা সাজাইয়া শ্রানে ।  
—কাজেই, পাঠক মহাশয় আমাদের মাপ করিবেন । }

দিনাজপুর ডিভিজনের সুপারিন্টেণ্ডেন্ট থাকিতে হেরষনাথের সহিত খগেনের পিতা হরিহর বাবুর পরিচয় হয় । পরিচয়টা একটু অদ্ভুত রকমের । 'হরিহর বেতন পাইতেন, ৪৫ টাকা, পোষ্টাপিসেরই একজন কেরাণী ছিলেন । আপিসের সব কেরাণীই দোকানে গিয়া খাবার টাবার খাইয়া আসিত, হরিহরকে সাহেবের খানসামা রক্ষানি মিঞা চার পয়সার মুসলমানের দোকানের বিস্কুট, আর এক পয়সার একটি রসগোল্লা আনিয়া দিত । সাহেব প্রায়ই লক্ষ্য করিতেন, রক্ষানি সাহেবের চায়ের সঙ্গে এক পেয়ালা চা গোপনে হরিহরকে রোজই যোগান দিত । অবশ্য সাহেবের খানসামা ও সাহেবের কেরাণীতে একটা বন্দোবস্ত ছিল-ই ( গোপনে ), সাহেব সব জানিয়াও জানিতেন না । কিন্তু লোকটির সঙ্গে আলাপ করা তাঁহার অত্যাবশ্যক হইয়া উঠিয়াছিল । হরিহর বলিলেন—হজুর অনেকদিন জাত্ জাত্ করিয়া, বুড়ো আঙ্গুলে ভর দিয়া হিন্দুত্ব বাঁচাইয়া ছিলাম, নেয়েটা ছিল আইবুড় । সেই একটি মাত্র মেয়ে—বুঝেই পারছেন, হজুর ! অনেক পূজা, মানসিক দিয়া মেয়ের বিবাহ ঠিক করিলাম । বিয়ের আগের দিন, অনেক খরচ পত্র হইয়া গেছে—একটা রাউ উঠল—আমার দিদি খাণ্ডড়ীর কি একটা দোষ ছিল । বিয়ে ভাঙল, হজুর, বাপেব লাঞ্ছনা দেখে মেয়েটা কোথেকে আপিং থেয়ে—রাতারাতি সাবাড় ! আমারও জাত মানা উঠে গেছে, হজুর !

লোকটি স্পষ্ট কথা বলিতে পারে, আর অত্বে অপকর্ম্য বলিলেও সেই কাজটি সে সকলের সাক্ষাতে করিবার সাহস রাখে—হেরষনাথ লোকটিকে



‘প্রীতির’

নিদর্শন

বিশেষ শ্রদ্ধা করিতেন। তাঁহার মৃত্যুর পরে তিনিই তাঁহার পুত্র খগেনকে চিঠিপত্র দিয়া কলকাতায় পাঠাইয়াছিলেন; খ্রি পড়িয়া, হেরস্বনাথের বন্ধুবান্ধবের নিকট আশাতীত সাহায্য পাইয়া খগেন্দ্র বি-এ পাশ করিয়াও ফেলিয়াছে। যসু সেপার্ডের অফিসে হেরস্বনাথ তাঁহার ভগ্নীপতিকে বলিয়া কহিয়া এপ্রেক্টিসিতে ঢুকাইয়া দিয়াছেন। এখন খগেন্দ্র ১০০৬ টাকা হাত খরচা হিসাবে পায়, পাম্পমেন্ট হইলে ২, ৩শ অবধি হইবে।

হেরস্বনাথ দিনাজপুর হইতে ঢাকায় বদলি হ’ন, ঢাকা হইতে চক্ৰিশ পরগণায়—সেখান হইতেই অবসর লইয়াছিলেন। কলকাতার বাড়ীটা তখন ভাড়া দেওয়া ছিল, ভাড়াটেদের নোটিশ দিয়া, তিন মাসের সময় দিয়া, উঠাইয়া, হেরস্বনাথ বাস করিতেছেন।

সংবাদ পাইয়া খগেন্দ্র আসিয়া জুটিল। দু’বেলা এখানে চা খাইয়া, মাঝে মাঝে নিমন্ত্রণ আস্‌টা পাইয়া তাহার দিনটি বেশ কাটিতেছিল। তঠাৎ কোথা হইতে বোড় দোড়ের নেশা যে তাহাকে পাইয়া বসিল, বেচারি অগাধ জলে হাবুডুবু খাইতে লাগিল। না উঠিবার পথ পাইল, না পাইল নিস্তার। কিন্তু কেমন করিয়া এই ভূত তাহাকে পাইয়া বসিয়াছিল, তাহা বলিতে হইলে মিঃ ঘনশ্যাম সিংহের আগমনটা পূর্বেই বিবৃত করিতে হয়।

মিঃ সিংহ ( ঘনশ্যাম নামটি তাঁহার স্বর্গীয় পিতা গঙ্গারাম সিংহ মহাশয় দান করিয়া গঙ্গালাভ করিয়াছিলেন। ঘনশ্যাম, নামটি পরিমার্জিত করিয়া রাখিলেন, জি, সিংহ ! অনেক ভাবাপন্ন সাহেবের মতই তিনি দেশী নামটা লোককে একদম জানাইতেও চাহিতেন না। ) রাঁচীর অনাথ বালিকা বিদ্যালয়ের অবৈতনিক সম্পাদক ছিলেন। তাঁহার ধনৈর্ঘ্যের অল্লাভাব

হেতু ক্ষুদ্র বিদ্যালয়টির আসবাব-পত্র, বহি আলমারী অনেক বড় বড় স্কুলেকেও হার মানাইয়া দিত। ঝরিয়া অঞ্চলে অনেকগুলি কয়লার খনির তিনি একমাত্র অধিকারী, তাহা হইতে প্রচুর আয়। মিঃ সিংহের বাড়ী কলিকাতাতেই, নয় মাস তিনি সেখানেই থাকিতেন, তিনমাস রাঁচীতে বাস করেন। রাঁচীতে “শান্তি নিকেতনের” নিকটেই তাঁহার সুবৃহৎ অট্টালিকা। ফটকের গায়ে প্রস্তর ফলকে লেখা—জি, সিন্ধ এস্কোয়ার। সিংহের বয়স অনুমান ত্রিশ—চল্লিশের মধ্যে। ব্যবধানটি বড় ‘অল্প’ হইল, কিন্তু কি করিব, বলুন, সাহেবী-মেজাজের, গোঁফ দাড়ী কামানো, টপি মাথায় লোকের বয়স নির্ণয় করা অন্তর্যামী লেখকের পক্ষেও দুঃসাধ্য। সিংহ কৃতদার কিনা তাহাও আমরা অবগত নহি। সুশীলার সহিত তাঁহার প্রথম পরিচয় হয়, সেই অনাথ বালিকা বিদ্যালয়ে। প্রায় দেড় সপ্তাহ পূর্বে সুশীলা কলিকাতায় আসিতেছে,—বিদ্যালয় কি একটা কারণে হঠাৎ দিন দশেকের জন্ত বন্ধ হইয়াছে—ষ্টেশনে মিঃ সিংহের সহিত সাক্ষাৎ। তিনিও কলিকাতায় আসিতেছেন। সুশীলা সেকেণ্ড ক্লাশের মেয়ে গাড়ীতে উঠিল, সিংহ সাহেব ফাষ্ট ক্লাশে থাকিয়াও রাত্রে ছ’তিনবার হেড মিস্ট্রেশ মিস্ মিস্ট্রের সংবাদ লইতে ভুলিলেন না। প্রত্যুষে হাওড়ায় নামিয়া সুশীলাকে নিজের গাড়ীতে তুলিয়া তাঁহাদের বাড়ীতে আসিলেন। সুশীলা নবম দিবসের রাত্রের গাড়ীতেই রওনা হইবে, অষ্টম দিবসের মধ্যাহ্নে হঠাৎ হর্ণ বাজাইয়া বিকট ধ্বনি করিয়া মস্ত একটা হাড্‌সন্‌ গাড়ী বাড়ীটার নীচে আসিয়া থামিতেই সুশীলা মুখটি বাড়াইয়া দেখিল—মিঃ সিংহ তাঁহার সুবিশাল বপুখানি টানিয়া টানিয়া গাড়ীর মধ্য হইতে বাহির করিতেছেন। সুশীলা, ফেণিলা—ইহারও সিংহ সাহেবের কথা

প্রীতির

নিদর্শন

গুনিয়াছিল - সুশীলার সঙ্গে সঙ্গেই জানালায় আসিয়া দাঁড়াইয়াছিল। তাহারা ত হাসিয়াই অস্থির। ফেণিলা বলিল—দিদি ভাই তোমাদের সম্পাদক সাহেবের গায়ের জামা আর খানিকটা চামড়া ছিঁড়িয়া গেছে। —সুশীলাও হাসিল।

সম্পাদক মহাশয় কহিলেন—রাঁচীতে অত্যন্ত কলেরা দেখা দিয়াছে, সে কারণে মাসখানেক ছুটি বাড়াইয়া দেওয়া দরকার। এবং সেই বিষয়ে পরামর্শ করিতেই তাঁহার আগমন।

সুশীলা স্তানমুখে কহিল—ছুটি না-হয় বাড়ানো গেল; কিন্তু মেয়েরা সব বোর্ডিংএই রয়েছে। তাদের কি হবে?

সিংহ সাহেব বোধ করি ইহা ভাবেন নাই; এখন ভাবিতে লাগিলেন। সুশীলা বলিল—দেখুন, ছুটি বাড়াবার দরকার নেই—আমি আজই যাব। কলেরা যখন দেখা গেছে - তখন আমাদের মেয়েগুলির একটা ব্যবস্থা না করে' কোনমতেই আমি নিশ্চিত থাকতে পারছি না। —সিংহ সাহেব ভাবিতে লাগিলেন; হের্ষনাথ সুশীলার প্রস্তাবই সমর্থন করিলেন।

শেষে সিংহের মস্তকে বুদ্ধি খেলিল, বলিলেন—নার্স টার্স ত আমাদের বোর্ডিংয়ে সবই আছে—আপনি না গেলেও চলতে পারবে। আমি বরঞ্চ.....

এই পর্য্যন্ত গুনিয়াই সুশীলা বলিল আমাদের প্রাণের মূল্য কি এতই বেশী মিঃ সিংহ?

না, না আমি তা বলি নাই—আমি বলছি কি, সেখানকার এসিষ্টেন্ট সার্জন্টকে আমি তার করে দিই—তিনি যাতে সমস্ত কণই বোর্ডিংয়ে

থাকেন। আর দরকার বুঝলে আমাদের টেলিগ্রাফ করবেন, টাকা কড়ির দরকার হ'লে আমার রাঁচীর বাড়ীর থেকেই যথেষ্ট পাবেন।—  
কি বলেন?

হেরস্বনাথ বলিলেন—এ মতলব মন্দ নয়।

তাহাই স্থির হইল। তখন সিংহ সাহেব উঠিলেন। সকলেই তাঁহাকে আর কিছুকাল বসিবার অনুরোধ করিলেন, কিন্তু তাঁহাকে এখনই মাঠে যাইতে হইবে নতুবা ঘোড়দৌড় আরম্ভ হইয়া যাইবে, তাঁহার অনেক টাকা লোকসান হইবার সম্ভাবনা—গুনিয়া কেহই আর কিছু বলিলেন না। কেবল ফেণিলা জিজ্ঞাসিল—আচ্ছা, ঘোড় দৌড়ের মাঠে মেয়েদের যেতে দেয়?

কেন—দেবে না? কত লক্ষ লক্ষ মেয়ে যায়। যাবেন—  
আপনারা?—ত চলুন, আমার গাড়ী ত রয়েছেই।

হেরস্বনাথ কণ্ঠাত্রয়ের মনোগত অভিপ্রায় বুঝিলেন। যখন মেয়েরা তাঁহার মুখের দিকে চাহিল, তিনি বলিলেন—তা দেখতে যাবার ইচ্ছা হ'য়েছে—দেখে এস।

কিন্তু তবুও সেদিন হইয়া উঠিল না। আধঘণ্টা মাত্র সময় ছিল, তাহার মধ্যে প্রস্তুত হইয়া ওঠা অসম্ভব। সুশীলা বলিল—আর একদিন যাব—আজ আর হ'য়ে উঠল না।

সিংহ সাহেব আগামী শনিবারে আসিয়া ইঁহাদের লইয়া যাইবেন, এইরূপ বন্দোবস্ত করিয়া, পুনরায় কণ্ঠে-হৃষ্টে দেহখানি গাড়ীর মধ্যে পুরিয়া প্রস্থান করিলেন।

আফিস্ ফেরৎ খগেন আসিতেই ফেণিলা সর্বাঙ্গে তাহাকে খবরট

## নিদর্শন

দিল। সে কিন্তু কিছুতেই সম্মত হইল না। সে যত বলে মিঃ সিংহ আমাদের দেখাইবেন বলিয়াছেন, পিতাও সম্মত, কোনই দোষ নাই, খগেন ক্রমাগত ঝাড় নাড়ে, বলে—রেশে যাওয়া হ'তেই পারে না।

এতদিন ছিল, খগেনের সরল, অনাড়ম্বর ব্যবহারটি, তাহার মতটি সকলেরই ভালো লাগিত, সকলেই বিনাবাক্যব্যয়ে গ্রহণ করিত। সেদিন প্রথম তাহার ব্যতিক্রম দেখা গেল। সুনীলা উন্নত হইয়া বলিল—হ্যাঁ, না - না করে ঝাড়ই ত নাড়ছ, কারণটা কি-তাই বল-না?

খগেন একমুহূর্ত তাহার মুখের দিকে চাহিয়া রহিল, উত্তর দিল না। সুনীলা বহ্নিম-দৃষ্টিতে ফেগিলাকে বিদ্ধ করিয়া কহিল—বাবার পর আবার কার' মত নিতে হয় নাকি রে নীলা?

ফেগিলা টুক্ করিয়া কহিল—বাবার পর আবার কার মত নিলুম দিদি? আমি কি খগেন বাবুর কাছে মত চাচ্ছিলুম না কি? ওকে যেতে বলছিলুম—আমাদের সঙ্গে।

সুনীলা বলিল—কেন? ওঁর বাবার দরকার কিসের?

এই জিনিষটা নিশ্চয়ই গড়াইত অনেকদূর, শুধু পারিল না, হেরষনাথ আসিয়া মধ্যস্থ করিয়া ফেলিলেন বলিয়া! হেরষনাথ বলিলেন—খগেনের দেখবার ইচ্ছা না থাকে—ও থাক্। তবে এইটুকু আমি বলতে পারি কি দেখবার, কি খেলবার—কোন দরকারেই যে না যেতে পারে সেই সব চেয়ে বাহাদুর। হাজার হোক—জিনিষটা ত জুয়া! কি বল হে খগেন?

আজ্ঞে হ্যাঁ—বলিয়া খগেন নিঃশ্বাস ফেলিল। সুনীলা এই সময়ে ঘরে ঢুকিয়া পিতার পাশে দাঁড়াইয়া বলিল—বাবা, জলখাবার আনব?

অকস্মাৎ হেরষনাথের মনে পড়িয়া গেল—আজ শনিবার; খগেন

শনিবারে আফিসে নিয়মিত আট পয়সার টিকিন খায় না, একেবারে এখানে আসিয়া গৃহ-প্রস্তুত মিষ্টান্ন প্রভৃতি খাইয়া থাকে। বলিলেন—  
নিয়ে আস্বে বৈ-কি মা! সাড়ে তিনটে বেজে গেছে যে!

সুশীলা বলিল—কোথায় আবার সাড়ে তিনটে বাজ্ ল বাবা? মোটে  
ত পৌনে তিনটে। সাড়ে তিনটের এখন ঢের দেৱী।

সাড়ে তিনটার সময় ইহারা জলযোগ করিতেন; অল্প শনিবারে  
থগেনও গল্প শুজব করিয়া সাড়ে তিনটার সময়ই খাইত, আজ হেরষনাথের  
মনে হইল, থগেনের মুখখানি অত্যন্ত শুষ্ক হইয়া গেছে, ক্ষুধাতৃষ্ণায় সে  
অতিশয় কাতর। বলিলেন—তা হোক পৌনে তিনটে, তুমি আন মা,  
আমার আজ এখনই ক্ষুধা বোধ হচ্ছে।

সুশীলা বলিল—আমার এখন এনো না, সু!

ফেগিলা বলিল—আমার কিন্তু এখনি চাই ভাই মেঝু!

ফেগিলা প্রায়ই সুনীলাকে ‘মেঝু’ বলিয়া ডাকিত। দু’জনের  
মাথামাথিটা একটু বেশী ছিল বলিয়াই বোধ করি—সব সময়ে জ্যেষ্ঠ  
কনিষ্ঠের ভেদাভেদ তাহারা রাখিতে পারিত না।

সে যাই হোক, শুক্রবার সন্ধ্যা হইতে ষোড়দোড়ে যাইবার কল্লনা  
চলিতে লাগিল। থগেন ক’দিন আসে নাই, ফেগিলা ঝগড়া করিবে  
বলিয়া প্রস্তুত হইয়াছিল, কিন্তু বিপক্ষ একদম নিরুদ্দেশ। রাত্রে সুনীলা  
ও ফেগিলা দোতালায় ছোট ঘরটায় শুইত। ক’দিন যতক্ষণ না  
ঘুমাইয়াছে, ফেগিলা কম করিয়া দশবার সুনীলাকে ঐ কথাই জিজ্ঞাসা  
করিয়াছে—বাবা রাগ করেন নাই, আমরা করি নাই, একমাত্র দিদি  
একটু কথা ক’নি তার জন্তেই এত রাগ? আমরা না-হয় কেউ নই,

## •প্রীতির

### নিদর্শন

কিন্তু বাবা—বাবার ওপর কি খগেন বাবুর কাছে দিদি ? তুমিই বল না।  
ভাই মেঝ ? ‘মেঝ’ প্রতিবারই সেই এক জবাবই দিয়াছে—আমি জান্  
কোথেকে বল ? আমি কার কোন্ কথায় থাকি ? রান্নাবরের কথা  
জিজ্ঞাসা কর, ক’সের তেলে ক’টা ইলিশ মাছ ভাজা হয় জিজ্ঞাসা কর—  
সব বলছি। অন্য কিছু জিজ্ঞাসা করিস্নে ভাই !

নীলা ‘মেঝ’কে অন্ধকারে বেশ করিয়া বুকের মাঝে চাপিয়া ধরিয়া  
বলিল—আচ্ছা বলত ভাই মেঝ, একটা এই এত—এ-তো বড় ইলিশ  
ভাজতে কতখানি তেল লাগে !

সুনীলা জবাব দিল, আধ পোয়া !

ইস্ তাই বৈ কি ! এই—এ-তো ব-ড় যে !—বলিয়া সে সুনীলার  
পিঠে দাগ কাটিয়া মাপ দেখাইয়া দিল ।

সুনীলা বলিল—আধ পোয়ার বেশী লাগে না । তেল বেরোয় কি-না ।

কাল যে তুমি ইলিশ ঘণ্ট করলে, খগেন বাবু খেলে কিন্ত খুব সুখ্যাতি  
করতেন । না ভাই ?

কি জানি !

অমনি কি-জানি ! তুই ভাই মেঝ—যেন কি !—হ্যাঁ ! একদিন  
দেই মনে নেই. আমি একটা তরকারী রেখেছিলুম, খেয়ে.....

তুই নিজেও ঘুমুবি নে—আমাকেও ঘুমুতে দিবি নে নীলা ?

ফণীলা বলিল—ঘুমোও বাবা, খুব ঘুমোও, কুস্তকর্ণ হও, আর যদি  
আমি কথা কই খুড়ি-থাক্ ।—সে যে রাগ করিয়া মুখ ফিরাইয়া গুইল,  
জানিয়াও সুনীলা সাড়া দিল না । চুপ করিয়া কিছুক্ষণ পড়িয়া থাকিলেই  
ঘুমাইয়া পড়িবে—এই ভাবিয়া সে’ও পাশ ফিরিল ।

(খ)

## শুচি।

শুক্রবার সন্ধ্যা হইতেই ফেণিলা অত্যন্ত অস্থির হইয়া পড়িতেছিল।  
অন্য শুক্রবারে ৬টার ভিতরই খগেন আসিয়া পড়ে। সে না জ্ঞাসিলে বাবা  
কিছুতেই চা খান না। বাবা বলেন, আহা সে বেচারী সমস্ত দিন খেটে  
খুটে শ্রান্ত হ'য়ে আসছে, গল্প শুভবের মধ্যে বসে চা না খেলে তার কষ্ট  
দূর হবে কেন? আজও হেরষনাথ চা খান্ নাই। সুনীলা দু'তিনবার  
বান্নাঘরে সুনীলাকে তাগিদ পাঠাইয়াছিল, হেরষনাথ বলিয়াছিলেন,  
না, না, খগেন আসুক, খাবো।

ফেণিলা জিজ্ঞাসিল—দিদি তোমার জন্ম এক পেয়ালা করে দেব?

দাও—বলিয়া সুনীলা অন্ত্র চলিয়া গেল। ফেণিলা বান্নাঘরে গিয়া  
একেবারে অশ্রুধ্বংস কণ্ঠে বলিয়া উঠিল—মেজদি, দিয়ে এস তাই  
'বঠ'ঠাকরণকে' এক পেয়ালা চা!

সুনীলা জিজ্ঞাসিল—৬টা কি বেজে গেছে, নীলা?

কথা-ন!—বলিয়া ফেণিলা ফোঁপাইতে বসিল।

সুনীলা কাৎলিটা স্টোভের উপর বসাইয়া দিয়া নীলাকে বেঠন করিয়া  
বলিল—কি হ'য়েছে নীলা? দিদি কিছু বলেছেন?—সুনীলার ভয়  
হইতেছিল,—সাড়ে ছ'টা বাজিতে সে নিজের কাণেই শুনিয়াছে, বাবার  
ঠিক ছ'টার সময় চা খাওয়া অভ্যাস, তিনি বিলম্বে খাইবেন বলিয়াছেন—  
নিজের মুখে কোন কারণ ব্যক্ত না করিলেও সুনীলার তাহা জানিতে



## প্রীতির

### নিদর্শন

বাকী ছিল না—পাছে এই লইয়াই একটা অনর্থ উপস্থিত হয় ! কিন্তু তাহার প্রশ্নের উত্তরে যখন নীলা কেবলমাত্র ফোস ফোস করিয়া এই কয়টা কথাই বলিল যে, বলাবলির তোয়াক্কা সে কাহারই সাথে না ;—এখনই মিস টড্ কে লিখিয়া সে কাসিংএ চলিয়া যাইতে পারে, তখন সুনীলা মনের মধ্যে একটু আরাম পাইলেও, সম্পূর্ণ নির্ভয় হইতে পারিল না । ছোট বোন্টির মুখে ছুঁটুকরা পুড়ি গুঁজিয়া দিয়া তাহার মুখখানি কোলের মধ্যে লইয়া আদর করিয়া বলিল—ছিঃ নীলা সন্ধ্যাবেলা ওরকম করে থাকতে নেই । জানিস্ ত বাবা বলেন—

প্রভাতে সন্ধ্যায় আমি

অতি দুঃখময়

বসে থাকি তব আশে

পাব দরশন ॥

উপরে যা নীলা, দেখ্গে যা পশ্চিমের বারান্দায় আকাশের পানে চেয়ে বাবা কেমন বসে আছেন । সন্ধ্যার অল্প অন্ধকার তাঁর সুন্দর মুখখানিকে কেমন পবিত্র গম্ভীর করে তুলেছে—যা নীলা যা !

ফেগিলা উঠিয়া গেল । সুনীলা এক মিনিট নীরবে দাঁড়াইয়া কাৎলি নামাইয়া চায়ের সবঞ্জাম সজ্জিত করিয়া, বেহারাটার হাতে দিতেই ঘরের পাশ হইতে কে ডাকিল—সুনীলা !

সুনীলা বলিল—চলুন, চলুন, বাবা এখনও চা খেতে পান্ নি, আপনার জন্তে ! এত দেৱী করলেন কেন আজ ?

ট্রামের কারেন্ট বন্ধ হ'য়ে গেছিল !

উপরে আসিতেই হেরষনাথ সম্মুখে বলিলেন—এত দেৱী যে থগেন !

ফেণিলা ঝঙ্কার দিয়া বলিল—বলুন, আফিসে কাজের তাড়া !

খগেন্দ্র সহাগ্রে কহিল—না, ট্রানে দেবী হ'য়ে গেল।

সুশীলা চা পান করিয়া বলিল—বাবা, কাল তুমিও চল-না আমাদের সঙ্গে ?

হের্ষনাথ বিস্মিতস্বরে জিজ্ঞাসিলেন—কোথায় সুশীলা ?

সুশীলা বলিল—সেই যে—বাবা, কাল শনিবার আমাদের মাঠে যাবার কথা আছে। কাল মিঃ সিংহ আসবেন।

আমাকে আর কেন মা ? আমার কি আর ওসব দেখবার বয়স আছে সুশীলা ? এখন পৃথিবীর ঘোড়দৌড় শেষ ক'রে তাঁর চরণে পৌঁছুতে পারি—তবেই-না।

সন্ধ্যার অন্ধকার যেন অনেকক্ষণ কথাগুলিকে ঘরের মধ্যেই চাপিয়া ধরিয়া রাখিল। ফেণিলা সে নিস্তকতা ভাঙ্গিয়া দিয়া বলিল—বাবার ঐ এক কথা ! বয়েস আর বয়েস ! তোমার ক'টা চুলই বা পেকেছে বাবা ? আমাদের মিস্ টডের না মেঝ্ ?

মেঝ্ বলিল—হ্যাঁ !

হের্ষনাথ বলিলেন—ওরে পাগলী, না-ই পাকুল চুল, বয়সে ত আর নেই-ক ভুল !—এই ধর না, একুশ বছরে চাকরীতে ঢুকি, ৩৭ বৎসর চাকরী করি—কত হল ৫৮ হল ত ? পেন্সন পাচ্ছি ক'বছর, তের—কত হ'ল ৭১ একাত্তর বছর। বয়সটা কি কম হ'ল ?

উঃ বড্ড বেশী হ'ল !—বলিয়া নীলা হো হো করিয়া হাসিয়া উঠিল। আচ্ছা বাবা, আমার ঠাক্‌মা যখন বেঁচেছিলেন, তোমায় কি বলে আশীর্বাদ করতেন বল দেখি ?

## প্রীতির

### নিদর্শন

কেন বল ত ?

বলই না শুনি ?

সে কত বলতেন । দীর্ঘজীবী হও, সোণার দোত কলন হ'ক, দেশের  
দেশের মাথা হও, পাঁচজনের অন্ন দাও—এই সব ।

আর কি ?

শত বৎসর পরমায়ু হ'ক, ছেলে-মেয়ে....

নীলা হো হো করিয়া হাসিয়া বলিল—এখনো উনত্রিশ বছর, তার  
পরে তুমি বুড়ো হ'বে ৭১ আর ২৯—একশ ! আমার পুণ্যাশ্রা ঠাকুর  
কথা মিথ্যা হয় না ।

না, নীলা, তাঁর কথা এজাবনে সবই ফলেছে, একটাও বিফল হয় নি ।

তখন সেই প্রসঙ্গই আলোচিত হইতে লাগিল । সে কথা বলিতে  
বলিতে হেরস্বনাথ কাঁদিয়া ফেলিলেন ; শ্রোতারাও তাঁহার মুখের পানে  
চাহিয়া চক্ষের জলে ভাসিয়া গেল । সব শেষে হেরস্বনাথ বলিলেন—তাই  
যখন মনে হয় খগেন যে এরা, এদের মা'র স্নেহের বর্ষের ভেতরে থেকে  
পৃথিবীর ঝঞ্ঝা ব্যত্যয়ের সন্মুখীন হ'তে পারে নি, তখন এরা কষ্টই বা হ'বে  
কোথেকে আর দৃঢ়তাই বা পাবে কোথায় ? না যে পৃথিবীতে একটির পর  
আর একটি, তারপর একটি এমনি করে সন্তানকে সব জিনিষে তৈরী করে  
নে—যেমন পাখিটি তার শাবককে ডানার পাশে পাশে খানিকটা করে  
উড়িয়ে আবার বাসায় ফিরে আসে । আবার নে যায়, আবার ফিরে  
আসে, যতদিন না বাছাটি নিজের ডানায় ভর দিয়ে ঐ আকাশে বেড়িয়ে  
বেড়াতে পারে ; যতদিন না সে অসংখ্য শত্রু, বিপদ-আপদ সব বাঁচিয়ে  
নিজের আহারটি, নিজের বাসাটি দেখে নিতে পারে ।

## প্রীতির

## নিদর্শন

রাত্রি অনেক হইয়া গেছে, যখন কথাবার্তা শেষ হইল দশটা বাজে ।  
হেরষনাথ সুনীলাকে জিজ্ঞাসা করিলেন—হ্যামা অন্তপূর্ণা, খগেন এত  
রাত্রে মেসে গিয়ে দু'টো কড়কড়ে ভাত খাবে ?

ফেগিলা সোল্লাসে বলিয়া উঠিল—কেন, আমরা কি ওঁকে খাওয়াতে  
পারি না !

সুশীলা বলিল—সেই ভালো, খগেন, এইখান থেকেই যা হয় দু'টো  
খেয়ে যাও । সুনীলা.....

সুনীলা বলিল—খাবার যথেষ্টই আছে, তবে উনি যদি.....

খগেন বলিল—বাসায় ভাতগুলো নষ্ট হ'বে বড়দি !

হোক গে যাক । যেতেই যে বারোটা বেজে যাবে ।

সুনীলা বলিল—আর ভাত ত নয় আমাদের বাড়ী—লুচি, কুটী সব  
রকমই আছে ।

খগেন বাথাস্ক্রুমুখে কহিল—আমি যে রাত্রে ভাত ছাড়া কিছুই  
খাইনে ।

আর কেহই কোন কথা কহিল না । খগেন্দ্র কিংকর্তব্য ভাবিতে  
ভাবিতে দাঁড়াইয়া উঠিল, এবং সোজা দুই হাত কপালে ঠেকাইয়া বলিল—  
আমি যাই জ্যোঠাম'শায় !

হেরষনাথ মেয়েদের মুখের পানে চাহিতে চাহিতে বলিলেন—যাবে !  
তাইত ! যাবে !

ফেগিলা বলিল—আপনি কি কখনো কোথাও নেমস্তন্ন যান্ না, খগেন  
বাবু ? আমাদের বাড়ীর নেমস্তন্ন হলেই হয় আপনার শিরঃপীড়া, নয়  
পেটের পীড়া.....

## প্রীতির

### নিদর্শন

সুশীলা হাসিয়া বলিল—ঠিক বলেছি নীলা ! হাঃ হাঃ ।

হেরষনাথ চেয়ার ছাড়িয়া উঠিলেন, বলিলেন—তাহ'লে আর রাত  
করো না বাবা !

খগেন—আজ্ঞে না—যাই—বলিয়া পুনরায় হাত তুলিতেই ফেগিলা  
বলিল—খেয়ে যাবেন না বুঝি ?

না, নীলা, ওঁকে বাসায় যেতেই হ'বে । কোথাও খাওয়া খগেনের  
সহ হয় না ।—বলিয়া হেরষনাথ সিঁড়িতে নামিতে লাগিলেন । সুশীলা,  
সুনীলা, ফেগিলা—তিনজনেই সেখানে মূঢ়ের মত দাঁড়াইয়া রহিল ।

দরজার কাছে আসিয়া হেরষনাথ বলিলেন—কাল সকালে, সময় কবে  
একবার আসতে পারবে কি খগেন ?

পারব ।

তাহ'লে আটটা, এই রকম সময়ে এসো । একটা বিশেষ কথা  
আছে ।

উপরে উঠিয়া আসিতেই সুশীলা জিজ্ঞাসিল—তোমার খাবার দেওয়া  
হ'ক বাবা ?

হ'ক-- বলিয়া হেরষনাথ বারান্দার সুইচটি অফ করিয়া অন্ধকারে  
চুলের মধ্যে আঙ্গুল পুরিয়া আকাশের পানে চাহিয়া বসিয়া রহিলেন ।

ফেগিলা কি একটা বলিতে আসিতেছিল, পিতাকে তদবস্থ দেখিয়া  
ফিরিয়া গেল । সুনীলা ডাকিল—বাবা !

যাই না, বলিয়া হেরষনাথ চটি জুতাটা পরিয়া নামিয়া গেলেন ।  
বাল্মীকির পাশে খাবার-ঘরে মেয়েরা অপেক্ষা করিতেছিল, হেরষনাথ  
আসনে বসিবার পূর্বেই বলিলেন, খাওয়া দাওয়া নিয়ে ওকে তোমরা

প্রীতির

নিদর্শন

পীড়াপীড়ি ক'র না মা । আমি ওর বাবাকেও জানি, ওকেও জানি ।  
ওরা নিজের মত বদলাবার লোক-ই নয় । আর, যদি ওর এই গুচিটাটুকু  
রেখে-ও সন্তুষ্ট হয়—থাক্ না-মা ! বেশ ত !

## চতুর্থ পরিচ্ছেদ

শ্রোতের মুখে ।

পরদিন মাঠে হঠাৎ দেখা গেল, খগেন ঘুরিয়া বেড়াইতেছে । ফেণিলা সুনীলাকে চাপিয়া ধরিয়া বলিল—কেমন-তাই মেঝ্, বলি নি আমি ?

সুনীলা কিন্তু বাস্তবিকপক্ষে ক্ষুব্ধই হইয়াছিল । কেন সে আসিল ? তাহার ইচ্ছার বিরুদ্ধে তাহাকে আসিতে কেই-বা বলিয়াছিল । না-আসিলে কি এমন মন্দ হইত ? সুনীলা কোন কথা কহিল না । ফেণিলা আনন্দাতিশয্যে একবার গ্যালারীর শীর্ষে, একবার মাঠের মাঝে—ছুটাছুট করিয়া বেড়াইতে লাগিল ।

প্রথম দিনটি তাহারা কেবলমাত্র ঘোড়দৌড় দেখিতে গিয়াছিল । কিন্তু পরের শনিবারে তাহারা ছ'পাঁচ টাকার বাজীও ধরিয়া ফেলিল ! ভাগ্যদেবী বোধ করি সে'দিন ইহাদের প্রতি প্রসন্নই ছিলেন, কনবেশী লশ পনেরো কুড়ী টাকা জিৎ খেলার শেষে সকলেরই রহিয়া গেল ! এইখানে বলিয়া রাখা আবশ্যক হইতে পারে যে, এই ঘোড় দৌড়ের মত সজীব জুয়ায় ছ'রকমের লোক মাতিয়া ওঠে ! একদল, যাহারা প্রথমেই কিছু লাভ করিতে পারে, অল্প দল—যাহারা প্রথমেই মোটামুটি হারিয়া আসে । প্রথম দলের নেশা চাপে, এবার পাঁচ আসিল, সুবিধানত ধরিলে যে পঞ্চাশ, চাই কি, পাঁচ শ' না আসিবে তাহার স্থিরতা কি ? শেষের দল দেখে, অমুক এত পাইল, তত পাইল, আমার যে এতগুল

গেল, একদিন ত হারটা না উঠাইলে চলিতেছে না। এই সময়ে এই প্রতিজ্ঞাও তাহারা করে যে, যা হইবার হইয়াছে, হারটি উঠিলে আর মাঠের পথে চলিবে না। কালে দেখা যায়, মত্বপের মত্ব ত্যাগ, চোরের সাধুতা অবলম্বনের মত্বই তাহাদের ভীষ্ম প্রতিজ্ঞাসমূহ অতলে ভাসিয়া গেছে।

তবে ইহাদের পক্ষে অল্প কথাও খাটিতে পারে, ঘোড়দোড়ের মধ্যে যে সজীবতা আছে, বোধ করি ফুট-বল ক্রিকেট ম্যাচের মধ্যেও তাহা নাই। ইহা, ভিন্নজাতির বিপক্ষে স্বজাতির ফুটবল ম্যাচে আমাদের আন্তরিকতা পূর্ণ মাত্রায় ফুটিয়া উঠে সত্য, কিন্তু স্বার্থের দিক্ দিয়া দেখিতে গেলে, রেশের মত এমন উপাদেয় স্বার্থপূর্ণ খেলা কুত্রাপি নাই।

এ শনিবারে খগেন আফিস চইতে মাঠে গিয়া দেখিল, সিংহ সাহেবের পার্শ্বে সুশীলা, এবং অল্পদূরে বাছ-সম্বদ্ধ হইয়া সুনীলা ও ফেণিলা গ্যালারীর ঠিক নীচেই দাঁড়াইয়া আছে। ফেণিলা খগেনকে দেখিয়াই বলিয়া উঠিল—তিনি কৈ, খগেনবাবু?

খগেন একদৃষ্টিতে যতদূর পারে মাঠটা দেখিয়া লইয়া বলিল—কি-জানি!

সিংহ সাহেব বলিলেন—এই-যে খগেনবাবু এসেছেন। কৈ—টিপ্-টাপ বলুন ছুঁচারটে! শুনে নিই আমরা।

খগেন বিক্রপটা মানিয়া লইল বটে, কিন্তু ফেণিলা সুদৃষ্ট আসলটা তৎক্ষণাৎ ফিরাইয়া দিল। বলিল—খগেন বাবুর কাছে টিপের প্রত্যাশা করে' ত আর আপনি বাড়ী থেকে আসেন নি, ঘনশ্যাম বাবু। আপনার কত লোক আছে—ভাবনা কিসের?—বলিয়া সে ন্তানমুখী



## প্রীতির

### নিদর্শন

খগেনকে জিজ্ঞাসিল—তিনি ত এইখানেই থাকবেন—বলেছিলেন না ?

খগেন আস্তে আস্তে কহিল—হ্যাঁ ! তবে তার দেৱী আছে । খাৰ্ড রেশ পর্য্যন্ত তিনি গ্র্যাণ্ডেই থাকবেন বলেছেন ।

ফেগিলা জিজ্ঞাসিল—গ্র্যাণ্ড কি খগেন বাবু ?

খগেন সংক্ষপে বুঝাইয়া দিল, তাহার যেমন সেকেন্ড এনক্লোজারে রহিয়াছে, ঠিক দক্ষিণে ও বামে আর দু'টি এনক্লোজার আছে । দক্ষিণেরটি হ'ল—খাৰ্ড, একটাকা প্রবেশ মূল্য ; আর যেটি বামে সে'টি গ্র্যাণ্ড, পাঁচটাকা গেটে দিয়ে ঢুকতে হয়,—অধিকন্তু গ্র্যাণ্ডে ধূতি চাদরে প্রবেশাধিকার পাওয়া যায় না । টাই ও টুপির দরকার । ঐ-যে দেখ না, সব সাহেব, মেম ।

শুনিয়াই ফেগিলা বলিল—ওখানে বাঙ্গালী যায় ?

কেন-যাবে না ? বলিয়া সিংহ ভ্রুকুটি করিলেন ।—আমি ত আগে বরাবরই যেতুম । এখানে তোমরা আছ বলেই.....

না, ঘনশ্যামবাবু আপনার ওখানেই যাওয়া উচিত । টাই বেঁধে টুপি এঁটে হংসমধ্যে.....

সুনীলা ফেগিলার বাহুস্পর্শ করিয়া বলিল—কি হচ্ছে নীলা ?

সুনীলা কোন কথা না বলিলেও, সে যে নীলার প্রতি সন্তুষ্ট হয় নাই, ইহা তাহার মুখের পানে চাহিয়া কাহারই অবিদিত রহিল না । সুনীলা সুনীলার মনের ভাবটি বুঝিয়া ফেগিলাকে ডাকিয়া রেলিঙের ধারটিতে আসিয়া দাঁড়াইল । সেই সময়েই বোডে' জকির নাম উচ্চিতে-ছিল,—খগেন পকেট হইতে সত্ত্বাক্রীত চারি আনা মূল্যের রেসিং

গাইডখানি বাহির করিয়া কপিং পেন্সিলে জকির নাম টুকিতে আরম্ভ করিয়া দিল।

সিংহ সাহেব টিকিট কিনিতে গেলেন, ফেণিলা বলিল—কি খেলবেন, খগেনবাবু?—খগেন খেলিবে না শুনিয়া সেও খেলিবে না বলিল। কেবল সুনীলা পাঁচটি টাকা খগেনের হাতে দিয়া বলিল—আমার ওনা, মার্কেট রক্ একখানা ধরে আসুন-না।

খগেন জিজ্ঞাসিল—উইণ ?

নিশ্চয়ই। প্লেসে আর দেবে কি !

খগেন চলিয়া গেল। সুনীলা জিজ্ঞাসিল—তোরা বুঝি খেলবে নে ?

ফেণিলা বলিল—উহ—খগেনবাবু বলেন, হার্ডলে (খানা-পগারে) কে ওঠে পড়ে তার কিছু ঠিক নেই না খেলাই ভাল।

আমরা ধরেছি।

সুনীলা জিজ্ঞাসিল—কি—বড়দি ?

ব্র্যাণ্ডচক্।

তৃতীয় বাজী শেষ হইবার অল্পক্ষণ পরেই ফেণিলা খগেনের বাহুতে টান দিয়া কহিল—ঐ যে খগেনবাবু তিনি এসেছেন।

খগেন দেখিল। ফেণিলা তাহাকে তখনি টানিয়া লইয়া ঘাইতে চায়। কিন্তু খগেনের মনের মধ্যে কেমন একটা সঙ্কোচ উঠিয়া তাহাকে পিছাইয়া আনিতেছিল। তাহার একটু কারণও হইয়াছিল। নীলা যে সময়ে খগেনকে আগন্তকের আগমন বার্তা বিজ্ঞাপিত করিল, ঠিক সেই সময়েই সিংহ সাহেব বারবার তাহার দিকে চাহিয়া মৃদু হাস্য করিতে

## প্রীতির

### নিদর্শন

লাগিলেন : মধ্যে ব্যবধানটা একটু বেশী ছিল বলিয়াই বোধ করি এ-যাত্রা বিদ্রূপ বাণটা হইতে খগেন রক্ষা পাইল ।

সুশীলাও আগন্তুককে দেখিয়াছিল, সিংহ সাহেবের হাসিটাও সে দেখিয়াছিল, সে-ই খগেনকে উৎসাহ দিয়া বলিল—ওঁর সঙ্গে দেখা করুন-না, খগেনবাবু !

খগেন কাছে আসিতেই বীরদৎ সহাস্ত্রে কহিলেন—কি-রকম খেললেন, বলুন ?

ফেগিলাকে দেখিয়া বীরদৎ মাথার টুপি তুলিয়া বলিলেন—আজও খেলবেন না-কি ?

ফেগিলা বলিল—খেলব ।

তবে কোথায় রেসে ঐ এনং কিং অব্ বিজ্কে ধরে দিন খান কতক ।

তাহার মুখের কথাই ইহাদের পক্ষে যথেষ্ট হইয়া গিয়াছিল, তাহারা বিনাবাক্যব্যয়ে খগেনকে টাকা সমেত পাঠাইয়া দিল ।

ফেগিলা জিজ্ঞাসিল—আচ্ছা, আপনি এত খবর কোথায় পান্ বলুন-না ?

বীরদৎ মৃদু হাসিয়া কহিল—সে আর বেশী কথা কি ?

সুশীলা নিকটে আসিয়া জিজ্ঞাসিল—কি ধরলি নীলা ?

নীলা বলিল। সুশীলা বলিল—আমরা অত্ৰ একটা ধরেছি ।

এও ছ'খানা ধরব না-কি ?

সুশীলা বলিল—দেখই না-দিদি ! দশটাকা বৈ ত নয় ।

সুশীলা চলিয়া গেল ।

দোড় শেষ হইল। কিং অব বিজ্ পাঁচ টাকায় চৌষটি টাকা দিয়া  
গেল।

সুশীলা ছুটিয়া আসিয়া জিজ্ঞাসিল—এবারে কি খেলবি নীলা ?

নীলা বীরদত্তর পানে চাহিতেই বীরদত্ত মুহ হাসিয়া বলিলেন—একটা  
খুব খারাপ ঘোড়া আছে—ধরবেন ? লোকে কিন্তু শুনলে হাসবে।

নীলা বলিল—হোক—খারাপ—ধরব।

বীরদত্ত বোর্ডের দিকে চাহিয়া কহিল—দেশের জাক-কে ব্যাক  
করুন তবে।

সুশীলা বোর্ড দেখিয়া জিজ্ঞাসিল—১১নং—বীরদত্ত ?

বীরদত্ত খগেনের দিকে চাহিয়া বলিল—আপনারা শেষ অবধি আহ্ন  
৩? আমি আসুব'খন শেষের দিকে।

মরি বাঁচি করিয়া এবং কেবলমাত্র সুশীলার কথা রাখিতেই সিংহ  
মাহেব ১১ নম্বরকে দশটাকা ধরিয়া দিলেন। খগেন, সুশীলা ও নীলা  
প্রত্যেকে দশখানি টিকিট কিনিয়া বেড়ার ধারে দাঁড়াইয়া রহিল।

বিক্রয়ের তালিকায় দেখা গেল, ১১ নম্বরে মাত্র ১৭ খানি বিক্রয় ;  
খগেন বলিতেছিল—গেন্ লাসেটকে কেউ ধরেনি নীলা। ঘোড়াটা  
কোথাও কখনও সেকেও খাউও হ'তে পারে নি। সে উইন্ করবে, এ  
আর কে বিশ্বাস করবে, বল ?

নীলা বলিল—আর কেউ করুক না-ই করুক আমি বিশ্বাস করি।

খগেন বলিল—যদি না আসে ?

নীলা বলিল—গেল ! তা'তে আমার দুঃখ নেই, খগেন বাবু। আজ  
ত আর ঘরের পয়সা যায় নি।

## প্রীতির

### নিদর্শন

সেই এক সান্ত্বনা । কেহই আর কিছুই বলিল না । ষোড়দৌড় আরম্ভ হইয়া গেল । ফেণিলা খাতার সঙ্গে মিলাইয়া জকির কালো জামা ও কালো টুপি খুঁজিতেছিল, কিন্তু দেখিতে পাইল না । একটা লাল পোষাক সর্ব্বাগ্রে ছুটিয়া আসিল, সকলেই তাহার নাম ধরিয়া চীৎকার করিতেছিল । সিংহ সাহেব নিজে সেটিকে ধরিয়াছিলেন কিনা জানি না, তবে তাহার বিরাট বপু কাঁপাইয়া সেই নামটিই তাহার কণ্ঠে পুনঃপুনঃ নিম্নাদিত হইতেছিল ।

শুশীলা বলিল—আমি বলেছিলুম...

সিংহ সাহেব সহাস্যে ডাকিলেন—ও নীলা-নীলা !

নীলার কণ্ঠরুদ্ধ হইয়া আসিতেছিল—একমুহূর্তের জন্ত । তারপরই দেখা গেল, কালো জামা কালো পোষাক সর্ব্বাগ্রে দেখা গিয়াছে । নীলা প্রাণপণ শক্তিতে চীৎকার করিয়া উঠিল—বীরদৎ ! বীরদৎ !

নম্বর উঠিল—১১

সিংহ সাহেব মুখখানা হাঁড়ীর মত করিয়া বলিলেন—থগেন বাবুর বরাতটা দেখছি খুবই ভালো ।

এই সময়ে সেই লোকটি আসিয়া দাঁড়াইলেন । থগেন হাসি মুখে অগ্রসর হইতেই ভদ্রলোক কার্ড কেস্ট খুলিয়া একখানি কার্ড বাহির করিয়া কহিলেন—এইতেই আমার নাম ঠিকানা পাবেন, যদি কখনো দরকার হয়...বলিয়া কার্ডখানি থগেনের হাতে দিয়া টুপি তুলিয়া কহিলেন—নমস্কার, নমস্কার ।

থগেন যখন কার্ডটি পাঠ করিয়া চক্ষু তুলিল, ভদ্রলোক দৃষ্টিচক্রের বাহিরে । থগেন নীলার হাতে কার্ডটি দিয়া বলিল—আমি আসছি, নীলা ।

## প্রীতির

## নিদর্শন

নীলা পাঠ করিল :—

দ্বিঃ বীরদৎ

টারফ্ ক্লাব

কাঠখোলা

কলিকাতা

দত্তবাটী।

থগেন আসিয়া বলিল—তোমাদের ওখানেই একদিন আসতে বলে এসেছি নীলা!—সুশীলার দিকে ফিরিয়া বলিল—উনি একদিন আসবেন, বলেছেন।

বেশ ত!

আর জান দিদি, সেদিন কাগজে বেরিয়েছিল, বিলেতে বীরদৎ ডারবি খেলায় ঘোড়দৌড় করতেন!

সুনীলা বলিল—সত্যিই কি উনি বাঙ্গালী?

ফৌগলা বলিল—বাঙ্গালী বৈ কি! দেখলি নে মেঝ, তখন আমায় বলেন—স্বজাতিকেই ব্যাক্ করুন।

এই সময় হেরশনাথ উপস্থিত থাকিলে, নিশ্চয়ই বলিতেন—তা'হলে এখন চল, কি-বল-হে!

সত্যিই সেদিন যখন খেলা-শেষে তাহারা ট্যান্ড চড়িয়া হাসিমুখে গৃহে ফিরিতেছিল, তখন তাহাদের মুখে কেবল মাত্র বীরদত্তেরই আলোচনা জাগিয়া রহিল। বীরদৎ সুপুরুষ, শক্তিমান, তদুপরি রেশ্‌গার্মীদের সৌভাগ্য দেবতার মত, সুতরাং এই নবীন জুয়াড়িরা যে তাহারই প্রসঙ্গ আলোচনায় মতিয়া উঠিবে, তাহাতে আশ্চর্য্য হইবার কি আছে?

## শব্দম শব্দচ্ছেদ

### জুয়াড়ি।

সেদিন গন্ধার কিঞ্চিৎ পূর্বে খগেন ট্রামে চড়িয়া আফিস্ হইতে ফিরিতেছিল। সে সময়ে প্রায়ই খালি ট্রাম মিলে না, জানি না কেন— এইখানা খালি ছুটিতেছিল। সামনের বেঞ্চে দুইটি মাড়োয়ারী বসিয়া নিশ্চয়ই কথাবার্তা কহিতেছিল—তাহারা মাঝে মাঝে খগেনের দিকেও সন্দিগ্ধ দৃষ্টিতে চাহিতেছে।

আকাশে মেঘের ঘনঘটার দিকে চাহিতে চাহিতে তাহাদের কথা চলিতেছিল। হঠাৎ একসময়ে খগেন শুনিতে পাইল—দশ্ সে হাজার!

আবার শুনিল—সাত বাজে সে দশ বাজে তক্।

জরুর।

খগেন শুনিয়াছিল—মাড়োয়ারীদের মধ্যে জলের খেলার বাজী প্রচলিত আছে। একপক্ষ একটা সমদ্র নির্দেশ করিয়া বলে—অমুক সময় হইতে অমুক সময় মধ্যে যদি বৃষ্টি হয়, তবে সে এতটাকা দিতে প্রস্তুত আছে; অপর পক্ষ তাহার বিপক্ষে আর একটা বাজী রাখে।

খগেন আকাশের কৃষ্ণ মেঘের পানে চাহিয়া দেখিল, বৃষ্টি অবশ্যস্বতী। আকাশের কোনদিকে কোথাও এতটুকু ফাঁক নাই—কৃষ্ণ মেঘে ভরিয়া গেছে।

খগেন বলিল—দশটার ভিতর বৃষ্টি না হইয়া যায় না।

## প্রীতির

## নিদর্শন

একজন মাড়োয়ারী উঃ হইয়া বলিল—বাজী ?

থগেন আর একবার আকাশের দিকে চাহিয়া বলিল—আপনি বলুন ?

মাড়োয়ারী বলিল—হাজারে পাঁচ ।—পাঁচের দর !

থগেন বলিল—কত ? দু'হাজারে দশ ?

মাড়োয়ারী বলিল—আইয়ে ! নগদ ?

থগেন পকেট হইতে সেভিস ব্যাঙ্কের খাতাখানা মাড়োয়ারীকে দেখাইয়া বলিল—দু'হাজার একশো আছে ।

মাড়োয়ারী খাতাখানা লইয়া টুপ্ করিয়া নামিয়া তাহাকে অনুসরণ করিতে বলিল । অনেক গলি ঘূঁজি পার হইয়া, গোলক ধাঁধায় ঘুরিয়া, থগেন একটা অন্ধকার বাড়ীর মধ্যে প্রবেশ করিল । অন্ধকারে সিঁড়িতে উঠিতে উঠিতে দু'তিনবার সে পড়ি পড়ি হইয়াছিল, মাড়োয়ারীটি তাহাকে ধরিয়া উপরে লইয়া আসিল । তাহাদের হস্তধৃত হইয়া যে ঘরটায় সে নীত হইল, সে যেন অন্ধকার বাড়ীর ঘরই নহে । ঘরে কন্ম করিয়া পাঁচটি ইলেকট্রিকের ঝাড় জলিতেছে, স্নদৃশ কাশ্মিরী কার্পেট মেঝের পাতা, চার কোণে চারটি বুক্ কেস্, একধারে বেজ্ বসানাবৃত সেক্রেটারিয়েট টেবলের আশে-পাশে পাঁচ সাতখানা মেহগি চেয়ার, টেবলের উপর কাঁচের ফুলদানিতে একঝাড় সিজন্ ফ্রাওয়ার ।

থগেনকে কক্ষে বসাইয়া মাড়োয়ারী জিজ্ঞাসিল—কুছ্ ‘পাণি উনি ?’

এই সময়ে সে প্রতাহ-ই হেরঘনাথের বাসায় এক পেয়লা চা আর কিছু না কিছু খাইতই, কিন্তু অপরিচিত স্থানে, অত্যন্ত ক্ষুধা স্বত্ত্বেও কিছু খাইতে পারিল না ।

সাতটা বাজিতেই মাড়োয়ারী বলিল—বাজী আরম্ভ ।



## প্রীতির

### নিদর্শন

অন্ত মাড়োয়ারীটি ও খগেন সায় দিল।

মাড়োয়ারী খগেনের ব্যাঙ্কের খাতা খগেনকে দিয়া জিজ্ঞাসিল—করম আছে আপনার কাছে ?

খগেন সেইদিনই ব্যাঙ্কে টাকাটা গচ্ছিত করিয়া আসে, কয়েকখানা উইথ ড্রয়াল ফর্মও সে আনিয়াছিল, বলিল—আছে।

মাড়োয়ারী বলিল—দু'হাজার টাকার একখানি ফর্ম তৈয়ার করুন।

সে নিজেকে একখানা চেক বহি বাহির করিয়া বেয়ারার চেক কাটিয়া খগেনের সামনে ধরিয়া বলিল—এই নিম্ন, আমি দশহাজারের বেয়ারার চেক কাটিয়া দিলাম।

খগেন কলমটা তুলিয়া লইল। হাতটা একটু কাঁপিল, বৃকের মাঝে যেন একটা কাঁটার মত কি খচ করিয়া উঠিল। তখন মনে হইল, এ ত বরের পয়সা নয়, রেশেই ত জিতিয়াছি, না-হয় জুয়ার পয়সা জুয়াতেই গেল।—খগেনের স্মরণ ছিল এ কথা ফেগিলাই তাহাকে একদিন বলিয়াছিল। তবুও, হাতটা—কাঁপিল বৈ-কি ; বৃকটাও একটু কাঁপিল যে ! এতটা টাকা, খুড়তুতো বোন্টির বিবাহ আসন্ন ! যাইবে ?

তখন মনে হইল, যাইবে কেন ? রুষ্টি নিশ্চয়ই হইবে। তখন দশহাজার আমার।

অন্ত মাড়োয়ারীটির সঙ্গেও দেনা পাওনা মিটিয়া গেল। খগেন একবার করিয়া ঘড়ির পানে, আর একবার বাহিরে আকাশের পানে চাহিয়া দেখে। আট-টা বাজিল, সাড়ে আট-টা,—ক্রমে ঢং ঢং করিয়া ন'টাও বাজিয়া গেল। আকাশ কালো করিয়া মেঘ যেমন জমিয়া ছিল, তেমনি রহিয়া গেল। খগেনের অন্তরাঙ্গা শুকাইল। না—না—ঐ যে,

ঐ যে! ঐ বাতাস উঠিয়াছে। চারিদিকের খড়খড়ি জানেলা পড়ার বন বন শব্দে কাণে তালী লাগিবার উপক্রম হইল। খগেন রুদ্ধশ্বাসে অপেক্ষা করিতে লাগিল। অনেকক্ষণ প্রবল বায়ু বহিয়া বন্ধ হইয়া গেল। তখন মাড়োয়ারীটিরও মুখ শুকাইয়া উঠিয়াছে। সে তাড়াতাড়ি বাহিরে উঠিয়া আসিল। খগেনও বাহিরে আসিয়া দাঁড়াইয়াছিল। মাড়োয়ারী জিজ্ঞাসিল—কেতা বাজা হায়?

খগেন ঘড়ি দেখিয়া বলিল—পৌনে দশ।

মাড়োয়ারী সোল্লাসে কহিল—বহুৎ খুব।

খগেন আকাশের দিকে চাহিয়া দেখিল, মেঘ কাটরা শরতের নীলাকাশে ঘোমটা-টানা নববধূটির মত লজ্জারঙীন মুখে চাঁদ প্রকাশ পাইতেছে। দেখিয়াই সে ধপাস করিয়া মাটিতে বসিয়া পড়িল।

দশটার পর একরকম সর্কস্বাস্ত হইয়া টলিতে টলিতে বাসায় ফিরিয়া গেল। তাহার ঘরের টাকা নয় বটে, কিন্তু এই টাকাটা লইয়াই সে কত না আকাশ কুসুম করিতেছিল। কালও সে, দেশে খুড়ামাকে লিখিয়াছে, আপনি নিজের পাত্র স্থির করুন। আমি হাজার দুই টাকার সংস্থান করিয়াছি। কাল সত্য সত্যি তাহার দুই হাজার টাকা ছিল, আজ সে—নিঃশ্ব। সে পুরুষ মানুষ, সবই তাহার সহ্য হইবে, কিন্তু চতুর্দশবর্ষীয়া অল্পটা কুমারীর জননী, নিজের মা, তাহার খুড়ীমা—তিনি যে কেবলমাত্র তাহারই মুখের পানে চাহিয়া আছেন, তিনি? তিনি কি মনে করিবেন? তিনি কি ভাবিবেন না যে, খগেন প্রতারণা করিয়াছে।—নিভা তাহার আপনার ভগ্নী নহে বলিয়াই সে এমন দুর্জীবহারটা করিতে পারিল!

## প্রীতির

### নিদর্শন

মেসের বাসার ঠাকুর খালার উপর ভাত রাখিয়া কাঁসি চাপা দিয়া, জলের গ্লাসের উপর বাটিতে খানিকটা দাল রাখিয়া যথাসময়ে বাসায় চলিয়া গেছে। মেসের ঝিরা-প্রায়ই রাত্রে থাকে না,—ভাতের খালায় গামছা চাপাইয়া স্বগৃহে গমনান্তর আহায়ে বসে। খগেনের আহায়ে ইচ্ছা ছিল না,—নতুবা ঝি ও ঠাকুর উভয়ে মিলিয়া যে কাণ্ডটী জ্বাজ করিয়া গিয়াছিল, তাহাতে ‘মরা মানুষের রক্ত’ ও গরম হইয়া উঠিত।

ঠাকুর ভাত বাড়িতে গিয়া ভুলবশতঃ হাঁড়ী পরিষ্কার করা স্ত্রীতাটিই কাঁসি চাপা দিয়াছে, ঝি জলের পরিবর্তে গ্লাসে খানিকটা দধি রাখিয়া গেছে। মেসের ম্যানেজার সত্যচরণবাবু দ্বিবা-রাত্রে অর্ধসের দধি ভোজন করিতেন। তাহারই কতকাংশ শ্রীমতী সৌদামিনীর নিত্যনৈমিত্তিক বরাদ্দের মধ্যে ছিল—আজ ভ্রম-বশতঃ দধির গ্লাসটি ফেলিয়া সে একটা জলের গ্লাসই লইয়া গিয়াছিল।

খগেন এ-সবের কিছুই জানিতে পারিল না। সে জামা-জুতা খুলিয়া অন্ধকারে হাঁতড়াইয়া বিছানাটা পাতিয়া, হুঁহাতের মধ্যে মুখ গুঁজিয়া শুইয়া পড়িল।

টাকাটা গিয়াছে বলিয়া তাহার দুঃখ নহে, সে খুড়ীমার কথাই ভাবিতেছিল। আজই হ’ক্, কালই হ’ক্ যদি তাহার পত্র আসে—‘আমি পাত্র স্থির করিয়াছি, ওরায় তুমি টাকা লইয়া আসিবে’—তখন সে কি করিবে?

শুধু তাই নয়। হেরৎনাথের কথাগুলিও তাহার মনে পড়িয়া গেল। তিনি ত এই আশঙ্কাই করিয়াছিলেন। জুয়ার পরিণাম এইরূপ হইয়া থাকে—তাঁহার কথা অক্ষরে অক্ষরে ফলিয়া গেল।

## প্রীতির

### নিদর্শন

অনেক রাত্রি পর্য্যন্ত সে বিছানায় পড়িয়া ছটফট করিতে লাগিল। অশ্রু একটা ঘরে হরিচরণবাবু অনেক রাত্রে কোথা হইতে আসিয়া ভুল বকিতেছিলেন, তাহারই এক একটা শব্দ মাঝে মাঝে খগেনের বুকটিকে আলোড়িত করিয়া তুলিতেছিল। হরিচরণ বাবুরও বোধ করি সে রাত্রে কিছু টাকা খোঁওয়া গিয়াছিল, তিনি তাহারই উল্লেখ করিয়া বার বার বলিতেছিলেন—আমাকে ফাঁকী দেওয়া! যুবু দেখেছ ফাঁদ দেখনি? তোমার ভিটে মাটি চাঁটি না করি ত আমার নামই হরিচরণ চাটুখোঁ নয়। বাঘের ঘরে ঘোগের বাসা……ইত্যাদি।

খগেন একবার ভাবিল—ইংরেজ রাজত্বে জলের খেলা, তুলাঃ খেলা এ সমস্ত জুয়া নিষিদ্ধ। ইচ্ছা করিলেই সে মাড়োয়ারীদের পুলিশে ধরাইয়া দিতে পারে। বাড়ীটা বা রাস্তাটা তাহার মনে নাই বটে, তবে ব্যাঙ্কে যখন তাহার টাকা তুলিতে যাইবে, তখন ত অক্লেশে ধরাইয়া দেওয়া যায়। তা না থাক্ টাকাটার পেমেণ্ট বন্ধ করা চলিতে পারে। তাহা হইলে তাহার টাকাটি ত বাঁচিয়া যায়।

আবার ভাবিল, না—কাজ নাই। ঐ টাকাটা গিয়া তাহার বড়ই উপকার হইয়াছে। আর সে জুয়ার নামও করিবে না। অন্ধকারে যুক্তকর কপালে ঠেকাইয়া বলিতে লাগিল—হে দয়াময় দয়া কর। আমার মনে খেল দাও, আর নয়, আর নয়। জুয়ার পয়সা জুয়াতেই গেছে, থাক্—আর যেন ও নেশা আমাকে পাইয়া না বসে, দয়াময়।

দয়াময় সেই অন্ধকারেই যে হাসি-টা হাসিলেন, মানুষ-খগেন শুধু অন্ধকার বলিয়াই সে'টি দেখিতে পাইল না।

## ষষ্ঠ পরিচ্ছেদ

### নীলার উৎকণ্ঠা ।

তিন-চারিদিন পরে সন্ধ্যাকালে খগেন আনিতেই নকলেই সমস্তের বলিয়া উঠিল—এই যে খগেনবাবু! এতদিন কি হ'য়েছিল আপনার?

হেরশ্বনাথ আরাম চেয়ার হইতে উঠিয়া বসিয়া বলিলেন—তুমি কি ভালো ছিলে না খগেন? তোমার চেহারাটা ত বেশ সুবিধের বোধ হ'চ্ছে না। অসুখ বিষুথ.....

খগেন বলিল—আজ্ঞে না, অসুখ এমন কিছুই না। তবে আফিসে বড় কাজ পড়েছে। যেতে হয় সেই ন'টার সময়, আস্তে রাত্রি দশটা বেজে যায়।

ফেণিলা বলিল—এমন চাকরী করেন কেন?

খগেন মৃত হাসিয়া বলিল—ভালো চাকরী পাই না বলে।

নাঃ, চেষ্টা করলে আবার পাওয়া যায় না! আপনার যেমন কথা।

সুনীলা উষ্ণতার উপক্রম করিতেছিল, ফেণিলা তাহার হাতটা ধরিয়া বলিল—ক পেয়ালা চা জমেছে, মেঝে?

সুনীলা বলিল—চারদিনের চার কাপ্।

ফেণিলা বলিল—খগেনবাবুর চার কাপ্, আমার এক, বাবার দুই, তোর এক—এই সাত কাপ্ করিস্। বড়দি'র ত এখনও দেখা নেই।

খগেন জিজ্ঞাসিল—চার কাপ্ খেতে হ'বে?

ফেণিলা বলিল—হ'বে না ? বাঃ রে !

আচ্ছা দিন। বড়দি কোথায় ?

তিনি সিন্ধী সাহেবের বাড়ী গেছেন। সেখানেই চা খাবেন—বোধ করি।

থগেন একবার হেরষনাথের দিকে চাহিয়া লইল। তিনি সম্পূর্ণ নির্বিকারচিত্ত। ছুটি হাতের দশটি আঙ্গুল একত্র করিয়া আকাশের পানে চাহিয়া কি ভাবিতেছিলেন।

ফেণিলা জিজ্ঞাসিল—এখনও আফিসে রাত্রি হ'বে ত ?

থগেন বলিল—বোধ হয় হ'বে।

ফেণিলা আর কিছুই বলিল—না। মুখখানা ভার করিয়া বসিয়া রহিল।

সুনীলা এক পেয়ালা চা থগেনের সামনে ধরিয়া দিয়া বলিল—চার পেয়ালা চা রাত্রে খেলে আর খাওয়া দাওয়া করতে পারবেন না—বুঝিল নীলা ?

ফেণিলা সে কথার কোনই উত্তর দিল না। সেদিকে জ্রফেপও করিল না। নিজের পেয়ালাটি নিঃশেষ করিয়া ঘরে উঠিয়া গেল এবং অনেক দিনের পরে এ-হেন সময়ে কতকগুলো বহি খুলিয়া আড়ম্বর করিয়া পাড়িতে বসিল।

থগেন উঠি উঠি করিতেছিল, এমন সময় সিংহ সাহেব, সুনীলা—ইঁহারাও দর্শন দিলেন।

সুনীলা জিজ্ঞাসিল—এতদিন আসেন-নি যে থগেন বাবু ?

থগেন কি বলিতেছিল, সিংহ সাহেব তৎপূর্বেই কহিলেন—আসবার

## প্রীতির

### নিদর্শন

আর সময় পাবেন কোথায় বলুন ? আজ কাল আবার জলের জুয়ায় মেতে উঠেছেন উনি ।

খগেনের মুখ চোখ, সহসা রাঙা হইয়া উঠিল, সে কথা বলিতে পারিল না ।

সিংহ সাহেব হাসিতে হাসিতে কহিলেন—গরীবের ছেড়ে, জুয়া টুয়া ছেড়ে দিন, বুঝলেন, খগেনবাবু ! দশ-বিশ হাজার থাক্ত—মন্দ হ'ত না । এই যে ছু'টি হাজার সেদিন দিয়ে এলেন, তারপর চারদিন একেবারে কলকাতাই তাগ—

সুশীলা জিজ্ঞাসিল—আপনি কলকাতায় ছিলেন না ?

সিংহ সাহেব বলিলেন—আমি বলছি শুনুন-না । আজই বৈকালে এসেছেন ।

খগেন আরক্তমুখে বসিয়া রহিল ।

হেরষনাথ কহিলেন—না, না এইমাত্র খগেন যে বলে আফিসের কাজ পড়েছে, আস্তে রাত হয় ……

সিংহ সাহেব বলিলেন—কৈ, বলুন-না শুনি ?

খগেন কথা কহিল না । ঘর একেবারে নিঃশব্দ । কৈশিলা বহিঃপত্র ফেলিয়া ঘরের পাশটিতে আসিয়া দাঁড়াইয়াছিল । সেদিকে খগেনের চোখ পড়িতেই চেয়ার ছাড়িয়া দাঁড়াইয়া উঠিল । কেবলমাত্র হেরষ বাবুকে একটা নমস্কার করিয়া সে ছপ ছপ করিয়া নীচে নামিয়া গেল ।

সিংহ সাহেব হেরষনাথকে লক্ষ্য করিয়া কহিলেন—দেখলেন ত ব্যাপারটা ?

## প্রীতির

## নিদর্শন

হেরশ্বনাথ চুলের মধ্যে আঙ্গুল পুরিয়া ক্রমাগত টানাটানি করিতে লাগিলেন। দু'তিন মিনিট পরে জিজ্ঞাসিলেন—কিসের খেলা বল্লেন ?

জলের। বুষ্টি হ'বে কি-না—তা'তেও জুয়া চলে কি না। বেশ মোটা রকমেই জুয়া। মেছোবাজার গ্যাড়াতলার গুণ্ডারা খেলে।

হেরশ্বনাথ নীরব।

সুশীলা বলিল—আর কলকাতা ছেড়ে কোথায় গ়েছলেন—বল-ছিলেন যে ?

সিংহ সাহেব বলিলেন—সে খবরটা পাই নি এখনও ঠিক। তবে কলকাতায় ছিল না—এটা নিশ্চয়ই। দেখলেন ত ?

তা ত দেখলুম—বলিয়া সুশীলা ফেণিলার দিকে দৃষ্টিপাত করিতে লাগিল।

সিংহ সাহেব হাসিতে হাসিতে বলিলেন—আর বোধ করি—এদিকে আসছে না-ও। অন্ততঃ যত দিন আমি আছি, কি বলেন ?

হেরশ্বনাথ ধীরে ধীরে বলিতে লাগিলেন—অবশ্য, খগেন জুয়া খেলে অগ্রায় করেছে, কিন্তু তার জন্তে আমি হুঃখিত নই। জুয়া—জুয়া ! ও রেশ-ও যা, এ'ও তা। কিন্তু গোপন করার কি অভিসন্ধি থাকতে পারে এবং মিথ্যা বলাই বা কেন ?

ফেণিলা তাঁহার পাশটিতে আসিয়া দাঁড়াইয়াছিল, সে-ই বলিল—না বাবা, এখনি একে মিথ্যে বলা যায় না। অন্ততঃ বিশেষ রকম প্রমাণ না পেলে.....

আবার কি প্রমাণ চান ? ওর পালানো দেখে বুঝলেন না ?



## প্রীতির

### নিদর্শন

ফেগিলা সিংহ সাহেবের কথায় কাণ না দিয়াই বলিল—বাবা, অন্য একসময়ে তাঁর কাছে সব কথা শুনে—কি-বল ?

হেরশ্বনাথ বলিলেন—তা ত শুন্তেই হ'বে। আমি কালই বিকেলে তা'কে সঙ্গে করে' ডেকে আন'ব'খন। জুয়া সে খেলতে পারে—ও সর্ব্বনেশে নেশা যার একবার ঢুকেছে তার আর নিস্তার নেই—কিন্তু সে মিথ্যে বলবে না ! তার বাপের চরিত্র আজ পর্য্যন্ত আমার সামনে জল্ জল্ করছে, দরিদ্র ছিলেন বটে কিন্তু সত্যকে তেমন করে জীবনের মন্ত করতে খুব অল্প লোককেই আমি দেখেছি।

ফেগিলা বলিল—না বাবা, খগেন বাবুও মিথ্যা বলবেন না—এ আমি নিশ্চয় বলতে পারি।

সুশীলা বিরক্ত হইয়া বলিল -তুই ত সব জানিস্ নীলা !

ফেগিলা সে কথার জবাব না দিয়াই বলিল—কাল বিকেলে তাঁর বাসায় তুমি যাবে ত বাবা !

যাব বৈ কি-মা ! বিকেলেই যাব।

সিংহ সাহেব বলিতেছিলেন—সাহসকেও বলিহারী ! মেছোবাজারের গুণ্ডাদের সঙ্গে কথা কইতেই আমাদের ভরসা হয় না, উনি কি-না গেলেন, তাদের সঙ্গে জুয়া খেলতে ! আবার রাত্রে যখন মেসে ফিরলেন, তখন মুখের গন্ধে চৌদিক আমোদ করছে, পা ছ'টি টলমলায়মান, চক্ষু রক্ত বর্ণ।

ফেগিলা কি বলিতে যাইতেছিল, সুশীলা তাহার হাত ধরিয়া ঘরে আনিয়া বলিল—চ' নীলা, আমরা নীচে যাই।

ফেগিলা বলিল—কেন যাব ? কে-ও ? কেন ও যা-তা বলে আমাদের

প্রীতির

নিদর্শন

থগেন বাবুর নিন্দে করবে ? ওর সঙ্গে ত আমাদের সেদিনের আলাপ ।  
আর থগেন বাবুর.....

তা হ'ক । চ', নীচে ষাই । ছিঃ ! ঐ রকম করে' বলতে  
আছে !

---বলিয়া একরকম টানিতে টানিতেই সুনীলা তাহাকে নীচে লইয়া  
গেল ।

## সপ্তম পরিচ্ছেদ

### ঘোড়া-ভূত।

সুশীলা নীচে আসিয়া সুনীলাকে জিজ্ঞাসা করিল—কাল শনিবার—  
মাঠে যাবি, সু ?

সুনীলা, নীলার মুখের পানে চাহিয়া, বলিল—তোমরা যবে দিদি ?  
আমরা ত যাবই। উনি জিজ্ঞাসা করছেন—তোরা যাবি ? নীলা  
বোধ হয় যেতে পারবে না।

এ কথায় নীলা সোজা হইয়া উঠিল, বলিল—পারবো না, নয়  
দিদি। যাব-না। কি কক্ষণে যে ঐ ঘোড়াভূত ঢুকেছিল এসে.....

সুনীলাও নীলবর্ণ হইয়া গেল। সুশীলা বলিল—তোর কি বুদ্ধি  
শুদ্ধি লোপ পাচ্ছে নীলা ?

না, দিদি, বুদ্ধি আমার যেমন ছিল, তেমনিই আছে ! সে জন্তে  
ভেবো না। আমি বলছি কি, ঘোড়াভূত না চাপলে খগেন বাবুরও  
এমন দুর্দশা হ'ত না, আমাদেরও.....

তোদের আবার কি হল তাই শুনি ?

সে শুনে আর কি হ'বে বল ! আমরা যাব না—এ নিশ্চয়।

সুনীলা বলিল—আমি যেতে পারি।

সুশীলা আর কোন কথা না বলিয়া ঘর ছাড়িয়া গেল। সুনীলা  
নীলার গালটি টিপিয়া দিয়া বলিল—সিন্দী সাহেবকে ভূত বলি !

## প্রীতির

## নিদর্শন

ফণিলা আকাশ হইতে পড়িয়া বলিল—সিন্ধী সাহেবকে ! কক্খোনো  
না—আমি রেশ্কে বলেছি ।

সুনীলা সম্মুখে বলিল—আমি তা জানি নীলা ! কিন্তু দিদি অল্প  
রকম বুঝেছেন ।

তা বুঝুন ।

অল্পক্ষণ পরে নীলা বলিল—আচ্ছা ভাই মেঝে, তোমার কি মনে  
হয় ?

সুনীলা জিজ্ঞাসিল—কিসের কি মনে হয়, নীলা ?

নীলা বিরক্ত হইয়া বলিল—আমার মাথার, আমার মুণ্ডর, আবার  
কিসের ?

সুনীলা মৃদুস্বরে কহিল—না বুঝলে কি উত্তর দেব ?

আহা ! কিছুই জানেন না !

সুনীলা কথা কহিল না । আপন মনে পাণের খিলি মুড়িতে  
লাগিল । কিন্তু নীলা উত্তরোত্তর ক্রুদ্ধ হইয়া উঠিতেছিল, পক্ষ্য কণ্ঠে  
কহিল—ঐ সিন্ধী সাহেব যা বল্লেন.....

সুনীলা বলিয়া উঠিল—তা কি জানি !

জানাছানির কথা হচ্ছে না ত ! তোমার কি মনে হয়—তাই  
বল না ।

তবুও তাহাকে নীরব দেখিয়া নীলা বলিল—ভেতর গোঁজা  
লোকদের আমি হুঁচক্ষে দেখতে পারি না ।—সে উঠিয়া গেল । সুনীলা,  
পাণ মুড়িয়া একটি ক্ষুদ্র রূপার ডিবায়ে সেগুলি একটি করিয়া তুলিতে  
লাগিল । হঠাৎ উপরে একটা গোলমালের শব্দে সচকিত হইয়া উপরে

## প্রীতির

### নিদর্শন

আসিবার মধ্য পথেই নীলার প্রবল কণ্ঠে শুনিতে পাইল, সে বলিতেছিল :—

পরের কুৎসা করে' আর পরের আলোচনা করে' যারা আমোদ পায় তা'দের বিমর্ষ থাকবার হয় ত কোন সুযোগই হয় না,—কারণ এই বিপুল বিশ্বে তাদের কাছে এক 'আমি' ছাড়া সবই পর, আর এ ক্বাজে শ্রোতার অভাব কোনদিনই কারু হবার সম্ভাবনা নেই।

এই পর্য্যন্ত শুনিয়াই সুনীলা চলিয়া আসিতে পারিল না। সে ধীর পদে উপরে উঠিয়া আসিয়া নিঃশব্দে দ্বারটির পাশে দাঁড়াইল। শুনিল, সিংহ সাহেব বলিতেছেন—সত্য কথা বলা—সে যারই বিরুদ্ধে হ'ক, কোন দিনই পরনিন্দা নয়, আর এই সামান্ত কথা নিয়ে আপনি যে এত বিচলিত হয়ে উঠবেন—তা জানলে আমি তুলতাম না।

ফেগিলা বলিল—আপনার কাছে সামান্ত হ'তে পারে, তাই বলে সকলের কাছেই যে তাই, তার ঠিক কি ?

সিংহ সাহেব যেন অত্যন্ত অনুরক্ত হইয়াছেন, এমনি স্বরে ও ভঙ্গিমায়ে বলিতে লাগিলেন—অপনি অকারণ ক্রুদ্ধ হ'য়ে উঠলেন। আচ্ছা, আপনিই বলুন, আমার দোষটা কি হ'য়েছিল ? কি বলেছিলাম আমি ? খগেন বাবু আপনাদের বন্ধু, এ ত স্বতঃই লোকের মনে হ'তে পারে যে তাঁর পতনে আপনাদের কষ্ট হ'য়েছেই। আপনার মুখের বিস্ময়তা দেখে আমার ত কেবল ঐ মনে হ'য়েছিল।

ফেগিলা আর কিছুই বলিল না। এই আলোচনাটি এইখানে এমন করিয়া থামিয়া গেলে মন্দ হইত না, কিন্তু গমনোত্তর নীলাকে সন্তোষন করিয়া সিংহ সাহেব কহিলেন—আর পরনিন্দা, পরের আলোচনা প্রভৃতি

## প্রীতির

## নিদর্শন

যে কতকগুলো কথা বললেন, প্রেমান চান আপনি, যে সেগুলোর আলোচনা আমার কৃত নয়। এ আলোচনা আপনার বন্ধুই জাগিয়েছেন, সকলেই তা জানে—কাগজে ছাপাও হ'য়ে গেছে ক'দিন, নৈলে আমি জানব কোথেকে বলুন ?

সুশীলা জিজ্ঞাসিল—কাগজে ছাপা হ'য়ে গেছে না-কি ?

নৈলে আর বলছি কি ! এ ত বাজারে হৈ চৈ হ'য়ে গেছে একেবারে। কাগজে হেডিংই দিয়েছে “ঘোড়ারোগ।” বল না সুশীলা, চাকর-বাকর কাউকে, “আমার গাড়ীতে একটা পোর্টফোলিও আছে, নামিয়ে আনতে।

ঠিক এই মুহূর্তে তিনি সুশীলার বিশেষ আত্মীয় হইয়া অকস্মাৎ ‘তুমি’ সম্বোধন করিলেন। সুশীলা চেয়ার ছাড়িয়া দাঁড়াইয়া উঠিয়াছিল, তখনই ফেগিলা ছ'পা অগ্রসর হইয়া বলিয়া উঠিল—দাঁড়াও দিদি, আমি যাই আগে। তারপর কাগজটা আনিয়া ছ'গ্রনে পড়ে আনোদ করো।—বলিয়াই সে দ্রুতপদে নামিয়া গেল।

সুশীলা জলন্ত চোখে একবার সিঁড়িটার পানে আরেকবার অদূরে আরাম কেদারায় শায়িত বুদ্ধপিতার পানে দৃষ্টিপাত করিয়া, প্রায় সঙ্গে সঙ্গেই নীচে নামিয়া আসিল। নীলাকে দেখিয়া বলিয়া উঠিল—ও কথাটার মানে কি হ'ল ?

ফেগিলা মুখ না তুলিয়াই জিজ্ঞাসিল—কিসের মানে ?

সুশীলা কি বলিতে যাইতেছিল, নীলা আরক্ত মুখখানি তুলিয়া তখনি বলিল—যা বলবার তা—আমি বর্লোছি দিদি ! মানে যা বুঝেছ তাই। তার বেশী আমিও জানি নে।

## প্রীতির

### নিদর্শন

এই সময়ে সুনীলা কাগজ খানি হাতে করিয়া বরের ঢুকিয়া বলিল—  
এই নাও দিদি।

ফেণিলা অকস্মাৎ রুদ্ধকণ্ঠে কেবলমাত্র “তুমিও”—এই কথাটি উচ্চারণ  
করিয়া বাহির হইয়া গেল।

সুনীলা দু’মিনিট কাল মূঢ়ের মত দাঁড়াইয়া থাকিয়া সুনীলার হাত  
হইতে সংবাদ পত্রটি টানিয়া লইয়া উপরে উঠিয়া আসিল।

সিংহ সাহেবের উৎসাহ আনুখানি কমিয়া গিয়াছিল, সুনীলা আসিয়া  
কাগজখানি হাতে দিতেই তিনি নবীন উৎসাহে পড়িতে আরম্ভ করিয়া  
দিলেন।

### অশ্রুপতনের চূড়ান্ত

#### শিক্ষিত যুবকের পরিণাম।

হেরথনাথ চেয়ার ছাড়িয়া উঠিয়া পদচারণা করিতেছিলেন,—  
এদিকে ফিরিয়া বলিলেন—ওটা থাক্, এখন পড়বার মরকার নেই।  
আপনি বরঞ্চ ওটা রেখে যান, সুবিধে মত আমরা পড়তে পারব।

সিংহ কাগজখানি ভাঁজ করিয়া রাখিতে ছিলেন, ফেণিলা কোথা  
হইতে ঝড়ের মত আসিয়া বলিল—না, না, বাবা, ঠুংক পড়তে দাও—  
নৈলে ঠুংক কিছুতেই তৃপ্তি হ’বে না।

সিংহ বলিলেন—আমার তৃপ্তি হ’বে না কেন, নীলা?

সে ত আমার চেয়ে আপনিই বেশী বুঝতে পারচেন, ঘনশ্যাম বাবু।—  
বলিয়া সে দ্রুতপদে চলিয়া গেল।

সব শুদ্ধ এক কাণ্ড হইয়া গেল। সিংহ সাহেব মুখখানা কালো

## প্রীতির

## নিদর্শন

করিয়া, বারবার স্মৃশীলার দিকেই চাহিতে লাগিলেন ; স্মৃশীলা পিতার পানে, আর পিতা বোধ করি অন্ধকার আকাশে একমাত্র জগৎপিতারই অব্বেষণ করিতেছিলেন—কারণ এদিকে তাঁহার যে বিন্দুমাত্র মনোযোগ আছে এমন মনে হইল না। তাহা দেখিয়াই স্মৃশীলা অত্যন্ত ক্রুদ্ধ হইয়া উঠিল। কিন্তু কি-যে বলিবে, বা-কি—যে করিবে তাহা সে ভাবিয়াই পাইতেছিল না।

সিংহ সাহেব দাঁড়াইয়া উঠিলেন। র্যাক বিলম্বিত ছড়িটি ও ফেলট ছাট্টা হাতে তুলিয়া, স্মৃশীলাকেই সম্বোধন করিয়া কহিলেন—  
চল্লাম।

স্মৃশীলা আর একবার পিতার পানে চাহিল, তিনি তখনও পশ্চিমা-কাশে ক'টা নক্ষত্রকেই বিশ্বপিতার দৃষ্টি করনা করিয়া নির্গমেবে সেদিকেই চাহিয়া নীরবে বসিয়া ছিলেন—স্মৃশীলা বলিল—বাবা, উনি যাচ্ছেন।

হেরদ্বনাথ ধ্যান ভঙ্গে চমকিত হইয়া বলিলেন—ওঃ—যাচ্ছেন, নমস্কার।

আজ তিনি অত্যন্ত অগ্ৰমনস্ক, তাহা ইহার দৃ'জনেও বুঝিতে পারিল। টুপি হাতে সিংহ-সাহেবকে 'নমস্কার' তিনি কোন দিনই করিতেন না।

স্মৃশীলা নীরবে ক্ষিতিলগ্নওনেত্র চুপ করিয়া দাঁড়াইয়া রহিল, সিংহ নামিয়া গেলেন। তাঁহার মোটর গাড়ীর শব্দ দূর হইতে দূরে লোপ পাইতে, স্মৃশীলা কহিল—

বাবা, তুমি নীলাকে প্রণয় দাও ?



## প্রীতির

### নিদর্শন

হেরষনাথ বলিলেন—প্রশ্ন ! নীলাকে ! এ কথা কেন  
সুশীলা ?

সুশীলা বলিল—ভদ্রলোককে, বিশেষ করে ঠাঁর মত গণ্যমান্ত  
লোককে বাড়ীতে অপমান করা ...

অপমান নয়, সুশীলা, অপমান করা ওকে বলে না ।

এতেও যদি অপমান করা না-বলে তবে আর কা'কে বলে—তা ত  
আমারও জানা নেই ।

হেরষনাথ সুশীলার আদ্রকণ্ঠস্বরে বিস্মিত হইয়া বলিলেন—সুশীলা,  
তুমি বলছ এ অপমান, আমি কিন্তু তা মনে করি না । অবশ্য নীলার  
উদ্ধত আচরণে আমিও সন্তুষ্ট নই, কিন্তু অপমান সে করে নি । সে  
শুধু আলোচনাটা থামাতে চেয়েছিল—ঘনশ্যাম বাবুর কি উদ্দেশ্য  
জানি না, তিনি বার বার সেটা উত্থাপন করতেই নীলা, হাজার হ'ক—  
ছেলে মানুষ ত—একটু অসহিষ্ণু হ'য়ে পড়েছিল ।

সুশীলা কহিল—তাই বলে মুখের ওপর অমনি করে'.....

বাধা দিয়া হেরষনাথ কহিলেন—কিন্তু এটা কেন তুমি দেখছ না  
সুশীলা, এই পরিবারে খগেন কতদিনের পরিচিত, তোমাদের কেউ ত  
তা'কে কম স্নেহ করতে না, তোমাদের কত গাঢ় বিশ্বাসের পাত্র সে—  
হঠাৎ তার বিপক্ষ আলোচনা শুনে আমিই স্থির থাকতে পারি নি—  
তা নীলা ত শিশু ।

সুশীলা ক্ষুব্ধকণ্ঠে কহিলেন—তুমি নীলার দিকটাই ঠান্ধ বাবা, কিন্তু  
তিনি যে কতদূর অসন্তুষ্ট হ'য়ে গেছেন তা ত তুমি দেখছ না । তিনি  
ত সন্তুষ্ট হই বলতে এসেছিলেন আমাদের কাছে, নৈলে খগেনকে,

—তিনি ত চিন্তেনই না, তাঁকে । আমাদের বাড়ী আসা যাওয়া করে, পরীক্ষার ছেলে, চাকরী বাকরী করে' খায়, তার মঙ্গলের জন্তই তিনি তোমার কাছে কথাটা বলছিলেন, নৈলে সে থাকুক আর যাক—তাঁর কি, বল ?

হেরস্বনাথ সহসা কোন কথা কহিলেন না । অনেকক্ষণ পরে বলিলেন—সুশীলা, তুমি নীলাকে যতদূর অপরাধী ভাবছ.....

তুমি ভাবছ না, এই ত ! সে ত জানি-ই বাবা ! তুমি নীলার দোষ দেখতে পাবেই না । —বলিয়া দে দু'হাতে মুখ ঢাকিয়া অশ্রুসিক্ত কণ্ঠে কহিতে লাগিল—কিন্তু আমি যে আর মুখ দেখাতে পারব না তাঁর কাছে । আমিই তাঁকে আজ ডেকে এনেছিলাম, আমার সামনেই তাঁকে অপমান করা হ'ল—আর আমি কোন মুখে তাঁর কাছে যাব—কোন্ মুখেই বা স্কুলে ফিরব ।

হেরস্বনাথ বলিলেন—সুশীলা, রাঁচির স্কুল তুমি ত্যাগ কর ।

সুশীলা মুখ হইতে হাত সরাইয়া সপ্রশ্ন দৃষ্টিতে চাহিয়া রহিল ।  
হেরস্বনাথ বলিলেন—স্কুলের কাজ নিয়ে তোমার আর দরকার নেই ।

সুশীলা জিজ্ঞাসিল—কেন ?

হেরস্বনাথ কহিলেন—কি কাজ তোমার বিদেশে থেকে ! আর এমন কাজ, ইচ্ছা করলে তুমি কলকাতাতেও অনেক পাবে, সুশীলা ।

সুশীলার মনে হইল, পিতা আসল কথাটি কিছুতেই বলিতেছেন না । অথচ সেইট জানিয়া লওয়া তাহার বিশেষ প্রয়োজন হইয়া উঠিয়াছিল । সে স্থিরনৈরে পিতার পানে চাহিয়া বলিল—এতদিন ত এ কথা বল নি বাবা !

## প্রীতির

### নিদর্শন

হেরষনাথ একটু চমকিয়া উঠিলেন ; সহসা উত্তর দিতে পারিলেন না ।

সুশীলা বলিল—বরং তুমিই বরাবর বলতে, সেখানের জলহাওয়ায় আমার স্বাস্থ্য ভালো থাকবে ।

সে ত নিশ্চয়ই, সুশীলা ।

সুশীলা আশা করিতেছিল, পিতা হয়ত কথাটি শেষ করিবেন, কিন্তু তিনি মধ্যপথেই থামিয়া গেলেন এবং কথাটা যেন একরকম শেষ হইয়া গেছে, এমনি ভাবে চেয়ার ছাড়িয়া উঠিলেন ও হ'বাহ সম্বন্ধ করিয়া লম্বা ছাদটিতে পাদচারণ করিতে লাগিলেন ।

সুশীলা কিন্তু ঠিকই বুঝিয়াছিল, আজিকার এই যে ঘটনা ঘটরাছে, নীলার মত, পিতাও সিংহ সাহেবকেই দোষী করিয়াছেন—ইহাতেই সুশীলার ক্ষোভ বাড়িয়া গিয়াছিল, কিন্তু পিতা মুখে কোন কথাই বলিলেন না—সে'ও প্রতিবাদ করিতে পারিল না ।

শুধু নিজের ঘরে ঢুকিবার পূর্বে একবার আঙনের মত তপ্তস্বরে বলিয়া গেল—আমি কালই চলে যাব, বাবা । বিদেশে আমি বেশ থাকি, কোন হান্সামা নেই । এখানে থাকা আমার পোষায় না ।

তখনও হেরষনাথ কিছুই বলিলেন না । অনেকদিনের পরে আজ বৃদ্ধের বক্ষ মথিত করিয়া যেন অনেকদিনের, অনেক চাপা ব্যথার এক গভীর দীর্ঘশ্বাস উঠিয়া অনন্তে মিলাইয়া গেল ।

## অষ্টম পরিচ্ছেদ

রক্ষকের দাবী ।

দাড়ে ন'টা বাজিতেই সুনীলা পিতার পাশটতে দাঁড়াইয়া জিজ্ঞাসিল  
বাবা, তোমার খাবার দিই এইবার ?

অন্ধকারে সুনীলা বুঝিতে পারে নাই যে. তাহার পিতা নিদ্রিত ;—  
উত্তর না পাইয়া সুনীলা আশু আশু পিতার মাথায় হাত ব্লাইতে  
লাগিল। এ রকম সময়ে কোনদিনই হেরষনাথ নিদ্রা যাইতেন না,  
আজ তাঁহার চিত্ত প্রসন্ন নাই, সুনীলা তাহাও জানিত—কাজেই তাঁহাকে  
জাগাইবে কি-না তাহাই ভাবিতেছিল—এমন সময়ে ফেলিল। আসিয়া  
বলিল—বাবা উঠলেন না মেঝে ?

তাহার কণ্ঠস্বরে হেরষনাথের তন্দ্রাটুকু ভাঙ্গিয়া গেল। হেরষনাথ  
উঠিয়া বসিয়া ডাকিলেন—নীলা !—সুনীলাকে কহিলেন—তুমি খাবার  
দেবার ব্যবস্থা করগে মা ।

নীলা নিকটে আসিতেই বলিলেন—বোস, নীলা ।

নীলা বসিল। হেরষনাথ একটি একটি করিয়া বলিতে লাগিলেন  
—আজ তোমার দ্বারা অতিথির মর্যাদা ক্ষুণ্ণ হ'য়েচে নীলা, তোমার  
অসহিষ্ণু আচরণে সিংহ সাহেব অত্যন্ত ক্ষুদ্ধ হ'য়ে গেছেন—এ বোধ করি  
তুমি নিজেই বুঝতে পারচ ।

নীলা কথা কহিল না ।

## প্রীতির

### নিদর্শন

হেরস্বনাথ বলিতে লাগিলেন—তুমি ভেবো না নীলা, তোমার মনের কথা আমি বুঝতে পারি নি। সে আমি ঠিকই বুঝেছি। খগেন আমার মত তোমাদেরও আপনার লোক, সে আমার পরিবারের বিশেষ আত্মীয়, তার বিরুদ্ধে কোন কথা শুনলে ধৈর্য্যাচ্যুতি হওয়ারই সম্ভাবনা, কিন্তু তাই বলে তুমি যে মাগু অতিথির অসম্মান করবে এই বা কি কথা !

আমি অসম্মান করি নি বাবা ! কথার প্রতিবাদ করেছি। সে ত তোমার কথার বিরুদ্ধেও আমরা করে থাকি, বাবা, সে কি তোমাকে অসম্মান করি বলে ?—বলিতে বলিতে ফেণিলার কণ্ঠ সজল হইয়া উঠিল।

হেরস্বনাথ নীলার হাত হাটি বুকের ‘পরে তুলিয়া লইয়া স্নেহাঙ্গুরে কহিলেন—না মা—আমাকে অসম্মান করবে কেন !

—আমরা তোমাকে অসম্মান করতে পারি বাবা !—

হেরস্বনাথ মুখ ফিরাইয়া ডাকিলেন—কাছে আয় স্নু !

স্নুনীলা কাছে আসিয়া সিন্ধুরে কহিল—তুমি ত সবই শুনেছ বাবা, নীলা ত অজ্ঞায় কিছুই বলে নি।

হেরস্বনাথ সে কথার উত্তর না দিয়াই বলিলেন—‘চ’ নীলা, খাবি, চ’। স্নু, তোমার দিদিকে ডেকে নিয়ে এস।

স্নুনীলা তোরঙ্গ বাধে গুহাইয়া তুলিতেছিল—স্নুনীলা ডাকিতেই বলিল—আমি খাব না স্নু, তোমরা খেয়ে নাও গে।

স্নুনীলা বলিল—বাবা যে খেতে বসেছেন দিদি !—রীতি ছিল, হেরস্বনাথের আহার কালে তিনজনে তাঁহার সামনে বসিয়া গল্পগুজব

## প্রীতির

## নিদর্শন

করিত । যখন সুশীলা রাঁচিতে থাকিত, তখন দুই বোনে সামনে বসিয়া কত রাজ্যের, কত কাজের, কত অকাজের আলোচনা করিয়া যাইত।

সুশীলা একটা জামা বার বার ভাঁজ করিতেছিল, কিছুতেই মনের মত হইতেছিল না—বিরক্ত হইয়া জামাটাকে ছুড়িয়া ঘরের কোণে ফেলিয়া দিয়া বলিল—যাও না ভাই সু, আমার ক্ষিধে নেই—বলছি !

সুশীলা গেল না, বলিল—বাবা খেতে বসেছেন দিদি ।

তা জানি । আমার অনেক গুছিয়ে গাছিয়ে নেবার আছে, বাবার সুবিধে হ'বে না ।

সুশীলা নামিয়া গেল । হেরষনাথ আহাৰ্য্যের সামনে চুপটি করিয়া বসিয়াছিলেন, ফণিলা আস্তে আস্তে পাখা করিতেছিল, সুশীলাকে একেলা আসিতে দেখিয়া হেরষনাথ জিজ্ঞাসিলেন—তোমার দিদি ?

দিদি আসতে পারলেন না । বল্লেন, তাঁর অনেক গোছাতে হ'বে, যেতে পারবেন না ।

শুনিয়া হেরষনাথ আহাৰ্য্যের মন দিলেন । আজ আর কথাবার্তা একটিও হইল না । হেরষনাথ প্রত্যহ যাহা খাইতেন আজ অর্ধেকেরও বেশী পাতেই পড়িয়া রহিল । সুশীলার সনির্বন্ধ অনুরোধের কোন উত্তর না দিয়াই উঠিয়া গেলেন ।

এখন, এ বাড়ীর কর্তৃত্বটা ছিল পুরা মাত্রায় সুশীলারই হাতে । লোকের খাওয়া-দাওয়া, আরাম-বিরাম, সুখ, স্বাচ্ছন্দ্য সবার দায়িত্বই ছিল তার । ইহাতে করিয়া সুশীলার মনে ভারি সুখ ছিল । অনেক মেয়েরই থাকে । আজ অকস্মাৎ তাহার মনে হইল, এ সমস্ত ভার তাহার হাতে না থাকিলেই বিশেষ মঙ্গলকর হইত ।

## প্রীতির

### নিদর্শন

সুশীলা খাইবে না বলিয়াছে, অথচ তাহাকে অভুক্ত জানিয়া ইহারাই বা খায় কেমন করিয়া? দিদি যাহা একবার না বলিয়াছে তাহা যে আর হাঁ হইবে না, তাহাও সে বিশেষরূপেই জানিত, তাই সে পিতা উপরে যাইবার পরও অনেকক্ষণ সেখান হইতে উঠিতে পারিল না। ফেণিলা পিতার সঙ্গেই উপরে গিয়াছিল, সুশীলা তাহাকে ডাকিয়া পাঠাইল।

ফেণিলা আসিতে অতীব করুণকণ্ঠে কহিল—একটা কথা রাখবি নীলা?

নীলা কহিল—রাখব।

সুশীলা বলিল—বড়দি রাগ করে' বলেছেন, 'খাব না'—তাকে ডেকে আন-না ভাই।

নীলা তৎক্ষণাৎ বলিয়া উঠিল—সে আমি পারব না, কিছুতেই পারব না।

কথা রাখবি নে?

অন্ত যা বলবে তাই করব। ঐটি মার্ক কর।—বলিয়া সে প্রস্থান করিতেছিল, সুশীলা তাহার হাতটা চাপিয়া ধরিয়া বলিল—নীলা!

পারব না, পারব না, পারব না।

কেন পারবি নে। দিদি ত!

ফেণিলা মুখখানি বিকৃত করিয়া কহিল—দিদি ত! এখন একবার ঘরে গেছলুম—বাবা!—অনেক কষ্টে প্রাণে বেঁচে ফিরে এসেছি। আর না!

কি হ'ল আবার?

হ'বে আবার কি ! দেখলুম—তোরঙ্গ বাস্ক গোছানো হচ্ছে, তাই জিজ্ঞাসা করতে গেলুম, দিদি কোথাও যাবে না কি ? কথা কইলেন না । এক দৃষ্টিতে সে অগ্নিকাণ্ডের ইঙ্গিত করিল ।

সুনীলা এক মুহূর্ত্ত ভাবিয়া লইয়া কহিল—তুই একটু দাঁড়া নীলা, আমিই দেখি আরেকবার ।

সুনীলা উপরে আসিয়া দেখিল, পিতা তখনও সেই কেদারায় বসিয়া আছেন । সুনীলাকে আসিতে দেখিয়াই তিনি বলিয়া উঠিলেন খাওয়া দাওয়া হল না ?

সুনীলা মুহূর্ত্তে বলিল—বড়দি যে খাবেন না বলছেন বাবা !

হেরষনাথ চুপ করিয়া রহিলেন । অনেক ভাবিয়া চিন্তিয়াও যখন নিজে কোন উপায় উদ্ভাবন করিতে পারিলেন না, তখন সুনীলাকেই জিজ্ঞাসা করিলেন—তুমি তাকে ডেকেছ মা ?

ডেকেছি বাবা ।

একবার নীলাকে পাঠিয়ে দিলে না কেন ?

সে যেতে চায় না বাবা ।

হেরষনাথ দীর্ঘনিঃশ্বাস ফেলিয়া কহিলেন—যেতে চায় না ! তাই ত !

পাঁচ ছ' মিনিট কাটিয়া গেল, সুনীলা জিজ্ঞাসিল—কি করব বাবা ?

চল—দেখি—বলিয়া সুনীলাকে সঙ্গে লইয়া সুনীলার কক্ষে আসিতেই সুনীলা রুদ্ধকণ্ঠে বলিল—আমি না বল্লুম তোমাকে সুনী, যে আমার ক্ষিধে নেই—আবার কেন বাবাকে ত্যক্ত করতে গেলে ?

হেরষনাথ বলিলেন—না, ত্যক্ত কিসের ? আমি ত শুতে আসছিলামই । কিন্তু তুমি খাবে না কেন সুনীলা ?



## প্রীতির

### নিদর্শন

এই যে বল্লম, বাবা ।

তা হোক—তুমি যাও,—যা পারো । জোর করবার ত কেউ নেই  
মা, যা পারো খেয়ে এসো ।

ক্ষিধে না থাকলেও খেতে হবে—এ-কি কথা ?

হয় বৈ কি, স্নুশীলা ! সব কাজ কি পৃথিবীতে 'নিজের ইচ্ছেয়  
অনিচ্ছেতেই হয় ? তা ত হয় না মা ! তোমার ছোট বোন ছুটি  
তোমার জন্তে এখনও খেতে পায় নি,—তা জান ?

কেন আমি ত ওদের বলে দিয়েছি ;

দিলেই বা বলে ! ওদের কর্তব্য নেই ? তুমিই বল দেখি স্নুশীলা,  
'ওদের কর্তব্য ওরা না করলে তুমিই কি খুসী হ'তে পারো ?

স্নুশীলা অগ্নক্ষণ নীরব থাকিয়া পুনশ্চ কহিল—আমার ক্ষিধে নেই  
বাবা !

হেরশ্বনাথ দ্বারটি ধরিয়া কহিলেন—আর কিছু আমারও বলবার নেই  
স্নুশীলা । কখনো কোনদিনই তোমাদের ইচ্ছার বিরুদ্ধে কোন কথাই  
আমি বলি নি, আজও বলব না । আজ তোমাদের মা থাকলে এ সব  
দায় তারই হত !—বলিতে বলিতে হেরশ্বনাথ নীরব হইলেন । একটুখানি  
দম লইয়া পুনরায় কহিলেন—আজ মনে হয়, সেবার পক্ষাবাত রোগ  
আমাকে ত্যাগ করলে কেন ?—বলিয়া বৃদ্ধ ধীরে ধীরে প্রস্থান করিলেন ।

স্নুশীলা একমুহূর্ত্ত পরে—“বাবার ঐ কেমন এক ধারা”—বলিয়া  
আসন ছাড়িয়া উঠিল, এবং স্নুশীলাকে অগ্রবর্ত্তিনী করিয়া—“চল স্নু,  
নীচে চল”—নীচে নামিয়া আসিল ।

হেরশ্বনাথ উপর হইতে সকল সংবাদই রাখিলেন । মৃদু নিশ্বাস

## প্রীতির

## নিদর্শন

ফেলিয়া, আঙ্গুলে ক'ফোটা চোখের জল মুছিয়া মস্তুরগতিতে নীচে আসিয়া দাঁড়াইলেন।

ফেণিলা সন্নেহে কহিল—এস বাবা, আজ তুমি আমাদের কাছে বসে থাওয়াবে, এস।

না, না, বাবা রাত অনেক হ'য়ে গেছে, তোমার শরীর খারাপ, তুমি শোও গে যাও।

সুশীলার এ নিবেধ সত্ত্বেও হেরষনাথ ফেণিলার সন্নেহ আহ্বানটি উপেক্ষা করিতে পারিলেন না। ঘরের কোণ হইতে একখানা চেয়ার টানিয়া বসিয়া পড়িয়া বলিলেন—রাত আর নতুন ক'রে আমার কৈ হ'য়েছে না সুশীলা? রাত যে অনেক দিন আগেই তার নিঃশব্দ আকাশ, নির্জন অন্ধকার সব নিয়ে এই পোড়া পাহাড়টার মত বুকখানায় জমে বসে আছে! এই বারো বছর দিবসের মুখ আমি দেখি-নি, সুশীলা, যা আমার চোখে পড়েছে, সে ঐ অন্ধকার, সে ঐ রাত্রি।

এক মিনিট থামিয়া হেরষনাথ করুণস্বরে কহিলেন—তবুও একটা আলো আকাশের কোন্ প্রান্তে উঠে আমাকে খানিকটা আলো আর খানিকটা আরাম দিত—যখন তারও আর সন্ধান পেলাম না, তখন, তখন—

হেরষনাথের কণ্ঠস্বর মথিত করিয়া বাষ্পোচ্ছ্বাস ঘরটিকে যেন মলিন ধূমাচ্ছন্ন করিয়া ফেলিল। তিনি অশ্রুপূর্ণ কণ্ঠে কহিতে লাগিলেন—তখন এই তিনটি তারার মালার পানে চেয়েই এই বিশ্বজোড়া অন্ধকারকেও তুচ্ছ ক'রে দিতে পেরেছিলাম। তোরা হয়ত জানিস্ নে মা, যখন তোদের একমাত্র স্নেহের ভাইটি অকালে কুসুমটির মত বস্তুচ্যুত হ'য়ে ঝরে পড়ল,

## প্রীতির

### নিদর্শন

তখন দিগন্তব্যাপী হাহাকারের মধ্যেও আমি অটল থাকতে পেরেছি। তোদের মার মৃত্যুর পর থেকে সেই আলোটাই আমার সামনে দীপ্ত পে'ত—যখন তা'ও নিবে গেল, তখন যে কেবলমাত্র তোদের পানে চেয়েই আমার সব হাহাকার জয়ধ্বনিতে পূর্ণ করে দিয়েছি। তাঁর গচ্ছিত সম্পত্তি সযত্নে রক্ষা ক'রে যে তাঁরই হা'তে তুলে দিতে পেরেছি এরই সার্থকতায়—আমার হৃদয় মন ভরিয়ে দিয়েছি।

“আমি শুধু এই কথাটিই তোমাদের ব'লে রাখতে চাই—মা যে তোমাদের সতীলক্ষ্মী মা'কে দিয়ে ভগবান এখনও যে তিনটি সম্পত্তির অধিকারী ক'রে রেখেছেন—তাঁর নিয়োজিত কর্মে, তাঁর প্রদর্শিত পথে যতদিন না তাদের চালিয়ে দিতে পারি ততদিন আমারও কর্তব্যের শেষ হ'বে না, তোমরাও এ বৃদ্ধ পিতাকে ততদিন পর্য্যন্ত যথাসম্ভব সহানুভূতিই দান করো না। আর আমি কিছুই বলতে চাই নে।”

হের্ষনাথ উঠিতে উঠিতে বলিলেন—তোমরা খেয়ে নাও না। আমি যাই।

ফিরিয়া পুনরায় কহিলেন—সুশীলা, সুশীলা নীলা, তোমাদের উপর আমার অত্ন জোর নেই মা! তোমরা ত আমার নও, তোমরা তাঁর। এই বিপুল বিশ্বস্থিতি যেমন তাঁর—তোমরাও তাঁর। আমি তাঁর মহামূল্য সামগ্রীর রক্ষকমাত্র। ভারটুকু নমিত করতে পারলে তোমরাও সুখী হ'তে পারবে, আমিও সহাস্ত্রস্থে তাঁর অক্ষুণ্ণ লাভ ক'রে ধন্ত হ'ব।

তিনি প্রস্থান করিতেই মেয়েরা দাঁড়াইয়া উঠিল। তাহারা অন্ধভুক্ত আহাৰ্য্য ফেলিয়াই উঠিয়াছিল কিন্তু তিনেরই মনের পাত্র কোথাকার

প্রীতির

নিদর্শন

কোন্ কুবেড়ের ভাঙারের অমৃতে ভরিয়া উঠিল যে, কোথায় রহিল  
ক্ষুধা, কোথায় রহিল তাহাদের পিপাসা! - কোলাহল করিয়া তাহারা  
উপরে উঠিয়া গেল এবং অনেক রাত্রি পর্য্যন্ত বিনিদ থাকিয়া তাহাদের  
দর্য্যাসা সংযমী পিতার কথাগুলিই ভাবিতে লাগিল।

## নবম পরিচ্ছেদ

### বিষম কাণ্ড ।

ইহা কাহারও অবিদিত নাই যে, পৃথিবীতে সংযমের চেয়েও বড় জিনিষ একটা আছে যাহাকে অভিধানে অসংযম বলিয়া থাকে ; ধর্মের চেয়ে অধর্ম বড় ; দয়ার চেয়ে নিষ্ঠুরতা জগতে বেশী দেখা যায় । সে রাত্রে সুশীলা অন্ধকারে একাকী নিজের বুকের 'পরে হাত রাখিয়া বারংবার ইহাই শপথ করিয়াছিল যে, এখন হইতে কেবলমাত্র পিতাকে সুখী করাই তাহার জীবনের চরম ও পরম লক্ষ্য হইবে । কোন কারণেই তাঁহাকে ব্যথা দিয়া নিজের অধোগতি টানিয়া আনিবে না ।

সঙ্গোপনে ইহাও সে স্বীকার করিয়াছিল যে, রাঁচীতে থাকা পিতার অনিচ্ছা, সে রাঁচীও যাইবে না । তাহার ছোট বোন দুটি যেমন পিতার স্নেহের তলে বাস করিয়া থাকে, সেও থাকিবে । মুক্তপক্ষ বিহঙ্গের সোণার খাঁচার কল্পনা যেমন ভয়াবহ, তাহার কাছে গৃহপ্রাচীরে আবদ্ধ থাকার কল্পনাও তাহাপেক্ষা অল্প নহে, কিন্তু সে তাহাও সহ করিবে ! মনের মধ্যে এই সঙ্কল্প লইয়া সে যখন প্রভাতে শয্যা ত্যাগ করিল, তখন ব্রতধারিণী হিন্দু গৃহলক্ষ্মীটির মতই তাহার মুখ চোখ পবিত্র আলোকোদ্ভাসিত, আর হৃদয় মন শান্ত সংযত হইয়া গেছে ।

কিন্তু কোথায় রহিল তাহার সংযম ! আর কোথায় রহিল তাহার সে প্রতিজ্ঞা । সে কথা পরে বলিতেছি ।

বেলা দেড়টা বাজিতেই সিংহ সাহেবের প্রকাণ্ড ডায়ালার কার হেরষনাথের বাটীর সম্মুখে থামিতেই স্নুশীলা সিংহ সাহেবকে দেখিয়াই পাংশু বিবর্ণ হইয়া গেল। সিংহ সাহেব প্রশান্ত মুখে উপরে আসিয়া স্বাভাবিক সহজ স্বরেই কহিলেন—চল স্নুশীলা, দেড়টা বেজে গেছে যে।

স্নুশীলা হঠাৎ ‘না’ বলিতে পারিল না, সে সিংহ সাহেবকে বসিতে আসন দিয়া, পিতাকে সংবাদ দিতে গেল। হেরষনাথ সমবাস্তে উঠিয়া আসিতেই, সিংহ সাহেব বলিলেন—আজ একবার মাঠ-টা ঘুরে ‘আসি।

হেরষনাথ কথার দিকে চাহিলেন, মুখে কোন কথা বলিতে পারিলেন না। স্নুশীলাও বিনা কথায় গৃহে প্রবেশ করিয়া, বেশ পরিবর্তন সারিয়া সিংহ সাহেবের সঙ্গে গাড়ীতে উঠিল।

হেরষনাথ তখনও কোন কথা কহিলেন না। স্নুশীলা ও ফেগিলা সমস্তই দেখিয়াছিল, তাহারও এ আলোচনায় মন দিতে পারিল না।

স্নুশীলা জানিত, এ প্রসঙ্গ একবার উত্থাপিত হইলে নীলাকে কোনমতেই বাধা দেওয়া যাইবে না, এবং তাহাতেই কতকগুলি অপ্রিয় সত্য-মিথ্যা এমন জঘন্য হইয়া প্রকাশ পাইবে, যাহা ভাবিতেও স্নুশীলা বেদনা বোধ করিতেছিল। সারা মধ্যাহ্নটা সে পিতার ঘরে, পিতার শয্যাপার্শ্বে বসিয়া রবীন্দ্র গ্রন্থাবলী পড়িয়া যাইতে লাগিল। হেরষনাথ মধ্যে মধ্যে জিজ্ঞাসা করিতেছিলেন—নীলা কোথায় স্নু?—স্নুশীলা বলিতেছিল, সে ঘরে শুইয়া হিষ্ট্রী অব্ রোম পড়িতেছে। হেরষনাথ কতবার বলিলেন—আহা, তাকে ডাক্ স্নু. তাকে ডাক্, সে শুদ্ধক এসে। এ যদি না শুনল... স্নুশীলা বলিল—না বাবা, ইতিহাসের চেয়ে প্রিয় তার আর কিছু নেই। সে বলে কবিত্ব কেবল ধোঁয়া, ইতিহাস স্থল,

## প্রীতির

### নিদর্শন

প্রত্যক্ষ ! হেরষনাথ তর্কে প্রবৃত্ত হইয়া কহিলেন—তা'কে ডাক্‌ সু ।  
আমি তা'কে বুঝিয়ে দিই, কবিতা ইতিহাসের চেয়েও প্রত্যক্ষ, একেবারে  
মনের কথাটি পর্য্যন্ত ধরিয়ে দেয় ।—সুনীলা বলিল—না, বাবা, সে  
আসবে না । তখন আর হেরষনাথ কিছু বলিলেন না । কিন্তু ইহা  
তিনি বুঝিতে পারিতেছিলেন, এই দুইট অভিন্নহৃদয় তরুণী সখীর মধ্যে  
এমন কিছু ঘটয়াছে—বাহাতে উভয়ে উভয়কেই এড়াইয়া চলিবার  
চেষ্টায় তৎপর !

সুনীলা পড়া শেষ করিয়া অপরাহ্নে উঠিয়া গেল । হেরষনাথও  
বারান্দায় আসিয়া চেয়ারখানা টানিয়া বসিয়া পড়িলেন, । কতবার আশা  
করিতেছিলেন—এখনি নীলা আসিয়া ঐ চেয়ারখানা টানিয়া বসিয়া  
পড়িবে, এখনই রোমের, গ্রীসের, অতীত ভারতের কথা কহিতে কহিতে  
উত্তেজিত হইয়া উঠিবে, কিন্তু দিবাকরের শেষ রশ্মিটুকু সোণার স্বপ্নের  
নত ছাদে ছাদে আলিসায় আলিসায় লুকোচুরী খেলিয়া, একেবারে কোন্  
বাড়ীর আড়ালে ঢাকা পড়িয়া গেল, তবুও নীলা আসিল না ।

সুনীলা জানিতে চাহিল. চা আনিবে কি-না—হেরষনাথ তাহাকেই  
কাহ্নে ডাকিয়া, জিজ্ঞাসিলেন—নীলা কোথা রে সু ?

দেখি বাবা—বলিয়া সুনীলা চলিয়া গেল ; এবং দু'মিনিট পরেই  
আসিয়া বলিল—এখনও রোন্ পড়ছে ।

না, না, সন্ধ্যাবেলা পড়া থাক্‌, ডাক্‌ —

আমি ডেকেছি বাবা । বল্লে, বাবা বেরোন নি ?

এই সময়ে ফেগিলা আসিয়া দাঁড়াইল । তাহার মুখখানি রোদ্দ দখ্ধ  
কুলটির মত শুকাইয়া গেছে, চোখ দুইটি অত্যন্ত শ্রান্ত, হেরষনাথ সন্মোহে

তাহার কটিবেষ্টন করিয়া কহিলেন—এমন সময়ে কি পড়তে আছে না ?

ফেগিলার ঠোঁঠ দু'খানি ঈষৎ নড়িয়া উঠিল, যেন সে কি বলিবে। হেরশ্বনাথ তখন বলিয়া উঠিলেন—আজ একা বসে' সূর্যাস্ত দেখতে হ'ল নীলা ! ঐ ছাদে, ঐ আলিসায় রশ্মিগুলি নাচতে নাচতে চলে পড়ল, সরে সরে আবার ঐ হেমদন্তর চিলের কোঠায় পালিয়ে গেল, সবই সেই হ'ল—আমার কিন্তু আজ একটুও ভালো লাগল না দেখতে !

ফেগিলা মুহূর্ত্তে কহিল—আমি ভেবেছিলুম, তুমি বেরিয়েছ বাবা।

এসময় কি কোনদিন আমি বেরুই মা ? কেন তোমার কি মনে নেই, সেবার যখন ডিউক্ এল, আমি গার্ডেন পার্টির নেমন্তন্ন রাখতেও যেতে পারি নি।

ফেগিলার তাহা মনে ছিল, বাড়িটা নাড়িয়া বলিল—তুমিই যে কাল বলেছিলে বাবা, বিকেলে খগেন বাবুর মেসে যাবে।

ওঃ—বলিয়া হেরশ্বনাথ কেদারায় ঠেসান দিয়া পড়িলেন, আবার তখন উঠিয়া বসিয়া কহিলেন—আজ গেলেও ত দেখা হ'ত না নীলা ! আজ যে শনিবার।

নীলা আর কথা কহিল না। টুলটা টানিয়া টুক্ করিয়া বসিয়া পড়িল। সুনীলা ভৃত্যের হাতে চায়ের সরঞ্জাম দিয়া যখন বারান্দায় আসিয়া দাঁড়াইল, তখন ভালো করিয়া কাহারো মুখ দেখিতে না পাইলেও কেমন একটা বিসদৃশ বোধ করিয়া, বিরক্তিপূর্ণ স্বরে চাকরটাকে তর্জ্জন করিয়া উঠিতেই, হেরশ্বনাথ ও ফেগিলা যুগপৎ বিষয়ে ফিরিয়া চাহিলেন। ভৃত্য ক্ষুদ্র টেবিলটা টানিয়া চায়ের জিনিষগুলি নামাইয়া দিয়া, চলিয়া গেল।



## প্রীতির

### নিদর্শন

হেরষনাথ নীরবে চা-পান করিতে লাগিলেন; সুনীলা নিজেও এক পেয়ালা চা লইয়া বসিয়া গিয়াছিল, কিন্তু সেদিন স্বকৃত স্বস্বাচ্চ চা-ও তাহার রসনায় অত্যন্ত তিক্ত বিশ্বাদ অমুভূত হইল—সকলের অজ্ঞাতে চায়ের পেয়ালা নামাইয়া রাখিয়া, একটু দূরে চূপ করিয়া দাঁড়াইয়া রহিল। অগ্ৰদিন হইলে হেরষনাথ নিশ্চিত—আর এক, অন্ততঃ আধ পেয়ালা অতিরিক্ত খাইতে বারবার অঙ্কুরোধ করিতেন এবং নিশ্ফল হইলে নিজেই ক্ষতিটা বেশী করিয়া পূরণ করিয়া লইতেন—আজ তিনি কিছুই বলিলেন না—ইহাতেই তাহার বুঝিতে বিলম্ব হইল না যে, পিতা আজ অত্যন্ত অশ্রমবদ্ধ, চিরদিনের অভ্যাসটিও ভুলিয়া বসিয়া আছেন!

এই সময়েই মোটর গাড়ীর ভেঁপুতে সচকিত হইয়া ফেগিলা আসন ছাড়িয়া উঠিল, এবং কোন দিকে না চাহিয়াই দ্রুত বেগে অন্ত্র পলায়ন করিল। হেরষনাথ বাধা দিবার উত্তোগ করিতেই সুনীলা নিম্নকণ্ঠে জিজ্ঞাসিল—আর এক পেয়ালা দিই?

আর—থাক্—বলিয়া হেরষনাথ মুঢ়ের মত বসিয়া রহিলেন।

সুনীলা হাস্তমুখে কহিল—তোমার চা খাওয়া হ'য়ে গেছে বাবা?

তোমাদের চা আনি দিদি। মিঃ সিংহ আছেন ত?

আছেন—শুনিয়া সুনীলা চলিয়া গেল এবং সেই মুহূর্তেই মিঃ সিংহ দর্শন দিলেন।

আমাকে পাঁচ মিনিট মাপ করুন—বলিয়া সুনীলাও চলিয়া যাইতে, মিঃ সিংহ অগ্ৰকার রেশের বিশদ উপাখ্যান-বিবৃত করিতে লাগিলেন। সিংহ সাহেবের তনয়তা বোধ করি তখনও ঘুচে নাই নতুবা এত বড় অমনোযোগী শ্রোতার সামনে এমন অনর্গল বকিয়া যাইতে তাঁহার নিজেরই

## প্রীতির

## নিদর্শন

লজ্জা জন্মিত । হঠাৎ এক সময়ে ধারণা হইল, তাঁহার এত শ্রম সমস্তই বিফল হইতেছে, হেরষনাথ রেশের কথায় আদৌ মন দিতেছেন না—তখন তিনি গম্ভীর মুখের দিকে চাহিয়া ব্যগ্রকণ্ঠে জিজ্ঞাসিলেন—আজ কি আপনার শরীরটা ভালো নেই ?

হেরষনাথ হাসিয়া উঠিলেন ; হাসিয়া কহিলেন—শরীর ! শরীর খারাপ আমার কদাচিৎ হয়, মিঃ সিংহ । গত দ্বাদশ বর্ষের মধ্যে অসুস্থতা আমি টের ও পাই নি ।

মিঃ সিংহ বলিলেন—না, না, শরীর লইয়া গর্ব করিতে নাই । আমি বরাবর দেখিয়াছি এই গর্ব যাহারা করে, তাহারাই অতি শীঘ্র রোগে পড়ে ।

হেরষনাথ আরো উচ্চকণ্ঠে হাসিয়া উঠিলেন । এক মিনিট পরে, হাসি থামাইয়া বলিলেন—তবে, বোধ করি মিঃ সিংহ, অতি শীঘ্র পড়িতে চাই বলিয়াই আমি এত গর্ব করিয়া থাক ।

সুশীলা বারান্দায় পা দিবার পূর্বেই প্রশ্ন এবং উত্তর সবটাই শুনিতে পাইয়াছিল, যেমন নিঃশব্দে সে আসিয়াছিল, তেমনি স্তম্ভপূর্ণে বাহির হইয়া গেল । তাহার আগমন নির্গমন কোনটাই যাহার দৃষ্টির অগোচর রহিল না, তিনি ঈষৎ চঞ্চল হইয়া যেন আপনাকেই কহিলেন—আমার আবার একটু তাড়া আছে কি-না !

হেরষনাথ “আপনার চা-টা এখনো এ’ল না ! ও সু, সু”...বলিয়া ডাকিতেছিলেন, মিঃ সিংহ “না, অত তাড়া নেই । আসুক-না, আমি ত আছিই”...ইত্যাদি কহিয়া চেয়ারের উপর সুবিশাল দেহভার গুপ্ত করিয়া দিলেন ।

## প্রীতির

### নিদর্শন

একটু পরে কহিলেন—আপনি সেদিনের সেই জকি ভদ্রলোকটির কথা শুনেছিলেন ত ! আজও আমাদের দেখা হ'য়েছিল তাঁর সঙ্গে । তিনি খগেনবাবুর খোঁজ করছিলেন । সেকেণ্ডে থাক্লে, খগেন বাবুর আড়া মোটামুটি লাভ হ'ত । “সেলুন” তাঁর টিপ ছিল ।

হেরঘনাথ সাগ্রহে জিজ্ঞাসিলেন—খগেন যায় নি বেশে ?

সেকেণ্ডে যায় নি । শেষে দেখি খাডে' তুকে, কাবলী টাবলী কতকগুলো ছোট লোকের সঙ্গে.....

আপনি দেখলেন ?

সুশীলাও দেখেছেন । অবশ্য সে আমাদের দেখতে পায় নি । তবে হেরেছে—বেশ হেরেছে । কারণ, আমরা যখন ফিরছি, ক'টা কাবলী-ওয়াল মিলে রাস্তায় তা'কে টানাটানি করছিল, দেখা গেল ।

হেরঘনাথ লাকাইয়া উঠিলেন, বলিলেন—তারা টানাটানি করছিল কেন ?

সিংহ ভাবিয়া চিন্তিয়া কহিলেন—টিক বলতে পারি না, তবে অনুমান হয়.....

হ্যাঁ-হ্যাঁ...

বাক্ ।.....এই যে চা এনে পড়েছে । সুশীলা ও সুশীলা, সিংহ সাহেবের সম্মুখে চা ও নানাবিধ মিষ্টান্নপূর্ণ রেকাবী নামাইয়া দিল ।

সিংহ সাহেব বলিলেন—কি কাও করেছ—সুশীলা ? হ্যাঁ, অনুমান হয়, রেশ্ খেলবার টাকা জোটে নি—ঐ কাবলীদের কাছে ধার করেছেন ।

হেরঘনাথ জিজ্ঞাসিলেন—মাঠে, অচেনা লোককে টাকা ধার কাবলীতেও দেয় ?

শুনেছি ত—দেয়। কাবলীর টাকা ত আর মারা বাবার নয়।

কেন ?

দেখুন-না। আমি ধার চাইলাম, দিলে—আমি ত আর মাঠ ছেড়ে পালাতে পারব না, যখন বেরুব, ঠিক ধরবে। জিত হ'য়ে থাকলে হুদশুদ (দশটাকায় একটাকা বেশী) শোধ, হার হ'লে তখনই টানা হেঁচড়া।

হেরশনাথ উৎকণ্ঠিতস্বরে জিজ্ঞাসা করিলেন—আপনারা দেখলেন, খগেনকে তারা টানা হেঁচড়া করছে ?—বলিয়া তিনি সুনীলার দিকে চাহিতে লাগিলেন।

সুনীলা নতমুখ, নীরব।

সিংহ সাহেব যেন হেরশনাথের ইঙ্গিত বুঝিতে পারিয়াছেন—এই মন্ড্রে দৃষ্টকণ্ঠে কহিলেন—দেখলেও আমরা কি করতে পারতাম বলুন ? অত লোকের নাঝখানে আমি ত আর জামিন হ'য়ে তাঁকে ছাড়াতে পারতাম না। কত বড় বড় সাহেব স্তবো অবধি আমাকে চেনে !

হেরশনাথ যেন এ-সবের কিছুই শুনিতে পান নাই, ব্যগ্র হইয়া বলিলেন—আপনারা দেখলেন তাঁকে টেনে নিয়ে গেল ?

সিংহ সাহেব আস্তে আস্তে বলিলেন—দেখলাম বৈ-কি !

হেরশনাথ আর কিছুই বলিলেন না। সুনীলা চায়ের পেয়ালাটা নানাইয়া দিয়া ধীরপদে প্রস্থান করিল। সিংহ সাহেবও চা-টুকু নিঃশেষ করিয়া কহিলেন—গুড-নাইট।

সুনীলা তাঁহাকে দ্বার অবধি পৌছাইয়া দিতেই, সিংহ সাহেব সুনীলার করধারণ করিয়া বলিলেন—আসি সুনীলা !

## প্রীতির

### নিদর্শন

সুশীলা নমস্কার করিয়া উপরে আসিতে, হেরষনাথ বলিলেন—  
সুশীলা, রেশ্ যাওয়া ছাড়। রেশ্ ভদ্র বঙ্গ মহিলার খেলা নয়।

সুশীলা বলিতেছিল—কেন কত হাজার হাজার ভদ্রমহিলা.....

হেরষনাথ বলিলেন—তর্ক করো না সুশীলা! ভদ্র মেয়ে জুয়া খেলে  
না।

সুশীলা দৃঢ়স্বরে কহিল—তুমি ত যাওনি বাবা, গেলে দেখতে.....

বাধা দিয়া হেরষনাথ বিরক্তিপূর্ণ স্বরে কহিলেন—তর্ক করো না,  
আমি বলছি, রেশ্ ছাড়। রেশ্ বাঙ্গলা দেশের—বাঙ্গালী ছেলেমেয়েদের  
খেলা নয়।—বলিয়া তিনি দাঁড়াইয়া উঠিলেন এবং কোনদিকে না চাহিয়াই  
সোজা নিজের ঘরের দিকে চলিলেন।

আর সুশীলা! কোথায় রহিল—সারানিশি জাগিয়া যে সকল গঠন  
করিয়া হৃদয়, মন সংযমে ভরিয়া, প্রভাতে সে শয্যাভ্যাগ করিয়াছিল!  
গমনোত্তর পিতার পানে তীব্র দৃষ্টিপাত করিয়া অধিকতর তীব্রকণ্ঠে কহিল  
—তোমার ঐ এক কেমন বাবা! খগেনকে কাবলীওয়া টানাটানি  
করেচে, সে'ও আমার দোষ! সে জুয়া খেলে' সর্বস্ব ঘোচায়—তা'তেও  
আমাদের দোষ! আমি .....ইত্যাদি ইত্যাদি।

—আমায় মাফ কর, সুশীলা!—

হেরষনাথ দ্বারটি ভেজাইয়া দিয়া বিছানায় প্রবেশ করিয়া, আজ  
অনেক দিনের পরে, ছ'হাতে মুখ ঢাকিয়া—ঘেন—ঘেন—কাঁদিয়া  
ফেলিলেন।

## দশম পরিচ্ছেদ

### অভাবনীয় ।

দ্বারটি ঠেলিয়া, অন্ধকারে হাঁতড়াইয়া সুইচ্ টিপিয়া সুশীলা ডাকিল—নীচে এসে একবার দেখে যাও বাবা ।

হেরষনাথ তাড়াতাড়ি উঠিতেই, সুশীলা অগ্রসর হইল । হেরষনাথ জিজ্ঞাসিলেন—কি, হ'য়েছে কি ?

সুশীলা কেবলমাত্র কহিল—জুতোটা রেখে এস, দেখতেই পাবে ।

হেরষনাথ ভয়ান্তমুখে নীচে নামিয়া আসিতেই সুশীলা মূহুর্তে কহিল—ঐ দেখ ।

হেরষনাথ প্রথমটা রান্নাঘরের জানালায় ফেলিয়া ছাড়া আর কাহাকেও দেখিতে পান নাই । সুশীলা তাঁহাকে আর একটু অগ্রসর হইতে বলায় তিনি যখন ঠিক সামনে আসিয়া দাঁড়াইলেন, তখন জানালার বাহিরে পথে আর একটা লোকের শুষ্ক রুক্ষ মূর্তি রাজপথের গ্যাসের আলোকে সুস্পষ্ট হইয়া উঠিল । হেরষনাথের বক্ষ ভীষণ আবর্তনে দমুদ বক্ষে জাহাজের মত ছলিতেছিল । তিনি উচ্চকণ্ঠে ডাকিলেন—নীলা !

রাজপথ হইতে মূর্তিটা উদ্ধ্বাসে সরিয়া গেল । হেরষনাথ ঘরে ঢুকিয়া জিজ্ঞাসা করিলেন—ওখানে কে ছিল নীলা ?

নীলা একমুহূর্ত নীরব থাকিয়া কহিল—খগেনবাবু ।

## প্রীতির

### নিদর্শন

সুশীলা কহিল—কাণ্ড কতদূর এগিয়েচে, বুঝলে ত বাবা ?

হেরষনাথ ঘুণায় লজ্জায় সঙ্কুচিত হইয়া বলিলেন—থগেন ওখানে দাঁড়িয়েছিল কেন নীলা ? কি করতে এসেছিল ও ?

নীলা কথা কহিল না। হেরষনাথ কতবার প্রশ্ন করিলেন, নীলা অবনত মুখে নীরবে দাঁড়াইয়া রহিল, কোনটরই উত্তর দিল না।

সুশীলা বার বার বিজয়োল্লাসে এই কথাটাই প্রচার করিতে লাগিল—বাঁবা ত কিছুই দেখবেন না, শুন্বেন না ! এই হ'বে না ত কি হ'বে ! এ ত সকলেই জানে, পথের কুকুরকে আঙ্কারা দিলে নাথায় ত উঠেই, অনেক অপকর্ম করতেও তারা পেছায় না। ছিঃ ছিঃ কি লজ্জা, কি লজ্জা !

হেরষনাথের মুখ দিয়া কথা সরিতেছিল না।

সুশীলা পিতাকে তদবস্থ দেখিয়া পুনশ্চ কহিল—এখন সামলাও বাবা। বড় ভালো ছেলে, বড় ভালো ছেলে, টকাটক পাশ করেছে, বি-এ, অনার্স ! মুখে আর সূখ্যাতি ধরে না যে, নাও এখন ! চাকর-বাকর পর্য্যন্ত জাস্তে পেরেছে।

হেরষনাথ বেদনা ভরা দৃষ্টিতে একবার মাত্র চাহিয়াই মুখটি নামা-ইয়া লইলেন। সুশীলা বলিল—ঐ কামিনীই ত আমাকে ডেকে দিলে, বল্লে বড়দি', মজা দেখ-সে। আমি ভাবলুম, কি-না-কি ! ওমা, এসে দেখি, এই ব্যাপার ! সে কি ছাড়তে পারে এ বাড়ী ? ভেতরে ঢোকবার সাহস নেই, সব বিঘ্নে জানাজানি হ'য়ে গেছে, তাই এখন, “শ্রাম বেড়ায় কুঞ্জের ধারে ধারে।”

হেরষনাথের মনে হইতেছিল, সুশীলার কথাগুলি ভীষণ আগুণে

## প্রীতির

## নিদর্শন

পুড়িয়া লাল হইয়া কাণের মধ্য দিয়া তাঁর বুকটিকে পুড়াইয়া ফেলিতেছে । এবং এতই ভীষণ সে আগুণ—যে স্থানটা স্পর্শ করিতেছে—একেবারে অচল, নিষ্পন্দ করিয়া দিতেছে । অতি কষ্টে নিঃশ্বাস ফেলার মত একবার ফেণিলার পানে চাহিয়া ডাকিলেন—ফেণিলা !

ফেণিলা মুখও তুলিল না, মাড়াও দিল না । হেরষনাথের মনে হইতেছিল, মেয়েটা যদি একটা মিথ্যা প্রতিবাদও করিতে পারে, স্ত্রীলার বিষাক্ত জিহ্বা অন্ততঃ কিছুক্ষণের জ্ঞাপ্তও নিবৃত্ত হয় । কিন্তু সেই অবাধ্য মেয়েটা সেই যে ঘাড় গুঁজিয়া দাঁড়াইয়াছে, বোধ করি নিঃশ্বাসও ফেলিতেছে না । তবুও, হেরষনাথ বিরুদ্ধ আশা করিয়াও, বলিলেন—ফেণিলা, কিছু বলবে ?

ফেণিলা কথা কহিল না, কহিল স্ত্রীলা । স্ত্রীলা পূর্ববৎসরে কহিল—ও বলবে কি ? ওর দোষই বা কি ! ছেলে মানুষ, ওকে ডেকেছে, ও গিয়ে দাঁড়িয়েছে । ও-ত আর ভালোমন্দ অত শত জানে না । ওকে যেমন বুঝিয়েছে, তেমনি বুঝেছে । কামিনী ত স্পষ্টই বলে,—ওনেছে—কি নেওয়া-নেওয়ার কথা হ'চ্ছিল ।—একমুহূর্ত থামিয়া স্ত্রীলা কণ্ঠে কিসের একটা খোঁচা তুলিয়া কহিল—এতক্ষণে বুঝলে ত বাবা !

হেরষনাথ কি বুঝিলেন, কে জানে ! সেইখানেই বসিয়া পড়িয়া হ'হাতে কপালের শির ছুটি চাপিয়া ধরিলেন ।

স্ত্রীলা আপন খেয়ালে বলিতে লাগিল—সাহসকেও বলিহারী । এই সন্ধ্যা রাত্রে, পথে এত লোকজন, গাড়ীঘোড়া, এত আলো,—তুচ্ছ করে' ভদ্রলোকের জানালায় দাঁড়িয়ে.....

হেরষনাথ বলিয়া উঠিলেন—আঃ স্ত্রীলা, থাম-না !



## প্রীতির

### নিদর্শন

সুশীলা প্রথমটা খতমত খাইয়া গেল। তার পর আন্তে আন্তে বলিল—আমি খামলেই যদি সব দিক রক্ষে হত, না-হয় চুপই করতুম। কিন্তু এ-যে লোকজন, চাকর-বাকরও কাণাঘুষো করছে। আর, তা’ও বলি বাবা, এখনও তুমি চুপ চুপ করে’ এই সবে প্রশ্রয় দিতে চাও? তা’ হলে যা দাঁড়াবে……

কামানের গোলাটা সামনে ছিট্কাইয়া পড়িলে সৈনিক যেমন নিমেষের জন্ত সম্ভ্রম হইয়া উঠে, সুশীলা-ও তেমনই অকস্মাৎ ফেণিলার তপ্ত কণ্ঠস্বরে কি-রকম হইয়া গেল।

ফেণিলা বলিতেছিল—কিছু দাঁড়াবে না দিদি। সে ভয় করে না। গরীবের ছেলের দ্বারা অপকার হ’বার সম্ভাবনা খুবই কম। সে ভেতরেও ঢুকবে না, এবং তোমার কল্লিত নিদারুণ ভয়-ভাবনার পরিণামও কিছু ঘটবে না।—বলিয়া সে ঘর ছাড়িয়া চলিয়া গেল।

সুশীলার জ্ঞান ফিরিয়া আসিতে সে যখন ঘরটা বেশ করিয়া নিরীক্ষণ করিয়া লইতেছিল, তখন আবার ফেণিলা বিক্ষিপ্ত চরণে ঘরে ঢুকিয়া ততোধিক বিক্ষিপ্তস্বরে কহিল—ভাবনা গরীবদের নিয়ে নয়। সারা ঝটায় যেখানে দেখবে, সব দেখবে ঐ হোমরা-চোমরা বড় বড় বাবুদের ঘেঁই ভাবনা। বড় হ’য়েছেন বলেই বোধ করি কোন ছোট কাজ করতে তাঁরাই পেছোন না, কোন্ ভণ্ডামীই তাঁদের বাধে না—কিন্তু গরীবের বাধে। তাঁদের দারিদ্র অপরাধ ছাড়া আর বেশী হিঙ্গ্র পাবে না দিদি—যা তোমার, এই দেশের বড়দের মধ্যে অগণিত দেখবে।

কাঠগড়ার আসামী বিচারকের সামনে যেমন কেবল চোখের

## প্রীতির

## নিদর্শন

আগুণের দ্বারাই অভিযোক্তাকে বিচারকের ক্রোধানলে সমর্পণ করিতে চায়, সুশীলাও তেমনি বারবার পিতার পানে চাহিতে লাগিল।

ফেণিলা সে দৃষ্টি সম্পূর্ণ অগ্রাহ্য করিয়া দিয়া বলিল—বড় লোকের বড় কথা দিদি, সে ধরবার মত ক্ষুদ্রতা তোমারও নেই, বড় লোকেরও বোঝবার ক্ষুদ্রতা নেই—কিন্তু গরীবের অল্প ছিদ্রকেই টেনে টেনে তোমরা বিরাট করে তুলতে খুব পার, —খুব চাও, খুব পার। তা আমি জানি।

আমরা চাই? তুমি জান!!!

সে কথা কি নিজেই জান না দিদি? আমাকে জিজ্ঞাসা করে আর কেন ভগ্নামী করছ?

বাবা, বাবা! আমি ভগ্নামী করছি! বাবা! শুন্হ?

ফেণিলা আরো উত্তেজিত হইয়া উঠিল, কহিল—বাবাও শুন্ছেন, তুমিও শুন্হ। আমি ত গোপন করতে চাই নি দিদি, কালও না, আজও না। আমার যা বলবার তা আমি এমনি করেই বলতে চাই ও বলতে পারি।

—বলিয়া সে বাহির হইয়া যাইতেছিল, সুশীলা সামনে দাঁড়াইয়া বলিল, —আজই আমার এখান থেকে চলে যাওয়াই উচিত ছিল, আমি কালই রাঁচী যাব।

তাই যেও দিদি, তাই যেও। আজই কেন যাও নি তাই ভাবি আমি।

তা ত বল্বেই তুমি। আজ গেলে ত আর তোমার খগেনবাবুর কীর্তি.....

দাঁড়াও দিদি! খগেনবাবু একা 'তোমার' নয়। একদিন সে আমার

## প্রীতির

### নিদর্শন

তোমার, বাবার—সবারই ছিল। যখন কোন বড় লোক আসে নি, তখনকার কথা মনে পড়ে কি? তখন খগেন ছাড়া বায়স্কোপ দেখা চলত না, খগেন না এলে দিনটাই বুথা মনে হ'ত, খগেন উপরি উপরি চু'দিন না এলে বাবাকে যে ছুটতে হ'ত খোঁজ নিতে—সে কি একা আমারই বলে? সে ত তখনও গরীব ছিল দিদি, তখন ত কৈ এত অপ্রসন্ন ছিলে না তুমি! বড় লোক সে ত কোন দিনই নয়, তখন ত সে এ বাড়ীর কুকুর-বেড়ালটারও প্রিয় ছিল, বড় গাছের আওতায় ফেনে সে বেচারাকে মেরে কেন হাত গন্ধ করবে দিদি, তা'কে অব্যাহতি দাও। সে'ও বাঁচুক, তোমরাও বেঁচে যাও।

সুশীলা নিষ্পন্দ অসাড়,—স্তম্ভিত হইয়া গেল। এতটুকু একটা মেয়ে, বয়সে দশ বছরেরও ছোট, সে মুখের উপর এই সব কথা বলিয়া গেল। পিতার সমক্ষে, অসঙ্কোচে বলিতেও তাহার দুঃসাহস হইল।

বোধ করি একমিনিটেরও কম সময় সুশীলার বিমূঢ়তা বর্তমান ছিল, তাহারই পরে সে একেবারে ফেণীলাকে টানিয়া পিতার সামনে ছাড়িয়া দিয়া বলিল—অপরাধ আমার! রাস্তার হতভাগাকে ডেকে রান্নাঘরের জানালায় এনে গোপন আলাপন করি! অপরাধ আমার!

হের্ষনাথ অশ্রু একটা দরজা দিয়া বাহির হইয়া গেলেন। তাহাতে সুশীলার রোষ বাড়িল বৈ কমিল না। সেই দ্বিগুণিত রোষের বেগে সবলে ফেণীলার স্বন্ধে চাপাইতেই সুশীলা তেজের সঙ্গে প্রশ্ন করিল—অপরাধ আমার! কিন্তু ঐ হতভাগা পাজীটা জানেলায় দাঁড়িয়ে, হাত ধরে কি ধর্ম্য কথা শোনাচ্ছিল শুন্তে পাই কি?

ফেগিলা শুধু হইয়া রহিল দেখিয়া সে পুনরায় জোর দিয়া বলিল—  
বল-না কি সারমন প্রিচ্ করছিল, শুনে ধন্ত হ'য়ে যাই ?

তবুও ফেগিলা কথা कहিল না দেখিয়া সুশীলা কথঞ্চিৎ শান্ত হইয়া  
বলিল—কামিনী কি বল্লে ? কতক্ষণ ধরে যে এ-রকম কথাবার্তা হ'চ্ছে  
তার আর ঠিক নেই। শুধু কি কথাবার্তাই হ'য়েছে—তারই বা ঠিক  
কি ?—এ কি খুব গর্বের কথা ?

কথাটা এমন বিস্তীর্ণ, জবাব, মর্শ্বাস্তিক না হইলে ফেগিলা চীৎকার  
করিয়া উঠিত, এবং যে কুৎসিৎ ইঙ্গিত করিতে সুশীলার এতটুকু বাধা  
নাই, তাহার প্রতিবাদ করিতে কামিনীরও ডাক পড়িত, কিন্তু ক্রোধে  
অপমানে সে-যেন একেবারে অসাড় হইয়া পড়িয়াছিল।

সুশীলা এবারে আরো শান্ত সংযত কণ্ঠে कहিল—কামিনী বল্লে  
ত আমি বিশ্বাসই করি নি। এ-কি বিশ্বাস করা যায় ? সে-যখন বসে  
মধু-ও দেখেছে, সে-ই কামিনীকে ডেকে দেখিয়েছে, তখন....

এতক্ষণে ফেগিলা মুখ তুলিয়া চাহিল। হাত ছুঁটি, চোখের পাতা  
ছুঁটি, একবার কাঁপিয়া উঠিল, শুধু পাংশু কণ্ঠাধরে বস সক্ষম করিয়া  
ধীরে ধীরে कहিল—কামিনী কামিনী করো না দিদি। সে ত তোমার  
সেই রাঁচীর হোটেলওয়াল চক্কোস্তীর কামিনী ! তার কাহিনী ত  
তুমিই বলেছ আমাদের। তা'কে আর সাক্ষী করে' বাহবা নেবার  
দরকার নেই।

সুশীলা জিজ্ঞাসিল—বাহবা নেবার !

নয় ত কি দিদি !

ফেগিলা মুহূর্তমাত্র মৌন থাকিয়া পুনশ্চ মৃৎকণ্ঠেই कहিল—নয় ত কি

## প্রীতির

### নিদর্শন

দিদি ! তোমার কামিনী, তুমি, এত যে হটগোল করছ, কি হ'য়েছে কি শুনি ? এত যে গলাবাজী করছ, সাক্ষী সাবুদ ডাক্ছ, কি হ'য়েছে কি ?

তা'হলে আমরা যা দেখেছি, তুমি বলতে চাও সব মিথ্যে ?

না তা আমি বলতে চাই নে। আর তা বলে তোমাদেরই বা শ্রদ্ধা থাক্বে কেন দিদি। তোমরা ঠিকই দেখেছ। কিন্তু তা নিয়ে তোমার অমূল্য সময় নষ্ট করবার কোন দরকার নেই, মাথা ঘামিয়ে কোন ফলও নেই।

সুশীলা থতমত খাইয়া গেল। সে ত ঠিকই দেখিয়াছিল, এবং সে ঠিকই জানিত, ফেণিলার স্বীকার করিবার কিছুই নাই, কিন্তু সে যে তাহাকে একবারেই অগ্রাহ করিয়া দিয়া নিজের জিদ বজায় রাখিবে ইহাই ছিল, তাহার কল্পনার অতীত। তখন আর সে কোন কথাই কহিতে পারিল না, কেবলমাত্র ফেণিলার শেষের কয়টা কথা পুনরুচ্চারণ করিল—মাথা ঘামিয়ে আমাদের কোন ফলও নেই ?

না, নেই। তোমারও না, তোমার কামিনীরও না।

সুশীলার মনে হইল, ফেণিলা তাহাকে কামিনীর সঙ্গে এক পংক্তিতে ফেলিয়া দিল। নিমন্ত্রণ বাড়ীর ( পূর্ব্বেকার ) শূদ্র ব্রাহ্মণ, ভদ্রেতর এবং গৃহে মনিব ভৃত্যের তারতম্যটুকু যাহারা কথায় বা কাজে বজায় রাখিতে পারে না, তাহাদের সঙ্গে তর্ক করিতেই সুশীলার প্রবৃত্তি হইতেছিল না কিন্তু এত বড় অপমানের বোঝা বহিয়া চলিয়া যাইতেও তাহার মনে যথেষ্ট দ্বিধা ছিল। সে মরিয়ার মত বলিয়া উঠিল—বেশ, আমরা না হই তোমার চাকর বাকরেরই সামিল হ'লুম, বাবার কাছে বল্বে কি গুণনিধিটি কি অতিপ্রায়ে এসে, নির্জনে, নিশীথে কুঞ্জমধ্যে....

প্রীতির

নিদর্শন

ফেণিলা দাঁড়াইয়া উঠিয়া বলিল—থাক্ দিদি, যথেষ্ট হ'য়েচে ।  
তোমার এ কবিত্বপূর্ণ বক্তৃতা এ-হেন বেনা-বনে অপব্যয় করো না ।  
যদি দরকার হয়, আর বাবা জান্তে চান্, তাঁকে আমি অবশ্যই বলবো,  
আর তুমিও যেখানে থাক—বাবাকে বলে দেব খবরটা পাঠিয়ে দিতে ।—  
বলিয়া পাশের দরজাটা টানিয়া, ঝপাৎ শব্দে বন্ধ করিয়া ভিতরে  
চলিয়া গেল ।

## একাদশ পরিচ্ছেদ

আরও অত্যাশ্চর্য্য ব্যাপার ঘটিল।

সেই 'রাত্রে হেরষনাথ আহারে বসিয়া পার্শ্বোপবিষ্ট সুনীলার পানে চাহিয়া বলিয়া উঠিলেন—না, আমি দিনকতকের জগ্গ বাইরে যাচ্ছি।

সুনীলা জিজ্ঞাসিতেছিল কোথায় যাইবেন, কতদিন থাকিবেন—ইত্যাদি, বুদ্ধ সে অবদরটুকুও না দিয়া কহিলেন—তুমি খুব সাবধানে থেকে না। ঠিকানা রেখে যাব, বিশেষ দরকার বুঝলেই আমাকে খবর দিতে, চাই কি, তার করতেও বিলম্ব করো না। তোমারই 'পরে সব ভার রইল না, খুব সাবধানে, যাতে সবদিক বজায় থাকে, তাই কুরে চলো না। তুমি আমার সুনীলা মেয়ে, সব চেয়ে তোমার 'পরেই আমার অচলা বিশ্বাস।

সুনীলা ঘটনাস্থলে উপস্থিত না থাকিলেও সন্ধ্যার কুশ্লী কাণ্ডটা সবই জানিত। পিতার এই অকস্মাৎ বিদেশ গমনের যে সেই একমাত্র কারণ ইহাও সে অবগত ছিল,—কাজেই বাধা দিবার ইচ্ছা তাহার বিন্দুমাত্র জন্মিলই না। সে জিজ্ঞাসিল—কোথায় থাকবে, বাবা, কিছু ঠিক করেছ?

আমি লক্ষ্মী-এ সূধীরের কাছেই থাকবো। সূধীরের ঠিকানা ত তুমি জান, সূ!

জানি বাবা। কবে.....

কালই বারোটোর এস্প্রেসে যাব, মা, একটু রাত জেগে তুমি আমার জিনিষপত্রগুলি গুছিয়ে গাছিয়ে দিয়ো। সকালে ত আর সময় হ'বে না, আমাকেও সকালে বাইরে যেতে হ'বে একটু।

অনেকক্ষণ পর্যন্ত কেহই আর কথা কহিল না। খাওয়া প্রায় শেষ হইয়া আনিয়াছে, সুনীলা বলিল—বাবা, ঐ কামিনীকে আমি রাখব না।

হরষনাথ মুখ তুলিয়া দবিস্ময়ে কহিলেন—কেন স্নু?

সুনীলা ইতঃস্তুত করিয়া আনতমুখে কহিল—না বাবা, ও-রকম নষ্ট চরিত্রের লোক কারুরই বাড়ীতে রাখা উচিত নয়।

হরষনাথ একমুহূর্ত পরে কহিলেন—তোমার দিদি ওকে রাঁচী থেকে এনেছেন-না?

হ্যাঁ। আমরা রাঁচীর ভাড়া দিয়ে দেব। ও যাক্ ফিরে। আমি ওকে কিছুতেই রাখতে পারব না।

আমি আর কি বলব স্নু? তুমি যা ভালো বুঝবে, তাই করো না।

একমিনিট থামিয়া পুনরায় কহিলেন—শুধু ঐ কামিনীকে রাখা-না-রাখার কথা নয় মা, সংসারের সকল ভালো-মন্দ, সব দায়ীদ্বই যখন তোমার শিশুমস্তকে তুলে দিয়ে যাচ্ছি, তখন তোমার বুদ্ধি বিবেচনাতেই সকল কাজ তুমি করতে পারবে মা। তবে একটি কথা তোমাকে আমি বলতে চাই স্নু, সে'টি হ'চ্ছে এই,—অল্পকারণে নিজেও ক্ষুব্ধ হ'রো না, মা, অপরকেও ক্ষুব্ধ করো না। সংসারের এই একটিনাত্র দহজ পথ আছে, মাস্থ্যের স্মৃথী হ'বার।



## প্রীতির

### নিদর্শন

সুনীলা একাগ্রচিত্তে পিতার কথাগুলি শুনিতোছিল। শুনিতো শুনিতো সে এতই তন্ময় হইয়া পড়িয়াছিল যে, পিতা কখন হাতট তুলিয়া, তাহারই মুখে দৃষ্টিনিবদ্ধ করিয়া, চুপ করিয়া বসিয়া গেছেন—সে জানিতেও পারে নাই। হেরষনাথ ডাকিতেই, তাহার ঘেন, ঘুমটি ভাঙ্গিয়া গেল।

হেরষনাথ কহিলেন—তুমি যে ক্ষুধা হও না, তোমার ব্যবহারেও কেউ ক্ষুধা হয় না—এই গোপন সন্তোষ কেবল তুমিই জানবে, স্ন, আর কেউ জানবে না। কিন্তু তা'তেও তোমার দুঃখ নেই না। কারণ অন্ধকারেও ঝাঁর চোখে সব পড়ে, এ'ও তাঁর চোখে পড়ে' তুমি ধন্ত হ'য়ে যাবে।—বলিয়া তিনি একমিনিট ধরিয়া স্থির দৃষ্টির দ্বারাই দুহিতাকে আশীর্বাদ করিয়া আসন ছাড়িয়া উঠিলেন।

সুনীলা কিয়ৎকাল নীরবে সেখানেই বসিয়া রহিল। শেষে উঠিয়া নীচে নামিতে নামিতে হঠাৎ তাহার মনে হইল, আজ আবার খাওয়া দাওয়া লইয়া গওগোল ঘটিতে পারে। মনে পড়িতেই সে পিতার সন্নিগটে ফিরিয়া আসিতেছিল। আবার কি ভাবিয়া নামিয়া গেল। এবং নীচে আসিয়া বাহা দেখিল, তাহাতে তাহার ভাবনা-চিন্তা সব বিদূরিত হইয়া গেল। সুনীলা আহার শেষ করিয়া একটি লবঙ্গ তুলিয়া মুখে দিতেছিল, তাহাকে দেখিয়াই কহিল, তোমরা খেয়ে নাও, স্ন।

ফেণলাকে ডাকিবামাত্র সে'ও উঠিয়া আসিল। হু'জনে আহারে বসিয়াছে—নিকটে কেহই নাই, সুনীলা জিজ্ঞাসিল—নীলা, এসেছিলেন তিনি ?

ফেণলা মুখটি তুলিয়া বলিল—এসেছিলেন !

## প্রীতির

## নিদর্শন

সুনীলা হুই মুহূর্তকাল নীরব থাকিয়া বলিল—কি বলেন ?

ফেণিলা কি ভাবিল, বলিল—হ'শ টাকার জন্তে এসেছিলেন।

টাকার জন্তে !!

হ্যাঁ।

অনেকক্ষণ হ'জনেই নীরব। শেষে সুনীলাই নিস্তব্ধতা ভঙ্গ করিয়া জিজ্ঞাসিল—তা ভেতরে না এসে.....

ভেতরে আসতেন, কিন্তু বাইরে থেকেই সিংহ গর্জন.....

বাধা দিয়া সুনীলা কহিল—তিনি বাবার কাছে আসতেন, তাতে অশ্রু লোককে ভয় করার তাঁর দরকার ?

ফেণিলা বলিল—দরকার নেই ? কি বলছ তুমি ! কাল যে অপমানটা করেছে তাঁকে, তিনি ওর সামনে আর আসতে পারেন ?

সুনীলা হঠাৎ কিছু বলিল না ; প্রায় একমিনিট কাল সে কট্ট কয়খানি নাড়াচাড়া করিয়া কহিল—কি জন্তে টাকার দরকার তা কিছু বলেছেন ?

না।

বাহিরে কাহার মুহু পদশব্দ শুনিয়া উভয়েই দ্বারের পানে চাহিয়া রহিল। কামিনী উকি মারিয়া সরিয়া বাইতেছিল, সুনীলা তীক্ষ্ণস্বরে ডাকিল—কি কামিনী ?

না, কিছু না। তোমরা খাচ্ছ কি-না তাই দেখছিলুম দিদিমাণি।—বলিয়া সে চলিয়া গেল।

সুনীলা রোষযুক্তস্বরে কহিল—যদি বা একটুও দয়া ছিল, তা আর রইল না। বিদেয় করে তবে আর কাজ !

## প্রীতির

## নিদর্শন

ফেগিলা জিজ্ঞাসিল—ও-কে ?

হ্যাঁ। বাবাকে আমি আগেই বলে রেখেছি, নীলা, ওকে আমি রাখব না।

ফেগিলা বলিল—ওঁরা রাজী হয়েছেন ?

বাবা, আমার পরেই সমস্ত ভার দিয়েছেন। আর কারকে রাজী করবার আমার দরকার নেই। জানিস নীলা, বাবা কালই লক্ষ্যে যাচ্ছেন ? •

বাবা !—লক্ষ্যে ?

সুনীলা বলিল—হ্যাঁ। আমিও সম্মত হ'য়েছি।

আমরাও যাব ? না মেঝ্দি, এখন আমি.....

বাবা একলা যাবেন, নীলা। আমরা থাক্‌ব।

ফেগিলা এক মুহূর্ত্ত পরে কহিল—হঠাৎ লক্ষ্যে কেন মেঝ্দি ?

সুনীলা বলিল—তা জানিনে, নীলা। সে কথা বাবা আমাকে কিছু বলেন নি।

ফেগিলা ব্যগ্রস্বরে কহিল—দিদি গুনেছেন ?

না। সকালে তাকে বলব 'খন। আমাকেই বলেছেন খেতে বসে।

গুনিয়া অনেকক্ষণ পর্য্যন্ত ফেগিলা কথা কহিল না ; ঘািলার 'পরে হাত রাখিয়া এবং সেই হাতটির 'পরেই চোখ দুটি স্থির করিয়া, বসিয়া রহিল। তাহার পর, ধীরে ধীরে মুখখানি তুলিতে তুলিতে কহিল—আমিই এর কারণ, মেঝ্দি ?—তাহার স্বর কাঁদ কাঁদ।

সুনীলা সহজ স্বরেই কহিল—না, না তুই কেন কারণ হ'তে বাবি, নীলা ! তুই না, তুই না !

## প্রীতির

## নিদর্শন

তবুও ফেগিলা শাস্ত হইল না ; এবারে সে অশ্রুমুখী হইয়া বলিল—  
না মেঝে, তুমি আমাকে মিথ্যা সান্ত্বনা দিচ্ছ ! আমি বুঝতে পারছি  
—আমিই একমাত্র এর কারণ ।

কেন—তুই ও কথা ভাবছিস্ নীলা ? বাবা কি সেই লোক  
আমাদের !

তুমি সত্যি বলছ মেঝে ?—বলিতে বলিতে সে দক্ষিণ হস্তদ্বারাই  
সুনীলার হাতটি চাপিয়া ধরিয়া, বাষ্পপূর্ণস্বরে কহিল—বল, মেঝে, সত্যি  
করে বল ভাই ।

সত্যিই বলছি নীলা ।

কিস্তি আমাকে বললেন না কেন ?

কাল সকালেই বলবেন—নিশ্চয় । আজ যখন স্থির হ'য়েচে, তার  
পর তোর সঙ্গে তাঁর দেখা হ'ল কখন, তাই শুনি, যে বলবেন !

ফেগিলা চুপ করিল । গভীর রাত্রে সে এই কথা কয়টি ভাবিয়াই  
জাগিয়া উঠিয়াছিল ; বিছানায় সুনীলাকে না পাইয়া আতঙ্কে সে শিহরিয়া,  
ক্ষিপ্ৰহস্তে সুইচটি নামাইয়া আলো জালিয়া ফেলিল । সুনীলা ঘরে  
ছিল না । বিছানার যে অর্দ্ধাংশ স্থানটুকু সুনীলার জন্ত নিদিষ্ট ছিল  
তাহা অস্পৃষ্টই বোধ হইল । ফেগিলা দু'মিনিট বিছানার কাছে  
দাঁড়াইয়া তাহাই লক্ষ্য করিতেছিল । ইয়া, অস্পৃষ্টই বটে ! কোথাও  
এতটুকু ভাঁজ নাই, যেমন শুভ্র উপাধানটি—নিটোল, তেমনি রহিয়াছে ।

তবে সে নিশ্চয়ই বাবার ঘরে আছে । কোন সন্দেহ নাই । আমিও  
যাই । যাইব ? বাবা—না, না মেঝে যে বলিয়াছে,—নিশ্চিস্ত ।—সে অতি  
মৃদুগতিতে ঘর ছাড়িয়া বারান্দায় আসিয়া পড়িল । বারান্দার পাশেই

## প্রীতির

### নিদর্শন

পড়িবার ঘরটি, তাহার পরের বৃহৎ কক্ষ পিতার শয়ন-মন্দির। সে পা বাড়াইয়াছে,—ও-কি পড়িবার ঘরে আলো জ্বলে কেন? জ্বলিতেছেই ত! কোণের আলোটাই জ্বলিতেছে। ঘরে ঢুকিয়া দেখিল, সুনীলা নিবিষ্টচিত্তে কি একটা লিখিতেছে। তাহাকে বিশেষরূপ চমকিত করিয়া দিবার উদ্দেশ্যেই সে চরণের মৃদুগতি মৃদুতম ও নিঃশব্দ করিয়া লইয়া—আস্তে আস্তে চেয়ারের পিছনে আসিয়া দাঁড়াইল।

একখানা চিঠি লেখা হইয়া গেছে, সেখানা পাশেই পড়িয়া রহিয়াছে; সুনীলা একখানি চেক লিখিতেছিল।

চেকটি কাটিয়া, পত্রের পিছনে গাঁথিয়া খামে মুড়িবে, ফেগিলা বলিয়া উঠিল, কাকে দিয়ে পাঠাবে মেঝু?

সুনীলা পাংশুবিবর্ণ হইয়া, একবার মাত্র ছোট বোনটির পানে চাহিয়া, আবার বসিয়া পড়িল। তখনই কণ্ঠে বল সংগ্রহ করিয়া কহিল— একটা চাকর বাকর কাউকে দিয়ে পাঠাতে হ'বে।

ফেগিলা বলিল—আমারও ত এলাহাবাদ ব্যাঙ্কেই টাকা রয়েছে। আমিও দেব একখানা?

সুনীলা বলিল—কেন তাঁর ত দু'শ টাকারই মোটে দরকার ছিল। দু'শই ত চেয়েছিলেন। দরকার যে কত, তা ত আমরা জানি নে। তবে তোমার আমার দু'জনের এই যে ব্যাঙ্কের টাকা—এ ত তাঁর হাত দিয়েই পাওয়া! কাজেই তাঁর দরকারের সময় দিলুমই বা কিছু বেশী!

বোধ করি এইতেই তাঁর দরকার মিটবে। আর এ'টা আমি ধার দিচ্ছি, নীলা, একেবারে নয়!

## প্রীতির

## নিদর্শন

ফেণিলা অতিশয় বিশ্বয় দমন করিতে না পারিয়া কহিল—ধার দিচ্ছ !

এই দেখ্ না—বলিয়া পত্রখানার একাংশে অঙ্গুলি নির্দেশ করিয়া ফেণিলার সামনে ধরিল ।

সে পাঠ করিল :—

আপনার, এই ঋণটি পরিশোধ করিবার কোন নির্দিষ্ট সময় রহিল না । আপনার সুবিধামত.....

ফেণিলা চক্ষু তুলিয়া লইয়া কহিল—তবু ভালো যে, এতখানি ! বদান্ততা দেখাতে পেরেছ !

সুনীলা বলিল—বদান্ততার কথা নয়, নীলা । আমি যদি এমন একটা সর্ত্ত না করতুম, তুঁই কি ভাবহিস্, এ টাকা তিনি স্পর্শও করতেন ! কারো কাছে আর্থিক হিসাবে, উপকৃত হ'তে কিছুতেই তিনি রাজী হ'তেন না,—তাতে তাঁর মর্যাদার হানি হ'ত ।

একথার বিরুদ্ধে ফেণিলা আর কিছুই বলিল না । খগেনকে সে'ও জানে । সে এই পরিবারের কাছে অশেষ রকমে ঋণী, সে ত নিজের মুখেই তাহা স্বীকার করে—কিন্তু এখন সে উপার্জন করিতে শিখিয়াছে, এখন কোন মতেই সে কাহারো দান গ্রহণ করিবে না । এই কথা কয়টি ভাবিতে ভাবিতে আর একটা ভাবনা একটুখানি মেঘের মত তাহার স্মনির্ম্মল চিত্তাকাশে ভাসিয়া উঠিল, সে তৎপ্রতি লক্ষ্য না করিয়াই কহিল—তা ঠিক !

সুনীলা বলিল—নেহাৎ দরকার না হ'লে, তিনি কখনই আসতেন না, নীলা । তাই আমি মনে করছি, কাল খুব সকালেই এ'টা পার্টিয়ে দেব । বাস্তবিক টাকার অভাবে যদি কোন বিপদেই.....

## প্রীতির

### নিদর্শন

এতক্ষণে মেঘটা বেশ জমিয়া উঠিয়াছিল এবং সুনীলার কথার মাঝখানেই কাবুলীওয়ালা-সংক্রান্ত কথাগুলি তাহার মনে পড়িতেই, সে চাপিতে না পারিয়া বলিয়া উঠিল—খগেন বাবু যে জলের জুয়ায় সর্বস্ব হেরেছেন, তার আর সন্দেহ নেই, কি বল ?

সুনীলা বলিল—ঘরে চল নীলা ।

আমি যে যাচ্ছিলুম, বাবার সঙ্গে কথা কহিতে ।

এখন আর তাঁকে জাগাস্ নে, ভাই । চ' আমরাও শুইগে, কত বাজল ?

তিনটে ।

চ, চ'—আর একটি মিনিটও নয় ।—সুনীলা চিঠিখানি হাতে করিয়া অল্প হাতে ফেণিলার বাছ ধরিয়া ঘরে আসিয়া কহিল—শুয়ে পড় । বরঞ্চ মুখ, হাত, পা-গুলো ধুয়ে নে ।

চিঠিখানা আশীর উপরে রাখিয়া যখন বাতিটা নিবাইয়া দিয়া তরুণী দুইটি শয্যাশ্রয় লইল, তখন ও-ঘরের ঘড়িটা ঢং করিয়া বাজিয়া উঠিল । সুনীলা পাঁচ সাত মিনিটের মধ্যেই ঘুমাইয়া পড়িল, কিন্তু ফেণিলা অন্ধকারে চোখ মেলিয়া কি যে দেখিতে ও ভাবিতে লাগিল তাহার কোন ঠিকানা সে-ই করিতে পারিল না ।

গোটাকতক ( বোধ হয় ) থিয়েটার-ফেরৎ ছোকরা খুব উচ্চকণ্ঠে কোন এক নাটকের বীরসাম্রাজ্যক একটি দৃশ্যের মহলা দিয়া, গাড়াটি সচকিত করিয়া চলিয়া গেল ; ময়লাগাড়ী বন্ বন্ শব্দে একদিক হইতে অত্ৰাদিকে দল বাঁধিয়া চলিয়া গেল এবং দেখিতে দেখিতে রহমণ মিশ্রার খোলার ঘরে জালার মধ্যে জাগিয়া মোরগকুল প্রাতঃসঙ্গীতে কোঁথাকার

একদল কাককে ডাকিয়া আনিয়া পাড়ার মধ্যে ছাড়িয়া দিতেই, তাহাদের হাঁকাহাঁকি ডাকাডাকিতে দিনমণিও জানালার ফাঁকে ফাঁকে নীলার চোখের পাতায় ফুটিয়া উঠিলেন। নীলা ধড়মড় করিয়া উঠিয়া বসিল। পাশেই একগাছা বেলফুলের গোড়ের মত শুভ্র বেশে সুনীলা বিছানায় পড়িয়া অকাতরে ঘুমাইতেছিল, নীলা বার বার তাহারই অনাবৃত সুন্দর গোরতরুর পানে চাহিয়া, আর একবার গুইবে কি-না তাহাই ভাবিতেছিল, হঠাৎ আশির 'পরে চিঠিটায় নজর পড়ায়' সে আস্তে আস্তে খাট হইতে নামিয়া, দ্বার খুলিয়া, গোবিন্দকে ডাকিয়া, মুখে মুখে ঠিকানাটা কহিয়া ফিরিয়া আসিল। তখনও সুনীলা গাঢ় নিদ্রামগ্ন। ফেণিলার ইচ্ছা হইতোছিল, ঠেলিয়া ঠুলিয়া, জড়াইয়া, ডাকিয়া, তাহাকে তুলিয়া দেয়। সেই উদ্দেশ্যেই সে খাটের কাছে আসিয়া দাঁড়াইয়াছিল, কিন্তু নিদ্রিতা যুবতীর মুখের অসামান্য তৃপ্তিটুকু, তাহার অচেতন দেহের স্বপ্ন স্পন্দনটুকু, সর্বোপরি, সর্বাপেক্ষে বিরাজিত অসীম শান্তির সুকোমল সৌন্দর্য্যটুকু তাহাকে এতই বিমোহিত করিয়া ফেলিল যে, তাহাকে স্পর্শ করিতেও তাহার সাহস হইল না। কয়েক মুহূর্ত্ত ধরিয়া নিশ্চল পাষণ মুর্ত্তির মত দাঁড়াইয়া, আস্তে আস্তে পাখাটি ঈষৎ বেগে চালাইয়া, ঘর হইতে বাহির হইয়া গেল।

প্রাতঃস্নান সারিয়া সে যখন কাশ্মিরী বারান্দায় পিতার সামনে এক-খানা চেয়ারে বসিয়া চা ও জলখাবারের প্রতীক্ষা করিতে লাগিল, ঠিক সেই সময়েই গোবিন্দ আসিয়া হেরম্বনাথের সম্মুখে দাঁড়াইতেই, তিনি জিজ্ঞাসিলেন—খগেন বাবু বাড়ীতে ছিলেন, গোবিন্দ?

বাবু ছিলেন, তাঁহার হাতেই দিয়া আসিয়াছে—বলিয়া গোবিন্দ চলিয়া



## প্রীতির

### নিদর্শন

যাইতেই, ফেণিলা অকস্মাৎ স্বেদসিক্ত হইয়া উঠিল। টেবিলের “পত্রিকা” থানা তুলিয়া, ‘সম্পাদকীয়’ পাতাটি চোখের সামনে খুলিয়া কোনমতে কপালের স্বেদ-বিন্দুগুলিই গোপন করিতে পারিল। কিন্তু শুধু তাই নয়, তাহার হাত দু’টি এমনই ঘন ঘন কাঁপিতে লাগিল যে, ‘সম্পাদকীয়’ পাতাটি ছাড়া অশ্রু কাগজগুলি ঝড় ঝড় করিয়া মাটিতে পড়িয়া গেল। হেরষনাথ হাত বাড়াইয়া সেগুলি তুলিয়া, পাঠোত্তোগ করিতেই ‘মেঝে কৈ’—বলিয়া ফেণিলা একেবারে পড়িবার ঘরের ভিতর দিয়াই শয়ন কক্ষে উপস্থিত হইল।

সুনীলাও স্নান করিয়া, ঘরেরই আসবাবপত্র নাড়ানাড়ি করিতেছিল, তাহাকে দেখিয়াই মৃদুস্বরে জিজ্ঞাসিল—নীলা, চিঠিখানা কোথায় রেখে-ছিলাম দেখেছিলি ?

ফেণিলা মৃদুকণ্ঠে কহিল—চিঠি পৌছে গেছে মেঝে-দি, কিন্তু……

সুনীলা সবিস্ময়ে কহিল—তিনি নাই বাসায় ?

তা নয়। চা কৈ—ক’টা বেজেছে—বাবা যে বসে।

সব তৈরী। পাঁচ মিনিট, তার পর ‘হাজরী’ একদম টেবিল পর।—সে একটুখানি হাসিয়া বাহির হইয়া গেল। কিন্তু পাঁচ, সাত, দশ মিনিট কাটিয়া গেল, ফেণিলা টেবিল’পর হাজির হইতে পারিল না। গোবিন্দ পিতাকে খবর দিয়া কোথায়-যে চলিয়া গেছে, ফেণিলা কোথাও তাহাকে খুজিয়া পাইল না।

ওদিকে সুনীলার ডাকাডাকিতে সে যখন পূর্বস্থানে ফিরিয়া আসিয়া বাঁসল, তখন কাহারো মুখের পানে সে আর চোখ তুলিয়া চাহিতে পারিল না। সুনীলা একেবারে সামনের ছাদ দিয়া হাফুদের বাড়ীর

## প্রীতির

## নিদর্শন

পানে চাহিয়া চা পান করিতেছিল, পিতা অত্যন্ত গম্ভীর, কেবল-মাত্র সুনীলার মুখখানিই সূর্য্যোদয়ে সূর্য্যমুখীর মত হাস্য-প্রকুল বলিয়া বোধ হইতে লাগিল।

ফেণিলা ঐকথমটা খতমত খাইয়া গিয়াছিল, তাহার পরই, সে ভাব দমন করিয়া, সুনীলাকে কহিল—চিনি বড় কম হ'য়েছে মেঝ্ !

সুনীলা বলিল—কম হ'য়েছে ! কেন, তোর বরাদ্দ যা, সেই তিন চামচই ত দি়েছি।—বলিয়া সে আর দেড় চামচ চিনি পেয়ালার মধ্যে ফেলিয়া, চামচখানি তন্মধ্যে নিক্ষিপ্ত করিল।

বেশী চিনি-খাওয়াটা খারাপ নীলা,—বলিয়া সুনীলা, অকস্মাৎ মেঘমুক্ত শশধরের মত ফিক্ করিয়া হাসিয়া ফেলিল। সুনীলা-ও হাসিল।

একটু পরে, সুনীলা কাপড়ের মধ্য হইতে খামে ভরা একখানা চিঠি পিতার সম্মুখে ধরিল। হেরস্বনাথ পত্রটি খুলিয়া পাঠ করিতে লাগিলেন—এবং অকারণে ফেণিলা আবার ঘামিতে আরম্ভ করিল। হেরস্বনাথ পাঠ শেষে, পত্রটি টেবিলের উপর রাখিয়া কহিলেন—তা হ'লে তুমিও থাক্চ, সুনীলা, ভালোই হ'ল। আমি মনে কচি দিনকতক লক্ষ্যে বুঝে আসি। আজই যাব।

সুনীলা বলিল—আজ-ই ?

হ্যাঁ।—আর কিছুই বলিলেন না। হ' তিন মিনিট পরে সুনীলাকে সম্বোধন করিয়া পুনশ্চ কহিলেন—খুব সাবধানে থেকো সুনীলা ; আর সদাসর্বদা আমাকে সংবাদ দিও।.....এ চিঠিটা কি ভাকে দেবে ?

না, বাবা, রক্সানিকে দি়ে পাঠিয়ে দিলেই ভালো হয়। স্মু, ওকে তুমি ছাড়তে পারবে, ঘণ্টা দুই ?

প্রীতির

নিদর্শন

কেথায় যাবে?

দেখ-ন ।—বলিয়া সুশীলা পত্রখানি তাহার হাতে দিতেই, সে  
অল্পক্ষ মুহূর্তে পড়িল :--

মাতৃবরেষু,

নানা কারণ বশতঃ রাঁচি অনাথ বালিকা বিদ্যালয়ের ভার বহন  
করা আমার পক্ষে দুঃসাধ্য হইয়া উঠিয়াছে। এখন হইতে বিদ্যালয়  
যতদিন না খোলে, চেষ্টা করিলে, উপযুক্ত শিক্ষয়িত্রী মিলিবেই।  
আমাকে আপনি মার্জনা করিবেন এবং এই পত্রে আপনার সাদর ও সম্মেহ  
ব্যবহারের জন্ত আমার আন্তরিক কৃতজ্ঞতা গ্রহণ করিয়া আমাকে  
বোধিত করিবেন। ইতি ২৭শে আগষ্ট, শনিবার।

বশেষ—

শ্রীসুশীলা দিত্র

ফেণিলা সার্শ্চর্যো বলিল - ছেড়ে দিলে ?

হ্যাঁ !

## দ্বাদশ পরিচ্ছেদ

অভাগা ।

খগেন সত্য সত্যই কিঞ্চিৎ বিপদে পড়িয়াছিল । যেদিন জলের জ্বাং সর্বস্ব হারিয়া, সে অধিক রাত্রে বাড়ী ফিরিয়া আসে, তাহার পরদিন প্রাতেই তাহার খুড়ীমার তার আসিয়া হাজির,—নিভার বিবাহ স্থির, দ্বায় আসিবা।—পিওনকে সহি দিয়া, তারখান পাঠ করিয়া সে নাটতে বসিয়া পড়িল । পূর্ব রাত্রে ঠিক এই কথাগুলি কল্পনা করিয়াই বারবার সে শিহরিয়া উঠিতেছিল । আজই সকালে যে এমন করিয়া তাহার অদৃষ্টদেবতা তাহাকে বাঙ্গ করিতে আসিবেন, ভয় করিলেও, একেবারেই সে আশা করে নাই । তখন সে অনন্তোপায় হইয়া সন্ধ্যার ট্রেনেই দিনাজপুরে গিয়া, পার্শ্ববর্তী গ্রামে পাত্রের পিতা রাধামোহন নন্দী মহাশয়ের হাতে পায়ে ধরিয়া শ্রাবণ মাসের শেষ সপ্তাহে দিন স্থির রাখিতে বলিয়া আসে । চারদিন পরে সে যখন কলিকাতায় ফিরিয়াছিল, হেরষনাথের গৃহে আমরা তাঁহাকে দেখিয়াছিলাম । তাহার পরের বুত্তাস্তটা পাঠকের জানা নাই, তাহা এইরূপ ।

রাধামোহন তাহাকে প্রায় একমাস সময় দিয়াছিলেন এবং অনেক কাঁদাকাটা করায় তিনশত টাকাও মকুব করিয়াছিলেন । স্থির ছিল, নগদে ও দানসামগ্রীতে সর্বসমেত বারোশত টাকা দিতে হইবে । খগেন

## প্রীতির

## নিদর্শন

জানিত, ইহা ছাড়া অত্যাশ্চর্য ব্যাপ্তি আছে। তাহার হাতে অন্ততঃ আরো শ পাঁচেক থাকা চাই। হাজার টাকার সংস্থান সে করিয়া ফেলিয়াছে, পৈতৃক গৃহখানি মায় বাগান-পুষ্করিণী দিনাজপুরের শ্রীযুক্ত হরিচরণ মুখোপাধ্যায় মহাশয় বন্ধক রাখিতে সম্মত আছেন। বাকী এখনও দাতশত রজতমুদ্রা।

খগেন কলকাতায় আসিয়া স্থির করিল, এই টাকাটা সে অক্লেশে রেশ হইতে তুলিতে পারিবে। যদি ঈশ্বর প্রেরিত সেই বন্ধুটির সাহায্য লাভ হয়, তবে একদিনেই উঠিয়া যাইবার সম্ভাবনা আছে। কিন্তু তখনই তাহার মনে পড়িল আর সে সেকেণ্ড এনক্লোজারে ঢুকিতে পারিবে না। সেখানের প্রবেশ মূল্য দু'টাকা বলিয়া নয়, সেখানে প্রত্যেক বাজীতে পাঁচটাকা ধরিতে হয় বলিয়াও নয়—সেখানে ঘনশ্রাম আছেন, স্ত্রীলা আছেন। সুনীলা ফেণিলা—হয় ত, ইহারও আছে। শেষের নাম দু'টি সে মুখে উচ্চারণ করিতে পারিল না। হয় ত ইহারাই নাই। নাই থাকুক, ঘনশ্রাম ত আছেন-ই! না, সেকেণ্ডে যাইবার পথট বন্ধ, গ্র্যাণ্ডের পথ ত চিরদিনই ধুতি-পরা, অন্ন মূলধনের বাঙ্গালীর সামনে পাথর দিয়াই আঁটা। বাকী রহিল, থার্ড! সেখানে ঢুকিতে থরচ—একটি টাকা মাত্র, বাজী ধরাও তিনটাকায় হয়। খগেন ইহাই সমীচীন বোধ করিল। কিন্তু বীরদত্তের সন্ধান মিলিবে না ত! না মিলুক, বীরদত্ত যে অশ্বে আরোহণ করিবে তাহাকে সে ব্যাক্ত করিবেই উপরন্তু এখন হইতে সে নিজে বেশ মাথা ঠাণ্ডা করিয়া টিপ্ কসিয়া বাহির করিবে। কেন পারিবে না? এত লোকে করিতেছে না! পোর্ট-কমিশনারস্ অফিসের তাহার সেই বন্ধুটি কি করে? ছুলাল ত নিজেই

## প্রীতির

## নিদর্শন

টিপ্ কমে, নিজেই সব করে, তার ত বেশ মোটা জিংই রহিয়াছে। সে'ও তাহাই করিবে। ছুলালও একটাকার এন্ক্লোজারে যায়, সে'ও যাইবে।

এই সমস্ত জল্পনা কল্পনা করিয়া, শনিবারে আফিসের একাউন্টেন্ট গিরিবাবুর নিকট নগদ পঞ্চাশট মুদ্রা কর্জ লইয়া, দেড়টার সময় এস্প্যানাডের মোড়ে আসিয়া উপস্থিত হইল। ট্রামে অসাধারণ জনতা,— হ'তিনথানা ট্রাম ছাড়িয়া, একথানায় সে উঠিয়া বসিল। এবং রেশ্ এন্ক্লোজারে পা দিবার পূর্বমুহূর্তে হুই কর জোড় করিয়া বার বার অনেক দেবতার চরণ স্মরণ করিয়া লইল।

কিন্তু অহো দুর্দৈব! নিজের কাছে ছিল, ২৫, গিরিবাবুর কাছ হইতে ৫০—এই পঁচাত্তর টাকা চারের বাজীতেই শেষ হইয়া গেল। ছুলাল পরামর্শ দিল, কাবুলীওয়ালারা টাকা ধার দিয়া থাকে। খগেন ভাবিল, তাহাঁত, এখনও তিনটে রেশ্ বাকী, সে চুপ করিয়া থাকিবে? শেষের তিনটার মধ্যে তাহার যদি একটি অপ-সেটও মিলিয়া যায় ছুলালের কথিত মত সে ত লাল হইয়া যাইবে। কিন্তু কাবুলীওয়াল! তাহার মন সন্দেহদোলায় ছলিতে লাগিল। অবশেষে লোভই জয়লাভ করিল। তাহাদের মেসের ঠিক পাশেই একটা খোলার ঘরে কতকগুলি নর-নারীর উপর কাবুলীওয়ালার অত্যাচার সে অনেকবার দেখিয়াছে। প্রথম প্রথম যখন সে মোটা লাঠি হাতে, এক গাল দাড়ি স্নেহ দীর্ঘকায় কাবুলীদের দেখিত, তাহার মনে দ্রবীবাবুর কাবুলীওয়ালাই একমাত্র জাগিয়াছিল। কিন্তু সেই খোলার ঘরের অধিবাসীদের প্রতি যখন তাহাদের অনানুযায়িক, নিষ্করণ অত্যাচার দেখে, তখন

## প্রীতির

### নিদর্শন

কাব্যের গন্ধ একদম তিরোহিত হইয়া, তাহার মনে আগুন জলিয়া উঠে। একদিন তাহারা তেতালার ছাদ হইতে একথানা ১১ ইঞ্চি ফেলিয়া একটি “কাবুলীওয়ালা”র পিঠের শিরদাঁড়া ভাঙ্গিয়া দিয়াছিল। সে যাক্ — খগেন দেখিল, সে-সবের কোনই সম্ভাবনা নাই। খেলায় যেমন টাকাটা উঠিবে, আগে সে সেই হতভাগাদের টাকাটা ফেলিয়া দিবে, তার পর অন্য কথা।

কাবুলীওয়ালা কিছুমাত্র দ্বিধা করিল না। একথানা খাতা কেবলমাত্র একটি সহি করাইয়া ছইশত মুদ্রা দান করিল। খগেন বোর্ড খুঁজিয়া অপ-সেট দেখিয়া, কয়েকটা বোড়াকে বেশ মোটা মোটা বাজী ধরিয়া দিল। কিন্তু হায়! অভাগ্যের ভাগ্য অগ্রসরই রহিয়া গেল। একটা সেকেওক্লাস্ অফ, পাঁচটি থার্ড ও ফোর্থ ক্লাস, অথের সহিত দৌড়িতেছিল, খগেন খুঁজিয়া পাতিয়া তাহাকেই ব্যাক্ করিয়াছিল, এবং শেষ অবধি দৌড়িলে তৃতীয় ও চতুর্থ শ্রেণীর বাতগ্রস্থ পক্ষীরাজদের হারাইয়া, সকলের আগেই সে আসিতে পারিত, কিন্তু মধ্য পথেই জকিকে উল্টাইয়া দিয়া, আপন মনেই সে অন্তদিকে ছুটিতে আরম্ভ করিয়া দিল। এই আসিলে-আসিতে-পারিত অশ্বটিতেই সে তাহার শেষ কপর্দকট পর্য্যন্ত ‘রিদ’ করিয়াছিল। হয় ত বেচারার জানা ছিল না, জীয়েন্ত অশ্ব ত দুইয়ের কথা, মানুষের হৃৎসময়ে পোড়া সোল নাছও জলে পলায়ন করিয়া বুদ্ধাঙ্গুষ্ঠ দর্শাইয়া থাকে।

মাঠ ভাঙ্গিয়া হুড় হুড় শব্দে লোক যখন বাহির হইতেছে, চেষ্টা করিলে বা ইচ্ছা থাকিলে খগেন অনায়াসেই ভিড়ের মধ্যে ‘নিশ্চেষ্ট’ থাকিয়া বাহির হইয়া যাইতে পারিত কিন্তু সে নিরুদ্বেগে, একটি ধারে

## প্রীতির

## নিদর্শন

চূপটি করিয়া দাঁড়াইয়া রহিল। ভিড় শেষে সে কাবুলীদের হাতে আত্মসমর্পণ করিল।

কাবুলীরা জিন্দ করিতে লাগিল, খগেন তাহার বাসস্থানটি দেখাইয়া দিক্ আর একস্থান। গ্যাস্পের উপর সহি করিয়া দিলেই তাহারা নিশ্চিন্ত মনে চলিয়া যাইবে। কিন্তু খগেন কোনমতেই বাসস্থান দেখাইতে চাহিল না; সহি সে হাজার বার করিয়া দিতে প্রস্তুত ছিল, কিন্তু কোনমতেই ইহাদের বাসায় লইয়া যাইতে রাজী হইল না। ইহা লইয়া রাস্তায় তাহাদের সঙ্গে যে তর্ক, কথাকাটাকাটি হইল, তাহাকে শুদ্ধ ভাবায় ‘হাঙ্গামা’ বলাও চলিতে পারে।

জোড়াসাঁকোয় তাহার এক ধনী সহধ্যায়ীর বাস ছিল। বহুদিন দেখা সাক্ষাৎ না থাকিলেও পূর্বদিনের বন্ধুত্বের মহিমোজ্জ্বল চিত্রটি খগেনের চিত্তে জাগরুক ছিল। খগেন মোড়ের মাথায় কাবুলী দু’টাকে বসাইয়া রাখিয়া, ফটক পার হইয়া বন্ধুর গৃহে প্রবেশ করিয়া, অনিল—প্রশান্ত গৃহে নাই, মোটরে চড়িয়া কাশীপুরে নিমন্ত্ৰণ রক্ষা করিতে গেছে,—কখন ফিরিবে তাহারও স্থিরতা নাই। খগেন পথে পড়িয়া ভাবিল, এখন উপায় কি? এত বড় সহরে, যেখানে লক্ষ লক্ষ দীপ জলিতেছে, হাজার হাজার লোকের বাড়ী গাড়ী দেখা যাইতেছে, কে এমন বন্ধু তাহার আছে, যাহার কাছে সে হাত পাতিতে পারে! বন্ধু তাহার অনেক আছে কিন্তু বিপদের সময় সাহায্য করিবে এমন বন্ধু কে আছে?

হাঁ, একজন আছে। সেই পারে, করিবেও, কিন্তু—সে, সে যে রমণী, কেমন করিয়া তাহার আবেদন সেখানে পৌঁছিবে! হাঁ সুনীলা



## প্রীতির

### নিদর্শন

আছে। যদি কোনরকমে একবার তাহার গোচর করিতে পারে, নিশ্চয় সে বিপন্ন হইবে। খগেন কাবলী ছুঁটাকে সঙ্গে লইয়া সোজা হেরষনাথের গৃহের সম্মুখে আসিয়া দাঁড়াইল। রামটল তাহাকে দেখিয়া সসন্ত্রমে দাঁড়াইয়া উঠিয়া, সেলাম করিতেই খগেন জিজ্ঞাসিল—বাবু?

উপরমে হায়, হুজুর। উ সিন্দী সাহাব ভি হায়।—শুনিয়া আর খগেনের পা উঠিল না। আবি আতা—বলিয়া সে বাহির হইয়া গেল। রামটল পুনরায় হিন্দী বাংলা মিশাইয়া গান গাহিতে গাহিতে দ্বিগুণ বলে আটা পিষিতে মন দিল।

বাড়ীতে ঢুকিতে পা উঠিল না বটে, ফিরিতেও তাহার পা চলিল না। আর সে কোথায় যাইবে? এই বিস্তীর্ণ জনসমুদ্রে আপনার বলিতে তাহার আর যে কেহ নাই!

কাবলীওয়ালাদয় ছুঁতিন ঘণ্টা অনর্থক ঘুরিয়া শ্রান্ত হইয়া পড়িয়াছিল। আর কোনরূপেই ধৈর্য ধরিতে পারিতেছিল না। মোড়ের মাথাতেই খুব ক'টা কড়া কড়া কথা শুনাইয়া, মেজাজটা বেশ ক্রুদ্ধ করিয়া, কহিয়া দিল—কুঠী দেখলাও, নেহি ত লাঠিয়সে শির তোড় দেসে।

খগেন কুঠীও বুঝিল, শির ভাঙিয়া দিবার কথাটাও বুঝিল, তাহাতে সে এমন দুঃখের সময়েও হাসিটা চাপিতে পারিল না। এই ছুঁটা কাবলীওয়ালাকে সে একাই একদম ঠাণ্ডা করিতে পারে, তাহাদের শির তাহাদেরই লাঠির আঘাতে ভুতলে বিলুপ্তি করিবার মত ক্ষমতা খগেনের শরীরে ছিল, তাই সে শির বিনাশের সম্ভাবনাতে ভয় না পাইয়া,

## প্রীতির

### নিদর্শন

একটু হাসিল মাত্র। কাবলীওয়ালা হাসি দেখিয়া জলিয়া উঠিয়া “হিং টং ছট্” করিয়া কি যে কতকগুলো বলিয়া গেল, খগেন তাহার একটুও বুঝিল না। তবে যেটা নাকি সব চেয়ে সহজ, সব চেয়ে সুস্পষ্ট, সেট তাহার অজ্ঞাত রহিল না। আফগানসন্তানগণ যে প্রীত হইয়া তাহাকে ব্রাহ্মণ ভোজনের নিমন্ত্রণ করিল না, এটা সে ঠিকই বুঝিতে পারিয়াছিল। তাহাদের স্বর ক্রমশঃই ধাপে ধাপে চড়িতেছে, পথচারী লোকও মাঝে মাঝে কুতূহলী হইয়া দেখিয়া দেখিয়া যাইতেছে, খগেন মৃদুস্বরে কহিল—  
দাঁড়াও সাহেব, শেষ চেষ্টা করে দেখি।

হেরষনাথের গৃহটি দুইটি বড় বড় রাস্তার ঠিক সংযোগস্থলে। সামনের দিকটা দিয়া একটা রাস্তা ট্রাম-রাস্তায় গিয়া মিশিয়াছে, আর একটা বাড়ীর পিছন দিক দিয়া কোথায় চলিয়া গেছে। খগেন এই পিছনের দিকটায় আসিয়া দেখিল, রান্নাঘরে বৈদ্যুতী বাতি জলিতেছে, এবং অন্তরিকে মুখ করিয়া কে একজন বসিয়া আছে। সে যেই হোক, তরুণী, এবং সেই তরুণী সুশীলা নহে, ইহা সুনিশ্চিত। যেহেতু তাহার জানা ছিল, সুশীলার শরীর তেমন সুস্থ নহে, পাকশালায় তিনি কদাচিৎ প্রবেশ করেন। সাহসে ভর করিয়া, জানেলায় মুখ বাড়াইয়া দেখিল—ফেগিলা!

খগেন ডাকিল—ফেগিলা!

ফেগিলা চমকিয়া উঠিয়া কহিল, ভেতরে আসুন, খগেন বাবু, ওখানে কেন? আসুন...

খগেন হস্তেঙ্গিতে তাহাকে ডাকিয়া মৃদুস্বরে কহিল, আমি বড় বিপদে পড়েছি, নোনা!

## প্রীতির

### নিদর্শন

ফেণিলা বলিল—ভেতরে আসুন আগে ! তার পর কথা !

থগেন হতাশে ভরিয়া গিয়া বলিল—তাহ'লে শুন্বে না !

ফেণিলা তথাপি জোর করিয়া বলিল—ভেতরে আস্তে আপনার  
আপত্তি কিসের শুনি ?

থগেনের মনে হইল, কে একটা লোক যেন তাহার অত্যন্ত কাছে  
আসিয়া দাঁড়াইয়াছে। পিছনে ফিরিয়া দেখিল, মানুষ নহে, রোমহনরত  
একটি পুষ্টকায় গাভী ঠিক তাহার পিছনটিতে দাঁড়াইয়া আছে।  
এদিকে ফিরিয়া বলিল—চলুন নীলা ! অভাগার প্রতি তুমিও  
বিরূপ ?

সে নামিয়া পড়িয়াছিল, নীলা থপ্ করিয়া তাহার হাতটি চাপিয়া  
বলিল—বলুন।

আমার বড় বিপদ, নীলা। তু'শো'টি টাকা যদি দিতে পার।

তু'শো ?

হ্যাঁ। পারবে ?

কি দরকার—তা ত বলেন না এখনও।

থগেন কাতরস্বরে কহিল—আর একদিন বল্ব, নীলা।

তখনও থগেনের হাতের পরেই ফেণিলার হাতটি ছিল। সেটিতে  
একটু চাপ দিয়া কহিল—আজই বলুন, শুনি ?

থগেনের অভিমান হইল। হারে জগৎ ! স্নেহের এই বিনিময় !  
ভালোবাসার এই প্রতিদান। কারণই তাহাদের কাছে সর্বপ্রথম, কাজটা  
কিছুই নয় ! থগেন অভিমানক্ষুব্ধস্বরে কহিল—বিশ্বাস কর, নীলা।  
বলিতে বলিতে, তাহার কণ্ঠে যেন খানিকটা অশ্রু জমিয়া উঠিয়াছিল,

স্বর ভারী হইয়া গেল। সে বলিল—নীলা, তুমি আমাকে অবিশ্বাস করছ! তুমি...

নীলা!!!

মুখের কথাটা আর শেষ হইতে পারিল না। খগেন খচ্ করিয়া, হাতটা ছাড়াইয়া উর্দ্ধ্বাসে ছুট দিল। অদূরে একটা গাছের তলায় ফুটপাতে বসিয়া দুইটা হিন্দুস্থানী শুখা টিপিতে টিপিতে মুল্লুকের খবরদারী করিতেছিল, অকস্মাৎ একটা লোককে ছুটিতে দেখিয়া, চোর ভাগতা, চোর ভাগতা রবে চীৎকার করিয়া উঠিল এবং কোথায় ছিল পাড়ার নিকস্মার দল, কোথা হইতে বাহির হইয়া পণ্ পণ্ শব্দে খগেনের পিছু লইল।

প্রাণের দায়ে, অথবা মানের দায়ে, ঠিক বলা যায় না, খগেন ছুটিতে ছুটিতে একটা অন্ধকার গলির মধ্যে ঢুকিয়া ঘণ্টাখানেক চুপ করিয়া বসিয়া থাকিয়া, যখন কোথাও কোন সাড়াশব্দ পাইল না, বাহির হইয়া আবার সেই পথেই ফিরিয়া আসিল। কিন্তু কাবলীওয়ালার সন্ধান পাইল না। তাহারা যে তাহাকে পলাতক ভাবিয়াই টাকার আশায় জলাঞ্জলি দিয়া গৃহে প্রত্যাগমন করিয়াছে, ইহা জানিয়াই খগেনের মৃত্যুবাঞ্ছা জন্মিতে লাগিল। কিন্তু কি আর করিবে। অনেক রাত্রে, সে যখন বাসায় ফিরিয়া আসিল, হরিচরণ বাবু তাহাকে নিজের ঘরের মধ্যে বসাইয়া কহিলেন—ওহে খগেন বাবু! তোমাকে একটা কথা বলব, কিছু মনে করো না কিন্তু। অনেক দিন এক বাসায় আছি, এক চৌবাচ্ছায় স্নান করে,' একসঙ্গে আহাৰ করে' আমরা সব একান্ন পরিবার হ'য়ে গেছি—  
কি বল?

## প্রীতির

### নিদর্শন

খগেন হাঁ না কিছু বলিবার আগেই হরিচরণ বাবু কহিতে লাগিলেন—  
তুমি জান ত, আমি “নভোমণ্ডলের” সহকারী সম্পাদক ও প্রিন্টার  
একই সঙ্গে। আমাদের কাগজের যখন এককড়ি বাবু সম্পাদক  
ছিলেন,—তুমি জান ত এককড়ি বাবুকে ! যিনি এখন “স্বাধীন-স্রোতে”র  
কর্ণধার হ’য়েছেন, আর তাঁকে না জানেই বা কে—

খগেন বিরক্ত হইয়া বলিল—হরিচরণ বাবু ।...

হরিচরণ ব্যস্ত হইয়া কহিলেন—সেই এককড়ি বাবুই আমাদের  
বলতেন, ‘বড়লোকের সঙ্গে ভাবও করো না, বাদও করো না। তাদের  
সঙ্গে ভাব রাখলেও বিপদ, ঝগড়া করলে ত কথাই নেই।’

হ্যাঁ। তা’তে হ’য়েছে কি, হরিচরণ বাবু ?

কথায় বলে “বড়র পিরীতি বালির বাঁধ, ক্ষণে হাতে দড়ী, ক্ষণেকে  
চাঁদ।”—জান ত ?

খগেন উত্তরোত্তর ধৈর্য্যহীন হইয়া পড়িতেছিল। রুদ্ধস্বরে কহিল—  
আমার এত সময় নেই, হরি.....

হরিচরণ বাবু কহিলেন—ঝরিয়া কোল্ ফিল্ডের সিন্হ সাহেবের সঙ্গে  
তোমার আলাপ আছে ?

খগেন একটি মুহূর্ত্ত ভাবিয়া লইয়া, কহিল—মিঃ জি, সিংহ ?

হ্যাঁ গো হ্যাঁ। গঙ্গারামের ছেলে ঘনরাম।

ঘনরাম নয়, ঘনশ্রাম।

তাই তাই ! সার্কুলার রোড, বালিগঞ্জের দিকে বাড়ী। জান ?  
ভানি।

সন্দাব আছে ?

খগেন উত্তর দিল না দেখিয়া, হরিচরণ আপন ননে মাথাটি চুলকাইতে চুলকাইতে কহিলেন—হুঁ হুঁ, ধরেছি ত ঠিক । আমাদের “নভোমণ্ডলের” সম্পাদক শিশির বাবুর কাছে এই খানিক আগে এসে একটা কাপি দিয়ে গেছেন, ছাপাতে । গত বৃহস্পতিবারের কাগজ দেখেছ ? “নভোমণ্ডল” ? অধঃপতনের চূড়ান্ত ! সে ত তোমাকেই উদ্দেশ্য করে বোধ হ’চ্ছে যেন ! তুমি কি যস্ সেফার্ডের বাড়ী একাউন্টেন্টের কাজ কর ?

খগেন শেষের প্রশ্নের জবাবটি প্রথমে দিল, কহিল, করি । ‘কাগজটা আছে—আপনার কাছে ?

কাগজ ! কাগজ ত নেই, খগেন বাবু ! তবে আটকেনটা আমার মনে আছে । তুমি গ্যাড়াতলার গুণ্ডাদের সঙ্গে জুয়া খেলে, দুহাজারটি টাকা হেরেছিলে ?

খগেন বলিল—হ্যাঁ ।

মদ খেয়ে মেসে ফিরেছিলে ?

মদ খেয়ে !—খগেন কয়েক মুহূর্ত্ত স্তব্ধ থাকিয়া বলিয়া উঠিল—  
আপনার কাগজে ছাপা হ’য়েছে ?

হরিচরণ বাবু ষাড়টি নাড়িয়া কহিলেন—তা ত হ’য়েছেই । আবার এটাও কালকের কাগজে ছাপা হ’বে।—বলিয়া ভদ্রলোকটি এক টুকরা কাগজ খগেনের সামনে ফেলিয়া দিলেন । খগেন পড়িতে লাগিল :—

আমাদের দেশের যুবকদের নৈতিক চরিত্র যে কিরূপ ভয়াবহ হইয়া উঠিতেছে তাহা আমরা গত সপ্তাহের “নভোমণ্ডলে” প্রকাশ করিয়াছি । সমস্ত বঙ্গবাসী, যাহাদের হৃদয় স্বদেশের উন্নতি অবনতির প্রবাহে উল্লসিত

## প্রীতির

### নিদর্শন

ও ব্যথিত হয় তাঁহারা শুনিয়া ব্যথা পাইবেন যে সেই অধঃপতিত যুবক কাবলীওয়ালার নিকট টাকা ধার লইয়া, পরিশোধ করিতে না পারিয়া পথে লাঞ্চিত, অপমানিত হইয়াও বদভ্যাস ত্যাগ করিতে পারিল না। শুনিয়াছি, যুবকটি যুনিভার্সিটিতে লেখাপড়া করিয়া দু' একটা পাশও করিয়াছিল। শুধু তাহাই নহে, কোন একটি বিশেষ সম্ভ্রান্ত ভদ্র পরিবারের মধ্যে এই যুবকটির অবাধ গতয়াত ছিল। আমরা বিশ্বস্তসূত্রে অবগত হইলাম, হৃৎচরিত্র যুবক অসামান্য সাধুতার ভাণ করিয়া এখনও উক্ত পরিবারের মহিলা 'দ্বয়ের' (কাটিয়া) 'দের' সহিত মেলামেশা করিতে কুণ্ঠিত হয় নাই। আমরা সে পরিবারের দোষ দিতে পারি না,—তাঁহারা ত এ সমস্ত ব্যাপার অবগত নছেন, কিন্তু এই মৃঢ়মতি যুবক তাঁহাদের সর্বনাশ কামনায.....

খগেন আর পড়িতে পারিল না, তাহার চোখের সম্মুখে হরপ অস্পষ্ট হইয়া গেল এবং কাগজখানা ধরিয়া রাখিতে না পারিয়া সে ছুড়িয়া ফেলিয়া দিল।

হরিচরণ বাবু জিজ্ঞাসিলেন—কিছু বুঝলে?

খগেন বিস্ময়বশে কহিল—আমিই। কিন্তু এ মিথ্যা।

তোমার সেই পিতৃবন্ধু রিটার্ড পোষ্টল সুপারিন্টেন্ডেন্ট হেরষ বাবুদের বাড়ীর কথা বোধ করি?

আজ্ঞে হ্যাঁ। হরিচরণ বাবু, এই মিথ্যা ছাপা হ'বে আপনার কাগজে?

ছাপা! তা হ'বে বৈ কি। শিশির বাবু হ'লেন সম্পাদক, সিনহ সাহেবের বন্ধু। ভোজটা আশ্টা পেয়ে থাকেন।

## প্রীতির

## নিদর্শন

ভোজ পেয়ে থাকেন বলেই মিথ্যে অপবাদ, একজন নিরপরাধী  
ভদ্রলোকের নামে.....

আমরা মিথ্যেও জানি নে, অপরাধ নিরপরাধ, ভদ্রলোকও জানি নে।  
প্রেরিত পত্র, ছাপা হবে বৈ কি ! তবে হ্যাঁ, তোমার ইচ্ছে থাকে, প্রতি-  
বাদ করো, সেটিও ছাপবার চেষ্টা করব।

খগেন হাঁ করিয়া বসিয়া রহিল। অনেকক্ষণ পর্যন্ত তাহার মুখ দিয়া  
একটি শব্দও উচ্চারিত হইতে পারিল না। শেষে সে দুঃখবিজড়িতকণ্ঠে  
কহিল—কালই ছাপা হ'বে ?

কাল সকালেই। নভোমণ্ডল বারোটায়ে বেরোয় কি-না।

খগেন নীরব। সে ভাবিতেছিল, সুনীলা, ফেগিলা, যখন পড়িবে,  
তাহাদের মনের অবস্থাটি কিরূপ হইবে ? আর কি তাহারা এতটুকু  
শ্রদ্ধাও রাখিতে পারিবে ? তার উপর আজই সন্ধ্যায় সে চোরের মত  
কার্য্যটি করিয়া আসিয়াছে ! আর হেরস্বনাথ ! আর কি আমার জগৎ  
এতটুকু স্নেহ-ও তাঁহার সুনির্মল হৃদয়ে থাকিবে ! কখনই থাকিবে না।  
আমি মতুষ, আমি দুষ্কৃতাচারী !...

হরিচরণ বাবু নিম্নস্বরে কহিলেন—গোটা তিনেক টাকা দিতে পার  
খগেন বাবু ?

খগেন বলিল—আমার কাছে একটি কপর্দকও নেই, তবে, ধার  
ধোর করে দিতে পারি।

দেখ-দেখি যদি পাও। আর কটা বাজল, সেটাও দেখে এস।

খগেন পাঁচ মিনিট পরেই, তিনখানি এক টাকার নোট আনিয়া  
হরিচরণ বাবুর হাতে দিয়া বলিল—এগারোটা।



## প্রীতির

### নিদর্শন

তা হোক। বেঙ্গল হোটেলে ঢুকলেই হবে। দাম একটু বেশী নেবে—তা আর কি করা যাবে বল? উপায় যখন নেই।

থগেন বিশ্বয়পূর্ণকণ্ঠে কহিল—আপনি এখনও খান্ নি, হরিচরণ বাবু?

হরিচরণবাবু হাই তুলিয়া ছ'টি তুড়ি দিয়া স্নেহাপূর্ণস্বরে কহিলেন—না, হে! আজকে একদম নিরসু কেটে গেছে।

বলেন কি! সমস্ত দিন! তা আমার ভাত ত, ঢাকা আছে নিশ্চয়ই—থাবেন?

হরিচরণ হো হো করিয়া হাসিয়া উঠিলেন; হাসির বেগ কমিলে বলিলেন—তোমার নামেও লোকে আটিকেল লিখে অপবাদ দেয়। বেটাদের কালী কলমের দাম লাগে না? ছোঃ ছোঃ! একদম বেরসিক! নিরসু মানে কি-হে?

থগেন উত্তর দিতে যাইতেছিল, হরিচরণ জামাট গায়ে দিয়া, ছড়িটি হাতে লইয়া কহিলেন—নির্জলা, হে নির্জলা। একটি ফোঁটাও জোটে নি আজ। দিনটাই মাটি! চল্লম।—গুড্-নাইট!

থগেন নির্বাক বিশ্বয়ে চাহিয়া রহিল। হরিচরণ হাসিতে হাসিতে বলিলেন—ছাপাখানার ভূত চেন? চেন না? এই দেখ...বলিয়া তিনি বিকটরবে হাসিয়া উঠিলেন। বলিলেন—ওটা তুমি রেখেই দাও—ছাপা হ'বে না, ভয় নেই। প্রিন্টার্স ডেভিল বল্বে হারিয়ে গেছে! আবার যখন কাপি দেবে, আবার হারাবে! গুড্-নাইট!

হরিচরণ বাবু শিশু দিতে দিতে, ফুল্লমনে কলিকাতার রাজপথে পড়িয়া হন্ হন্ শব্দে পশ্চিমাভিমুখে প্রস্থান করিলেন।

## ত্রয়োদশ পরিচ্ছেদ

### ভূতের দয়া।

মেসের যে ঘরটিতে খগেন বাস করিত, সেই ঘরে একটি নবীন যুবক ছিল—তাহার সহবাসী। যুবকটি সম্প্রতি সহরের বাহিরে বিবাহ করিয়াছিলেন, হুঁচার শনিবার শঙ্করালয় ঘুরিয়াও আসিয়াছেন।

বিগত কয়েকদিন খগেনের যে কেমন করিয়া কাটিয়াছে তাহা সেই জানে। ক’দিনই রাত্রে সে বিছানায় পড়িয়া, সারানিশি এ-পাশ ও-পাশ করিয়াই কাটাইয়া দিয়াছে, চোখের পাতা দু’টি বারেকের তরেও মুদ্রিতে পারে নাই। কোথা হইতে, কতদিনের সুপরিচিত ক’খানা স্নেহ-মিষ্ট, মুখ তাহার সামনে সাঁঝের আকাশে তারাগুলির মত টুক্ টুক্ করিয়া ফুটিয়া উঠিত, সারানিশি সে সেই ক’টা তারার পানে চাহিয়া উন্নত দিশেহারী হইয়া কাটাইয়াছে।

আজ সে ঘরটিতে ঢুকিয়া, শয্যাটি বিছাইয়া লইয়া কালীবাবুকে কহিল—দয়া করে’ যদি আলোটা নিবিয়ে দেন, উপকার হয়। আর রাতও ত বড় কম হয় নি।

এই দিই—বলিয়া যুবকটি আপন মনে লিখিয়া যাইতে লাগিলেন।

মিনিট পাঁচ সাত পরে খগেন পুনরায় কহিল, কালীবাবু, আলোটা... ইয়া, এই দিই।

খানিকটা চোখ বুজিয়া পড়িয়া থাকিয়া খগেন যখন চোখ খুলিল, আলো এবং কলম সমানভাবেই জলিতে ও চলিতেছিল। খগেন সাড়া

## প্রীতির

### নিদর্শন

দিতে খক্ খক্ করিয়া কাসিয়া উঠিতেই, ভদ্রলোকটি বলিয়া উঠিলেন—  
এই দিই।

কিন্তু আলো নিবিল না। খগেন ভদ্রলোককে বারবার বিরক্ত করিতে নিজেই লজ্জানুভব করিতেছিল, কিন্তু আলো 'তাহার সহ্য হইতেছিল না। আলো থাকিতে সে-যেন কোন জিনিষটা বেশ করিয়া ভাবিয়া লইতে বাধ্য পাইতেছিল। তাহার মনে হইতেছিল, অন্ধকারে কেবলমাত্র সেই হৃদয়াকাশের নক্ষত্রের আলো-কটাই তাহার হৃদয় আলোকিত করিয়া রহিবে; বাহিরের আলো একান্ত অসহ্য।

তাহার পক্ষে অসহ্য হইলেও কালীবাবুর অত্যন্ত আবশ্যক হইয়া পড়িয়াছিল। গত রবিবারে শ্বশুরালয় হইতে ফিরিবার সময় কি-একটা কারণে তাঁহার নবীনা বধুটি তাঁহার সহিত মন খুলিয়া কথা কহে নাই— তাহারই প্রতিশোধ লইতে, শ্বশুরপক্ষীয় অনেক লোকের অনুরোধ উপরোধ অগ্রাহ করিয়াও, আজ কলিকাতাতেই থাকিয়া গেছেন এবং এখন কিছুকাল যে তাঁহার যাইবার ইচ্ছা নাই, ছয়পৃষ্ঠাব্যাপী পত্রে মাত্র সেই কথা কয়টি জানাইয়া দিতেছিলেন।

খগেন আবার ডাকিল, কালীবাবু, ম'শায়...

ত'য়ে গেছে।—বলিয়া কালীবাবু সিটি অব্ গ্লাস-গো আফিসের প্যাডটী (এইখানেই জীবন বীমা করিবেন, এজেন্ট বিহারীলাল বাবুকে এ আশা দেওয়াতেই প্যাডখানি সংগ্রহ হইয়াছে) ঝপাং করিয়া মুড়িয়া আলোট কমাইয়া দিলেন। অল্পক্ষণ পরেই, খগেনকে নিদ্রিত জ্ঞানে কালীবাবু পুনরায় আলোট তুলিবার উপক্রম করিতেই, খগেন কাসিয়া উঠিল। কালীবাবু শুইয়া পড়িলেন। এবং মনে মনে খগেনের

## প্রীতির

## নিদর্শন

মস্তকটি চর্চন করিতে করিতে রাতটা যে কি রকমে কাটাইলেন তাহা আর আমরা প্রকাশ করিয়া তাঁহাকে উপহাসাম্পদ করিতে চাহি না।

ছাপাখানার ভূত সত্য কথাই বলিয়াছিল, বড়র পীরিতি বালির দাঁধ, ক্ষণে হাতে দড়ী, ক্ষণেকে চাঁদ ! কিন্তু খগেন কিছুতেই ভাবিয়া পাইল না, যে এই বড় লোক কেন, কি কারণে, এই বিপুল বিশ্বে এত লোক থাকিতে তাহার 'পরেই এত অসন্তুষ্ট হইল ? সে ত জ্ঞানে, অজ্ঞানে তাহার কাছে এতটুকু অপরাধও করে নাই। তাঁহার প্রাপ্য সম্মান, সম্বন্ধনা সকলের মত সে'ও ত দিয়াছে, তবে কেন তাঁহার এই রোষ ! সিংহ সাহেবের তুলনায় সে ত অতিশয় ক্ষুদ্র, মশক বলিলেও চলে - তাহাকেই মারিয়া হাত কালো করিবার কি এমন পার্থিব অপার্থিব হেতু ঘটিয়াছিল, এ আর সে কোন মতেই ভাবিয়া পাইল না।

আজ তাহার তুণে পাশুপত অস্ত্র রহিয়াছে। ছাপাখানার ভূত সত্যই যথেষ্ট উপকার করিয়াছে, এই অস্ত্র নিক্ষেপে সে সিংহ বিদ্ধ, এমন কি বধ করিতেও পারে।

আজ সে ভাবিতে ভাবিতে ইহাই স্থির করিল, সে হের্ষনাথের কাছে যাইয়া সমস্ত অপরাধ স্বীকার করিয়া আসিবে এবং যাহা অপরাধ নয় তাহার বিরুদ্ধে সাক্ষী প্রমাণ দিয়া আসিবে। তখনও কি হের্ষনাথ তাহাকে বিশ্বাস করিবেন না ? কেন করিবেন না ? নিশ্চয়ই করিবেন। তাঁহার মত উন্নত উদার চরিত্রের কাছে যদি সত্যের সম্মান না থাকে, কোথায় থাকিবে আর ! তিনি বিশ্বাস করিবেন-ই। সুনীলা ফেগিলা ইহারাও বিশ্বাস করিবে বোধ হয়। করাই সম্ভব। বাকি সুনীলা !

## প্রীতির

### নিদর্শন

তাহার গঞ্জে কথাটা বিশ্বাস করা শক্ত বটে ! খগেন যেরূপ গুনিয়াছে ও দেখিয়াছে, সুশীলা যে সিংহ সাহেবের ক্রটি ধরিবে, এমন ত বিশ্বাসই হয় না ।

আচ্ছা, এই সিংহ সাহেবের মতলবটা কি ? আমি না-হয় দরিদ্র, পথের ধূলা, আন্তাকুড়ের ময়লাই হইলাম, আমার না-হয় ওঁদের সঙ্গে মেলা-মেশা করাটা অত্যাশ্চর্য্য অশোভনই হইয়াছে, সিংহ সাহেব সে'টি বরদাস্ত করিতে পারেন নাই, কিন্তু তাহার কি উদ্দেশ্য ? তিনি যে কলিয়ারী ফেলিয়া, বড় লোক, নিজের বিষয়-আশয় ছাড়িয়া ওখানে মাতিয়া উঠিলেন—কি কারণ ?

সিংহ সাহেবের বয়স কত অল্পনান হয় ? পঞ্চাশ ? না, না অত হবে না ! চল্লিশ, হাঁ, চল্লিশ পঁয়তাল্লিশ হইতে পারে ? তিনি কৃতদার না অকৃতদার ? এত বয়স অবধি অকৃতদার ? কে জানে ? আচ্ছা গুঁর স্কুল, উনি প্রোপাইটার, সুশীলা শিক্ষয়িত্রী—তাহাতেই কি এতটা হৃদয়তা ?—ইহা ছাড়া আর যে কি হইতে পারে, অনেক ভাবিয়াও খগেন তাহা নির্ণয় করিতে পারিল না । কিন্তু তাহার মন হইতে সংশয় দূর হইল না ।

তখন মনে হইল, আচ্ছা যদি সুশীলা রাগ করিয়া বসেন ? আবার ভাবিল, না রাগ করিবার কি হেতু আছে ? সে ত আর মিথ্যা অপবাদে বোঝা বাড়ী বহিয়া সিংহ সাহেবের স্বন্ধে তুলিয়া দিতে যাইতেছে না যে, সে রাগ করিবে ? তবুও, যদি, সুশীলা বিমুগ্ধ হ'ন, নাচার ।

খগেন অপনাকে মুক্ত করিবে এবং তাহারই মূল্যস্বরূপ যদি আবাল্যের সুপরিচিত স্নেহ প্রীতি-শান্তিময় এই পুণ্য নিকেতনই তাহাকে জন্মের

মত ত্যাগ করিতে হয়, সে তাহাও করিবে।—এই ভাবিয়া সে মনের মধ্যে আশা, আকাঙ্ক্ষা, উদ্বেগ, শঙ্কা লইয়া রাত্রিটুকু প্রভাতের প্রতীক্ষা করিতে লালিল।

ভোরের দিকে ‘ছাপাখানার ভূত’ হৈ চৈ করিয়া, মেসের বৃদ্ধ ভৃত্য সনাতনের পূর্বপুরুষগণের গুণগান গাহিতে গাহিতে, বিছানায় আসিয়া পড়িলেন। সনাতন ‘ভূতকে’ ঘরে পুরিয়া, নীচে নামিয়া সুদ-সমেত সেগুলি ফিরাইয়া দিতে বিন্দুমাত্র অবহেলা করিল না। খগেন সেইমাত্র শয্যা ত্যাগ করিয়াছে, গোবিন্দ তাহার হাতে চিঠিটা দিয়া বলিল—ছোট দি-মনি পাঠিয়েছেন।

ফেণিলা ?—বলিয়া সে পত্রটি উন্মোচন করিতেই সবুজ রঙের চেক-খানা প্রথমেই তাহার নজরে পড়িল। প্রহুন্নমনে, ঘরে ঢুকিয়া পত্রপাঠ শেষ করিয়া যখন সে বাহিরে আসিল, তখন গোবিন্দ চলিয়া গেছে।

আবার ঘরে ঢুকিয়া চেকখানা নাড়িয়া চাড়িয়া, অতি যত্নে সেখানিকে হাত বান্ধে রাখিয়া আপনমনে কহিল—না স্নু, এ আমি ভাঙাব না। যত কষ্টই আসুক আমার, তোমার হাতের ঞ্খাটি চিরদিন এমনি রুদ্ধ হ’য়ে থাক—আমার বাঞ্ছে। আমার হৃদয়ে, আমার প্রাণে, আমার মনের গোপন কোণে।

কাল সারারাত ধরিয়া সে ষতরকমের সম্ভব অসম্ভবের চিন্তা করিয়া মরিয়াছে, তাহার মাঝে থাকে-থাকে, সেই সন্ধ্যারাত্রে ঘটনা তাহাকে বিদ্ধ করিয়া ফেলিতেছিল। কাহার আহ্বানে সচকিত হইয়া ফেণিলা মুখ ফিরাইয়া লইয়াছিল, সেও পলায়ন করিয়াছিল, সে-জানে না। কিন্তু সারারাত এই ভাবনা তাহার ছিল যে, ইহা লইয়া কোন গণ্ডগোল না

## প্রীতির

### নিদর্শন

হইলেই বাঁচে । এখন এই পত্র ও চেক প্রাপ্তিতে সে আরামের নিঃশ্বাস ফেলিয়া বাঁচিল । কিন্তু গোবিন্দ কেন বলিল—ছোট-দিদিমণি পাঠিয়েছে ! পত্র এবং চেক দুই-ই-ত তাহার—সুনীলার । যাক—ইহা লইয়া সে মাথা বামাইল না ।

মেসের বাসায় সাতটার মধ্যে প্রাতঃরাশ শেষ হইয়া যায়—সাড়ে আটটা নটার সময় সকলকেই স্নানাহার সারিতে হয় । সাতটা বাজিতেই হৈ চৈ স্নান হইয়া গেল । কেহ হাঁকিতে লাগিলেন—কি চা করেছ ঠাকুর ? না-চিনি, না ছধ ! কেহ—নিম পাতা সিদ্ধ করেছ বুঝি ! কেহ—উড়ে ম্যাড়া, আর কত হ'বে । কেহ-বা, একেবারে সপ্তমে চড়িয়া চাৎকার করিতে লাগিলেন—বুড়ো হ'য়ে মরতে চলেছ, চা করতে শিখলে না ?—ইত্যাদি । ঠাকুরটিকে খুব ভালই বলিতে হইবে, সে সেই যে রান্নাঘরে ঢুকিয়া পড়িল, না দিল একটু সাড়া, না করিল, একটা তর্ক ।

থগেন নামিয়া আসিয়া বলিল—আমার চা কৈ ঠাকুর ।

ঠাকুরমহাশয় মস্ত একটা এনামেলের বাটিতে 'ফু' ফু' করিয়া চুমুক দিতেছিলেন, থগেনের ডাক শুনিয়া, সম্ব্যস্তে নিজের পাত্র হইতেই খানিকটা চা একটা কাপে ঢালিয়া বাহিরে, থগেনের সামনে ধরিয়া দিল । চা খাইতে খাইতে থগেন মহীনবাবুর সঙ্গে রেসের গল্প জুড়িয়া দিল ।

এই সময়ে গোবিন্দ ডাকিল—বাবু !

থগেন চা'য়ের কাপ রাখিয়া, উঠিয়া আসিয়া কহিল—কি-রে ?

আর একটা চিঠি—বাবু দিয়েছেন ।

দে—বলিয়া চিঠিটা লইয়া শিরোনামা পাঠ করিয়া সে মহীনবাবুর

কাছে ফিরিয়া আসিল। চিঠিখানা বগলে চাপিয়া ফিরিয়া আসিতেই, অমরবাবু মহীনকে কহিল—আপনি যাচ্ছেন ত ভাইসরয় কাপের দিন, মহীনবাবু?

সে ত ফি বৃহরই যাই—বলিয়া মহীনবাবু, সত্ত্বাপ্রাপ্ত হাঁকাটিতে খুব জোরে টান দিতে লাগিলেন।

এবছর ভাইসরয়েস কাপে স্বয়ং প্রিন্স অব ওয়েলস্ থাকবেন।

তাই নাকি? কিন্তু তা কি করে হ'বে? তিনি ত আসছেন.....

বাধা দিয়া হেনবাবু কহিলেন—হ্যাঁ হ্যাঁ তাঁর টুর প্রোগ্রাম আছে আমার কাছে। এক্সমাসের সময়টা তিনি এখানেই থাকবেন—আমি জানি। ইহা শুনিয়া আর কেহই কোন কথা কহিল না। যেহেতু সকলেই জ্ঞাত ছিল, ফুটবল ম্যাচের ফিল্ডার, থিয়েটার বায়স্কোপের হ্যাণ্ডবিল, স্বদেশী বিদেশী সভার বিজ্ঞাপন, রাজ্যের যত-কিছুর যা-কিছুর মংগ্রহ হেনবাবুর কাছে রাশি-প্রমাণ আছে। মেসে কখনও কোনও তর্ক উঠিলে, সকলে তাঁহাকে 'রেফার' করিত। তিনিই ছিলেন, ইহাদের 'অথরিটি'-বিশেষ।

রাধানাথ বলিলেন—আপনার বগলে ওটা কি খগেন বাবু?

একখানা চিঠি আছে।

কালীবাবু ব্যগ্র হইয়া, দক্ষিণ হস্তটি প্রসারিত করিয়া কহিলেন—  
নাতটার ডাক্ এসে গেছে?

তাঁহার উৎকর্ষায়, সকলেই মুচকি হাসিতে লাগিলেন; খগেনও হাসিয়া কহিল—এ'টা ডাকের চিঠি নয়—হাতে এসেছে।

ও—বলিয়া কালীবাবু অন্তদিকে মুখ করিয়া বসিয়া রহিলেন।



## প্রীতির

### নিদর্শন

সভাভঙ্গে খগেন নিজ কক্ষে ফিরিয়া আসিল। চিঠিখানা খুলিয়া, পড়িতে পড়িতে তাহার মুখখানি প্রফুল্ল হইয়া উঠিল। পত্রের অবিকল নকল আমরা উদ্ধার করিয়া দিলাম :—

কলিকাতা

২৮—৮—২১

প্রিয় খগেন,

কিছুদিন হইতে আমি লক্ষ্য করিতেছি, আমার পরিবার মধ্যে কেমন একটা বিশৃঙ্খলা আসিয়া পড়িয়াছে। এই পরিবারবর্গের পবিত্রতা, শাস্তি রক্ষা করিবার যে-যে উপায় বর্তমান ছিল, যে কারণেই হোক্ এখন আর তাহা কার্য্যকরী হইতেছে না। আমার মত তুমিও স্বীকার করিবে, আমাদের বঙ্গ-সংসারে পবিত্রতার বড় কোন সম্পদই নাই এবং যেখানে পবিত্রতা নাই, সেখানে মানুষ—মানুষই নহে।

আমি বিশ্বস্তহস্তে জানিয়াছি, তুমি আমার কনিষ্ঠ কন্যা ফেণিলার প্রতি অনুরক্ত। ইহা প্রথমে আমি বিশ্বাস করিতে পারি নাই, কিন্তু এখনই হাতে হাতে প্রমাণ পাইয়া তোমাকে এই পত্র লিখিতেছি। তোমাকে আমরা স্নেহ করিয়া থাকি, তাহা হইতেই তুমি বুঝিতে পারিবে—আমি কিরূপ নিরুপায় হইয়াই ইহা তোমাকে লিখিতেছি। তোমাকে আমি যথেষ্ট বিশ্বাস করি, তোমার বিরুদ্ধে যে সব রটনা লোকে রটাইতেছে, যাহা কাগজেও ছাপা হইয়া গেছে, তাহা আমি সত্য বলিয়া বিবেচনা করি না।”

খগেন মুখটি তুলিয়া কেবলমাত্র বলিল—ফেণিল!।

পরে লিখিত ছিল :—

## প্রীতির

## নিদর্শন

“কিন্তু সব দিক বিবেচনা করিয়া দেখিতে গেলে এবং তোমার পিতৃ-বন্ধুর কর্তব্য সম্পাদন করিতে হইলে, তোমার সহিত নীলার দেখা সাক্ষাৎ না হওয়াই মঙ্গল। আমি বুঝিতে পারিতেছি, ইহাতে তুমি কষ্ট পাইবে, কিন্তু কি করিব? তোমাদের মঙ্গল কামনা করিয়া, আমি এই পথই অবলম্বন করিতে বাধ্য হইলাম। তোমাকে আমার গৃহে আসিতে নিষেধ করিলাম, তাই বলিয়া, তোমার সহিত আমাদের স্নেহের সম্পর্ক ত ঘাটিল না। সকল সময়েই তোমাকে সাহায্য করিতে, স্নেহের উপদেশ দিতে আমি ন্যায়তঃ ধর্ম্মতঃ বাধ্য। যখনই প্রয়োজন বোধ করিবে পত্র ব্যবহার করিতে কুণ্ঠিত হইও না। ইতি—

তোমার স্নেহবদ্ধ

হেরশ্বনাথ মিত্র।”

থগেন পত্রটি হাতে করিয়া, কাঁদিয়া ফেলিল। সারা বৃকের মধ্যে কে যেন দুড় দাড় করিয়া লাগি মারিতেছিল। অনেকক্ষণ পর্য্যন্ত সে উবুড় হইয়া পড়িয়া রহিল।

বেলা হইয়া গেছে, আফিসের বাবুরা স্নানাহার শেষ করিয়া লইয়াছেন। কালীবাবু জানা কাপড় পরিতে পরিতে কহিলেন—থগেন বাবু, শুয়ে যে! বেরবেন না?

থগেন মুখ না তুলিয়াই কহিল—না।

বারোটার সময় ঠাকুর জিজ্ঞাসা করিতে আসিল—বাবু, ভাত খাবার কি দেবী আছে?

আমি খাবনা ঠাকুর, তোমরা যাও।

ঠাকুর দুঃখ প্রকাশ করিয়া গেল—শরীল খারাপ থাকে ত কাজ

## প্রীতির

### নিদর্শন

নেই আর খেয়ে। ভালো থাকেন, ওবেলা দু'চারখানা রুট খেলেই চলবে।

হরিচরণ বাবু ছাপাখানা হইতে ফিরিয়া খগেনের কক্ষদ্বার উন্মুক্ত দেখিয়া কহিলেন—কি-হে খগেন বাবু, বেরোও নি ?

না। হরিচরণ বাবু, আপনি এ চিঠি ছাপাতে পারেন। আমারই ভুল হ'য়েছিল, ওটা গোপন করবার কোনই কারণ নেই।

ছাপাখানার ভূত ছাতির কাপড়ে মুখাখানা মুছিয়া কহিলেন—তাই ত ! কিন্তু টাকাটা ত মাসকাবারের আগে দিতে পারব না ম'শায় !

খগেন বলিল—টাকা আপনাকে দিতে হ'বে না, হরিচরণ বাবু !

না, না—ওটা আপনাকে দিয়ে দেব মাসকাবারে। আপনার যখন কোনই উপকার হ'ল না, মিছে কেন.....

খগেন বলিল—উপকার আমার যথেষ্ট করেছেন, হরিচরণ বাবু ! তার জন্তে আমি আপনার কাছে কৃতজ্ঞ।

ছাপাখানার ভূত কিছুই বুঝিতে না পারিয়া কহিল—ওটা ছাপালেও উপকার হ'বে ?

উপকার না হ'ক, অপকার হ'বে না। আপনি ছাপবেন।

না, ম'শায় ছাপা আর ওটা হ'বে না—হ'ত ত আজই হ'ত। আজই শিশির বাবুকে বলেছি, ওটা হারিয়ে গেছে—বলিয়া তিনি গ্লিপটি ছিঁড়িতে উত্তত হইয়াছিলেন, খগেন সমবাস্তে হাত বাড়াইয়া বলিল—তবে ওটা আমার কাছেই থাক, দাদা।

থাক—বলিয়া ভূত অদৃশ হইয়া গেলেন।

## চতুর্দশ পরিচ্ছেদ

‘সুখের ঘরে’।

যে সময়ে খগেন ছাপাখানার ভূতকে লইয়া মেসের বাসার সেই প্রায়াক্ষকার ধূমমলিন কক্ষে আপন অদৃষ্টকে ধিক্কার দিতেছিল, ঠিক সেই সময়ে এ বাড়ীতে ভূত দেখার মতই, সুনীলা ও ফেগিলা আতঙ্কে শিহরিয়া উঠিতেছিল।

জিনিষপত্র সব গাড়ীতে উঠিয়াছে, হেরশ্বনাথ সিঁড়িতে নামিতে নামিতে কহিলেন—তোমরা তিনটি স্ত্রীলোক থাক্ছ, খুব সাবধানে থেকো, আবশ্যক বুঝলেই আমাকে জরুরী টেলিগ্রাফ করতেও বিলম্ব করো না।

সুনীলা মাথাটি ডানদিকে হেলাইয়া মুহূর্ত্তের কহিল—দরকার আর কি-ই বা হ’বে, তবে অসুখ-বিসুখ হ’লে, এই যা।

হেরশ্বনাথ হাসিলেন। হাসিয়া বলিলেন—অসুখ-বিসুখটা বড় দরকার নয়, সুনীলা। ওটার জন্তে আমি ভাবি নে। তার চেয়ে স্বাভাবিক ঘটনা সংসারে কিছুই নেই।……বলিয়া তিনি কয়েকমুহূর্ত্ত থামিলেন। একটু পরে, নামিতে নামিতে কহিলেন—সুনীলা, হয় ত খগেন থাক্লে এ সময়ে তোমাদের কিছু উপকার হ’তে পারত, কিন্তু তাকে এখানে আসতে আমি মানা করে দিয়েছি।

সুনীলা পরিতৃপ্তির কোমলকণ্ঠে পিতার কথাটাই পুণরুচ্চারণ করিল, মানা করে দিয়েছ, বাবা ?

## প্রীতির

## নিদর্শন

হ্যাঁ সুশীলা । যে কারণেই হ'ক এই সংসারে একটা অন্তঃ আলোচনা যখন জন্মাতে শুরু করেছে, তখন মূলেই তার অঙ্কুর ছেদ করাই মঙ্গল । এই কারণেই আমি আজই সকালে গোবিন্দকে দিয়ে তা'কে লিখে পাঠিয়ে দিয়েছি ।

সুশীলা, ফেণিলার পানে চাহিয়া চূপ করিয়া রহিল । ফেণিলা যেন ক্রমাগত অধীর হইয়া উঠিতেছিল । পাছে কোন কথা বলিয়া পিতার “বিদায়ের সময়টা বিজী করিয়া দেয়, সকলের অসাক্ষাতে সুনীলা বাম হাত দিয়া তাহাকে বেশ শক্ত করিয়া ধরিয়া রহিল ।

পিতা আর কিছুই বলিলেন না । এবং কোন দিকে না চাহিয়াই ফটকের সামনে গাড়ীতে উঠিয়া বসিলেন । কস্তুর পিতার পদধূলি লইতেই কোচম্যান গাড়ী হাঁকাইয়া দিল । পূর্বে কথা ছিল, ইহার ষ্টেশন অবধি যাইবে, হঠাৎ হেরশ্বনাথ কেন-যে মতটা পরিবর্তন করিয়া-ছিলেন, বলা যায় না ।

ফেণিলা ঘরে ঢুকিয়া সশব্দে, দ্বারটি বন্ধ করিয়া দিয়া, শয্যায় আসিয়া শুইয়া পড়িল ।

সুনীলা, সুশীলার সঙ্গে তাহার ঘরেই গিয়াছিল । অতঃ হু'চারটি কথার পর সুশীলা বলিল—বাবা এটি খুব সুবিবেচনার কাজ করে গেছেন, সু ? কি-বলিস্ ? আচ্ছা—কি সাহস ভাই ওদের ?

সুনীলা কথা কহিল না । সুশীলা বলিয়া চলিল—আমি কিন্তু এইটে ভেবেই আশ্চর্য্য হ'চ্ছি যে, ছোকরা অমন ভালমানুষটির মত থাকৃত, যেন কিছুই জানে না, একেবারে কচি খোকাটি ! -ও-না, তলে তলে এত !

করিস ত, বাপু, কেরাণীগিরি—একশ' টাকা মুরদ ত তোর! আবার 'লাভ' করা। দেখে আর বাঁচি নে।

সুনীলা বলিল—নীলা কোথায় গেল-দেখি?—বলিয়া সে বাহির হইতে বাইতেছিল, সুনীলা বলিল—রক্কানি ফিরল না-কেন সূ?

কি জানি দিদি। দাঁড়াও আমি নীলাকে দেখি।—বাহিরে আসিয়া, সে যাহা আশঙ্কা করিয়াছিল, দেখিল, তাহাই সত্য! অনেকক্ষণ খুটখুট করিয়া করতাড়না করিয়াও যখন দ্বার খোলা পাইল না, তখন অতি মৃদুস্বরে ডাকিতে লাগিল—নীলা, ও নীলা, নীলা, লক্ষ্মী বোনট আমার! দোরটা খুলে দে ভাই।

ফেগিলা বোধ করি এই মৃদুস্বর শুনিতে পায় নাই। না পাইবারই কথা। সুনীলা জোরেও ডাকিতে পারিতেছিল না। তাহার ইচ্ছা নয় যে, সেই শব্দে সুনীলা আসিয়া পড়ে।

ও দিকে একটা জানেলা, যেটা বারান্দার দিকে খুলিয়াছে, সেইদিকে গিয়া ডাকিল—নীলা, দোরট খুলে দে-না ভাই, আমিও একটু শুই।

প্রথমে কোন সাড়া আসিল না, পুনঃ পুনঃ ডাকাডাকি করার পর খুট করিয়া একটু শব্দ হইল। সঙ্গে সঙ্গেই ফেগিলা আরক্ত চক্ষুতে চাহিয়া কহিল—এখানে কেন, খবরের কাগজ নিয়ে যাও-না বড়লোকদের কাছে।

সুনীলা বুঝিতে না পারিয়া ফ্যাল ফ্যাল করিয়া চাহিয়া রহিল। ফেগিলা তীক্ষ্ণস্বরে কহিল—আসবে ত এস, নইলে দোর বন্ধ করব। আমার কাজ আছে।

## প্রীতির

### নিদর্শন

সুনীলা ভিতরে ঢুকিয়া দেখিল, রাশি রাশি খাতা, পত্র, বহি, পেন্সিল, ছবি, কলম চারিদিকে ছড়ানো রহিয়াছে। একধারে কতকগুলি জামা কাপড়ও পড়িয়া। সবিস্ময়ে কহিল—এসব কি ?

ফেগিলা কথা কহিল না। আপন মনে কাগজ-পত্রগুলি গুছাইয়া তুলিতে লাগিল। সুনীলা পুনশ্চ ঐ প্রশ্ন করিতে, ফেগিলা নতমুখে জবাব দিল—আমার জিনিষপত্র ঠিক করে নিচি।

সুনীলা অত্যন্ত কৌতুহলী হইয়া উঠিয়াছিল। তাহা সত্ত্বেও সে কোন কথাই কহিল না। কিছুক্ষণ দাঁড়াইয়া রহিল, তার পর আস্তে আস্তে বাহির হইয়া গেল।

সুনীলা নিজের ঘরে। সুনীলা একলা একবার একতলে, একবার পড়িবার ঘরে, উদ্বেগহীন হইয়া এধারে ওধারে ঘুরিয়া কিছুক্ষণ পরে আবার শয়নকক্ষেই ঢুকিল। দ্বারটি ভেজান ছিল, ফেগিলা তাহাকে দেখিয়াই বলিয়া উঠিল—তোমার কতকগুলো জিনিষ আমার ড্রেসিং কেসে রয়েছে, সেগুলো বের করে নাও মেজ দি।

কেন ?

একবার ত তোমায় বল্লুম, মেজ-দি। আমি যাচ্ছি।

সুনীলা অর্ধমুহূর্ত্ত বোনটির পানে চাহিয়া স্নেহস্বরে কহিল—কোথায় যাবি নীলা ?

তার কৈফিয়ৎ তোমায় কি দেব, বল ? তবে থাক্‌ব না আমি, ককুখোনো থাক্‌ব না।—বলিয়া সে আর্দ্রস্বর গোপন করিতে থামিয়া গেল। কিন্তু পারিল না, অত্য়দিকে মুখ করিয়া সজল কণ্ঠেই কহিতে লাগিল—আমি ত কোনদিনই তোমাদের সংসারে ছিলাম না য়েজদি।

## প্রীতির

## নিদর্শন

হঠাৎ একদিন এসেছিলুম, হঠাৎ একদিন চলে যাচ্ছি। তা'তে কারই বা ক্ষতি, কারই বা দুঃখ ?

সুনীলা বলিল—কারই দুঃখ নেই, নীলা ?

না।

সুনীলা কথা কহিল না।

ফেণিলা তাহাকে নীরব জানিয়া বলিল—যত দোষ আমার ! আমার জন্তে বাবা দেশ ছেড়ে গেলেন, আমার জন্তে দিদির মনঃকণ্ঠ, আমারই জন্তে.....বলিতে বলিতে সে চূপ করিল।

সুনীলা বলিল—এর একটাও সত্যি নয়, নীলা।

ফেণিলা অকস্মাৎ এ দিকে মুখ ফিরাইতেই দু'টি মুখের চারটি সজল আঁখি মিলিত হইল। সুনীলার চোখে জল দেখিয়া, ফেণিলা যেন বিস্মিত হইল—তুমি কেন কাল আমাকে মিথ্যে বোঝালে মেঝু যে, বাবা বিদেশ যাচ্ছেন, আমিই তার কারণ নই।

সুনীলা বলিল—আমি মিথ্যে বলি নি সূ। আমি যা জানতুম, তাই বলেছি।

ফেণিলা জিজ্ঞাসিল—তবে কারণটা কি তুই শুনি ?

তা জানি নে, নীলা। তবে আমার মনে হ'য়েছিল তোর সঙ্গে এর কোন সম্বন্ধ নেই।

তাই যদি না থাক্বে, তুমিই বল, খগেন বাবুকে নিষেধ করবার কারণ কি হ'য়েছিল ?

সুনীলা নিজেই তাহা বুঝিতে পারিতেছিল না। কিন্তু কাল রাত্রের ঘটনা যা ঘটিয়াছে, তাহা হইতে ইহা অনুমান করাও শক্ত নয় যে, দিদির



## প্রীতির

### নিদর্শন

মনস্তুষ্ট করিতে এবং সকল দিক বাঁচাইয়া চলিতে পিতা অগত্যা এই পথই অবলম্বন করিয়াছেন। এ কথা সে মুখে প্রকাশ করিতে পারিল না। কেবল ভগ্নীর হাতটি তুলিয়া ধরিয়া কহিল—না, নীলা, বাবা এ ভালই করেছেন। দেখ, দোষ তোরও নয়, খগেন বাবুরও নয়, তবুও ক’দিন ধরেই কেমন একটা অশান্তি কেবলই জেগে জেগে উঠছিল। ভদ্র পরিবারে সে’টা আদৌ বাঞ্ছনীয় নয়। নাই-বা এলেন তিনি! আর এসে, অপমান হওয়ার চেয়ে, লোকের বিরাগভাজন হ’য়ে থাকার চেয়ে, না আসা যে চের ভাল।

ফেণিলা কি বলিতে যাইতেছিল, সুনীলা আবার বলিল—আজ যদি আমাদের দাদা থাকতেন নীলা!—বলিতে বলিতে তাহার মুখখানি আবার জলে ভাসিয়া গেল।

অনেকক্ষণ কেহই আর কথা কহিল না। শেষে ফেণিলা বলিল—আমি যে মিস্ টডকে চিঠি লিখেছি মেজ্‌দি?

কৈ দেখি।

ফেণিলা রাইটঃ কেস্ট বাহির করিয়া তন্মধ্য হইতে চিঠিখানা সুনীলার হাতে দিতেই, সুনীলা সেখানা কুচি কুচি করিয়া ছিড়িয়া জানেলা গলাইয়া বাহিরে ফেলিয়া দিয়া, কহিল—ছিঃ, পাগলামী করে?

পাগলামী?

নয়? বাবা শুনে কি ভাববেন? দিদি কি মনে করবেন? সিন্দী-সাহেব.....

সে জান্বে কোথেকে?

তিনি এলেই ত টের পাবেন।

আর কেন আসবে? দিদি ত আর রাঁচি যাচ্ছে না।

সুনীলা মুহু হাসিয়া বলিল—তাইতেই ত আরও আসবেন তিনি।  
দিদিকে না হলে তাঁর অনাথ বিদ্যালয় টেকবে না।

কেন?

তুই দেখিস, নীলা। তিনি আসবেন-ই। এবং দিদি.....

ফেণিলা উৎকণ্ঠ হইয়া রহিল, কিন্তু সুনীলা কথা কহে না। শেষে  
সে অসহিষ্ণু হইয়া বলিয়া উঠিল,—তা'তে বাবা কিছু বলবেন না? যতদোষ  
এই গরীব বেচারী খগেন বাবুর,—নয়?

গরীরের অপরাধ ত আজ নতুন নয়, নীলা, সৃষ্টির আদিকাল থেকেই  
এমনি চলে আসছে। কিন্তু এ তা নয় বোন্। বোধ করি, বাবা তাঁদের  
অভিপ্রায় জানেন।

কি অভিপ্রায়?

সুনীলা একমিনিট চুপ করিয়া রহিয়া, অতি মুহূর্তে ফেণিলা'র  
কাণে কাণে কি কহিল। শুনিয়া ফেণিলা স্তব্ধ হইয়া গেল। অনেকক্ষণ  
পরে কহিল—সত্যি?

বোধ হয়।

বুড়ো যে!

চুপ—চুপ—দিদি এই দিকে আসছেন বোধ হয়। বলিয়া উভয়ে  
দ্বারের পানে চাহিয়া রহিল।

পদশব্দ অর্ধপথেই থামিয়া গেল। সুনীলা'র অনুমানই ঠিক, সুনীলাই  
আসিতেছিলেন, ইহাদের কক্ষদ্বার বন্ধ দেখিয়া, তিনি সেখান হইতেই  
ডাকিলেন—সু!

প্রীতির

নিদর্শন

সুনীল দ্বারট খুলিয়া বলিল—কি দিদি ?

মিঃ সিংহ এসেছেন ।

আসছি দিদি—বলিয়া সে দ্বারট ভেজাইয়া ফেগিলাকে বিন্দিত করিয়া  
কহিল—দেখলি ?

ফেগিলা জিজ্ঞাসিল—যাবে ?

না ।—বলিয়া সে একথানা বহি টানিয়া শয্যায় শুইয়া পড়িল ।

---

## পঞ্চদশ পরিচ্ছেদ

### সিংহের কাতরতা ।

সুশীলা পাখাটা খুলিয়া দিয়া, একখানা চেয়ার টানিয়া, বসিয়া পড়িতেই মিঃ সিংহ বলিলেন—তা হঠাৎ উনি লক্ষ্যে গেলেন যে ? সেখানে তোমাদের আত্মীয় বন্ধু কেউ আছেন না-কি ?

সুশীলা অত্যন্ত অগ্রমনস্থের মত কহিল—আত্মীয়—হ্যাঁ তা' আছেন বৈ-কি !

বেশ যায়গা এই লক্ষ্যে । আমি অনেকদিন ছিলাম, বুঝলে সুশীলা । সেখানেও রেশ আছে কি-না ।

সিংহ সাহেব অনর্গল বকিয়া যাইতেছিলেন, হঠাৎ এক সময়ে তাঁহার মনে হইল, শ্রোতাটি কেমন অগ্রমনস্থ । সে টেবিলে হাত রাখিয়া বসিয়া আছে বটে, কিন্তু তাহার মন বা দৃষ্টি এদিকে বা এখানে নাই । তাই সিংহ সাহেব একটু বিচলিত হইয়া কহিলেন—তোমার মনটা আজ ভালো নেই সুশীলা ! আর মন না ভালো থাকলে যা হয়, চেহারাটাও……

সুশীলা দাঁড়াইয়া উঠিয়া কহিল—আসছি আমি ।—সুনীলাকে ডাকিয়া সে যখন ফিরিয়া আসিল, সিংহ জিজ্ঞাসিলেন, তোমাদের খগেন বাবুর খবর কি ? আসছেন ?

তাঁহার মুখের হাসিটা সুশীলার আদৌ ভাল লাগিল না । সে আস্তে আস্তে বলিল—না, আর আসেন না ।

কেমন—আমি সেদিনই তোমাকে বলিনি, সুশীলা, যে, আমি থাকতে সে আর এ পথ মাড়াবে না । হা হা হা হা ।

## প্রীতির

### নিদর্শন

এবারের হাসিটা আরও বিশী বোধ হইল। সুশীলা সাড়া দিল না। শুক মুখখানি নত করিয়া বসিয়া রহিল।

সিংহ বলিলেন—না সুশীলা, তুমি ক’দিনেই একেবারে শুকিয়ে আধখানা হ’য়ে গেছ। কলকাতা তোমার সহ হ’চ্ছে না। কি-বল?

সুশীলা এবারেও সাড়া দিল না। কিন্তু সে মনের মধ্যে চঞ্চল হইয়া উঠিতেছিল। প্রতিমুহূর্তেই সে আশা করিতেছিল, সুশীলা আসিয়া পড়িবে, কিন্তু কোথায় সুশীলা, কোথায় কে?

সিংহ হৃৎপূর্ণস্বরে কহিলেন—তুমি না বললেও আমি বেশ বুঝতে পারছি সুশীলা। তোমাকে ত আমি অনেকদিন থেকেই দেখছি, এমন শুক, পাণ্ডুর চেহারা ত কোনদিন দেখি নি, তোমার।

সুশীলা নতমুখেই বলিল—আমি বেশ আছি।

বল্লেই হ’বে—বেশ আছি! তুমি ত আর সর্বক্ষণ আয়না নিয়ে দেখছ না; যে দেখছে সে বলছে.....

না, না, ও কিছু না।.....আপনার চা করতে বলি?

চা! এখনই—কেন? মোটে ত তিনটে বেজেছে।

তবে থাক।

কিন্তু সিংহ থাকিতে দিলেন না। তিনি উদ্বেগাকুল কণ্ঠে কহিলেন—চল সুশীলা, আমরাও রাঁচী যাই?

সুশীলা চুপ করিয়া রহিল। একটু পরে সিংহ আবার বলিলেন—আমরাও এখানকার কাজ হ’য়ে গেছে। চল, কি বল, যাবে কাল?

সুশীলা বলিল—আমাদের চাকর গেছে আপনার বাড়ী—তার সঙ্গে আপনার দেখা হ’য়েছিল?

সিংহ সাস্ত্র্যে কহিলেন—আমার বাড়ী—তোমার চাকর? কখন গেছে, বল ত?

বেলা ৯ টার সময় গেছে। এখনও ফেরে নি।

তাহ'লে সে ঘরে আছে। আমি ত সেই আটটার সময় বেরিয়েছি—নিশ্চয়ই বসে আছে। তুমি পাঠিয়েছ?

হ্যাঁ!—সুশীলা বলি বলি করিয়াও আর কিছু বলিতে পারিল না। সিংহ সাহেবও সে কথা আর তুলিলেন না। পূর্ব প্রসঙ্গই উত্থাপিত হইল। সিংহ কহিলেন—কিন্তু আর দু'ট দিনও নয়, সুশীলা! ক'দিনেই তুমি যে রকম হ'য়ে গেছ, আর এখানে থাকলে শক্ত ব্যামোতে পড়বে যে, কালই যাওয়া যাক।

তখনও সুশীলা বলি বলি করিতেছিল, কেন যে পারিল না কে জানে! দুজ্জের নারীচরিত্র—চিরদিনই দুজ্জের।

সিংহ বলিতে লাগিলেন—স্কুলটি ত আমার নতুন নয়। কিন্তু যেদিন থেকে তোমার হাতে ওর ভার পড়েছে, সেইদিন থেকেই নতুন শ্রীতে ভরে উঠেছে। পাড়া গাঁয় তুমি দেখেছ কি সুশীলা, ভাদ্র মাসে চাষারা ক্ষেতে ক্ষেতে একদিন করে, নৈবিদ্য নিয়ে গিয়ে, কাঁসার ঘণ্টা বাজিয়ে লক্ষ্মীর পূজা করে আসে, তার পর থেকেই ধানে ধানে ক্ষেত একেবারে ভরে ওঠে, সবুজ রঙ গিয়ে সে কি রঙ যে ফুটে ওঠে, যে দেখেছে, সেই ধন্য হ'য়ে গেছে। আমার স্কুলটিতে যেদিন তুমি সহাস-আননে প্রবেশ করে' সরস্বতীর আরাধনা প্রথম করলে সেই দিনই আমি দেখেছিলাম সুশীলা, তার কি শোভাই না বেড়ে গেল।

একমুহূর্ত থামিয়া আবার বলিলেন—বাস্তবিক সেই অনাথ, পিতৃ-

## প্রীতির

### নিদর্শন

মাতৃহীন শিশুদের যে তুমি না হ'য়েছ, তারা সব সময়েই তোমার মুখের দিকে চেয়ে হৃৎথে সাঙুনা পাচ্ছে, রোগে আরাম পাচ্ছে, তোমাকে পেয়েই তাদের সব সুখ একেবারে কাণায় কাণায় উথলে উঠেছে—সে ত আমি নিজের চোখেই দেখেছি, নিজেই মনের মধ্যে গাঢ় করে অনুভব করেছি, স্মৃশীলা ! তাই এক এক সময়, আমার মনে হয় কি শুভক্ষণেই এই প্রবৃত্তি আমার জেগেছিল, তার চেয়েও কি শুভক্ষণেই তোমাকে পেয়োইলাম ।

স্মৃশীলার পাণ্ডুর মুখখানি রক্তে রাঙা হইয়া উঠিয়াছিল । প্রবল লজ্জা আসিয়া তাহার সর্বাঙ্গ শিহরিয়া তুলিতেছিল, কিন্তু স্মৃশীলার কণ্ঠে এমন শক্তি ছিল না যে সিংহ সাহেবকে থামাইয়া দ্বায় ।

সিংহ বলিতে লাগিলেন—জিনিষটা গড়েছিলাম আমি, কিন্তু সে'ট আমার চেয়েও তোমার বেশী প্রিয় । সেদিন তুমি বলেছিলে না, স্মৃশীলা, কলেরা হ'চ্ছে বলে যখন আমি স্কুল বন্ধ রাখতে বলি, যে—আমাদের প্রাণের মূল্য কি এতই বেশী ? আজ আমি স্বীকার করছি স্মৃশীলা, সেই অনাথ শিশুদের প্রাণের মূল্য তোমার কাছে, তোমার নিজের প্রাণের চেয়েও বেশী ! তুমি যে তা'দের ভালোবেসেছ স্মৃশীলা ! তুমি যে তাদের ভালোবেসেছ, এ ত ভালোবাসারই ধর্ম, কাব্যেই রয়েছে—

“Love has no thought of self :

Love sacrifices all things to bless the thing it loves.”

————বাংলাতেও রয়েছে————

স্মৃশীলা নতনেত্রে চাহিয়া কেবলই ঐ কথাগুলি ভাবিতেছিল ; সিংহ সাহেব সাড়া না পাইয়া, স্মৃশীলার ডান হাতটায় টান দিয়া বলিলেন

—তা’দের কথাই তোমার মনে পড়ছে—আমি বুঝতে পারছি।  
বেশ, চল, সুশীলা। সে’খানেই যাই।

সুশীলা মুখানা তুলিয়াই জিজ্ঞাসিল—এপিডেমিক কমেছে এখন ?

সিংহ সাহেব একটু ভাবিয়া বলিলেন—পশু পর্য্যন্ত খবর  
পেয়েছিলাম.....

তাঁহাকে ইতঃস্তত করিতে দেখিয়া সুশীলা বলিল—তখনও ছিল ?

হ্যাঁ, তাই, সেই রকমই ত—মনে হয়, হ্যাঁ।

তবে কি করে আপনি যাবেন সেখানে ?

তুমি যেতে পার, আর আমি পারি নে। আমার প্রাণের মূল্য কি  
এতই বেশী সুশীলা ? না, সুশীলা, এ প্রাণ এত অমূল্য নয় ! অন্ততঃ  
লর্ড লেটনের ঐ দু’ছত্র কবিতাটা আমার পক্ষেও ঝাটে।

সুশীলা অন্তরিক্তে চাহিয়া বসিয়া রহিল। সে-বেন কিছুই শুনে  
নাই, এমনি ভাবটা।

সিংহ রমণীজনস্চক মৃদু অথচ বেশ ভাবপূর্ণ স্বরে কহিলেন—তাদের  
কথা ভেবে ভেবেই তোমার শরীর খারাপ হ’য়েছে, সুশীলা। আর কিছু  
নয়। তোমাকে ত জানি আমি—আজ ত আর নতুন নয়। ঠিক তাই,  
ঠিক তাই।

সুশীলা আচম্বিতে দাঁড়াইয়া উঠিয়া কহিল—রক্ষানির দেখা হয় নি  
আপনার সঙ্গে ?

নাঃ।—বলিয়া মিঃ সিংহ পকেট হইতে ‘এন্‌গেজমেন্ট বুক-’টি বাহির  
করিয়া অত্যন্ত মনোযোগের সহিত দেখিতে লাগিলেন। প্রায়  
দু’ মিনিট পরে হড় হড় শব্দে চেয়ারটা সরাইয়া, দাঁড়াইয়া উঠিয়া বলিলেন



## প্রীতির

### নিদর্শন

—তাই ঠিক রইল, সুনীলা, কাল রাত্রে গাড়ীতে আমি রিজার্ভ করিয়ে রাখব'খন।

ছড়িটা মাটিতে ঠুকিতে ঠুকিতে কহিলেন—আমি #সে তুলে নিয়ে যাব তোমাকে, না নিজেই যাবে তুমি? আমিই নিশ্চয় যাব—কি বল' ? এই সাড়ে আট-টা, এমনি সময়—কেমন?.....বেশ্। আমি চলি তাহ'লে?

এই সময় সুনীলা আসিয়া বলিল—চা তৈরী যে, মিঃ সিংহ!

তৈরী নাকি!

বলিতে বলিতে বেয়ারা ট্রে লইয়া ধোঁখা দিল। সুনীলা চা ঢালিয়া সিংহ সাহেবের সামনে ধরিতেই, সিংহ কহিলেন—আমরা কালই রাঁচী যাচ্ছি।

সুনীলা প্রায় সঙ্গে সঙ্গেই বলিয়া উঠিল—বাবা নাই.....

তা'তে আর হ'য়েছে কি! তুমি ত আর রাঁচী নূতন যাচ্ছ না।—দাও স্নু, আর এক পেয়ালা খাই।

সুনীলা চা ঢালিয়া দিয়া, সুনীলার জন্তও এক পেয়ালা তৈরী করিতে-ছিল, সুনীলা বলিল—এখন আমি খাব না, স্নু।

সুনীলা চলিয়া যাইতেছিল, সুনীলা বাম-হাতে তাহার বস্ত্রপ্রাপ্ত চাপিয়া ধরিয়া, বলিল—এখন যাওয়া আমার সুবিধে হ'বে না।

মিঃ সিংহ শুনিতে পাইলেন কি-না বলা যায় না, কোন কথাই বলিলেন না। চা'য়ের পেয়ালা নামাইয়া বলিলেন—পাণ কৈ স্নু?

আপনি পাণ খান, মিঃ সিংহ?—বলিয়া সে বাহিরে যাইতেছিল, সুনীলা তাহাকে বাধা দিয়া কহিল—আমি আনছি স্নু, তুমি দাঁড়াও।

সিংহ সাহেব নীরবে বসিয়া রহিলেন। সুনীলা অল্পক্ষণ দাঁড়াইয়া

যখন অত্যন্ত অশোভন বোধ করিল, সিংহ সাহেবের অলক্ষিতেই অগ্নি একটা দ্বার দিয়া ও-পাশের ঘরে ঢুকিয়া পড়িল।

সুশীলা পাল্লা আনিতেই, সিংহ দাঁড়াইয়া উঠিলেন। টুপিটা তুলিয়া মাথায় পরাইতে পরাইতে কহিলেন—তা' হ'লে চলি ?

সুশীলা বলিল—মিঃ সিংহ, আমাকে আপনি মাফ করুন। রাঁচী যাওয়া আমার হ'য়ে উঠবে না।

সিংহ বলিলেন—কাল হ'য়ে উঠবে না। তা নঙ্গলবারেই, I mean, পশু'ই যাওয়া যাবে।

সুশীলা জড়িতকণ্ঠে কহিল—শুধু কাল পশু'ই নয়। রাঁচী যাওয়াই আমার হ'য়ে উঠবে না।

সিংহ বসিয়া পড়িলেন। কিছুক্ষণ হতভম্বের মত চাহিয়া থাকিয়া বলিলেন—কি বলছ সুশীলা ?

সুশীলা কম্পিত মৃদুস্বরে কহিল—আমি রক্ষানিকে দিয়ে যে চিঠি পাঠিয়েছি, সেইট আমার কৰ্ম্মত্যাগ পত্র।

কৰ্ম্মত্যাগ পত্র ? Resignation ! তুমি পাঠিয়েছ, সুশীলা ?

হ্যাঁ।

সিংহ অনেকক্ষণ কথা কহিলেন না। অবশেষে নিদারুণ হুঃখভার-পীড়িতকণ্ঠে কহিলেন—তুমি যাবে না সুশীলা ? তুমি পারবে তোমার সেই অনাথ মেয়েগুলিকে ত্যাগ করতে ? উত্তর দাও, সুশীলা, পারবে ? আর আমি কোন কথা কইব না। তোমার মুখের এ কথাটি শুনে আমিও চলে যাব। ঐ স্কুল-ফিস্কুল সব উঠিয়ে দিয়ে—যা খুসী তাই করব। বল পারবে ? বল হ্যাঁ, কৈ,—বল ?

## প্রীতির

### নিদর্শন

মিঃ সিংহ.....

কোন কথা না। তুমি বল, কঠিন, পাষণ হ'য়ে বল যে, পারব, আমি রাঁচীর সম্পর্ক তুলে দিয়ে, না-হারা-মরাদেব নতুন করে<sup>১</sup> মেরে থাকতে পারব। বল, তারা বাঁচুক, তারা মরুক, আমার কি? বল সুশীলা বল, চুপ করে রইলে কেন?—বল, তোমার জ্বল থাক না থাক, তুমি বাঁচ মর, তোমার মেয়েরা চুলোয় যাক—আমার কি?

সুশীলা কাঁদ কাঁদ হইয়া বলিল—না, না, ওকি বলছেন আপনি?

সিংহ অভিমানভরে কহিলেন—যা বলবার, যা তোমার মনের কথা তাই বলছি। যা তুমি চাও.....

ঐ আমার মনের কথা! ঐ আমি চাই?—সুশীলা উত্তত গ্রীবা হংসীর মত ঘাড়টি তুলিতেই, মিঃ সিংহ চেয়ার ছাড়িয়া, সুশীলার পাশটে আসিয়া, তাহার পিঠে হাত রাখিয়া বলিলেন—তাই ত বলি সুশীলা! এত কঠিন কি তুমি হ'তে পার? আমি আর জানি না আমার—সুশীলাকে! ও-কি! মুছে ফেল, মুছে ফেল।—বলিয়া স্বয়ং পাংলুনের পকেট হইতে অগ্ন্যস্ত্র ক্রমালখানি বাহির করিয়া সুশীলার মুখখানি মুহাইয়া দিতে অগ্রসর হইবামাত্র, সুশীলা নিজেই বস্ত্রপ্রাপ্ত তুলিয়া মুখ চোখ ঢাকিয়া ফেলিল।

ও-কি, আবার কাঁদছ তুমি!—বলিতে বলিতে মিঃ সিংহ জোর করিয়াই ছ'হাতে সুশীলার মুখখানি তুলিয়া ধরিয়া বলিলেন—জান সুশীলা, এতে আমার কষ্ট হয়? তোমার এই শুক সজল মুখ দেখছি, আর আমি, আমার ভিতরে কি হ'চ্ছে জান, সুশীলা?

সুশীলা মুখখানি মুক্ত করিয়া লইবার চেষ্টা করিতেই, সিংহ পুনশ্চ

কহিলেন—আবার কঁাদবে! না সুশীলা! তোমার চোখে জল আমি দেখতে পারব না। যাক—আমি ত জান্তে পেরেছি, তুমি যাবে না, আর সেই প্রস্তাবেই তুমি এত হুঃখ পেয়েছ—আমি চলাম সুশীলা। তুমি সুস্থ হও, কেঁদো না। আর আমি তোমাকে অনুরোধ করব না।—গভীর হতাশার সহিত এই কথা কয়টা বলিয়া মিঃ সিংহ দীর্ঘনিশ্বাস ত্যাগ করিলেন।

সুশীলা মুখখানি নামাইয়া লইতেছিল, সিংহ সাহেব স্বরটা—আমিও খানিক আর্দ্র করিয়া কহিলেন—আমিও যাব না, সুশীলা। আমিও রাঁচী ত্যাগ করব। এর পরে রাঁচী গিয়ে থাকা আমার পক্ষে অসাধ্য হ'য়ে উঠবে। হুঃখ তা নয় সুশীলা, যে এ'টিকে বাঁচিয়ে রাখতে পারলাম না। হুঃখ এই, যে-শিশু অকালেই মরবে, সেই অপটু অক্ষম শিশুকে নিয়েই তার বাপ-মা কত আকাশ কুসুমই না গড়ে। হা রে!

সুশীলা নীরবে বসিয়া রহিল, আর একজন অপলক দৃষ্টিতে, একাগ্র-চিত্তে তাহারই মুখের পানে চাহিয়া চাহিয়া বলিতে লাগিলেন—আমি এইখান থেকেই রাঁচীর হাঙ্গামা সব মিটিয়ে দেব। সেখানে আর আমি যেতে পারব না। প্রথম, বেহার গবর্ণমেন্টকে লিখ্ব তারা ভার নেয়, নঙ্গল। না-নেয় যা হ'বার হোক, আমি আর সে ভার বইতে পারব না।

আপনি যাবেন না-কেন, মিঃ সিংহ?

কোন্ মুখে যাব সুশীলা? কোন্ মুখে আবার আমি সেখানে ঢুকব? যখন সেই সব মাতৃহীন শিশু আমার মুখের পানে চেয়ে করুণস্বরে জিজ্ঞাসা করবে, আমাদের মা কৈ, আমাদের সুশীলা কৈ?—তখন কি বলব আমি তা'দের? কি বলে তা'দের সান্ত্বনা দেব? আমি কি পাষণ হ'য়ে

## প্রীতির

### নিদর্শন

তাদের বলতে পারব—ওরে অভাগীরা, ওরে মা-হারা বেচারীরা, তোদের মরা মা স্বপ্নে দেখা দিয়ে আবার লুকিয়েছে, আবার তোরা মাতৃহীন হ'য়েছিস! শুনে তারা কি-করবে জান, সুশীলা! তোমারও ত একদিন মা ছিলেন সুশীলা……

সুশীলা হৃ'হাতে মুখ ঢাকিয়া কাঁদিতে কাঁদিতে কহিল—আমি যাব, মিঃ সিংহ। আর—যদি আপনার ইচ্ছা হয়,—কালই যাব।

সিংহ অসীম উল্লাসে স্ফীত হইয়া উঠিলেন, সে ভাবটি গোপন করিয়া তদগত স্বরে কহিলেন—সে আমি জানি, সুশীলা। কোন কারণেই এত বড় দুঃখের বোঝা সে অনাথাদের শিরে তুমি হানতে পার না।

---

## ষোড়শ পরিচ্ছেদ

নীলার ‘কব্জেরী’ ।

সিংহ চূপচাপ বসিয়া রহিলেন, আর তাঁহার কোন ব্যস্ততাই দেখা গেল না । সিংহ রাঁচীর প্রসঙ্গও আর উত্থাপন করিলেন না । কৃষ্ণবর্ণের একটি চুরুটে অগ্নিসংযোগ করিয়া জোরে জোরে টানিতে, এবং আশ্বে আশ্বে ফু ফু করিয়া ধূম ছাড়িতে লাগিলেন ।

সুনীলা আসিয়া জিজ্ঞাসিল—আর পাণ দেব, মিঃ সিংহ ?

তিনি চুরুট-টা দেখাইয়া সহাস্ত্রে কহিলেন—না, এর সঙ্গে পাণ চলে না ।

সুনীলাও হাসিয়া জিজ্ঞাসিল—চলে না বুঝি ?

উহু, একদম অচল !

এই সময়ে সিঁড়িতে পদশব্দ শ্রুত হইল এবং কয়েকমুহূর্তের মধ্যেই ফেগিলার পশ্চাৎ পশ্চাৎ একটি সুদর্শন যুবক আসিয়া বলিয়া উঠিলেন—  
খগেন বাবু আসেন না, বলেন বুঝি ? তাঁর বাড়ী এটা নয় ? নমস্কার, নমস্কার !

সুনীলা প্রতিনমস্কার করিয়া কহিল—আপনাকে আমরা চিন্তেই পারি নি, মিঃ দত্ত !

যুবক হাসিয়া কহিলেন—এখনও পারলেন না, আমি মিঃ দত্ত নই, আমি, শ্রীযুক্ত বীরেন্দ্রচন্দ্র দত্ত ! বাঙ্গালী—বাঙ্গালী ! সে আবার মিথ্যার !

## প্রীতির

### নিদর্শন

হাঃ হাঃ—তাঁহার উচ্চহাস্তে বারান্দার রেলিং, কড়ি বরগা অবধি যেন কাঁপিয়া উঠিল।

ফেণিলা একথানা চেয়ার অগ্রসর করিয়া দিয়া কহিল—বসুন।

বীরদৎ হাসিয়া বলিলেন—ধন্যবাদ। বসব না। ই্যা কি বলেন, খগেন বাবুর খবরটা? ক’দিন মাঠেও ত তাঁকে দেখলুম না!

বীরদৎ ফেণিলাকেই প্রশ্ন করিয়াছিলেন, কিন্তু ফেণিলা উত্তর দিল না; নিঃশব্দ মিসিংহ। বলিলেন—তিনি এখন থার্ড এনক্রোজারে যান,—কাবলীওয়ালার কাছে টাকা ধার করে’ খেলেন।

বীরদৎ ফেণিলার দিকে দৃষ্টি রাখিয়াই বলিলেন—কেন? তাঁর ত বেশ মোটা-মুটি জিতই ছিল। হঠাৎ ..

সিংহ বলিয়া উঠিলেন—বলেন কেন আর!

কিন্তু তিনি অধিকদূর অগ্রসর হইবার পূর্বেই, স্নুশীলা কহিল—আমরা তাঁর খবর ঠিক জানি-না মিসিংহ,—বীরেন বাবু।

বীরদৎ বলিলেন—ও। আচ্ছা,—থার্ড এনক্রোজারে যান ত তিনি। খোঁজ করে নেব’খন আমি।...আপনাদের বড় বিরক্ত করলুম বোধ হয়, মাফ করবেন। এইখান দিয়েই যাচ্ছিলুম—আমার এক বন্ধুর বাড়ী, হঠাৎ রাস্তাটা আর নম্বরটা মনে পড়ে গেল। আমিও জাস্তম না, খগেন বাবুর বাড়ী এটা নয়—তিনি আমায় সে কথা বলেন নি।

স্নুশীলা কহিল—আপনি আসায় আমরা আনন্দিতই হয়েছি বীরেন বাবু!

ধন্যবাদ!—নমস্কার!—বীরদৎ চলিতে আরম্ভ করিলেন। মিসিংহ দাঁড়াইয়া উঠিয়া কহিলেন—একটু বসবেন না?

না—বলিয়া বীরদৎ নামিয়া গেলেন। সিংহ সঙ্গে সঙ্গে রাস্তা পর্য্যন্ত আসিয়া কহিলেন—আপনি একটু বসলেন না, গুঁরা বড়ই তৃপ্ত হ'য়েছেন। আপনার সঙ্গে বসে গুঁরা একটু গল্পগুজব করতে চান।

বীরদৎ হাসিয়া বলিলেন—কিন্তু আমি যে তা পারি না। বাঙ্গালীর বাড়ীতে, বাঙ্গালীর মেয়েরা চেয়ার টেবুল সাজিয়ে বসে 'মিটিং করার' মত গল্প গুজব করবে, এ'ও যেনন অসম্ভব, বাঙ্গালীর বাড়ীতে বাঙ্গালী কোর্ট পাংলুন এ'টে, সাহেবীয়ানা করবে, এ'ও তেননি আমি দেখতে পারি না। ন'বছর আমি বিলেতে ছিলাম, এই ন'বছরের মধ্যে এমন একটা রাতও কাটে নি আমার, যেদিন-না-আমি, নিজের ঘরটি বাংলা মনে ক'রে, বাঙ্গালী কাপড় পরে' পুরোনাত্রায় বাঙ্গালী হ'য়ে, বাংলার কথাই না ভেবেছি। আমি পারি না ঐ সব এ'টে সে'টে, টুপি চড়িয়ে, বাঙ্গালীর চৌকাঠ পার হ'তে! নাথা কাটা যায় আমার।—থাক—নমস্কার!

তাহার মিনার্ভা কারখানি ফটকের পার্শ্বেই ছিল, তাহাতে উঠিয়া বসিতেই, সিংহ জিজ্ঞাসিলেন—নতুন মডেল দেখু'ছি। কতদিন হ'ল?

মাস ছ'য়েক।

আনারও ঐ রোলস্ রয়েস খানা মাস আষ্টেক কিনলাম—ঐ যে, আগের চেয়ে অনেক ইম্প্রভ্ করেছে।

বীরদৎ হাসিয়া সোফেয়ারকে ষ্টার্ট দিতে কহিলেন।

সিংহ উপরে উঠিয়া নাসিকা কুঞ্চিত করিয়া বলিলেন—ন'বছর বিলেতে ছিলেন! তবে আর কি, নাথাটা কিনে বসে আছেন! এই জন্যেই বিলেত ফেরতদের আমি ছ'চক্ষে দেখতে পারি না। গুমোরে



## প্রীতির

### নিদর্শন

মাটিতে আর গুঁদের পা পড়তেই চায় না। এক একটি লর্ড-ক্র আর কি! হু!

হঠাৎ সিংহ সাহেবের এ-হেন বিরক্তির কারণ কেহই বুঝিয়া উঠিতে পারিল না, সকলেই সবিস্ময়ে চাহিয়া আছে দেখিয়া, সিংহ বিকৃতস্বরে বলিতে লাগিলেন—কাজ ত জকি, তার আবান্ন এত গরু কিসের! ওঃ—কাপড় পরে এসেছেন, তারই গরু কত। আমরা ইংরেজী কাপড় পরি, টেব্ল, চেয়ারে বসে গল্প গুজব করি—এ আর গুঁর সহ্য হ'ল না। ভারী গরুর জিনিষ কি-না! আরে বাপু, কাপড় পরবি নে ত পরবি কি! টাই কিন্তে আর প্যান্ট ইস্তিরী করাতেই যে ফেল্ হ'য়ে যাবি।

ফেগিলা জিজ্ঞাসিল—তাই বুঝি আপনার টাই টুপি দেখিয়ে বলছিলেন, উনি?

হ্যাঁগো! সে গুমোর কি! বল্লে, বাঙ্গালীর বাড়ীতে ইংরেজী কাপড় পরে ঢুকতে মাথা কাটা যায়! আরে, তা ত যাবেই! ঐ ত জকির মাথা, কাটা যাবে না ত, হবে কি!

না মিষ্টার সিংহ! সে গরু করবার অধিকার একমাত্র গুঁরই আছে, খদ্দর কাপড়, খদ্দরের জামা, খদ্দরের চাদর পরে নিজের মিনার্ভা কার থেকে নেমে ভদ্রলোকের বাড়ী ঢুকতে উনিই পারেন, আপনি পারবেন না,—তা'তে আপনার মাথা কাটা যাবে।

যাবেই ত নীলা! ভদ্রলোকের বাড়ী যাওয়া কি বল্ছ—আমার চাকর বাকর খদ্দর পরলে, আমার সামনে তা'দের আস্তে দেব না আমি। ও ত ভিথরীতে পরে।

ফেগিলা উত্তেজিত কণ্ঠে কহিল—ঠিক বলেছেন আপনি ভিথরীতেই

## প্রীতির

### নিদর্শন

পরে । এ যে ভিথিরী দেশ ঘনশ্রাম বাবু, এ-দেশে ভিথিরী নয় কে ? সবাই ভিথিরী, তবে তফাৎ এই, কতক ভিথিরীর আত্মসম্মান টুকু আছে, অনেকেরই যা নেই।

সিংহও উত্তেজিত হইয়া উঠিয়াছিলেন, কিন্তু সাধারণতঃ, স্থূলতা হেতু তাঁহার উত্তেজনা সকল সময়ে প্রকাশ পাইবার পূর্বে তিনি নিজেই গলদঘর্ষ হইয়া পড়িতেন । কোন মতে, হাঁফাইতে হাঁফাইতে কহিলেন বেশ, সবাই না-হয় ভিথিরীই হো'ল, আত্মসম্মান ফস্মান যা বল্ছেন 'তা'ও যেন নেই, কিন্তু এই যে আপনারা বসে গল্পগুজব করছেন—কি অপরাধ হ'য়েছে এতে—শুনি ? উনি যে নাক সিঁটুকে, সিকেয় তুলে বলেন—অসহ্য, অসহ্য, কেন অসহ্য, কি-সে অসহ্য ?—বলুন-না ?

আমি আর কি বলব ঘনশ্রাম বাবু ! যে প্রশ্ন আনাকে করলেন, তার উত্তর আপনি ত নিজেই এই মাত্র দিলেন ।

কি আবার উত্তর দিলাম আমি ?

আমরা যে ভিথিরী, এ-ত আপনি স্বীকার করেছেন ?

হ্যাঁ, তার হ'য়েছে কি ?

ভিথিরীর মেয়ে, ভিথিরীর বোন, ভিথিরীর স্ত্রী—টেবল্ চেয়ার সাজিয়ে বসলে, কার চোখে এ অশোভন না ঠেকবে, ঘনশ্রাম বাবু !

সিংহ সাহেব বিরক্তিসূচকস্বরে কহিলেন—নীলা, আমি মিঃ সিংহ বলেই সর্বত্র পরিচিত ।

তা জানি ঘনশ্রাম বাবু ! কিন্তু কেন ? কি অপরাধ করেছে বেচারী-বান্ধালীর নামটুকু—বলুন ত ! আপনি বিলেতও যান নি, দশবিশ বছর বিলেতে বাস ক'রে সাহেব হ'য়েও আসেন নি—কি ক্ষতি

## প্রীতির

### নিদর্শন

হ'য়েছে ঐ বাঙ্গালীর নামটতে !—ফেণিলা একমুহূর্ত থামিয়া, সহাসনেত্রে চাহিয়া কহিল—আর দেখলেন ত, আপনার সামনেই উনি, বিলাত ফেরৎ ত বটেই, সাহেব মহলে সুপরিচিত, সে'ও—নিশ্চয়ই—নিজের নামটি কেমন বল্লেন ।

সিংহ গর্জন করিয়া বলিলেন—সাহেব মহলে পরিচিত ? কে বলেছে তোমাদের ? অখড়িষ পরিচিত ! কে চেনে ও'কে ? আর বিলেত যাওয়া, বিলেত বাস বাস—করছ, অমন কত চাঁটগেয়ে মুসলমান নাঝি মোল্লা জাহাজের নোঙর টেনে বিলেত যায়, বাস ক'রে আসে । ঐ ঘোড়দোড়ের নাঠেই খাতির, তা'ও যদি বাজী জেতায়, নইলে সাহেব মহলে, ঐ আস্তাবলের সহিস ও-যা, রেশের জকিও তাই !

ফেণিলা বন্ধিম দৃষ্টিতে চাহিয়া কহিল—ঠিক তা নয়, ঘনগ্রাম বাবু ! তার উপরে ! দেখবেন—বলিয়া সে উঠিয়া গেল, দশ'সেকেণ্ডের মধ্যেই বাধান উইণ্ডসর-খানি আনিয়া, পাতা উন্টাইয়া একটা স্থান খুলিয়া বলিল—দেখেছেন, হিজ্ ম্যাজেস্টী দি কিং এণ্ড মিঃ বীরনৎ, এ্যাট এন্ড ইভনিঙ পাটি ইন্ দি ক্যাসল ।—দেখুন দেখি, চিন্তে পারেন কাউকে ?

মুশীলা জিজ্ঞাসিল—‘উইণ্ডসর’ কার ?

ফেণিলা বলিল—খগেন বাবু এনেছিলেন, বয়েজ ওন্ লাইব্রেরী থেকে !—সিংহের দিকে ফিরিয়া কহিল—কিছু বুঝলেন ? ইনি আমাদের সম্রাট, আর সম্রাট ষাঁর সঙ্গে সেক্‌হ্যাণ্ড করছেন—তিনি এই অল্পকালপূর্বে দৃষ্ট শ্রীবৃক বীরেন্দ্রচন্দ্র দত্ত । আর এঁরা হ'লেন, আর সব বড় বড় খেলোয়াড় । বুঝেছেন কি, ঠিক আস্তাবলের সহিস নয় ?

সিংহ সাহেব হটিবার পাত্র নন । কহিলেন—এই যে বিলেত দেশট,

ভারি হজুগে দেশ, কেবল হজুগ, কেবল হজুক। হজুগ ছাড়া কথা নেই। আর ঐ-যে সেক্‌হ্যাণ্ড করা দেখ্‌ছ—ও-সব ষ্টেট্‌ ক্রাক্ট পলিসি বুঝলে না? 'ওর মানে হ'চ্ছে—তোমাদের কত সম্মান করি দেখ্‌ছ ত! বান্‌-না দেখি কতবড় বীরপুরুষ উনি, ঐ খদ্দেরের পোষাকে একবার কোন একটা বড় সাহেবের কাছে মজাটা টের পাবেন।

ফেগিলা হাসিয়া বলিল—মজা উনি টের পাবেন না, মজা টের পেতে ষ্ট্র পরে যারা টাই এঁটে, টুপি সেঁটে যাবেন, তাদের দিকে ডেব্রাই বড় সাহেব বল্বে, নিজের কিছু নেই এঁদের, তাই পরের পোষাক এঁটে এসেছে।.....আমাদের বিত্তোদ্যোগ ম'শায় লাটমডায় যেতেন কি পোষাকে, জানেন কি?

সব গাঁজাখুরী!

ফেগিলার মুখ চোখ রাঙা হইয়া উঠিল। দ্বিগুণিত জ্ঞানশৃঙ্খের মত সে যেন কি বলিবে তাহাই খুঁজিয়া বেড়াইতেছিল, সুনীলা বলিয়া উঠিল—ও কথা বলবেন না, মিঃ সিংহ। বিত্তোদ্যোগ ম'শায় মানুষ ছিলেন না,—দেবতা ছিলেন। আমার বাবা বলেন, বড়কে বড়র সম্মান যে দিতে পারে না, তার মত অত্যাগা পৃথিবীতে আর কেউ নেই।

সিংহ সাহেব একটু লজ্জিত হইয়া পড়িয়াছিলেন, কিছুক্ষণ কোন কথাই বলিতে পারিলেন না। অল্পকাল পরে যেন অকূলে কুল পাইয়াছেন এমন ভাবে মাথাটি নাড়িয়া কহিলেন—এতই স্বদেশভক্ত মহাপ্রাণ, তখন কেনই বা আপনারা খদ্দের ব্যবহার করছেন না, আর কেনই বা ঐ চেয়ার টেবলে বসে মেম-সাহেব সঙ্গে গল্পগুজব করছেন, তা ত বুঝেন!—কি—বল সুনীলা?

## প্রীতির

### নিদর্শন

‘আপনারা’ বলিতে যে তিনি কেবলমাত্র ইহাদের দু’জনকেই ইঙ্গিত করিলেন, তাঁহার শেষের কথাতে ইহাই প্রকাশ পাইল এবং তাহা বুঝিয়াই ফেণিলা উষ্ণ অথচ মুহূর্ত্তে কহিল—সে ক্রুটি আমাদের স্বকৃত নয়। কেন-যে বাবা এ’টির প্রচলন করেছিলেন, তা ত বুঝি নে।

সিংহ বেশ পরিহাসের স্বরে কহিলেন—তা’ হ’লে বোধ করি ভুলটা আপনার বাবার কৃত।

অবশ্য। সত্যিই যদি এ ভুল হয়। কিন্তু আমার কি মনে হয় জানেন, ঘনশ্যাম বাবু, বাবার এ ভুল নয়। দেশের চতুর্দিকে যে স্বাধীনতার স্রোত বইছে, তার আবর্ত্তন থেকে আমাদের সাংসারটি বাঁচতে পারেন নি তিনি।

সিংহ হাসিলেন। হাসিয়া বলিলেন—তবে কি এই বুঝতে হ’বে নীলা, যে, এখন খদ্দর পরার স্রোত বয়েচে, অমনি সবাইকে ‘ভেড়ার পালের’ মত ছুটতে হ’বে সেইদিকে? হুজুগ—আর হুজুগ।

ফেণিলা ক্ষিপ্ত হইয়া উঠিল, কহিল—তা ত বলবেনই আপনি, এদের ‘ভেড়ার পাল’। ভেড়ার পালই বটে, তবে এই ভেড়ার পালের মুখ চুলকায় না ঐ বিলিতি বাদরদের কলা খেতে দেখে, এই বাঁ কবে কোন্ সাহেব কি টুপি মাথায় দিয়েছে, অমনি হ’ল ফ্যাসান, কে কবে লাট-সাহেব টাই-টা বেঁধেছে পেছন দিকে—বাঁধ, বাঁধ, ফ্যাসান, কে সাহেব মিটিঙে বক্তৃতা করতে ভারি টেবিল চাপড়ায়, ভাঙ্ ভাঙ্ টেবিলটাই ভাঙ্! সাহেবরা শতকরা নব্বই জন দাঁত বাঁধায়, অমনই হুড় হুড় করে সব চলেন, বেদে-ডাক্তারের সামনে হাঁ করে দাঁড়ালেন।

## প্রীতির

## নিদর্শন

সাহেব বলে, পাটনা ইউনিভার্সিটি হ'বে, টাকা তোলা। তোলা তোলা পড়ে গেল; আর খুলনায় যে হাজার হাজার নিরন্ন দেশবাসী না খেতে পেয়ে ম'ল, সাহেব বলে ড্যাম্! আর অমনি দলগুচ্ছ কামান দাগতে লাগল, ড্যাম্ ড্যাম্ ড্যাম্!

কথাগুলি হাস্যোদ্দীপক বটে, কিন্তু কাহার মুখেই হাসি দেখা গেল না। একমিনিট পরে ফেণিলা পুনশ্চ কহিল—কিন্তু কাল যদি লাটসাহেব বলে' বসে, বাঃ খদ্দরগুলি বেশ হ'য়েছে, অমনি রাগ-কেন্, হ্যারিসন হাতের, হোয়াইটোয়ের বাড়ীতে ভিড় জমে যাবে—খদ্দর কিন্তে। কি বলেন মিঃ সিংহ! রাজাজ্ঞা, রাজপ্রতিনিধির আজ্ঞা, লজ্বন করলে ফাঁসী হয়—না?

সিংহ হাসিয়া বলিলেন—ছোঃ ছোঃ, হ্যারিসন হাথোবে বেচবে—খ—দ্—ড়? হ'য়েচে আর কি! তোমার মাথা খারাপ, নীলা, মাথা খারাপ। তোমার বাবাকে লিখে দিতে হ'ল, চিকিৎসা আবশ্যক।—তিনি হাসিতে লাগিলেন।

ফেণিলা বলিল—ভাই লিখবেন, ঘনশ্যাম বাবু, আজই লিখবেন, তবে অল্পগ্রহ করে সমস্ত ঘটনাটাই তাঁকে জানাবেন, নৈলে তিনি হয়ত ঠিক বুঝতে পারবেন না। কিন্তু তিনি যে আপনার জন্তেই কমল কররেজের মধ্যম নারায়ণের ব্যবস্থা করে পাঠাবেন, তা আমি আগের থেকেই বলে গেলাম।—বলিয়া সে খোলা জানেলা-পথে ফুটপাথের ওপারে একখানা একতল গৃহের দ্বারে বিলম্বিত সাইন্ বোর্ডটার পানে দৃষ্টি করিয়া বাহির হইয়া গেল।

সাইন্-বোর্ডে লেখা ছিল—

প্রীতির

নিদর্শন

কবিরাজ—শ্রীকমলাকান্ত গুপ্ত ভিষগাচার্যের

উন্মাদরোগের আদি ও অন্ধক্রিম

মধ্যমনারায়ণ ও মহারায়ণ তৈল "

৬, সের

৮, সের

আর বলা যায় না কেন, সিংহসাহেব ক্রুদ্ধ না হইয়াই উঠিলেন। আজ বোধ করি তিনি একশিশি মহানারায়ণ তৈল উপহার পাইলেও অসন্তুষ্ট হইতেন না।

সুশীলা ফেণিলার সঙ্গে সঙ্গেই বাহির হইয়াছিল; বাহিরে আসিয়া হু'জনে কবিরাজের সাইন-বোর্ডটার দিকে চাহিয়া হাসিতে লাগিল।

সুশীলা জিজ্ঞাসিল—তাহ'লে কালই ?

নিশ্চয়ই। আমি রিজার্ভ করিয়ে রাখব, আর এখান থেকেই তোমাকে তুলে নিয়ে যাব—কি বল ?

সুশীলা মাথাটি নাড়িয়া সম্মতি জ্ঞাপন করিতেই, সিংহসাহেব সুশীলার দিকে দক্ষিণ হস্ত প্রসারিত করিয়া, স্নেহস্বরে কহিলেন—তাহ'লে সুশীলা, গুড্‌ আফটার্নন !

কি জানি কেন, আজ আর সুশীলা হাত বাড়াইল না, সে ছ'টি হাত যুক্ত করিয়া কহিল—নমস্কার।

—বোধ করি, পাশের ঘরে বোনু ছটির হাসির শব্দ তাহার কাণে বাইতেছিল, মুখটি রাঙা করিয়া আর একবার বলিল—নমস্কার।

## সপ্তদশ পরিচ্ছেদ

### প্রেমের রহস্য ।

ফেণিলা হাসিয়া বলিল—সত্যি বলচি ভাই, আসল কারাগার ত দেখি নি কখনও, শুধু আমাদের সেই বাড়ীটা দেখেই আমি ওটা লিখেছিলুম। কাগজে-কাগজে রেজান্ট যখন বেকল, দেখা গেল, আমিই প্রথম হ'য়েচি, প্রাইজ ছিল, একশ' টাকা, আর এই মেডেলটা। সেকেন্ড, থার্ড—হ'য়েছিল—হু'জুন পুলিশ অফিসার।

সুনীলা জিজ্ঞাসিল—তোরা একেবারে কোথাও যেতে আস্তে পারতিস্ নে ?

হাঁ। ঐ গাড়ী চড়ে স্কুল, কলেজ—আর বাড়ীটার ছাদটি ছিল মস্ত—এই যা। না কেউ আসত,—না কেউ কোথায় যেত !

তবে শাস্তি কি-করে লভেই বা পড়ল, বিয়েই বা হ'ল কেমন করে ? কেউ যদি না-আসত, বিকাশ বাবু-ই বা এসেছিলেন কেমন করে ?

ফেণিলা হাসিয়া বলিল—আমার ঐ-যে মাস্তুতো ভাই অবগী তারই বন্ধু ছিল—বিকাশ। একটা কি ছুটির দিনে হু'জনে কোথায় মাছ ধরতে গেছল, সন্ধ্যাবেলা অবনী আর বিকাশ একটা বারো সের কাংলা মাছ নিয়ে বাড়ী ঢুকল। মাছটা তুলেছিল, অবনী। তা বিকাশ না-কি নিজের বাড়ীতে মাছটা দেখাতে নিয়ে যেতে চেয়েছিল, তা আমাদের বাড়ীতে দেখিয়ে, তারপর নিয়ে যাবে, যে পুকুরে ধরেছিল, সেটা আমাদের



## প্রীতির

### নিদর্শন

বাড়ীর কাছেই। হুই বীরপুরুষে মাছ ধাড়ে করে এল, তখনি চলে গেল। ঘণ্টাখানেক পরে অবনী মন্ত একখানা ল্যাণ্ডো চড়ে মাছ নিয়ে ফিরে এল। মাছটা সে ধরেছে, তারই প্রাপ্য কি-না। মাসীমা অবনীকে বল্লেন—হ্যারে বনী, ( তাঁকে সবাই ‘বনী’ বলে ডাকত ) হু’জনে আমোদ করে ধরলি, একা তুই মাছ খাবি, বন্ধুকে ভাগ দিবি নে ? বনী বল্লে—সে-কি মাছ নেয় মা ? তার নিজেরই দশ-বারোটা পুকুর, রোজ এর চেয়ে বড় বড় মাছ তাদের নিত্য-খরচ হয়। মাসীমা বল্লেন—হ’লই বা বড়লোক, তোর বন্ধু ত ! বনী বল্লে—না মা, সে এর ভাগ নেবে না, আমি জানি ! মাসীমা ভেবে চিন্তে বল্লেন—তবে তা’কে বলে আয়-না কেন, রাত্রে আজ সে এ’খানেই থাকে। এতে ত আর সে অমত করবে না !—সে অমত করিল না সত্য, যথাসময়ে মোটর গাড়ীর শব্দে আমাদের সৰু গলিটি সচকিত করে বিকাশ এলেন ! হ্যাঁ—বিকাশ বটে ! কি সুন্দর, নতুন চেহারাটি ! মনে এতটুকু অহঙ্কার নেই ! হাসিটি যেন পাতলা ঠোঁঠ হু’খানিতে লাল রঙের সঙ্গেই জড়িয়ে রয়েছে। আমরা কেউ তাঁর সামনে বেরুই নি বটে,—তবে আড়াল থেকে, শান্তি, কান্তি আর আমি তাঁকে দেখেছিলুম। বয়স—বনীরই বয়সী। ১৬-১৭ কি বড় জোড় আঠারো হ’বে।—সেই প্রথম কারাগ্রাচীর ভেঙ্গে গেল ; সেইদিনই আমরা প্রথম জানলুম যে, সে’টি কারাগার নয়, আমাদের বাড়ী।

ফেগিলা থামিয়াছিল, কিন্তু সুনীলা তাহার মুখের দিকে উৎসুক দৃষ্টিতে চাহিয়া আছে জানিয়া, আবার বলিতে লাগিল—তারপর থেকে, ছুটির দিনটি এলেই বিকাশ ছিপ-ধাড়ে করে মোটর থেকে নেমে তাড়া-

## প্রীতির

## নিদর্শন

হুড়ো লাগিয়ে বনীকে নিয়ে বেরিয়ে যেতেন। যেদিন শিকার মিলত, বিকাশ নামতেন, নয়ত বনীকে দরজার সামনে ছেড়ে দিয়ে চলে যেতেন। এই রকম করে' মাসখানেক কাটল। আবার একদিন মস্ত শিকার মিলেছে, এবার বিকাশই গেঁথেছিলেন। দেখাতে এসে, বিকাশ মাসীমাকে বল্লেন—বনী আর তার বোনেরা আমার ওখানে থাকবে। তখন ত আর কারাগার নয়, মাসীমা বল্লেন—তা যাবে, তার আর কি! —কি সিঙ্গী দেখেছ মেঝদি, বড়লোক যা'কে বলে! তিনটে বড় বড় মহল পার হ'য়ে আমরা যেখানটায় নামলুম, সে'টি হ'চ্ছে মেয়ে মহল। শুধু সেইটেই হ'বে আমাদের বাড়ীটার তিন চারগুণ! কিন্তু কি অমায়িক লোক তাঁরা! চার ভাই তাঁরা, বড় দু'টিকেও দেখেছি বটে, কিন্তু বিকাশ আব প্রকাশ এ'দের সঙ্গেই আমাদের আলাপ হ'য়েছিল—তেমন আর দেখিনি—এ জীবনে! বিকাশ তখন দু'টো পাশ করে-ছিলেন, বিলেত যাবেন বি-এ পাশ করে! সেখানে অক্স-ফোর্ডে বি এ পড়বেন।

সুনীলা উৎকণ্ঠ হইয়া কহিল—তারপর?

বিলেত যাবার দিন এগিয়ে আস্চে, বিকাশ ভারি ব্যস্ত, বনীও। আজকাল আমাদের বাড়ীতেও আসা-যাওয়া খুবই কম,—সময়ভাব। আমরা বনীকে অমুযোগ করি, আমিও, দশবছরের কাস্তিও, পঞ্চদশী শাস্তিও। একদিন সকালে উঠে “বিশ্ববাণী” খুলে দেখি, বিকাশের লেখা পাঁচ ছ'টি কবিতা বেরিয়েচে। বিকাশ আগেও লিখতেন, এদানী পড়াশুনায় ব্যস্ত থাকায় লেখাটা বন্ধ ছিল,—আমি ছ' বছরের বাঁধানো “বিশ্ববাণী” খুলে দেখি, মাসে একটা, দু'টো কবিতা—আছেই। সে-সব

## প্রীতির

### নিদর্শন

কবিতা মামুলী, আকাশ, বাতাস, বসন্ত জ্যোৎস্না, বর্ষা, গ্রীষ্ম, শীত, ইট, কাঠ, ঢিল, পাঠ্যকল—দু'চোখে যা দেখেছেন, তাই নিয়েই, কিন্তু সেদিন প্রভাতে যে পাঁচ ছ'টা কবিতাই আমি পড়লুম, সে কবিতা, না চোখের জল, অনেকক্ষণ অবধি তাই ঠিক করতে পারলুম না। বাংলা কবিতা কারুই আমি পড়তুম না, তা'তে করে আমাদের সেই কারাগৃহে আমার শাসনই ছিল—অকবি! কিন্তু সেই অকবিরই চোখের জল যেন নিংড়ে বেরিয়ে আসতে লাগল। বিশেষ করে, 'মোটা কবি বল্চেন স্বদেশ ছাড়ি তা'তে দুঃখ নেই, কেননা সে আমার, আমি তার—দেশ কোন-দিনই আমাকে তার আকাশের তল থেকে বঞ্চিত করবে না; স্বদেশ সে'ও আমি ত্যাগ করছি নে, যেহেতু মহাপাপীই ধর্মত্যাগ করে, আমি অত বড় পাপী নহি, কাজেই ধর্মের ভাবনা'ও আমার নেই—তবে কিসের ভাবনা—কবির! যার এই দুই সম্পদ আছে তাহার আবার দুঃখ কিসের! কবি বলেন—কিন্তু প্রিয়ে! তোমার মুখের ঐ হাসি কি অগ্নান থাকবে, তোমার বুকে শান্তি কি চিরদিনই বিরাজ করবে, এই সহস্র সহস্র যোজন দূরের প্রেমিকের পরেই তোমার কোমল নারীচিত্তটি পড়ে থাকবে, না অদর্শনে অগ্নে মুখের হাসিটি গ্লান হ'য়ে যাবে, হৃদয়ের শান্তি বিদূরিত হ'বে আর মহাসাগরের পরপারে তোমার মনটি বাঁধা থাকতে পারবে না! পড়েই আমার মনে হ'ল, এই কবিপ্রিয়া কে? বনীও জান্ত না।

একমিনিট থামিয়া সে পুনরায় কহিল—তারপরই একদিন দেখি, বাড়ীতে ভারি আনন্দ কোলাহল পড়ে গেছে। আমি স্থূল থেকে ফিরতেই শান্তি ফিক্ করে হেসে, যেন অপরাক্তের হৃদ্যটির মত টুক্ করে

## প্রীতির

## নিদর্শন

পালিয়ে গেল। মাসীমা বল্লেন.....!—বুঝলুম শান্তিই সেই কবি-প্রিয়া! তারপর, একদিন!—ফেণিলা যে ইঙ্গিতটি করিল, সুনীলা তাহার ঠিক অর্থ বুঝিয়াই কহিল—কিন্তু বিয়ে যে হ'ল, এ'রাও কি ক্রিষ্টানই ছিলেন।

না. না. বিকাশ বাবুরা পুরোমাত্রায় হিন্দুই ছিলেন। বিয়েটা হ'ল ত আর্থ্য সমাজের মতে,—লাহোরে গিয়ে।

তা'তে কেউ আপত্ত্য করলে না?

আপত্তি আর কে করবে, বল! যদিও কেউ আপত্তি করত, টি'কত না। নৈলে যে কবির বুক ভেঙে যেত; আর কবিপ্রিয়ার শিরদাঁড়া, Spinal Cord, ভেঙ্গে ধলুপ্ঠকার হ'ত।...তার ক'মাস পরেই বিকাশ বিলেত গেলেন। সেইদিনই তাঁর “শ্বেতপদ্ম” বেকল। তাঁর প্রকাশক রাত্রি ন'টার সময় এসে দশখানা বহি দিয়ে গেল; খুলে দেখি, উৎসর্গটি ভারি চমৎকার।—দেখ-না,—বলিয়া সে আলমারী খুলিয়া একখানি সাদা মখমলে বাঁধা পুস্তক বাহির করিয়া সুনীলার হাতে দিল। উৎসর্গ পৃষ্ঠায় লেখা ছিল,

“তুমি স্বদেশে, আমি বিদেশে  
মধ্যে সমুদ্র, মধ্যে নীলাকাশ,  
মধ্যে প্রেমের এক অফুরন্ত নদী,  
তাহারই বুকের এ “শ্বেতপদ্ম”  
স্বদেশে ফুটিয়া থাক—

তোমারই পদ্যের মত হাত দু'খানিকে স্মরভিমণ্ডিত করিয়া থাক।”

সুনীলা মুগ্ধস্বরে কহিল—বাঃ!

## প্রীতির

### নিদর্শন

অল্পক্ষণ পরেই ফেণিলা মুখটি করুণ করিয়া কহিল, শান্তির ত' ঐ অবস্থা হ'ল, তার পরই হলুম আমি! কান্দি ত নেহাৎ শিশু। আমার বিশ্বাস ছিল, আমার এসব রোগ বালাই নেই, ওমা, সময়কালে আমারো একটা উৎকট পীড়া দেখা দিলে, যাই আর কি? তবে স্নুখের বিষয় ছিল এই, আমার লাভারটি কবি ছিলেন না.....

সুনীলা হাসিয়া বলিল—তোর আবার কি হ'য়েছিল রে?

ফেণিলা দুঃখে স্নান হইয়া অতীব মৃদুকণ্ঠে কহিল—কি আর হ'বে মেঝে! যা সবার হ'য়ে থাকে, তাই! আমিও ত প্রায় শান্তির মত গেছলুমই, অতি কষ্টে, প্রাণে বেঁচে, আধমরা হ'য়ে ফিরে এসেছি।—তাহার অক্ষসজল আঁখি দু'টির পানে চাহিয়া সুনীলার মনখানি বড়ই বিবগ্ন হইয়া গেল। সে আর একটা কথাও বলিতে পারিল না, কেবল সহানুভূতিপূর্ণ দৃষ্টিতে ফেণিলার স্নান মুখখানিই দেখিতে লাগিল।

ফেণিলা মিনিট তিনেক পরে গদগদস্বরে কহিল—একদিন আধদিন নয়, তিনটি বছর ধরে সে একটা কথা না বলে, কেবল আমার মুখপানে চেয়ে দিন কাটিয়েছিল। একদিন ক'রে হঠাৎ আমাদের দেখা শুনা বন্ধ থাক্ত, শেষাশেষি সে একদিনের বিরহও সহ্য করতে না পেরে একটা না একটা অছিলায় এসে হাজির হ'ত। কথা বলত না, কথা শুন্ত। এমনি করে তিনটি বছর আমার আশা করে, আমার মুখ চেয়ে সে ছিল, আহা, তার পর হতাশ হ'য়ে বেচারী মনের দুঃখে, 'বেলোয়ারী'তে ভুগে ভুগে, বিড়িন ষ্টিটের হাফিস্ থেকে টিকিস্ কিনে ছাপরায় চলে গেল।—সে কণ্ঠস্বর যতদূর সম্ভব করুণ করিয়া কহিল—শুনেছি, সেখানে গিয়ে সাদী করে ফেলেছে। আহা ~~বোলা~~ সে থাকতে একদিন আমাকে

## প্রীতির

## নিদর্শন

আমার বহিগত বইতে হ'ত না। আমার বহিগুলি, খাবারের বাস্কাট  
বুকে করে, অত যত্নে আর কেউ তুললে না, মেঝে, কেউ তুলে না। হায়  
হায়! আগে জানলে কি ছাড়তুম আমি তা'কে! আমি ভেবেছিলুম,  
যাচ্ছে যাক্, একবার দেশটা ঘুরেই আসুক। তখন কি জানি ছাই যে  
আমার বরাত পুড়েছে, আমার আশায় জলাঞ্জলি দিয়ে, সে সেখানেই...  
...বলিতে বলিতে বস্ত্রপ্রান্তে মুখ ঢাকিয়া ফেগিলা ফোঁপাইতে লাগিল।  
কাঁদ কাঁদস্বরে বলিল—সে'ও গেল আমিও স্থূল ছাড়লুম! কলকাতা,  
সে বিহনে আমার কাছে শূন্য বোধ হল, আমি কাসিয়াঙে গেলুম।  
সেইখানেই তার চিঠি পেলুম, সাদা! সতীনকে একখানা বারো টাকা  
দামের কাপড় পাঠিয়ে দিলুম। চিঠি টিঠি লিখতে পারি নি, যতবার  
কাগজ নিয়ে লিখতে বসি, চোখের জলে কাগজ ভেসে যায়, হাত কেঁপে  
ওঠে—! ওহো, হো, হো!—সে খুব জোরে জোরে ফোঁপাইতে লাগিল

সুনীলা বলিল—তা কেঁদে আর কি করবি বল! Loverদের  
গতিকই ঐ! আহা, নীলা কাপড়টা ছেড়ে ফেল, বোন, ছেড়ে ফেল—  
ভিজ়ে ঢোল হ'য়ে গেছে-যে!

ফেগিলা সত্য সত্যই আলুনা হইতে একখানা কাপড় টানিতেছিল,  
তাহা দেখিয়া, সুনীলা দু'হাতে তাহাকে জড়াইয়া ধরিয়া বলিল—বেচারী  
সহিসকে খুব নাকাল করেছিস্ বল?

না, দিদি, নাকাল না, ভালোবাসা! নীরবে, গোপনে, যতনে—  
ভালোবাসা!

উঃ! ভাগ্যিস্ বেচারী দেশে পালিয়েছিল, তা না হ'লে টাউরেই  
মারা পড়ত।

## প্রীতির

### নিদর্শন

তবু আসল কথাটি বলি নি এখনও ।

সে'টি হ'চ্ছে কি ?

সে'টি হ'চ্ছে এই যে, আমাদের গাড়ীর সহিসকে সবাই দিত পূজার সময় দু'একটি, টাকা । এ'কে দিতাম, আমি—চার চার আট । চার পূজায়, চার বড়দিনে । লোকটাকে দেখলেই কেমন আমার দয়া স্ফূর্ত । তার সেই কালো কুচ্‌কুচে মুখটিতে যেন গভীর দুঃখের ছাপ লেগে ছিল বলেই আমার মনে হ'ত ।

আট-টা করে' টাকা ফালতো পেলে অমন অনেকেই আরাধনা করে ।

না মেঝে, না, সে ভালোবাসা ।—হাসি মুখে এই কয়টা কথা বলিয়া দাঁড়াইয়া উঠিল । মিনিটখানেক আলমারীটার দিকে চাহিয়া চাহিয়া বলিল—এই আলমারীর অর্ধেক বহিতে তার অঙ্গের উত্তাপ এখনো লেগে রয়েছে, বুঝলে মেঝে ! প্রাইজের দিন আমার হাত ভর্তি বহি দেখত, আর কালো মুখের সাদা দাঁতের হাসিতে একেবারে সৌদামিনী খেলত ! এত ভালো আর কেউ বাসবে না রে কেউ বাসবে না ।—শেষের দিকটা তাহার উচ্ছল কণ্ঠস্বর যেন একটু বাধিয়া, একটু বিচলিত হইয়া গেল ।

সুনীলা বলিল—কেউ-না-কেউ বাসে বোধ হয় ।

ফণিলা বলিল—কি জানি ! সন্ধান ত পাই নি তার ! পেলে একদিন নেমস্তন করে খাইয়ে দিই ।

খাইয়েছিলি ত খগেন বাবুকে ? একা তোর হাতের দু' একটি তর-কারী আর লুচীই তিনি খেয়েছেন ।

তা খেলেই বা—তা'তে হয়েছে কি ! আর খেয়েছিলেন কি সাথে ?

কি রকম ভয় দেখিয়েছিলুম সেদিন তাঁকে । আমি ক্রিস্টানের বাড়ীতে  
মানুষ, তাই থাকেন না, এই ছঃখ জানাতেই তবে না তিনি আসনে বসে  
পড়লেন ! বাস্তবিক ত আমি ক্রিস্টান নই, দোষ আর কি হ'য়েছে বল ?

দোষের কথা নয় । আমি বলছি—ঐ ত সন্ধানও পেয়েছি, খাইয়েও-  
ছি—আবার কেন ?

এইটুকু শুনিয়েই ফেগিলা জিব কাটিয়া কহিল—পাগল ! ছিঃ ছিঃ !  
এই বুঝি বুদ্ধি তোমার !

কেন—বুদ্ধির আবার কি দোষ হ'ল শুনি ?

ছিঃ ছিঃ ! মেঝে, তোমার এই বুদ্ধি !—বলিয়া সে কুঞ্চিত মুখটি  
ফিরাইয়া লইল । দশ পনেরো সেকেণ্ড পরে বলিল—দিদির না-হয় গাত্র  
দাহ জন্মেছিল, যা খুসী তাই বল্লেন, তুমি কি করে বল্লেন, বল ত শুনি ?  
ছিঃ ছিঃ—

না রে, আমি ঠাট্টা করছি, কিন্তু গাত্রদাহ হ'বে কেন ?

হ'বে না—ও বাবা ! বড় লোক, চারখানা কার রাখে, সাহেব সেজে  
আসে, তার সামনে ঐ ছেঁড়া কাপড় পরা ভেতো বাঙ্গালীটা আমাদের  
সঙ্গে আন্তরিকতা করে, এ শুধু সিন্ধী কেন, অনেক বাঘ, ভাল্লুক, ঘোড়া,  
গরু, কুকুর-ছাগলেরও গাত্রদাহ হ'য়ে থাকে ! দাহ কি বলছ, রাঁচী  
গমনটা আর একটু বিলম্বে ঘটলে, গায়ের ছাল চামড়া খসে কেবল হাড়ই  
বেরিয়ে পড়ত—বলিয়া সে হা হা করিয়া হাসিয়া উঠিল । সুনীলাও  
হাসিয়া, তাহার গালটি টিপিয়া দিয়া, চায়ের ব্যবস্থা করিতে ছপ্ দাপ্  
করিয়া, গুণ গুণ শব্দে সুর ভাজিয়া নীচে নামিয়া গেল ।



## অষ্টাদশ পরিচ্ছেদ

প্রেম ?—স্বদেশ ? না—কি ?

প্রথম দিন কতক ইহারা ছুটিতে বেশই ছিল। এত বড় বাড়ীটার গোটা দুই তিন চাকর বাকর, আর এই দুইট তরুণী। পিতার ও স্ত্রীলার ফাঁকটা পূরণ হইয়া গেল এই ছুয়ের মনের গোপন-সম্মিলনে। অনেক দেশ বিদেশ ঘুরিয়া, অনেক পর্বত অধিত্যকা বেঠন করিয়া ছুটি ক্ষুদ্র তটিনীর যেন এই নিৰ্জ্জন সঙ্গম। তাহাদের তর্কে বাধা দিবার কেহ নাই, তাহাদের কলহান্তে যোগদান করিতেও তাহারা কাহাকেও চাহিল না। যেন এই ছুটিতেই এই সংসারে জন্মিয়াছে—ইহারাই পরস্পরকে জড়াইয়া, প্রীতি বর্ষণ করিয়া এমনই বড় হইয়া আসিয়াছে—কাহাকেই তাহাদের কোন আবশ্যক নাই।

সেদিন শনিবার। সকালে চা খাইয়া ফেগিলা “পত্রিকা”খানি হাতে করিয়া বসিয়া গেল, সুনীলা নীচে পাকশালার বন্দবস্ত করিতে গেছে। ফেগিলা কাগজ পড়া শেষ করিয়া পাকশালায় আসিয়া রলিল—মেঝে, দুপুর বেলায় গাড়ীটা জুত্ব ?

সুনীলা বলিল—কোথায় যাবি ?

ফেগিলা বলিল—কতকগুলো কাপড়চোপড় কিন্ব মনে করছি।

সুনীলা সাস্চর্য্যে কহিল—কাপড় চোপড় ? কি হ'বে রে ?

ফেগিলা বলিল—দিশী কাপড় কিন্ব। এ-সব আর পরব না।

## প্রীতির

## নিদর্শন

সুনীলা হাসিল, বলিল—এ'ও ত দেশী ।

কে বলে দেশী ? নাম-টাই দেশী, এই যা ! নৈলে ওর একচুলও দেশী নয় ।

সুনীলা চুপ করিল । একমিনিট পরে বলিল—কিন্তু কাপড় যে অনেক রয়েছে, এখনই আবার কিনবি ?

কি করি বল ? এ ত আর পরব না । না কিনলে চলবে কি ক'রে ?

কোথায় কিনবি ?

ফেগিলা এক মুহূর্তকাল চিন্তা করিল, তারপর কহিল—খুঁজে পেতে কিস্তে হ'বে, ভাই । যেখানে পাই ।

সুনীলা বলিল—হঠাৎ এ খেয়াল কেন হ'ল নীলা ?

ফেগিলা গম্ভীর মুখে কহিল—খেয়াল এই একটাই নয় দিদি ! আমি সব ত্যাগ করব ।

সুনীলা কিছুই বুঝিতে না পারিয়া বিচলিত হইয়া উঠিল । উৎসুক নেত্রে চাহিয়া রহিল ।

ফেগিলা বলিল—কত লোকে কত ত্যাগ করেছে, মেঝ, আমরা কি এতই হীন, এতই ক্ষুদ্র যে মায়ের তরেও কিছুই ত্যাগ করতে পারি না ? যাদের বড় বড় জিনিষ আছে, তারা ত ত্যাগ করছেই, আমাদের ক্ষুদ্র, সামান্য যা আছে, তার কি এতই মূল্য যে কোন কারণেই আমরা ছাড়তে পারি না ?

সুনীলা কথা কহিল না ।

ফেগিলা বলিল—মেঝ, আমি ডিক্রীও ত্যাগ করব ।

## প্রীতির

### নিদর্শন

সুনীলা বিশ্বয়পূর্ণ কণ্ঠে কহিল—বি-এ ডিক্রী ?

হ্যাঁ—বলিয়া সে মুখখানি নমিত করিল। দুই মুহূর্ত পরে কহিল—  
মেঝ্, এ আমার বহু দিনের সঙ্কল্প। এতদিন তা সাধিত করতে পারি  
নি বলে হুঃখে আমি মরে যাচ্ছি, মেঝ্। কিন্তু কেন পারি নি, তা তুমি  
জান—বাড়ীতে একটা হৈ চৈ পড়ে যেত, কৈফিয়ৎ দিতে প্রাণ ওষ্ঠাগত  
হ'ত! আজ তুমি আর আমি! আজ আর আমায় রোখে কে ?

সুনীলা নীরব। সে কি বলিবে? ফেণিলার যাহা মনের ইচ্ছা,  
তাহা সে ত্যাগ ত করিবেই না, তবে আর বিকল্প মত প্রচার করিয়া  
লাভই বা কি? বরঞ্চ সে যাহা ভাল বলিয়া বুঝিয়াছে, তাহা করিয়াই  
যদি সে সন্তুষ্ট হয়, ক্ষতি কি?—ভাবিতে ভাবিতে সুনীলার মনে হইল  
সত্যই ত! এত খুব চমৎকার জিনিষ! আমার পয়সা, আমার  
দেশের নিরন্ন দরিদ্রের জঠরেই যাউক, বিদেশী ব্লুফসদের ক্ষুধা মিটাইবার  
চেষ্টা করিয়া মরি কেন? এই দেশে যত শ্রমজীবী আছে, কর্মের  
অভাবে, উদরান্নের জন্য তাহারা চিরদিনই উপবাসী থাকিয়া, পথের  
ধূলায় গাড়াগড়ি দিয়া হাহারব করিবে, আর আমার পয়সা লইয়া ঠগের  
দল হোমরা-চোমরা হইয়া ক্ষুধা করিয়া বেড়াইবে! এই যে ভারতবর্ষময়  
অন্নের জন্য হাহাকার, এ-ত শিশুকাল হইতেই শুনিয়া আসিতেছি।  
ক্রমশঃ কম দূরে থাক্—হু হু করিয়া বাড়িয়াই চলিয়াছে! সে দোষ  
কাহার? আমাদেরই! আমরা যদি ইচ্ছা করি, চেষ্টা করি, এই সমস্ত  
দুর্ভিক্ষ পীড়িতদের সাহায্য করিতে, সকলের আগেই যে আমরাই  
তাহাদের সর্বদুঃখ মোচন করিতে পারি।

দশ বিশ্ পঞ্চাশ দান করিয়া নহে,—তাহাদের কর্মে নিযুক্ত করিলে,

## প্রীতির

## নিদর্শন

দুর্ভিক্ষও হয় না, এত হাহাকারও শুনিতে হয় না। রাজা ত পাঁচ সাত হাজার—দান করেই কর্তব্য শেষ করলেন, দেশের যারা মাথা, তাঁরা সেই বদ্ব্যস্ততার চাক এমনই জোরে বাজাতে শুরু করে দিলেন, যেন এই হচ্ছে তাঁদের সর্বোৎকৃষ্ট পাওনা! হারে মাথা তাঁদের! এই দান কত দিন, কতক্ষণ! সে ত সমুদ্র তুলনায় গোপ্পদ বিশেষ! তা'তে কি গুণ দূর হয়, না, অভাব মেটে! করুণ দেখি তাঁরা চেষ্টা, দেখবেন, এই সব অম্লের কাঙালী ভিখারীর দল তাঁত চালিয়ে, মাঠে লাঙ্গল দিয়ে, দেশেরও অভাব দূর করবে, তাদের নিজেদের বুড়ুকাও তৃপ্ত করবে! তা ত কেউ করবেন না। আর এ কাজ করতে সর্বশক্তিমান গবর্ণ-মেণ্টের কাছেও হাত পাততে হবে না। নিজেরাই করা চলবে,—তাঁরা শুধু বলুন, থাক্ ম্যানফেস্টার কাপড় সাগর পারে, তার আর লক্ষা ডিপ্লীয়ে বাহাদুরী নিতে হ'বে না, আমরা এখানেই যে যা পারব, তাই যোগাড় যাগাড় করে পরব। কৈ বলুন দেখি, তাঁরা যে তোমাদের ইয়ুনিভার্সিটি তোমাদের থাক্—তোমাদের ছেলে-মেয়ে, নাতি-পুতি পড়ুক—আমাদের দরকার নেই; তোমাদের আফিসে তোমরাই বড় সাহেব, ছোট সাহেব, কেরাণী, দপ্তরী, বেহারী—সব তোমরাই হও—আমাদের দরকার নেই—পারি ত আমরা যেমন করেই হোক্ আমাদের অন্তঃস্থান করব—দেখি কত বল ধরে ওরা, আর তা'ও দেখি, কেমন বছর বছর দুর্ভিক্ষ রাক্ষসী আমাদের দেশের লোকের রক্ত শোষন করে!

এর ভেতরে এমন মাদকতা ছিল যে, যে কোনদিন দেশনীতি, রাজনীতির কোন সংবাদই রাখিত না, কয়েকমুহূর্তের মধ্যেই সে কতদিনের, কত দূরের চিন্তা করিয়া ফেলিল। এবং চিন্তার সঙ্গে সঙ্গেই স্নানীলার মনট

## প্রীতির

### নিদর্শন

উত্তেজিত হইয়া উঠিল। ফেণিলা পাণের বাটার সম্মুখে বসিয়া পাণগুলি চিরিয়া থাক্ দিয়া সাজাইয়া রাখিতেছিল, সুনীলাকে নীরব, চিন্তাঘ্নিত দেখিয়া, সে অনেকক্ষণ কোন কথাই বলে নাই। যেইমাত্র সুনীলা দাঁড়াইয়া উঠিয়াছে, সে বলিল—কাউকে দিয়ে আস্তাবলে খবর পাঠিয়ে দাও না মেঝ, যা'তে ঠিক এগারোটার সময় গাড়ী আনে।

বলে দিই, বলিয়া সুনীলা বাহির হইয়া গেল, ফিরিয়া আসিয়া কহিল—আমিও যাব, নীলা।

ফেণিলা দাঁড়াইয়া, সুনীলাকে হৃ'হাতে বুকের মধ্যে জড়াইয়া ধরিয়া পুলকিতস্বরে কহিল—যাবে মেঝ, যাবে? সে বেশ হ'বে।

সুনীলা বলিল—তুই একলা যাবি—তাই.....

ফেণিলা নিরুৎসাহ হইয়া গেল। বলিল—কেন, রাস্তায় বাঘ-ভাল্লুক আছে না-কি?

সুনীলা সে কথার উত্তর দিল না। ফেণিলা আবার বলিল—যারা ভালো জিনিষ চিনেও গ্রহণ করতে পারে না, তাদের মত হু'ভাগা কেউ নেই এ পৃথিবীতে। তুমিও যে বুঝতে পারছ না, তা নয়। যে কারণেই হোক তোমার সে সাহস হ'চ্ছে না—কিন্তু কেন? কিসের ভয়? কা'কেই বা? কার একচালায় চাল তুলে বাস করি যে এত ভয়, এত দৌর্জল্য!

সুনীলা বলিল—না নীলা, ভয় ও নেই, দৌর্জল্যও নয়—আমার কাপড় চোপড় যথেষ্ট রয়েছে, সেগুলো নষ্ট করার কোন দরকার নেই। যে কারণেই হোক না কেন, অপব্যয় করা আমি পছন্দ করি নে।

অপব্যয় তোমাকে কে বলে? তুমি যা তাগ করবে তা কতজন

## প্রীতির

## নিদর্শন

বঙ্গহীনাকে লজ্জা থেকে রক্ষা করবে জান ? তুমি ত কাগজ পড় মেঝদি,  
একি কোনদিনই তোমার নজরে পড়ে নি যে কত শত সতী রমণী.....

সুনীলা বলিল—আমি জানি নীলা।—সে কতদিন এ-সব খবর  
কাগজে পড়িয়াছে, নীরবে কাঁদিয়া কাঁপড়ে চোখ মুছিয়াছে ।

এ-হেন মহান উদ্দেশ্যেও যদি না পার, কি আর বলব তোমাদের!—  
বলিয়া সে ঘর ছাড়িয়া চলিয়া গেল ।

সুনীলা ভাবিতেছিল, আজিকার কাগজে হয়ত নিদারুণ কোন  
দুঃসংবাদ পড়িয়া নীলা উত্তেজিত হইয়া উঠিয়াছে। সংবাদ লইয়া  
জানিল, সে স্নানঘরে । সুনীলা উপরে আসিয়া পত্রিকা খুলিয়া এ-পিঠ  
ও-পিঠ উন্টাইতে লাগিল । কিন্তু কোথাও কিছু খুঁজিয়া পাইল না ।  
ইংরেজ পরিচালিত আর একখানি সংবাদপত্র আসিত, সেখানাও অন্বেষণ  
করিল, কিন্তু পাইল না । রেশের পাতাটা খুলিতেই মনটি বিষম হইয়া  
গেল । মনে হইল, আজ শনিবার, দিদি থাকিলে এতক্ষণ রেষ্ট টিপসের  
লাল নীল জরদা রঙের বহি আসিয়া পড়িত ; কত উৎসাহই না দেখা  
যাইত।—এই কথা কয়টি ভাবিয়াই সে কাগজখানা বন্ধ করিতেছিল,  
অকস্মাৎ তাহার মনে পড়িল, আর একজন হয়ত এখনও এই সর্ব্বনেশে  
নেশায় হাবুড়ু খাইতেছে । নীলা ঠিকই বলিয়াছে, এই ঘোড়াভূত  
কোথা হইতে জুটিল !!

চক্ষু পড়িল, রেশের সংবাদে ঠিক নীচে, একটা বড় ছত্রে :—

**বাহ্মানী জহকির অসহযোগ ।**

সুনীলা নিশ্বাস রোধ করিয়া পড়িয়া গেল । তাহার মর্ম্ম এইরূপ যে,  
বীরদৎ অকস্মাৎ রেশের সম্পর্ক ছিন্ন করিয়াছেন । আজ বেলা ১২½ হইতে

## প্রীতির

### নিদর্শন

তিনটা পর্য্যন্ত এসপ্লানেডের মোড়ে রেশগামীদের উদ্দেশ্যে বক্তৃতা দান করিবেন। রেশে যাওয়া, জুয়া খেলা যে ভারতবাসীর মেরুদণ্ড ভাঙ্গিয়া দিতেছে এবং পরোক্ষে বিদেশী জুয়াড়ি শয়তানদের প্রভূত পরিমাণে অর্থশালী করিতেছে—ইহাই তাঁহার অসহযোগ পন্থা অবলম্বন করিবার একমাত্র কারণ। এই প্রসঙ্গে ফিরিস্তী সম্পাদক যে তীব্র মন্তব্য প্রকাশ করিয়াছেন, তাহা পাঠ করিয়া সুনীলার সন্মুখ জলিয়া গেল।

সে ভাবিতে লাগিল, আমাদের দেশে কি এমন একজনও নির্ভীকচিত্ত, তেজস্বী সম্পাদক নাই যিনি এই ফিরিস্তী পুস্তককে কিঞ্চিৎাত্রায় সহবৎ শিক্ষা দেন।

ফেগিলা নীচে তাহাকে ডাকাডাকি করিতেছিল, শুনিয়া সুনীলা কাগজখানা ফেলিয়া রাখিয়া, বাহিরে আসিয়া কহিল—আমি উপরে আছি, নীলা।

ফেগিলা উপরে আসিয়া বলিল—খাবার দাবার ত কোন উত্তোগই দেখছিনে মেব্-দি! আজ কি একাদশীর ব্যবস্থা করেছ?

সুনীলা পরিহাস-সরল কণ্ঠে কহিল—মন্দ কি! দেশের কত লোক ত নিরন্ন রয়েছে, তা'দের জন্য একদিনের গ্রাসই না-হয় ত্যাগ করলে।

ফেগিলা ছই তিনমুহূর্ত্তকাল ব্যথা ক্ষুর মুখে চাহিয়া থাকিয়া, আস্তে আস্তে বলিল—ঠাট্টা করতে তোমার গলার মধ্যে জিতটা আড়ষ্ট হ'ল না!—তাই ভাবি আমি!—বলিয়া সে ক্রোধরক্তমুখে ঘর ছাড়িয়া চলিয়া যাইতেছিল, সুনীলা কঁাদ কঁাদস্বরে তাহার হাতটি চাপিয়া ধরিয়া বলিল—আমাকে ক্ষমা কর, নীলা।

ফেগিলা সজোরে বাস্তমুস্ত হইয়া বারান্দায় বাহির হইয়া কহিল—

## প্রীতির

## নিদর্শন

না, না, এত জ্বালাতন আমার সহ্য হ'বে না। আমি ত কারো ভালোতে-মন্দতে থাকি না, যত রাগ সব আমারই ওপর? কেন, কিসের জন্তে? আমি কার কি করেছি!

সুনীলা অশ্রুধ্বকর্ণে কহিল—তোর ওপর আমি কি রাগ করতে পারি, নীলা, তুই-ই বল? তো'কে যে আমি কত ভালোবাসি নীলা, তা কি তুই জানিস্ নে?

ফেণিলা বলিল—জানি গো সব জানি। সব জানি। কার যে কত ভালোবাসা তা আর জান্তে বাকী নেই! সব বোঝা গেছে।—বলিয়া সে আরক্ত মুখখানা অচুদিকে ফিরাইয়া দাঁড়াইয়া রহিল।

সুনীলা বিঘ্নযাতিভূতের মত চুপট করিয়া দাঁড়াইয়া আছে, ফেণিলার উদ্ভূত কণ্ঠস্বর পুনরায় শ্রুত হইল—কিন্তু এ'টা তোমরা ঠিকই জেনে রেখে যে, এতে ভয় পাবার মেয়ে নীলা নয়! তোমাদের বিক্রমে পিছিয়ে যায, এমন সকলও আমার নয়। সে, তোমরা সকলে মিলেই কেন যত ব্যঙ্গ বিদ্রূপ করতে পার, কর-না। আমি যা করব বলেছি, তা আমি করবই। তা থেকে টলাতে পারে, এমন লোক ত আমি দেখি নে।

তবুও সুনীলা কথা কহিল না। এক একটা কথা যেন তাহার স্বক-মাংস ভেদিয়া অস্থি-পঙ্করে ঠেকিয়া তাহাকে বেদনাতুর করিয়া ফেলিতেছিল, তবুও সে কথা বলিতে পারিল না। এবং এই নীরবতায় জলিয়া উঠিয়া, ফেণিলা গর্জন করিয়া উঠিল—কি ভাবছ? আজকের আমোদটা এক। উপভোগ করতে হ'চ্ছে বলে দুঃখ জন্মাচ্ছে? ডাক-না, ডাক, সিঙ্গী টিঙ্গী কে কোথায় আছে, ডেকে পাঠাও।

সুনীলার অন্তরট কাঁদিয়া কাঁদিয়া উঠিতেছিল, কিন্তু এ সবে উত্তরে



## প্রীতির

### নিদর্শন

কি-যে বলিবে তাহা তাহার অন্তর্যামীও জানিতেন না। সে ছোট বোনটির মুখের পানে চাহিয়া দাঁড়াইয়া রহিল।

প্রায় দু'মিনিট নীরবে থাকিয়া, ফেগিলা আত্মস্থরে কঁহিল—বাইরে থেকে কেউ শুন্লে তোমাদের দোষ দেবে না। সবাই বলবে এই মেয়েটাই যত নষ্টের মূল। নইলে সবাইয়ের সঙ্গে এরই বা এত বাধে কেন? কৈ আর কারুরই সঙ্গে বাধে না—এই ভাবছ ত? তা'তেই বা ক্ষতি কি? বলুক না, যে-যত পারে, আমি কার তোয়াক্ষা রাখি নে। যার যা খুসী, সে তাই বলুক। আমি কার কথায় থাকতে চাই নে, আমার কথাতেও কেউ যেন না থাকে! আরো ভালো হ'ত, যদি আমি এখান থেকে যেতে পারতাম! কিন্তু তা আর হ'বে না,—আর আমি কোথাও যেতে পারব না।

সুনীলা স্নেহাঙ্গকণ্ঠে জিজ্ঞাসিল—কে তোকে যেতে বলছে নীলা?

মুখে আর কে কবে কা'কে বলে থাকে বল? কেউ বলে না, অতি বড় অভদ্র যে, সে'ও না। তা না-ই বলুক, কিন্তু আমি বুঝি ত? আমি হ'লুম, সবার চক্ষুঃশূল! আমা হ'তেই তোমাদের সুখের ঘরে দুঃখ প্রবেশ করেছে, আমার জন্ত বাবা দেশত্যাগী, নিরীহ বেচারী খগেন বাবু বিতাড়িত, লাঞ্চিত, সিংহ পলাতক.....

এক কথা কতবার বলি নীলা! সেদিন-না বলেছি তো'কে যে, এর কোনটাই সত্যি নয়।

হ্যাঁগো, বলেছিলে ত! সে কি আমি ভুলে গেছি? ভুলি নি! কিন্তু এই যে কাল চিঠি এল, সুশীলা—সুনীলার খবরের জন্তই ব্যস্ত—আমার ত একটা আশীর্বাদ ছাড়া চিঠিতে উল্লেখ পর্য্যন্ত নেই।

## প্রীতির

## নিদর্শন

কাল হেরষনাথের পত্র আসিয়াছিল, ফেগিলা তাহা দেখিয়াছে। বলিল—আমার বাবা এমন ছিলেন না! তাঁকে লাগিয়ে ভাঙ্গিয়ে সবাই এই রকম করেছে—সে আমি জানি।—সে চূপ করিল। নিমেষমাত্র কাল,—পরে পুনরায় কহিল—যখন কাশিয়ঙে আন্তে যান, আমি ত আসতে চাই নি! আমাকে জড়িয়ে ধরে', এক হৃৎ লোকের সামনে বাবা যে কেঁদে ফেলেছিলেন বলতে বলতে, যে নীলা, তুই তোর মা'র একমাত্র প্রতিচ্ছবি! আমার এ বৃদ্ধ বয়সে তোর মা নেই, তুইও যদি না থাকিস, আমি যে মরেও সুখী হ'তে পারব না।—বলিতে বলিতে সে কাঁদিয়া ফেলিল। স্বর্গীয়া জননীর উল্লেখমাত্রে সুনীলা, কক্ষগাত্র বিলম্বিত হাত্তময়ী জননীর তৈলচিত্রখানির পানে চাহিয়া, করজোড়ে প্রণাম করিল।

ফেগিলা বলিতে লাগিল, সেই বাবা আমার নন্, কাজেই এ গৃহও আমার বাসের স্থান নয়—তবুও আমি কোথাও যেতে পারব না। মিন্টডের কাছে আমি চিরদিনই স্বাগত, কিন্তু আর না! তাঁদের সম্পর্ক রাখাও আর আমার চল্বে না।

কেবলমাত্র কৌতুহলের বশেই সুনীলা জিজ্ঞাসা করিয়া ফেলিয়াছিল—  
কেন নীলা?

ফেগিলা আরো উগ্র হইয়া উঠিল, কহিল, কেন? তা শুন্নে যে হাসি-বিরূপ থামাতে পারবে না দিদি! না, না, শোন, তার পর হাস, আর যাই কর,—আমি দেখ্বে না, চাইবও না।

সে সোজা হইয়া দাঁড়াইয়া দৃঢ়স্বরে কহিল—আমি যে ছজুগে দিদি! আমি ছজুগই করবো! নন্-কো-অপারেশনের ছজুগ শুনেছ ত?—  
আমাকেও পেয়ে বসেছে সে! আমি অসহযোগ করব।

## প্রীতির

### নিদর্শন

কার সঙ্গে ? আমাদের সঙ্গে ?

যদি দরকার হয় ! হাসছ ! হাস । হ্যাঁ, যদি আমার পথে চলতে তোমাদের সঙ্গে বিরোধ বাধে, তোমাদের ছাড়তেও আমি পারব, দিদি ! আজন্ম মিস্ টডের স্নেহভোগ ক'রেও যদি দুঃসময়ে তাঁর স্নেহের আশ্রয়টি ত্যাগ করা আমার হঃসাধ্য না হ'ল, তোমাদের ছাড়তেও কষ্ট হ'বে না ।

সুনীলা বলিল, আজকের “এংলো ইণ্ডিয়ান” পড়েই এই মত হ'য়েছ বুঝি ?

ফেণিলা তীক্ষ্ণদৃষ্টিতে চাহিয়া বলিল—হ্যাঁ, তাই ! সে খবরটিও পেয়েছ ! তাই বুঝি ও ঘরে কাগজ ওলটাচ্ছিলে ?

কাগজ আজ কি নতুন ওলটালুম নীলা ?

না, নতুন নয়, পুরাতন ! কিন্তু সকালটা কাটে রান্নাঘরেই ; বোধ করি, সকালে কাগজ পড়া এই প্রথম ।

বেশ, তাই যেন হ'ল ! কিন্তু বীরদৎ রেশ্ ছেড়েছেন, নন্-কো-অপারেশন করছেন, সব সত্যি হ'তে পারে, কিন্তু আবার যে বিলেত চলেন, তার কি ? বিলেত যাওয়া, বিদেশের জাহাজওয়ালাদের মুঠো মুঠো টাকা ঢালা, তা'দের দেশে গিয়ে বাস করতে থরচা করা—এ সব বুঝি নন্-কো-অপারেশনের গণ্ডীর মধ্যে নয় ? সম্পাদক ত বেশ ব্যঙ্গই করেছে !—একটু আগে এই সম্পাদকের বিরুদ্ধে দাঁড় করাইতে সে দেশের লোককেই আহ্বান করিয়াছিল, এখন তর্কের সময়ে তাহার মুখ দিয়া একেবারে অন্তরূপ বাহির হইয়া পড়িল ।

ফেণিলা বলিল, সে কথা তাঁকে জিজ্ঞাসা করো—আমি জান্ব কোথেকে ?

## প্রীতির

## নিদর্শন

তা জানিস নে, কোন খবরই রাখিস নে, তবু মেতে উঠলি ?

মেতে আমি তা'তেই উঠি নি, দিদি ! মেতে চিরদিনই ছিলুম ।  
আগুন চিরদিনই জ্বলছিল, হঠাৎ বাতাস পেয়ে দিগদাহ শুরু করে  
দিয়েছে ।

সুনীলা বলিল—কিন্তু বাতাস ত তিনি !—যার সম্বন্ধে তুমি একে-  
বারেই অজ্ঞ ! যা'কে একটি দিন, দশটিমিনিটের বেশী কাছে দেখেই নি !

ফেগিলা বলিল—আমি ত অন্ধ নই যে, সারাজীবন ধরে দেখব আর  
বলব, তবু দেখার আশা আমার অপূর্ণই রয়ে গেল । আর অজ্ঞতার কথা  
বল্ছ, কাগজে যতটুকু বেরিয়েছে, আর যা বেয়োয় নি, এ তিনিও যেমন  
জানেন, আমিও তেমনি জানি ! যাদের উদ্দেশ্য এক, তা'দের চলবার  
পথও দু'টি নয় ।—বলিয়া সে সোজা নীচে পাকশালায় প্রবেশ করিল ।

সুনীলা নিশ্চল প্রতিমূর্তির মত দাঁড়াইয়া ভাবিতে লাগিল—ইহা কি ?  
ফেগিলার সঙ্গে সকল বিষয়েই তাহার মনে যোগ ছিল, আজ অজ্ঞাতে,  
বিধির বিপাকে ফেগিলার বিরুদ্ধাচরণ করিয়া তাহাকেও ক্ষিপ্ত করিয়া  
ফেলিয়াছে, তাহার নিজের অন্তরের অন্তর-সমুদ্রও বিক্ষিপ্ত হইয়া  
উঠিয়াছে । সে শুধু ভাবিতেছিল, যাহাদের উদ্দেশ্য এক, বাস্তবিক  
তাহাদের বিচরণ পথও একটি কি না ! অথবা এ অল্প কিছু ! অল্প আর  
কি হইবে ?—কিন্তু তাহার মন এইখানে সায় দিল না, কে-যেন বিরুদ্ধ  
মত সুনীলার অধরে জাগাইয়া তুলিতেছিল, পাছে সত্য সত্যই সেই কথা  
বিশ্বাস করিতে হয়, সে আপনার মনে এই বলিতে বলিতে নামিয়া  
লাগিল—যে, এ-কি ? এ—কি ?

## উনবিংশ পরিচ্ছেদ

### উত্তেজনা ও অবসাদ ।

সারা দিনটা সুনীলা তাহার ছোট বোনটির প্রসন্নতা কামনা করিয়া ফিরিতে লাগিল কিন্তু নীলা সেই-যে বন্ধিয়াছে, আমার বিচরণ পথে বাধিলে তোমাদের ত্যাগ করাও আমার পক্ষে হুঃসাধ্য হইবে না, সে কোন সময়েই সুনীলার সামনে ধরা দিল না । আরো অধিক আশ্চর্য্য এই যে, সারা দিনমান এত রকম বিরকমের কার্য্যে আপনাকে মগ্ন রাখিল যে, সুনীলা একটবারও এমন অবসর পাইল না, তাহার মধ্যে ছুটি কথা কয় বা হাতে ধরিয়া তাহার ক্ষমা ভিক্ষা করে ।

রাত্রে আহালাদির পর ফেণিলা মধুর সাহায্যে পিতার শয়ন মন্দিরে নিজের শয্যা লাগাইয়া লইল এবং চাকর বাকরের খাওয়া দাওয়ার তত্ত্বাবধান করিয়া সুনীলা উপরে আসিয়া দেখিল সে গাচ নিদ্রায় অভিভূত হইয়া গেছে । ইহাতে তাহার ক্ষোভ খুবই বাড়িয়া গেল এবং স্তম্ভিত বাড়ীখানার মাঝে, অন্ধকারে দাঁড়াইয়া সে কাঁদিয়া ফেলিল । অনেকক্ষণ কাঁদিল, ভারী কাঁদিল । আজ তাহার নিজের জীবনটাকে এমন অভিশপ্ত, অসার বোধ হইতে লাগিল যাহা আর সে কোনদিনই অনুভব করে নাই । অন্ধকারে কাঁদিয়া কাঁদিয়া তাহার চোখের জল যখন শেষ হইয়া গেল, বুকটি অভিমানে ভরিয়া গেছে । এতখানি স্নেহের বিনিময়েও ফেণিলা যখন তাহার প্রতি এমন নির্দয় রূঢ় আচরণ করিতে পারিল, তখন কোন মানুষকেই বুকের মধ্যে সে স্থান দিতে চাহিল না । নিজের

## প্রীতির

## নিদর্শন

বরে চুক্তিয়া, অন্ধকারে বিহানায় শুইয়া সন্তাপহারিণী নিদ্রাদেবীর  
আরাধনাতেই মন দিল। কিন্তু হায়! বুকটি যে অভিমানে বেশী করিয়া  
ব্যথায় ভরিয়া\*ওঠে, দুঃখের চেয়ে, অভিমানে যে বৃকের রক্ত অঙ্গস্রধারে  
চক্ষু বহিয়া করিয়া পড়ে। অনেক রাত্রি পর্য্যন্ত পড়িয়া থাকিয়াও  
চোখের পাতায় নিদ্রা ত আসিলই না, যত রাজ্যের ভাবনা চিন্তা একীভূত  
হইয়া তাহার মনের পাতায় জাঁকিয়া বসিতে লাগিল।

যতদিন ফেণিলা এ বাড়ীতে আসিয়াছে, একটি দিনও সে সুনীলার  
কাছ-ছাড়া হইয়া সুখ-রজনীও অতিবাহিত করে নাই, আজ এই প্রথম  
সে বিচ্ছিন্ন হইয়া কক্ষান্তরে নিদ্রাগত হইয়াছে। সন্তানের প্রতি বাৎসল্যে  
আঘাত প্রাপ্ত হইলে জননীর বুকটি যেমন অভিমানে ফুলিয়া ফাঁপিয়া  
উঠে, সুনীলার নারী চিত্তটি তেমনি করিয়া উঠিল। সে পাশের  
বালিশটার মধ্যে মুখ চাপিয়া অন্ধকারেও সজোরে চক্ষু পল্লব মুদ্রিত  
করিয়া পড়িয়া রহিল।

ইঠাৎ একসময়ে সেই দীর্ঘ, সুপুষ্ট পাশের বালিশটাকেই ফেণিলা  
জ্ঞানে বৃকে চাপিয়া চুষনে ভরিয়া দিতে দিতে, মনের সব গ্লানি ব্যথা  
নিঃশেষ করিয়া যেই ডাক দিল, নীলা, নীলা, বোনট আমার!—তাহার  
মন লাফাইয়া বলিয়া দিল, কোথায় নীলা, কোথায় নীলা! তাড়াতাড়ি  
উঠিয়া খাটের বাজুতেই নিবন্ধ সুইচ্‌টি টিপিয়া, ভয়ে ভয়ে আলো জালিয়া  
দিল। আন্তে আন্তে চোখের পাতা উন্মীলিত করিয়া দেখিল, নীলা  
নাই। তাহার মনে হইল, যেন সে এই ছিল, এখনি উঠিয়া গেছে।  
বিছানার সবটাই এলোমেলো হইয়া রহিয়াছে। সে-যে নিজেই ছটকট  
করিয়া বিছানাটাকে এমন বিধ্বস্ত করিয়া ফেলিয়াছে এ তাহার যেন

## প্রীতির

### নিদর্শন

মনেই ছিল না, মনে পড়িতেই সমস্ত চিন্তা বিশ্বাদে ভরিয়া গেল। বাঁতিটি নিবাইয়া সে পুনরায় শয্যাশ্রয় গ্রহণ করিল।

এতবড় রাস্তার উপরে বাড়ীখানা, তবুও এমনি নিঃশব্দ, নিঝুম যে সুনীলা সেদিকে মন দিয়াও যে একটু বিমনা হইবে, তাহারও জো নাই। সাড়াশব্দহীন রাজধানীর রাতটা যেন কাটিতে চাহে না। ঘরে একটা না-বাজা ঘড়ি ক্রমাগত টুক টুক করিয়া কর্তব্য রক্ষা করিয়া চলিতেছিল তাহার দিকে চাহিয়া সময় জানিয়া লইতেও সুনীলার সাহস হইতেছিল, না, যদি সে এখনও অনেক রাতেরই বিজ্ঞাপন দিয়া বসে! ঐ একটা কাক ডাকিল, না? কাকই ত! তবে আর রাত নাই, প্রভাত সমাগত হইয়াছে। আঃ বাঁচা গেল! ঐ-যে আবার একটা ডাকিল! বেশ হইয়াছে। আবার,—আবার। এবার দু'টিতে মিলিয়া কোলাহল করিতেছে। বোধ করি ইহাদের আজ আর ঘুম হয় নাই, সকলের আগে এই দু'টিই জাগিয়াছে। তাহার মনে হইল, হয়ত ফেগিলা-ও ও-ঘরে এমনি জাগিয়া রাত্রি প্রভাতের আশাষ পড়িয়া আছে সে জানিতে পারিতেছে না বটে, কিন্তু সে যে নিশ্চয়ই বিনিদ্র, সে বিষয়ে সুনীলার এতটুকু সন্দেহ রহিল না এবং ইহারই অনুকূলে যত প্রকারের যুক্তিতর্ক আছে, সব তাহার মনে ভাসিয়া উঠিল। মনে পড়িতেই, দ্বারটি খুলিয়া আস্তে আস্তে বাহিরে আসিয়া এক মুহূর্তের জন্ত স্থির হইয়া দাঁড়াইল। কৈ—এখনও ত নিশান্তের অরুণ-রেখাটি আকাশের কোল ফিকা করিতে পারে নাই! তবে যে কাক ডাকিয়া গেল, সে-কি মিথ্যা! ঘরে ফিরিয়া, আলো জালিয়া দেখিল, তখনও তিন ঘণ্টা রাত বাকী। আবার বাহিরে আসিয়া দাঁড়াইল। আকাশের সর্বদে রাত্রিজাগরণ-ক্রান্ত, নিশ্বেজ নক্ষত্রদল পিট

পিট করিয়া চাহিয়া আছে। তাহাদের দৃষ্টির কোন জ্যোতিঃ নাই এবং অগণিত তারকার মিলিত আলোকও আকাশের ঘনীভূত অন্ধকারকে কিছুমাত্র আলোক দান না করিয়া আঁধারেই ভরিয়া রাখিয়াছে। এই দিগন্তব্যাপী অন্ধকারে দাঁড়াইয়া দাঁড়াইয়া সে শৈত্য অনুভব করিতেছিল। ফিরিয়া ঘরে ঢুকিবে, কাহার কাতর ক্রন্দন ধ্বনিতে চমকিত হইয়া, উৎকর্ণ হইয়া দাঁড়াইল। না, ক্রন্দন নয়, যন্ত্রণার কাতরতা! মনে হইল, নীচে চাকরদের ঘর হইতে শব্দটা উঠিয়া, অস্পষ্টভাবেই তাহার কাণে পশিতেছে। বারান্দার সুইচটি টিপিয়া, সে নীচে নামিয়া আসিল— চাকরদের ঘর খোলাই রহিয়াছে, উঁকি দিয়া দেখিল, মধু, নতন বালক-ভৃত্য জগন্নাথ অকাতরে ঘুমাইতেছে—অদূরে রামটহলের গৃহ-দ্বারে হ্যারিকেনটি অল্প বাতাসে ছলিয়া ছলিয়া মুহূ আলোক বিকীর্ণ করিতেছে, সে'ও নিঃশব্দে পড়িয়া আছে। তবে, উপরে নয় ত! কাণ খাড়া করিয়া থাকিয়া তাহার যেন মনে হইতে লাগিল, এই চাকরদের ঘরের উপরেই পিতার কক্ষ, শব্দ সেদিক হইতেই আসিতেছে! আসিবার কালে অতি সন্তুর্পণেই সে আসিয়াছিল, কিন্তু যাইবার সময় এমনই বিক্ষিপ্তচরণক্ষেপে সে ছ'তিনটা ধাপ লাফাইয়া উঠিতে লাগিল যে, মধু জাগিয়া উঠিয়া, রামটহলকে খুব জোরে হাঁক পাড়িয়া তুলিয়া ফেলিল।

সুনীলা ঘরের মধ্যে ঢুকিতেই ফেগিলা কাতরস্বরে কঁাদিয়া উঠিল,—  
আমি যে গেলুম দিদি!

সুনীলা আলো জালিয়া, খাটের নিকটে আসিতেই, ফেগিলা আলু-খালুবোশে সরিয়া, খাটের প্রান্তে আসিয়া, সুনীলার উরুদ্বয়ের মধ্যে মুখ রাখিয়া, কঁাদিতে কঁাদিতে বলিল—আমার মাথা যে ছিঁড়ে গেল, মেঝ্।



## প্রীতির

### নিদর্শন

সুনীলা গাল দু'টি, কপালটিতে হাত রাখিয়া দেখিল, আঃন !  
দু'হাতে মুখটি তুলিয়া খাটে বসিয়া বলিল—অর হ'য়েছে নীলা ?

ফেণিলা আরক্ত নয়নদ্বয় সুনীলার মুখে নিবদ্ধ রাখিয়া বলিল—এ-কি  
অর, মেঝু ? এত যন্ত্রণা হয় অরে ? মাথাটা যে ছিঁড়ে যাচ্ছে আমার !

সুনীলা দু'হাতে কপালটি টিপিয়া দ্বিতে দিতে বলিল—কখন অর  
হ'ল ভাই ? আমাকে ডাকিস্ নি কেন ? সারা রাতই ত আমি জেগে  
পড়ে আছি, নীলা ।

নীলা হতাশভাবে বলিল—ডাকি নি. মেঝু ? ডেকে ডেকে গলা  
চিরে গেছে, তবু তোমার সাড়া পেলুম না । তখন ভাবলুম, তোমার  
রাগ রয়েছে, তাই সাড়া দিলে না ।

সুনীলা বলিতে গেল, রাগ !—হারে মূঢ় ! হারে অবোধ !—রাগ !  
——ফেণিলা বলিয়া উঠিল, তখন নিজেই উঠে ডাক্তরে যাচ্ছিলুম ।  
এই দেখ না—মাথাটা টলে গেল !—বলিয়া সে দক্ষিণ হস্তের কুন্তুইটি  
উত্তীর্ণ করিয়া ধরিল ।

পড়ে গেছিল নীলা ! এঃ ! এ-যে কেটে রক্ত জমে নীল হ'য়ে  
গেছে । দাঁড়া ভাই, একটা জল পটি দিয়ে দিই—ব্যথাটা কম হ'বে ।

কম হবে কি বল্ছ মেঝু ? ব্যথার যে নাড়তে পারছি নে. ভাই ।

তবু কমে যাবে ।.....এই মধু ! কেন তোরা হট্টগোল করছিস্ ?

চোর আসিয়াছিল, এবং তাহাকে সতর্ক জানিয়াই ফিরিয়া গেছে এই  
সংবাদ দিয়া মধু কৃতীত্ব অর্জনাকাঙ্ক্ষায় কি-সব বলিতে গেল, সুনীলা  
তাহাকে ডাকিয়া বলিল—খুব বীর তুমি, আমি জানি । যা, পড়বার  
ঘরের তাকে আইডিনের শিশিটা আছে, নিয়ে আয় । আরও এক

কাজ বর, জগা ঠোন্ড জেলে খানিকটা জল গরম করে আস্তে বল রাখানিকে ।

জগা চলিয়া গেল । ফেগিলা বলিল—এত জরে মানুষ বাঁচে মেঝ্ ?

ও-কি কথা নীলা !

না-তাই জিজ্ঞাসা করছি ।

জর খুব বেশী হয় নি, নীলা ! বোধ হয় ১০২°র ওপর হ'বে না !  
ওরে মধু, ঐ খেনেই থার্মোমিটার আছে, সেটাও আনিস ।

ফেগিলা কাংরাইতে কাংরাইতে কহিল—মাথা যে গেল দিদি !

এখনি সেরে যাবে, নীলা ! ভয় কি । তোর ত জরটা আস্টা হয় না কি-না, তাই প্রথম দিনটিতে এত যন্ত্রণা হ'চ্ছে । কিছু ভয় নেই—এখনি ফুটবাথ্ করে দিচ্ছি, আরাম হ'য়ে যাবে । —বলিরা সে সময়ে মাথাটি টিপিতে লাগিল । ফেগিলা উদাস দৃষ্টিতে ঘরের কড়িকাঠের দিকে চাহিয়া বলিতে লাগিল—যদি আর না সারে, জর, মেঝ্ ? আমার ত মনেই হ'চ্ছে না যে, এ জর আর সারবে !

কেন সারবে না ? ভারি ত জর, তার আবার ভয় । বাংলা দেশে ঘরে ঘরে এ একেবারে নিত্যকর্মের মধ্যে । নাইচে, থাক্ছে, জর আস্চে, খানিক কোঁ কোঁ করচে, ডিঃ গুপ্ত গিল্চে, একটু নয়ম পড়লেই বত্রিশ লাফ মেরে সজোরে ছটোপাটি করে' বেড়াচ্ছে । (বাংলা দেশে জর এত আপনার জন, যে তার জন্তে কেউ ভাবেও না, ভয়ও পায় না ।)

তাদের মাথায় এই রকম যন্ত্রণা হয় ? এই রকম হাতুড়ী মারার শব্দ হয় ? না মেঝ্, তা হ'য় না । তা হ'লে বাংলা দেশের লোক বেঁচে থাক্ত না ।

## প্রীতির

### নিদর্শন

তোমার সব তা'তেই বাড়াবাড়ি, নীলা । বলছি আমি কিছু হয় নি, তবু বক্‌বি ? চুপ কর, এখনি মাথার যন্ত্রণা কমবে'খন ।

রক্কানি মস্ত একটা এলুমিনিয়ামের পাত্রে গরম জল, জুঁগা আইডিনের শিশি ও থার্মোমিটার লইয়া প্রবেশ করিতেই, সুনীলা জলের পাত্রটি ফেগিলার পদনিম্নে রাখিয়া কহিল—পা-টা তোল ত নীলা !—পা দু'টি গরম জলের মধ্যে ডুবাইয়া ধরিয়া বলিল—সহ্য হ'চ্ছে নীলা ?

নীলা কথ্য কহিল না । কিন্তু সে-যে কথঞ্চিৎ আরাম অনুভব করিতেছে, তাহার মুখের দিকে চাহিয়াই, সুনীলা বুঝিতে পারিল । রক্কানির দিকে ফিরিয়া কহিল—খুব ভোরেই সতীশ ডাক্তারের কাছে যেতে হ'বে রক্কানি । বলবি, বাবু নেই, দিদিমণি বড় ভাবছেন ।

রক্কানি বলিল—এখনই যাব মা ? ভোর ত হ'য়েছে ।

ফেগিলা চক্ষু খুলিয়া কহিল—না রক্কানি, কোথাও যেতে হবে না তোমায় ।

সুনীলা আর্কটের মত বলিয়া উঠিল—ছিঃ নীলা ।

ফেগিলা বলিল—না দিদি, অমুখ আমি খাব না, প্রাণ যায়, সেও ভালো । তুমি যে কতকগুলো বিলিতি অমুখ খাওয়াবে সে হ'বে না, কখনই হ'বে না ।

সুনীলা বলিল—বেশ ! দেশী অমুখ খেতে ত দোষ নেই, আমি কবি-রাজ ম'শাইকেই ডাকাবখন ।

ফেগিলা মাথাটি নাড়িয়া বলিল, তা'ও না । অমুখ আমি খাবই না, এ তুমি দেখে নিও । কেন ? অসুখ হ'লেই অমুখ খেতে হ'বে, ডাক্তার কব'রেজ না হ'লে চলবে না—এ সব কি ? কৈ—আমাদের দেশের

গরীব ওকোঁরা কি করে? ক'টা ডাক্তার, ক'গুণ কবরেজ দেখিয়ে অযুধ  
থেয়ে তবে বাঁচে তারা?

সুনীলা বলিল, আচ্ছা—তুই চুপ কর। নাই-বা এল তারা। অমনি  
অমনি গেলেই ত ভালো।—বলিয়া সে পা দু'টি টুয়ালে দ্বারা উত্তমরূপে  
যুছিয়া দিল। রক্ষানিকে ইঙ্গিত করিতে সে'ও বাহির হইয়া গিয়াছিল,  
সুনীলা জিজ্ঞাসিল—মাথাটা একটু কমেছে নীলা?

কি জানি। কমেছে বোধ হয়।—বলিয়া নীলা ও-পাশ ফিরিয়া  
শুইল। পাঁচ মিনিট না যাইতেই সে আবার হাত পা ছুড়িয়া চীৎকার  
করিতে আরম্ভ করিল। সুনীলা জিজ্ঞাসিল—আবার যন্ত্রণা হচ্ছে  
নীলা?

ফেগিলা সাড়া দিল না। নিজের মনেই চীৎকার করিতে লাগিল।  
সুনীলা তাহার মাথাটি কোলে তুলিয়া লইয়া টিপিয়া দিতে দিতে  
বলিল—চুপ ক'রে শুয়ে থাক, লক্ষ্মী দিদিটি আমার। এখনি সেরে  
যাবে। কেবল তুমি চুপ করে থাকো, আমি মাথাটা টিপে  
দিই।

না, না, টিপ্তে হবে না—আমার মাথা, ছেড়ে দাও বলছি, ছেড়ে  
দাও.....

সুনীলা ভয় পাইয়া হাত সরাইয়া লইতেই, সে বলিতে লাগিল—  
কক্খোনো, কাউকে দেব না আমি, হাত দিতে আমার গায়ে। একটু  
জর হ'য়েছে, ডাক্ ডাক্তার। মাথা কামড়াচ্ছে—অমনি টিপ্তে হ'বে!  
হ'বে না টিপ্তে, কখনো হ'বে না। সরে যাও, মেঝ্ দি, ভালো হ'বে  
না, সরে যাও আমার কাছ থেকে। আমি চাইনে সেবা! আমার

## প্রীতির

### নিদর্শন

লোক আছে, আমার পয়সা আছে—তাই ! ওঃ কি সব দয়ার শরীর !  
মায়ার শরীর গো !

সুনীলা অন্ন দূরে, বিষণ্ণ মুখে বসিয়া রহিল ।

ফেণিলা বলিতে লাগিল—আর তা যদি পার, মেঝ্-দি, যে যেখানে  
যত আর্ন্ত, পীড়িত, দরিদ্র দেখ্বে, তোমার সেবা-হস্ত ছুঁটি দিয়ে তাদের  
হুঃখ, তাদের পীড়া, তাদের দৈন্ত তুলে মুছে নিতে, ত এস—বলিয়া সে  
অকস্মাৎ উঠিয়া সুনীলার হাত ছুঁটি বুকের 'পরে চাপিয়া ধরিল । এক  
মুহূর্ত্ত পরে বলিল—তা হ'লে দাও দিদি, আমার সর্ব্বাঙ্গে হাত  
বুলিয়ে, আমার সব রোগ তোমার ঐ হাতের স্পর্শেই বিদূরিত হ'য়ে  
যাবে ।

সুনীলা বুঝিয়াছিল, এই উত্তেজনার মুখে তাহাকে বাধা দিতে  
গেলেই প্রমাদ, তাহাতে অপকার ছাড়া উপকারের কোনই সম্ভাবনা নাই ।  
তাই সে চুপ করিয়া রহিল ।

ফেণিলা বলিল—মেঝ্, সত্যি বলছি—সারা রাত এ-ই ভেবেছি  
আমি । এমন ক্ষমতা আমার থাকত যে আমি বিশ্বস্তরূপে যেখানে যে আছে  
সকলের শোকে, হুঃখে সমানভাবেই আমি তা'দের কাজে লাগতে পারি,  
তবেই যেন আমার সাধনা সার্থক হয় । তবেই আমার বেঁচে সুখ, জীবনে  
শান্তি, সুখে তৃপ্তি পাই ! মেঝ্, ভাবতে ভাবতে মাথাটা এত গরম হ'য়ে  
গেলো, পুরো দমে পাখা চালিয়েও, গলা শুকিয়ে কাঠ হ'য়ে এলো,  
কুঁজোটাই গলায় ঢেলে,—ঐ দেখ-না !—বলিয়া সে টিপয়টার দিকে  
অঙ্গুলি নির্দেশ করিল । কুঁজোটা টিপায়ের নীচে ভাজিয়া পড়িয়া আছে ।  
সুনীলা বুঝিল, তখন হইতেই উত্তেজনায় তাহার মনটি ভরিয়া গিয়াছিল ।

## প্রীতির

### নিদর্শন

এবং সেই সময়েই প্রবল জরও আসিয়াছে। বলিল—তখনই জর হ'য়েছে, নীলা!.....দেখি, এখন কত আছে?—বলিয়া সে থার্মোমিটারটি ছুটি আঙ্গুলে চাপিয়া নিকটে আনিতেই, ফেগিলা হঠাৎ সেটাকে টানিয়া লইয়া সজোরে ছুঁড়িয়া দিয়া বলিল,—আবার এনেছ, ওই সব ছাই-ভস্ম আমার কাছে!

সুনীলা সত্য সত্যই ভয় পাইয়া গিয়াছিল—সে নতমুখে নীরবে বসিয়া আকাশ-পাতাল ভাবিতে লাগিল। ফেগিলা আর একবার মুখ তুলিয়া এদিকে ফিরিয়া বলিল—জান-না, অসুখের সময় খুব শুদ্ধাচারে থাকতে হয়, ঐ-সব ছাই-পাঁশ এনে বিছানাটাই মাটি করলে!—বলিয়া মাতালের মত লাল চোখ ছটিতে কটমট্ করিয়া চাহিয়া, তখনি আবার নিজীবের নত শুইয়া পড়িল।

সুনীলা আধ ঘণ্টা বসিয়া যখন সাড়াশব্দ পাইল না, স্নেহের স্বরে ডাকিতে লাগিল। তাহাতেও সাড়া আসিল না। তখন সে নিজের মনেই বলিল—উত্তেজনার পরিণাম আরম্ভ হইয়াছে।

## বিংশ পরিচ্ছেদ

### অসময়ে।

জর যে কারণেই হোক এবং নীলা তাহাকে যত আশ্বাসই দিক, সুনীলার ভয় কিছুতেই দূর হইতেছিল না। তাহার পর যখন থার্মোমিটার ভাঙিয়া নীলা এক দম নিশ্বাস হইয়া শুইয়া পড়িল, তখন সে ভয়ে

## প্রীতির

## নিদর্শন

ভাবনায় একেবারে বিবর্ণ হইয়া গেল। ঈশ্বর না করুন, যদি জ্বর নাড়ে, অত্যাশ্র উপসর্গও আসিয়া জোটে, তখন সে একলা, এই নির্বাক্তব পুরীতে, কাহার ভরসায় তাহাকে লইয়া থাকিবে? কালই শৈলেনের নব-বধুটি বলিতেছিল, তাহাদের বাড়ীশুদ্ধ লোক জরে পড়িয়া; পাশের বাড়ীর কমলা, কমলার মা, চাকর, চাকর ছেলে-মেয়ে, সব চিঁ চিঁ করিতেছে—এ ত সে নিজের চোখে কাল দুপুরে ছাদ হইতে দেখিয়াছিল। ফি বছরই এমনই সময়ে, কি সহরে কি পল্লীতে নানারকমের জ্বর দেখা দেয়, কোন কোনটা মারাত্মক হয় বলিয়াও শুনা গেছে। ভগবান করুন, নীলার মস্তিষ্ক-উষ্ণতার জ্বর এক দিনেই ছাড়িয়া যাক্, কিন্তু যদি ভিন্ন পথ গ্রহণ করে? তখন? তখন, সে কাহার মুখ চাহিবে? কে তাহাকে এ দুঃসময়ে অভয় দিবে?

রক্ষানিকে ডাক্তার বাড়ী পাঠাইয়া ডাক্তার আনাহইয়া, জ্বর পরীক্ষা করাইয়া যদি আবশ্যক হয়—পিতাকে টেলিগ্রাম করিবে, এই সঙ্কল্প করিয়া সে ফেণিলার শয্যা হইতে উঠিয়া পড়িল। বাহিরে আসিয়া—প্রভাতালোকে সে যাহা দেখিল, নিজের চোখে বিশ্বাস করিতেই তাহার ইচ্ছা হইতেছিল না। তাহাকে সে, সব চেয়ে বেশীই জানে। সে-ই যে আবার এ-ফটক পার হইয়া এই গৃহে প্রবেশ করিবে ইহাও ছিল যেমন তাহার কল্পনাতীত, আগন্তুক যখন মথুকে ছাড়িয়া, তাহার দিকে চাহিয়াই জিজ্ঞাসিল—নীলার কি খুব বেশী অসুখ?—তখন আর কোন বিষয়, কোন সন্দেহই রহিল না। প্রভাতের রোদ্দ ঠিক সেই সময়ে বারান্দার সেই অংশটায় পড়িয়া রক্তিম করিয়া তুলিয়াছিল, সেই দিকে চোখ রাখিয়াই সে দাঁড়াইয়াছিল, ইহার কণ্ঠস্বরে ফিরিয়া চাহিয়া, কহিয়া উঠিল

## প্রীতির

## নিদর্শন

—বড় অসুখ, খগেন বাবু! বড় অসুখ। আপনি উঠে আসুন না! এসে একবার দেখুন ত—আরও কতকগুলো কথা আছে—বলছি।

খগেন প্রশ্ন করিল—যাব?

সুনীলা যেন হ'হাত বাড়াইয়া তাহাকে অভ্যর্থনা করিতে চায়। ব্যগ্রস্বরে বলিল—আসুন, আসুন। আপনি দেখলে তবে পাঠাব ডাক্তারের কাছে।

খগেন উপরে আসিতেই সুনীলা ঘরে ঢুকিল, খগেনও অনুসরণ করিয়া নীলার শয্যাপার্শ্বে আসিয়া বলিল—এ কি বিছানা স্নু? একটা লেপ, তোষক, কি চাদর নেই তোমাদের?

সুনীলা বলিল—থাকবে না কেন? ও-যে কুচ্ছু সাধন করছে, সে সব নেবে না।

খগেন—তুমি বের কর ত দেখি, নেয় কি-না—বলিয়া নীলার কপালে হাত দিয়া উত্তাপ দেখিল। “অর কত? চায়, না?”

চার, পয়েন্ট ছই!

আরো বাড়বে। ঘণ্টা খানেকের মধ্যে পাঁচ হ'বে। কৈ..... আন্লে?

কক্ষের এক পার্শ্বেই বিছানাপত্র শুপুপাকারে পড়িয়াছিল, সুনীলা সেদিকে অগ্রসর হইতেই খগেন অনেকগুলো তোষক খাটের এক পাশে পাতিয়া বলিল—চাদর লাগাও, আমি তুলি ও-কে।

ফেনিলাকে স্পর্শ করিতেই রক্তচক্ষু মেলিয়া সে বলিয়া উঠিল—থাক্।

খগেন তবুও ছই হাতে তাহার বক্ষবেষ্টন করিয়া ধরিল, বলিল—থাক্ কেন, তাই শুনি।



## প্রীতির

### নিদর্শন

ফেণিলা বলিল—থাক্ ।

থগেন একবার স্নানীলার দিকে চাহিয়া, জোরের সঙ্গে বলিল—থাক্  
বলে চলছে না, উঠে এস ।

এতদিন যদি চলে থাকে, আজও চলবে, ছাড়ুন, আপনি । বলিয়া সে  
খানিকটা দূরে সরিয়া গেল ।

থগেন এ অভিমানের কারণ বুঝিল এবং এ'র বিরুদ্ধে প্রমাণ  
তাহার পকেটেই ছিল, কিন্তু সে-সবের কোনটাই তাহার মনে বা মুখে  
আসিল না । সে কেবলমাত্র বিহ্বলের মত বলিল—এই ত জ্বর হ'ল না  
—‘ক’দিন’ আর কেটেছে কৈ ?

কেটেছে, কেটেছে ! কেন আমায় তাক্ত করছেন, সফল ।  
আছি আমি ।

তা না-হয় বেশই আছি, কিন্তু কারণটা কি শুনি ? যোগাভ্যাস করছ  
না-কি যে, ক্রম্ভু সাধন শুরু হ'য়ে গিয়েছে ? তপ্ যপ্ করছ আজকাল ?

স্নানীলা বলিল—অসহযোগ ! স্বাবলম্বন !—বুঝলেন ?

ওঃ ! তাই বল ছাই !—বলিয়া থগেন একচোট হাসিয়া লইল ।  
তাহার পর কহিল, আজকাল ও-একটা ফ্যাসানের মধ্যে দাঁড়িয়েছে ।  
কাল মিঃ বীরদত্তের সঙ্গে দেখা, অসহযোগ ! আমি বলেছিলুম, ওড্-  
মর্নিং !—বাস্, প্রাণ যায় । একগাদা লোকের সামনে আমাকে এই  
মারে ত এই মারে ! আমাদের মেসের হেমবাবু বলে একটি ভদ্রলোক  
আছেন, ফিরীজির কাছে চাকরী করাও ছেড়ে দিলেন । খুব একটা  
হৈ-চৈ শুরু হ'য়ে গেছে বটে । সেই হেমবাবুই কাল একখানা কাগজ  
দেখালেন, তা'তে মিঃ বীরদত্তের কাণ্ড-কারখানাও দেখলুম ।

## প্রীতির

## নিদর্শন

সুনীলা একটু হাসিল, কোন কথা কহিল না। খগেন ফেণিলার পানে চাহিতে চাহিতে বলিল—তা ফেণিলা, এ ত উত্তম করেছে তুমি! এই ত চাই! এ-যুগে যে, ‘জাগে না, জাগে না, ভারত-ললনা’—এ অপবাদটা খণ্ডন না হ’লে ত চলছে না। অতি উত্তম করেছে, চমৎকার হ’য়েছে, পরিপাটি!

ফেণিলা সাড়া দিল না। অত্যধিক জরের প্রাবল্যেই হোক আর তদ্ভাগত বলিয়াই হোক—এদিকে ফিরিলও না, কথাও কহিল না।

খগেন বলিল—সু, বিছানায় শোয়াতে না পারলে ত হ’বে না। এত জরের ওপর এই কাঠে কঞ্চল বিছিয়ে শোয়া, এ-যে কুচ্ছ সাধনের বাবা।

সুনীলা বিষম করুণকণ্ঠে কহিল—আমি কি করব খগেন বাবু? আপনার কথাই রাখলে না, তা আমার?

খগেন বিস্ময়ে মুখ তুলিয়া চাহিল, ঠিক বুঝিতে পারিল না, সুনীলার কথার অর্থ কি? বলিল—তা এস, দু’জনেই দেখি চেষ্টা করে।

সুনীলা পূর্বাঙ্গ সমস্ত ভাবিয়া লইয়া কহিল—আপনিই দেখুন, আমি পারব না। আমি বরঞ্চ বাবাকে একখানা টেলিগ্রাম করে দিই। নৈলে কি-যে হ’বে, কি-যে করব, আমি ত কিছুই ভেবে পাচ্ছি নে।

খগেন বলিল—না, ভাবনার বিশেষ কারণ নেই।

কি জানি, খগেন বাবু! যদিই তেমন বাড়াবাড়ি হয়, তখন একেলা আমি কি করব বলুন? বলিয়া সে ভয়ানক মুখখানি নমিত করিয়া লইল।

খগেন বলিল—আমি আছি, সু।

সুনীলা কথা কহিল না কিন্তু এই লোকটির অভয় বাণীতে সে-যে

শ্রীভিন্ন

নিদর্শন

বুকের মধ্যে অনেকখানি সাহস ও আশ্বাস পাইয়াছে তাহা কেবলমাত্র তাহার চোখ ছা'টিতেই প্রকাশ পাইল।

আপনি একটু বসুন, খগেন বাবু, আপনাকে আমি চা করে দিই। বলিয়া সে নামিয়া গেল। খগেন শয্যাটির পার্শ্বে বসিয়া আস্তে আস্তে ফেণিলার হাত ছা'টি লইয়া নাড়াচাড়া করিতে লাগিল।

ফেণিলা জাগিয়াই ছিল, চক্ষু মেলিয়া বলিল—আপনি আবার এলেন যে খগেন বাবু?

খগেন বলিল—এ সর্বনাশ আমার কে করেছে বল ত, নীলা? তুমি নও, সুনীলাও নয়; সুনীলা, বোধ করি তিনিও নন,—তবে এ কার কাজ?

ফেণিলা আরক্ত চক্ষুতে চাহিয়া বলিল, কি?

খগেন একমুহূর্ত নীরব থাকিয়া কহিল, জ্যাঠাম'শায় আমাকে আসতে বারণ করে দিয়েছেন, তুমি জান-না নীলা?

জানি। সেই জন্তেই আপনি আসেন নি?

নীলা, কার কাজ এ বলতে পার?

তা জানি না, বাবাই ত লিখেছেন।

খগেন চুপ করিয়া রহিল। অনেকক্ষণ পরে অত্যন্ত হঃখপূর্ণস্বরে কহিল—তিনি লিখলেও এ কাজ কার, তাই ভাবছি আমি।

ফেণিলা উত্তোজিত হইয়া বলিল—কার কাজ, আপনি জানেন না, খগেন বাবু? জেনে শুনে বোকা হ'ন্ কেন?

খগেন বলিল—তা জানি, নীলা। কিন্তু তুমি—তুমি কেন তা নীরবে সহ করলে নীলা?

## প্রীতির

## নিদর্শন

নীলা মুখ ফিরাইয়া বলিল—আমি কি করব? আমার কথা বলবার পথ কি আপনি রেখেছিলেন যে, আমি বলব কথা! তবুও.....

খগেনের দৈর্ঘ্য রহিল না, সে প্রদীপ্তনেত্রে কহিল—তুমি কেন সত্য কথাই বললে না নীলা, আমি যে কারণে এসেছিলুম? তাহ'লে কোন গোলই ত থাকত না।

বল্লেও সে কথা কে বিশ্বাস করত বলুন? বাড়ীতে এত লোক থাকতে, বাবা থাকতে—আপনি কি-না এলেন.....

তখন ত জ্যাঠাম'শায় একা ছিলেন না, নীলা।

এ সমস্তই ফেগিলা জানিত, কিন্তু তাহার চিত্তের সমস্ত বিরোধগুলিকে একে একে মুক্ত করিয়া দিতে সে কোনমতেই নিবৃত্ত হইতে পারিল না। সে একটু চুপ করিতেই খগেন পুনরায় বলিল—আমি ত সেই জন্তেই আজ এসেছিলুম নীলা, জ্যাঠাম'শায়কে সব কথা ব'লে তাঁর ক্ষমা চাইব! যে-ই এ অনিষ্ট করুক, আমি তাঁর কাছে সব স্বীকার করলে, তিনি যে আমাকে মার্জনা করবেন, সে-বিষয়ে সন্দেহ থাকলে আমি কখনই আসতুম না।

তা করবেন—বলিয়া ফেগিলা অন্তদিকে চাহিয়া শুইয়া রহিল।

খগেন বলিল—আমি আশ্চর্য্য হই এই ভেবে নীলা যে, আমার অনিষ্ট করে তাঁর লাভই বা কি সুখই বা কি! আমি ত এই নগন্ত প্রাণী.....

সুনীলা ডাকিল—একবার উঠে আসুন. খগেন বাবু!

চা খাইতে খাইতে খগেন বলিল—কিছু ভয় নেই সু। ও-জর হ'দিনেই সেরে যাবে। তুমি ভেবো না, আমি হু'বেলা এসে দেখে যাব।

## প্রীতি

### নিদর্শন

সুনীলা জিজ্ঞাসিল—আপনার আফিস আছে ত ?

খগেন বিষমমুখে কহিল—না। আফিস থেকে কিছুদিনের ছুটি নিয়েছি।

হঠাৎ ?

খগেন কথা কহিল না। চা-টুকু নিঃশেষ করিয়া কহিল—সু, আমি জলের জুয়ায় সর্বস্ব হেরে, মদ খেয়ে, বাসায় ঢুকি নি।

সুনীলা কথা কহিল না দেখিয়া, সে পুনশ্চ কহিল—আমার কাছে তার প্রমাণ আছে, দেখবে ?

না—থাক—বলিয়া সুনীলা দাঁড়াইয়া উঠিল।

খগেনও সঙ্গে সঙ্গে দাঁড়াইয়া উঠিয়া অমুনয়পূর্ণস্বরে বলিল—  
দেখবে না সু ?

কি হবে দেখে ?—বলিয়া সে ফেণিলার ঘরের দিকে চলিয়া গেল।  
খগেন কিছুক্ষণ সেখানে দাঁড়াইয়া থাকিয়া, সিঁড়ির দিকেই যাইতেছিল,  
ফেণিলার আহ্বানে চকিতে ফিরিয়া দাঁড়াইল। ফেণিলা বলিতেছিল—  
আপনার ত আফিস নেই খগেন বাবু, তবে এত তাড়া কিসের ?

এক মুহূর্তের জন্ত ভাবিয়া লইয়া, উদ্বেল চিত্তকে সংযত করিয়া, সে  
ফেণিলার কাছে আসিয়া বসিল। ঠিক তখনই সুনীলা অগ্ৰ একটা  
দরজা খুলিয়া চলিয়া গেল।

ফেণিলা বলিল—আপনার টাকার দরকার মিটে গেছে ত.  
খগেন বাবু ?

খগেন বলিল—না।

কেন, আমরা ত পাঠিয়েছিলুম আপনাকে, টাকা পান্ নি ?

## প্রীতির

## নিদর্শন

পেয়েছি।

তবে ?

থগেন কথা कहिल ना। फेगिला फेर ँ कथाटा पुनरावृत्ति करिवे,  
थगेन बलि, ँई ये सेई चेकुटा।

पकेटेर भितर हईते ँकथानि थाम तुनिया, से चेकुथानि बाहिर  
करिया फेगिलार सामने धरिया बलि—ँटा ँमि फेरं दिऐई याव।

फेगिला बलि—टाकार ँर दरकार नेई ?

थगेन बलि—ँर दशदिनेर भेतर चोद-दो श', पणेरौ श'  
टाकार जोगाड़ ना ह'ले ँमार बोध करि ँअहता करतेओ ह'वे।

केन, काबलीर काछे धार निऐेछेन, बुधि ?

ना।

तवे ?

से णुने ँर कि ह'वे नीला ?

फेगिला बलि—णुने कि किछुई ह'वे ना थगेन बावू ?

थगेन करुणकठे कहिल—बिश्वासई यदि ना ह'वे, कात्र कि नीला ?

ँमि मद थाई. ँमि छुचरित्र.....

के बलेछे ?

ये-ई बलुक,—कथाटा त ँर मिथे नय !

मिथे नय बुधि ?

फेगिला कि ँकटा उठतर दिते उठत हईयाछिल, सुनीला घरे  
तुकिया कहिल—केन ँत बकुहिसू नीला। काल रात्रे भेवे भेवे  
ँई करेछ, ँज कि ँवार ँकटा काओ करे तवे छाड़वे ! ँर

## প্রীতির

### নিদর্শন

আপনাকেও বলি, রোগা মানুষকে কোথায় একটু বিশ্রাম করতে দেবেন.  
তা—না.....

খগেন দাঁড়াইয়া উঠিয়া বলিল—রোগা মানুষ মুখ বুজে পড়ে থাকলেই বেশী কষ্ট পায়। কথাবার্তায় বরং অশ্রুমনস্ক হ'য়ে থাকে ভাল। রোগী আমার অনেক দেখা আছে,—মেসের বাসার আমিই সকলের ব্রাউন, হোয়াইট, আমিই তা'দের সিক্-নাস'।

সুনীলা হাসিয়া উঠিল, বলিল—হ্যাঁ হ্যাঁ মনে পড়েছে—আপনি যে ক্যাম্বেল স্কুলে দিনকতক একাউন্টেন্টের এপ্রেন্টিসি করেছিলেন। সে'টা আমার ভুল হ'য়ে গেছিল। তা, ভালই হ'য়েছে, আপনি আসাতে — ডাক্তার আর ডাক্তরে হ'বেনা, কি বলেন ?

খগেন মুখখানা কালো করিয়া বসিয়া রহিল। ফেণিলা ব্যথিতস্বরে কহিল—আমার পক্ষে উনিই বড় ডাক্তার, মেব্ ! অল্প ডাক্তারের আমার দরকার নেই।

তা ত থাকবেই না। বেশ, বেশ। তা ডাক্তার সাহেব কি রকম বুঝছেন, বাবাকে খবর দেব কি ?

খগেন কথা কহিল না। মুখও তুলিল না। ফেণিলা ইহাতে অলিয়া উঠিয়া বলিল—দরকার হ'লে উনি বলবেন।

আচ্ছা, বলিয়া সুনীলা চলিয়া গেল। খগেন—একমিনিট, নীলা—বলিয়া মধ্য পথে তাহাকে ধরিয়া বলিল—সু, আমি এসে কি এতই অস্ত্রায় করেছি ?

কে বলে তা ?

তুমিই।

আমি-ই। দোহাই আপনার, খগেন বাবু, আমাকে আর জড়াবেন না ওর মধ্যে। আমি কিছু বলি নি, বলতে চাই-ও নি।

তা না বলতে চাও—আমি যেতে পারি?

সুনীলা উত্তর দিল না। খগেন তাহার মুখের উপর স্থির দৃষ্টি রাখিয়া বলিল—এর উত্তর ত দিতে পার?

সে আপনার ইচ্ছা।

খগেন পকেট-টা হাঁতড়াইয়া কতকগুলি কাগজ বাহির করিয়া বলিল—এইগুলো রেখে দাও, সময়মত,—ইচ্ছে হয় দেখো।

সুনীলা হাত বাড়াইল না, একবার চাহিয়া দেখিল মাত্র।

খগেন বলিল—এরই ভেতর তোমার দেওয়া চেকখানা রইল—সে কোটের বোতাম ক’টা খুলিয়া বৃকের কাছ হইতে নীল রঙের চেকখানা বাহির করিয়া অগ্র কাগজের সঙ্গে সুনীলার সামনে ধরিয়া বলিল—নাও।

সুনীলা বলিল—দিন্।—সে শুধু চেকখানাই লইল, অগ্র কাগজপত্র ঝর্ ঝর্ শব্দে মাটিতে পড়িয়া গেল এবং সঙ্গে সঙ্গেই খগেনের পাংশু মুখ চোখ একেবারে কালীবর্ণ ধারণ করিল। খগেন ব্যথিত হাতখান আঁতে আঁতে বাড়াইয়া সেইগুলি তুলিয়া লইয়া বলিল—আমাকে ক্ষমা করো, স্নু—বলিয়া সে ফেণিলার ঘরের দিকে চলিতে আরম্ভ করিতেই, সুনীলা অগ্রসর হইয়া আসিয়া বলিল—যেগুলো আমাকে দিতে আসছেন, এতদিন কি হ’য়েছিল আপনার? বাবাকে দেখাতে পারেন নি এসে? দেখি?—বলিয়া সে একরকম জোর করিয়াই, যা কিছু খগেনের হাতে ছিল—সব টানিয়া টুনিয়া লইয়া বলিল—এর মধ্যে আছে কি? সাক্ষী সাবুদ! কিসের? মাতাল অপবাদের?



## প্রীতির

### নিদর্শন

খগেন কথা कहিল না।

সুনীলা পুনরায় বলিল—আমি পাঠিয়ে দিই বাবাকে এগুলো ?

খগেন বলিল—তঁার চিঠিখানাও আছে ওর ভেতরে, সেখানা পাঠিয়ে দরকার নেই।

সেখানাও আছে ?—কৈ ?—বলিয়া সেগুলো খুলিয়া খুলিয়া দেখিতে লাগিল। ইত্যবসরে খগেন ফেলিলার শয্যাশার্খে আসিয়া বলিল—আমি যাচ্ছি নীলা !

ফেলিলা বালিশের মধ্যে মুখ গুঁজিয়া বলিল—আমি আর কি বলব খগেনবাবু ? আমার কথা থাক্বেই বা কেন ?—বলিতে বলিতে সে-যে কাঁদিয়া ফেলিয়াছে, তাহার মুখ না দেখিতে পাইলেও খগেনের জ্ঞানিতে বাকী রহিল না। সে-কি করিত, ঠিক বলা যায় না, তবে সেই সময়েই সুনীলা ঘরের মধ্যে পা দিয়া कहিল—কথা কেন থাক্বে না নীলা ? খুব থাক্বে ! থাকুন-না খগেনবাবু !—খগেনের দিকে ফিরিয়া—এই নিন, এ সবে আমার দরকার নেই।—বলিয়া কাগজগুলো তাহার সামনে ছুড়িয়া ফেলিতে, খগেন বলিল—ওটা কার লেখা জান ? তোমাদের সিন্ধী সাহেবের ! এর আগে একদিন “নভোমণ্ডলে” যা বেরিয়েছিল, তা’ও তাঁরই লেখা। ‘ছাপাখানার ভূত’ সাক্ষী আছেন—আমাদের হরি...

কৈ—দেখি-না, খগেনবাবু—বলিয়া ফেলিলা হাত বাড়াইয়া সেগুলো টানিয়া লইল। প্রথমেই পিতার পত্রখানি তাহার চোখে পড়িল। এবং আধখানা পড়িয়াই তাহার মুখখানা রক্তবর্ণ ধারণ করিল, চোখ দু’টি প্রদীপ্ত হইয়া উঠিল। যখন সে পাঠ শেষ করিয়া শিথিল হাতটি সশব্দে শয্যার উপরে নিক্ষেপ করিল, তাহার সর্বাত্মক কাঁপিয়া কাঁপিয়া উঠিতেছে।

## প্রীতির

## নিদর্শন

মুহূর্তের মধ্যেই তাহার মুখখানি পাণ্ডুর হইয়া গেল। সুনীলা তাহাকে তদবস্থ দেখিয়া খাটের এ-পাশে ঘুরিয়া আসিতেছিল—আসিয়া দেখিল, সে হ'হাতে কণ্ঠনলীটা চাপিয়া ধরিয়াছে।

সুনীলা আর্তস্বরে চীৎকার করিয়া উঠিতেই, খগেনও চোখ তুলিয়া চাহিল এবং হ'জনে হাত হ'ট ছাড়াইয়া দিতেই ফেগিলা বলিয়া উঠিল—  
এ'ও তার কাজ! আমাকে অপমান করাই তার উদ্দেশ্য। যেমন করেই হোক যা করেই হোক। উঃ কি শয়তান! কি শয়তান! দিদি আর লোক পেলো না ছনিয়ায়! এই হতভাগা, নিন্দুক মিথ্যাবাদী.....

সুনীলা তাহাকে শাস্ত করিতে তাহার হাত হ'খানি হাতের মধ্যে চাপিয়া স্নেহস্বরে কহিল—নীলা! অসম্মানের কথা কইতে নেই, ভাই।

না, কইতে নেই? খুব আছে। আমার নামে যে এ সব কথা বলতে পারে, তার মত, তার মত—সে-যেন তিন কটু বাক্য সঞ্চয় করিয়া ফিরিতেছিল, বিষম ক্রোধে—সহজ কথাই মানুষ ভুলিয়া বসিয়া থাকে, সে'ও তিন চার সেকণ্ড মধ্যে একটা কথাও খুঁজিয়া পাইল না।

সুনীলা বলিল—সিংহ-ই যে বলেছেন তার নিশ্চয়তা নেই নীলা। আগে থাকতেই তাঁকে 'অমন করে' বলা তোমার উচিত নয়। আমার মনে হয়, বাবা নিজেই লিখেছেন, কার যুক্তিপারামর্শ না নিয়েই!

তোমার মনে হয়! বাবা নিজের থেকে লিখেছেন? বাবা এই সব করতে গেছেন? এত নীচ, এত ছোট তিনি নন। আর—আপনি! আপনি এ চিঠি পেয়েও এলেন না বাবার কাছে—খুব ঘাটক লোক আপনি! যদি আস্তেন বাবা থাকতে, দেখতুম কত বড়... ..পাছে

## প্রীতির

### নিদর্শন

সংঘম হারাইয়া নীলা যা-তা একটা কিছু বলিয়া বসে, সুনীলা তাহার মাঝখানটিতেই বলিয়া উঠিল—এতদিন আসেন নি কেন ?

এতক্ষণে খগেন সহজস্বরে কহিল—সাহস হয় নাই।

ফেগিলা বলিল—সিংহের ভয়ে কিবরে ঢুকেছিলেন?—তাহার আরক্ত মুখের পানে চাহিয়া খগেনের বাক্য ক্ষুণ্ণ হইল না। সে-যে জানিয়া শুনিয়া কোন অপরাধই করে নাই এবং ঈশ্বর জানেন, যে-অনিষ্ট আশঙ্কায় ফেগিলা একেবারে দুর্ব্বার হইয়া উঠিয়াছে, তাহা ঘূণাক্ষরেও তাহার জানা ছিল না। তবুও সে কথা কহিতে পারিতেছিল না।

ফেগিলা মাথাটা তুলিয়া, প্রদীপ্ত নেত্রে চাহিয়া, ততোধিক দৃপ্তস্বরে কহিল—এই অপমানের বোঝা আপনিই আমার ঘাড়ে তুলে দিলেন, খগেনবাবু!—বলিতে বলিতে তাহার স্বর বদ্ধ হইয়া আসিল এবং চোখের পাতা ঝরিয়া ক'ফোটা জল তাহার শুষ্ক সাদা মুখখানায় গড়াইয়া পড়িল। খগেন তবুও নির্ঝাক। সুনীলা বলিল—উনি বোধ করি চূপ করে' থেকেই একটু আরাম পেয়েছিলেন!

আরাম পেয়েছিলুম আমি! কখন না! কেন তুমি বার বার এমন করে বলছ সুনীলা! তোমাদের কষ্ট দিয়ে সুখ হবে আমার! তোমাদের সঙ্গে একদিনের সম্পর্ক আমার!

সুনীলা বলিতেছিল—তবে.....

খগেন না থামিয়া কহিল—আর কোন্ সাহসে ঢুকব আমি বাড়ীর ভেতর, এর পরেও? আমি ত আর জানতুম না, যে সিংহ চলে গেছেন! আমার ইচ্ছা ছিল, এ'টা যখন মিথ্যা, তখন একদিন প্রকাশ করলেই চলবে, না হয় আপনা থেকেই তা প্রকাশ পাবে।.....আজও আমি

## প্রীতির

## নিদর্শন

আসতুম না নীলা ! কি-জানি আমার কেমন একটা ভয় হ'য়েছিল, জাঠাম'শায়ের মত দেবচরিত্র মানুষের কাছেও আমার দারিদ্র অপরাধ ধরা পড়ে গেছে এবং সে অপরাধের শাস্তি আর যাই হোক, মার্জনা নয় । এই ভয়ই আমার ছিল, এবং আজও আমি আসতুম না—যদি না আমাকে সত্ত্বর কলকাতা ত্যাগ করতে হ'ত । তাই আজ তাঁর মার্জনা নিয়ে, তোমাদের সকলের কাছেও মাফ চেয়ে, আমি জন্মের মত বিদায় নিতে এসেছিলুম । নীলা, তোমার প্রতি আমি অন্ময় করেছি, তুমি আমাকে মাফ কর ।—বলিতে বলিতে সে বিহ্বলের মত ফেণিলার হাত দু'টি নিজ করতলে চাপিয়া ধরিল ।

ফেণিলা খগেনের হাতটা টানিয়া বলিল - কিন্তু আপনাকে আমি ছাড়চি নে খগেনবাবু—এগুলো বাবাকে দেখাতেই হ'বে ।

তোমরা দেখিয়ে, নীলা—বলিয়া খগেন তাহার হাতটি মুক্ত করিয়া লইল ।

আপনি কোথায় যাবেন, খগেনবাবু ?

যেন একটা মস্ত কাজ মনে পড়িয়া গেছে, এমনি সসবাস্তে দাঁড়াইয়া উঠিয়া, খগেন বলিল—চলুম নীলা !

ফেণিলা কহিল—কোথা যাবেন ?

দেখি—বলিয়া সে হাত দু'টি কপালে ঠেকাইয়া বলিল—তোমাদের দু'জনের কাছেই আমি মাফ চাচ্ছি,.....সু কৈ ?

কখন যে সুনীলা বাহির হইয়া গেছে, কেহই জানিতে পারে নাই । তাহাকে না দেখিয়া খগেনের চিত্ত বিকল হইয়া গেল । বিদায় নীলা ! সু-কেও বলো—বলিয়া সে সিঁড়িতে নামিয়া গেল ।

## প্রীতির

### নিদর্শন

শেষ ধাপটিতে পা দিয়াছে, কোথা হইতে ঝড়ের মত আসিয়া সুনীলা সিঁড়িতে বসিয়া পড়িয়া বলিল—আমার এ বিপদের সময় আপনি আমাকে ত্যাগ করবেন না খগেনবাবু!

সে অস্বীকার করিতেই কি একটা বলিবার উপক্রম করিতেছিল, সুনীলা তৎপূর্বেই একেবারে কাতরস্বরে বলিয়া উঠিল—অসময়েই ত বন্ধুর দরকার, খগেনবাবু! এ’টা কি আপনাকে মনে করিয়ে দিতে হ’বে আমার!

খগেন বলিল—কিন্তু স্ন তোমার যে,.....

আপনি উপরে চলুন আগে। এখানে চাকর-বাকর সব আনাগোণা করে থাকে।.....চলুন আপনি, ছ’মিনিটে আমি আসছি। আর দেখুন, আমি যদি খানকতক লুচি ভেজে দিই, একটু তরকারী করে দিই, থাকেন না?

আমি মেসে গিয়েই খাব’ন।

কেন খগেনবাবু? আমি কি একেবারেই অস্পৃশ্য?

না, না,—স্ন—বলিয়া খগেন কথাটা শেষ করিবার জন্ত ইতস্তত করিতে লাগিল।

তবে ওপরে চলুন, আমি আসছি।—সে রান্নাঘরে কি একটা কাজে চলিয়া গেল।

## একবিংশ পরিচ্ছেদ

অন্তর দাহ ।

স্বাস্থ্যকর স্থান বলিয়াই হোক আর কাজে-কর্মে নিযুক্ত থাকা-হেতুই হোক, রাঁচীতে স্মৃশীলা বেশ থাকিত । কিন্তু এবার আসিয়া কিছুতেই মন বসিতেছিল না । অথচ তাহার কোন কারণ সে নিজেও খুঁজিতে সারা হইল । পিতার অবর্তনানে সে বাড়ী হইতে চলিয়া আসিয়াছে বলিয়া নয়, কারণ সে জানিত, পিতা তাহাদের স্বাধীনতায় কখনই হস্তক্ষেপ করেন না এবং রাঁচী এই সে প্রথম আসিল না । সব সত্য, তবুও মনটি তাহার কেন যে স্থগতি পাইতেছিল না—কে জানে !

এবারে সিংহ সাহেব-ও কেন-যে ডুমুরের ফুলটি হইয়া উঠিলেন, তাই বা কে জানে ! আগে স্থলে নিতা নিয়মিত আসা ত ছিলই, তা' ছাড়া স্মৃশীলার বাসায়,—দেখানে দুইটি বড় বড় কুমারী মেয়ে স্মৃশীলার তত্ত্বাবধানেই থাকিত,—রোজ প্রাতে ও সন্ধ্যায় দর্শন দিতেনই । মেয়ে দু'টির গান-শোনা, স্মৃশীলার সঙ্গে গল্পগুজব করা তাঁহার দৈনন্দিন কর্ম্মের মধ্যেই ছিল । এবারে স্থলে, তা'ও ক'দিন আসেন নাই, বাসায় ত কথাই নাই । তিন চারদিন উপর্যুপরি তাঁহার সাক্ষাৎ না পাওয়ায় স্মৃশীলা বাস্তবিক চিন্তিত হইয়া পড়িয়াছিল । সিংহসাহেবের একটা চাকর রোজই বাগানের ফুল দিতে আসিত, সে আসিয়াছে ও গেছে, স্মৃশীলা তাহাকে কোন কথাই জিজ্ঞাসা করিতে পারে নাই । সে যখন আসিত, প্রায়ই সে'টা ক্লাসের সময়, তা'ও বটে, আর এই কৌতুহল দমন করিবার ইচ্ছাতেই

## প্রীতির

### নিদর্শন

সুশীলা কোন কথা জিজ্ঞাসা করে নাই। আগে হইলে কোতুহল ই বল বা আগ্রহ ব্যাকুলতাই বল, দমন করিবার কোনই প্রয়োজন ছিল না, কিন্তু এখন তাহার একটু কারণ ঘটয়াছে! ঘটয়াছে বৈ-কি।

এখন, হাওড়া ষ্টেশনে আসিবার দিন, রেলের ছাঁসিয়ার কর্মচারীরা একথানা ফাষ্টক্লাসে ছ'টি বার্থ দেয়, নাম লেখে মিঃ জি সিংহ ও মিসেস সুশীলা সিংহ। অবশ্য খুব হাঁক ডাক করিয়া, মহাসমারোহ সহকারে নাম-ফলক পরিবর্তিত হইয়া গেল, কিন্তু সিংহের একটি কথাতে সুশীলার মাথার চুল হইতে পায়ের নখ অবধি কাঁপিয়া উঠিয়াছিল। সিংহ কি উদ্দেশ্যে বলিয়াছিলেন, কে-জানে, কথটা সুশীলার তখন আদৌ মনঃপূত হয় নাই। না হোক, এখন কিন্তু সেই কথটাই ফেণাইয়া ফেণাইয়া আস্তে আস্তে মনের পাতাটি ভরিয়া সারা বুকের মধ্যে জাগিয়া উঠিয়াছে। কথটা অবশ্য এমন কিছুই না, তবুও তাহার মধ্যে যে খানিকটা নারী হৃদয়ের বুভুক্ষা আর তার চিরদিনের বেদনাপূর্ণ কামনা মিশিয়াছিল তা' সুশীলা এখন বুঝিয়াছে। কথটা অত্যন্ত ক্ষুদ্র, কিন্তু তার সেই স্বল্প ক'টি অক্ষরের মধ্যেই এমন অমৃতময় পানীয় লুকান ছিল, যাহা এখন সুশীলার সুপেয় হইয়া উঠিয়াছে—ইহা বুঝিতে পারিয়াই সে অদম্য কোতুহলও দমন করিয়াছে।

কথটা অতি সামান্য কিন্তু অনেক সামান্যের মত সুশীলার স্বতির সমস্ত পথটাই অসামান্য হইয়াছিল। ষ্টেশনে, গাড়ীতে উঠিবার আগে, অন্তর্দ্বন্দ্ব নাম-ফলক সংশোধিত হইয়া গেল, মিঃ সিংহ টিকিট কালেক্টরকে ছ'টি টাকা বখশিশ দিয়া বিদায় করিয়া কহিয়াছিলেন—লোকটা কি রকম ভাবাচাচা। হয়ে গেছে, দেখলে সুশীলা? মানে, ভুল করে টাকা

বংশিশ কারু বরাতেই বোধ করি হয়-না—ওর ভাগ্যে এই প্রথম, তাই  
অমন করে' চাইতে চাইতে গেল।

সুশীলা নিরুত্তর ছিল। সিংহ অশ্রুমনস্কের মত কহিলেন—আমাদের  
অদৃষ্টে ভুলটা যদি অমনি পুরস্কৃত হ'ত!

এই মাত্র! কথাটা শুনিয়া সুশীলার বক্ষ কাঁপিয়া কাঁপিয়া উঠিয়া-  
ছিল, সিংহ প্লাটফর্মে জনতার দিকে চাহিয়া বলিলেন—এমনই লাইন,  
মেয়েদের একটা সেপারেট কম্পার্টমেন্ট অবধি নেই! তোমার বোধ  
করি খুবই কষ্ট হ'বে, না সুশীলা?

না, কষ্ট আর কি। ট্রেনের জারনির কষ্ট, সে এ'তেও যা, তা'তেও  
তাই। আমার ঘুম হয় না।

আমারও যে তাই।

তবে ত ভালোই হ'য়েছে।

সুশীলা উপরের একটা বাস্কের দিকে চাহিয়া বলিল—এখানেও কেউ  
আসবে বোধ করি।—অশ্রু বাস্কটায় তাহাদেরই ছোট খাট ছ'একটা  
জিনিস রাখা ছিল।

সিংহ বলিয়াছিলেন—না সুশীলা, আর কেউ আসবে না। সদন্ত  
কম্পার্টমেন্টটাই আমরা রিজার্ভ করিয়েছি। তোমার আপত্য আছে  
সুশীলা?

না, আপত্য আর কি?—বলিয়া সুশীলা চলন্ত ট্রেনখানির  
বাহিরে মুখ রাখিয়া 'ছুটন্ত' সিগন্যাল-ল্যাম্পগুলির পানেই চাহিয়া  
রহিল।

অনেক রাতে সিংহ বলিলেন—তুমি শোও সুশীলা। নাই-বা এল



## প্রীতির

### নিদর্শন

যুম, শুলে তবু শরীরটা তত ক্লান্ত হ'বে না। আর আমাকে তুমি বিশ্বাস করতে পার, সুশীলা।

সুশীলা শুইয়াছিল এবং সে-যে তাঁহাকে বিশ্বাস করিয়াছে, তাহারই প্রমাণ স্বরূপ তাঁহাকেও শুইতে বলিয়াছিল।

এখন সুশীলার মনে সেই বিশ্বাস করার কথাটাই উত্তেজক মধুর প্রভাব বিস্তার করিতে সুরু করিয়াছিল। হ্যাঁ, এ বিশ্বাস তাহার আপনা হইতেই কেমনে জন্মিয়াছিল যে, ইহাঁকে বিশ্বাস করিয়া কোন-দিনই সে ঠকিবে না। কিন্তু ক'দিনের অদর্শনেই সে-যেন তাহার সেই গাঢ় বিশ্বাসও (গাঢ় বলিয়াই সে জানিত) হারাইতে বসিয়াছিল। সুশীলার মনে আছে, সে রাত্রে গাড়ীতে যত কথাবার্তা হইয়াছিল, সবই তাহাদের সেই অনাথ বিতালয়টির সম্বন্ধে! কিন্তু তাহারই মধ্যে পরস্পর নির্ভরতা, পরস্পর বিশ্বাস এতই পরিস্ফুট হইয়া পড়িয়াছিল, যাহা বোধ করি বক্তারা নিজেই তৎপূর্বে জানিত না। সিংহ যে একমাত্র তাহারই মুখ চাহিয়া সকল কথ্যে লিপ্ত হইয়াছেন, বোধ করি বিশ ত্রিশ বার সে কথাটা বলিয়া ফেলিয়াছিলেন। ইহাও সুশীলা বিস্মৃত হয় নাই যে সে নিজে কেবল কোমল দৃষ্টি সাহায্যেই তাঁহার সকল আশা ভরসার লতামূলে জলসেক করিয়াছিল।

সিংহ বলিয়াছিলেন—শুধু যদি তোমাকেই পাই সুশীলা ঐ বালিকা আশ্রমই একদিন ভারতবর্ষের একমাত্র নারী আশ্রম করে তুলতে পারব। যা ভারতবর্ষে, অন্ততঃ বাঙ্গালী মেয়েদের জন্তে কোথাও কেউ করে নি। এ-কি কম দুঃখের কথা সুশীলা, যে এতবড় দেশটায় আমাদের মেয়েদের মাথা গোঁজবার এতটুকু স্থান কেউ করে নি; সে চেষ্টাও কার নেই—

## প্রীতির

## নিদর্শন

আশ্চর্য্য ! আমি করব স্মৃশীলা, আমি করব, তবে যদি কেবলমাত্র তোমাকেই পাই আমি ! তখন বাঙ্গালী মেয়ে, এই আশ্রয় লাভ করে' তোমারই কীর্ত্তি গাইবে স্মৃশীলা ! বাঙ্গালা দেশে যে একমাত্র তোমারই দ্বারা এতবড় একটা অভাব মোচন হ'য়েচে—এ বোধ করি বাংলার ইতিহাসেও দোনার অক্ষরে ছাপা হ'বে ।

স্মৃশীলাও উত্তেজিত হইয়া বলিল—আমরা একবার বোম্বাই গিয়ে-ছিলাম, মিঃ সিংহ । সেখানে—একটা আদটা নয়, কম করে' দশ এগারোটি এমনি আশ্রম আছে, যেখানে অনাথা, অদ্বায়া, সম্বলহীনা রমণীরা অনায়াসে বাস করে' শিল্প কার্য্য করে, আরও ছোট বড় কত কাজ করবার সুযোগ পায় । এ অভাগা দেশের মত নয় ।

মিঃ সিংহ পুলকিত স্বরে বলিলেন—আর অভাগা বলো না স্মৃশীলা ! জেগেছে, জেগেছে, আমাদের দেশের লোকও জেগেছে । আর জানই ত, এ-দেশ একবার জাগিলে সকল-দেশকে ছাড়িয়ে উঠবে ।

এই ত গেল ট্রেনের কথা । রাঁচীতে আসিয়া সিংহ প্রথমে স্মৃশীলার বাসাতেই হাঁপ ছাড়িলেন । স্মৃশীলা আসিয়াছেন সংবাদ পাইয়া মেয়েরা সব ছুটিয়া আসিল । স্মৃশীলা তাহাদের আদর যত্ন করিয়া তখনকার মত বিদায় দিল । মেয়েরা চলিয়া যাইতেই সিংহ বলিলেন—দেখ্লে স্মৃশীলা, তুমি এসেছ খবরটি কাণে যেতেই ওরা সব ছুটে এসেছে । ওরা তোমায় এত ভালোবাসে, স্মৃশীলা !

স্মৃশীলা হাসিয়া বলিল—তাই দেখ্ছি ।

তাহার মুখের মুহূ হাসিটুকু কখন ভাসিয়া কখন অধর কোণে লুকাইয়া গিয়াছিল, কিন্তু দর্শকটি যেন অনেকক্ষণ পর্য্যন্ত কেবল সেই

## প্রীতির

### নিদর্শন

হাসিটাই দেখিতে দেখিতে আত্মহারা হইয়া পড়িয়াছিলেন। স্মৃশীলা লজ্জারক্ত মুখখানা ফিরাইতেই সিংহ বলিয়া উঠিলেন—তুমি এদেরই ত্যাগ করতে চেয়েছিলে স্মৃশীলা ?

স্মৃশীলা বলিল—আমি ত্যাগ করতে চাই নি এদের। এত ভালো-বাসা পেয়ে এদের ছেড়ে আমি মরতেও চাই নে।

শ্রোতাটি পরম পরিতৃপ্তির সহিত কথাগুলি গ্রাস করিয়া কৰুণকণ্ঠে কহিলেন, ঠিক বলেছ স্মৃশীলা ! ভালোবাসা যে পায়, মরতেও সে বোধ করি চায় না। বোধ হয় তুমি ঠিক কথাই বলেছ। বোধ হয় কেন—তাই, তাই ঠিক ! ঠিক স্মৃশীলা, খুব ঠিক ! ভালোবাসলে মরতেও চায় না, ভালোবাসা গেলেও তাই—না ?

বারবার কথাটা পুনরাবৃত্তি করাতে স্মৃশীলা বিস্মিতই হইয়াছিল ; কিন্তু যেন ‘হয় নাই’—এমনি ভাবে বলিল—আমার ত তাই মনে হয়।

তোমার ঠিকই মনে হয় স্মৃশীলা—তা’তে কোন ভুলই নেই। আমি ত জানি না, কোনদিন পাই-ও নি কখনও, কারু কাছে, তবু মনে হয়—এই ঠিক। তুমি যা বলেছ, তাই ঠিক।—এই কথা কয়ট বলিতে বলিতে সিংহের গলার মধ্যে যেন খানিকটা অশ্রু আর খানিকটা বাষ্প জমিয়া তাঁহার স্বরটিকে আর্দ্র ও কৰুণ করিয়া দিল।

স্মৃশীলার মনে হইল—কেন তাঁহার এত দুঃখ ?

এবং ঠিক এই প্রশ্নটি অনুমান করিয়া সিংহ বলিলেন—অভাগার এই দেখেই সুখ, স্মৃশীলা, তা’তেই তার আনন্দ ; তা’তেই তার পরিতৃপ্তি। সে ত নিজে পায় নি কোনদিনই কারু কাছে ! কাজেই তার এই পরের দেখা ছাড়া আর কি উপায় আছে, স্মৃশীলা ?

## প্রীতির

## নিদর্শন

সুশীলার মুখখানি ত্রিয়মান হইয়া গেল। একবার সিংহের কাতর মুখের পানে চাহিয়াই সে দৃষ্টি নামাইয়া লইল।

সিংহ এবারে, একেবারে দাঁড়াইয়া উঠিয়া বলিয়া ফেলিলেন—শুধু এ’দের, এই মেয়েদের কথাই ভেবে নয়, সুশীলা, তোমাকে অনুরোধ করতে এরই অনুরোধ ছিল, সব চেয়ে বেশী—বলিয়া তিনি বুকের উপর হাত রাখিলেন। এক সেকেণ্ড থামিয়া আবার বলিলেন—তুমি যে এই অভাগাকে এতটুকু স্নেহ-ও করেছ, সুশীলা, এতটুকু যত্ন-ও করেছ, আজন্মের পোড়া এই বুকখানা তা’তেই গলে, অমৃতময় হ’য়ে উঠেছে! এ জীবনেতিহাসে রমণীর স্নেহ যাকে বলে, সুশীলা, সে-যে কি এই তার প্রথম আশ্বাদ! আমি বলব না সে অমৃত না গরল; আমি বলব না পেয়ে ধন্ত হ’য়েছি কি আকাজ্ঞা আরো বেড়ে গেছে, শুধু আজকের দিনে তোমার কাছে ক্ষমা প্রার্থনা করে’ কেবল এইটেই আমি বলতে চাই সুশীলা, এ আবার বলা-না-বলার অতীত!

—বলিয়া সিংহ প্রস্থান করিয়াছিলেন। সুশীলা জানে সে তাঁহাকে ক্ষমাই করিয়াছিল। মুখের কথায় নয়, লৌকিকতায় নয়—সর্বান্তঃকরণে ক্ষমা করিয়াছিল, এবং এ ক’দিন যতক্ষণ না চোখের পাতা দু’টি নিদ্রায় ভরিয়াছে, কেবলই অশ্রুর উৎস প্রবাহিত হইয়া গেছে। কেন গেছে, কি সে গেছে—সে জানে না, জানিতে পারে নাই।

বিদায়কালে সিংহ হাতটি বাড়াইয়া তাহাকে অভিনন্দিত করিতে চাহিয়াছিলেন, সুশীলা কেবলমাত্র নয়নের জল গোপন করিতেই না পারিয়াছিল মুখ তুলিতে, না তাঁহার হাতটি লইতে পারিয়াছিল। এখন সে যতই ভাবিতে লাগিল, তাহার মনের সুশীলা তাহাকে বেত্রাঘাত

## প্রীতির

### নিদর্শন

করিয়া যেন শনৈঃ শনৈঃ কহিল যে, সিংহ তাহার সেই দৌর্য্যটুকুকেই অবহেলা বা অভিমান জ্ঞান করিয়া, এই পথ ত্যাগ করিয়াছেন। বাহিরের সুশীলা বলিল—না, না, অত্ৰ কারণই হওয়া সম্ভব। তিনি রাগ করিবার লোক ত নহেন। মনের সুশীলা বলিল—যে ছুঃখী তাহার অভিমানই যে সবার চেয়ে প্রবল। সিংহ ত নিজেই কাঁদিয়া বলিয়া ছিলেন—ভালবাসার ছুঃখী তিনি! তিনি যে তোমারি কাছে, মহাদেবের মত ভিক্ষাপাত্র হাতে লইয়া দাঁড়াইয়াছিলেন। কৈ, সে রিক্তপাত্র পূর্ণ করিবার কোন চেষ্টাই কি তুমি করিয়াছিলে! পূর্ণ করা দূরে থাক্, তুমি যে হাত-টা উপেক্ষা করিয়াই শূন্ত হাতে পথে বাহির করিয়া দিয়াছ! ইহাতে অভিমান হইবে, না ত কি হইবে? বাহিরের সুশীলা বলিতে গেল, অসুখ বিস্ময়, সংসারের, বিষয়-আশয়ের কাজ কর্ম আছে ত—মনের সুশীলা ক্রোধাক্ত হইয়া বলিল—তুমি ত বাপু সব জাস্তা দেখ্ছি! অত বড় লোক! কত লোকজন, আমলা গোমস্তা, দাওয়ান ম্যানেজার য়ার, তিনি আবার নিজে কি করিবেন? ও-সব নয় বাপু, আসল কথা এই যে, তিনি বড় ছুঃখেই, বুক-ভরা বড় বেদনা বহিয়াই ফিরিয়াছেন!—বিপন্ন ভিক্ষুককে এমন নিরাশ করিয়া যে প্রত্যাখান করিতে পারে—তাহার আবার রমণীত্ব! সে আবার হৃদয়ের গৰ্ব্ব করে! হারে!

সন্ধ্যারাত্রে বিজ্ঞালয়ের বালিকাদের আহালাদির তত্ত্বাবধান করিয়া স্বগৃহে ফিরিয়া রোজই সে হার্মোনিয়মটির ঢাকা খুলিয়া বসিয়া পড়িত। সাদা চাবিগুলির উপর দিয়া তাহার আঙুলগুলি পূর্বের মতই চলিয়া ফিরিয়া বেড়াইল কিন্তু তাহাতে না উঠিল ঝঙ্কা, না উঠিল, মূর্ছনা।

সুশীলা না পারিল তার সঙ্গে গলা মিলাইয়া একা গানও গাহিতে ! যত বারই সে গান গাহিবার ব্যর্থ চেষ্টা করিতে যায়, সেই একটা গানই তাহার কণ্ঠে গুঞ্জরিয়া ওঠে ! অথচ সেটিকে শুধু গলার বাহিরে আনিতে নয়, নিজের মনে আনিতেও সে বেদনা পাইত । কত-শত গান ছিল তাহার আয়ত্ত্ব, সে সকলের একটিও তাহার মনে পড়িত না—কেবল সেই নয়নের জলে বিদায় দেওয়ার করুণ কাহিনীটাই তাহার স্মৃতির দ্বারটি ঠেলিয়া গলার মধ্যে জমিয়া উঠিত । কে কবে কাহাকে বিদায় দিয়া, নয়নের জলে বক্ষ ভাসাইয়া এই গান গাহিয়াছিল, কে-জানে, সুশীলার মনে হইল, কবি কেবলমাত্র তাহারই মনের কথা কল্পনার বলে জানিয়া আগে ভাগেই এ'টি গাহিয়া গেছেন । \* সে ত জানে, সে কাহাকেও নয়নের জলে বিদায় করেও নাই, কাহারও গলে মালাটি জুলাইবার তরেও সে কোন চেষ্টা করে নাই, তবুও যেন গানটীর ছত্র ক'টি তাহার মনকে বুঝাইতে চাহিল—এমনই হইয়াছে, ওরে মূঢ়, সে নয়নের জলেই বিদায় লইয়াছে ! সে আর ফিরিবে না ! আর ফিরিবে না ।

স্কুলের মেয়েদের কাছে সুশীলা ধরা পড়িতে পড়িতে সে'দিন বড়ই বাঁচিয়া গেছে । এক পড়া বার বার পড়িতে ( অন্ততঃ পরিশ্রম হাস-হেতু ) অনেক মেয়ে, মেয়েই বা কেন, অনেক ছেলেরই মন্দ লাগে না, কিন্তু সুশীলার কা'টি ছাত্রী বিষম অনুরোধ করিয়া বসিল—রোজই আমরা কাব্য পড়ব, মা ? অগ্ন সব সবজেক্ট যে আমাদের কিছু হ'চ্ছে না ! —উপরি উপরি তাহারা পাঁচদিন একই কবিতা, একই অর্থ, একই

\* প্রীযুক্ত রবীন্দ্রনাথ ঠাকুর মহাশয়ের “বিদায় করেছ যারে নয়নের জলে” ইত্যাদি ।

## প্রীতির

### নিদর্শন

ভাব শুনিয়া জ্বালাতন হইয়া গেছে। শুনিয়া সুলীলার ত চক্ষুঃ স্থির। মেয়েদিগে সে বলিল বটে—এটা বড় শক্ত জিনিষ, সরমা; তাই একটু ভালো করেই তোমাদের বুঝিয়ে দিতে চাই আমি! তা বেশ—কাল থেকে তোমাদের আমি “শুভঙ্করী” পড়াব, কি বল সুহাস?—অঙ্কের নামে সুহাসের জর আসিত, এবং অঙ্কের বহি খুলিলে, সত্য সত্যই অনেকদিনের চাপা পড়া ম্যালেরিয়া গুপ্ত করিয়া আত্ম প্রকাশ করিয়া ফেলিত। তবুও “কাব্যে” তাহার অকিঞ্চিৎ ধরিয়া গিয়াছিল, কেবল মুখ বদলানোর উদ্দেশ্যেই সুহাসিনী বলিয়া ফেলিল—হ্যাঁ, বড় মা! তাই করো। এবং সেই মুহূর্ত্তেই সে ঠিক করিয়া রাখিয়াছিল যে “শুভঙ্করী” “কাব্যের” মত “ক্রমশঃ” ধারা টানিলে সে কিছুতেই ম্যালেরিয়ার কবল হইতে নিস্তার পাইবে না এবং অন্ততঃ তিনচারদিন বোড়িঙে শুইয়া—বাস্ দিবা নিদ্রা!

কিন্তু, তাহার ম্যালেরিয়ার আশঙ্কা ঈশ্বরকৃপায় বুখাই হইল। যেহেতু সুলীলা পরদিন কিছুতেই “শুভঙ্কর” ঠাকুরের হিজিবিজিতে মনঃ সংযোগ করিতে পারিল না। শুভঙ্করের পরিবর্তে প্রভাত মুখুর্ঘ্যের কণ্ঠা বিলিতি গল্পই রস-সহকারে তাহাদের গুনাইয়া দিল। সরমা-ও আপত্তা করিল না, সুহাসিনীও সহাস-আননে উপভোগ করিল; কমলা, বেলা, লবঙ্গ—এরাও সব খুব হাসিল। হাসিল না, কথক নিজে! যেখানে হাসি চাপা দুঃসাধ্য হইয়া উঠিল, সে সময়ে মনের পর্দায় রাজ্যের করুণ স্বরগুলি তাহার বেসুরো হইয়া বাজিতে লাগিল।

এই প্রথম সে অনুভব করিল, খগেনের দুঃখ কি? তাহাকে সেই বিদায় করিয়াছিল। কিন্তু সে বেচারার এমন কি অপরাধ—আজ আর সুলীলা তাহা নিরূপণ করিতে পারিল না। সাংসারিক হিসাবে তাহার

## প্রীতির

## নিদর্শন

যতই অপরাধ হইয়া থাকুক, সে-যে প্রেমিক এবং প্রেমের তাড়নাতেই রান্নাঘরের জানালাতেও আসিয়া দাঁড়াইয়াছিল—আজ আর স্নানীলা ইহার মধ্যে বিষদৃশ কিছুই দেখিল না ! আজ সে প্রকৃতই অনুভব করিল, খগেনকে সে অহেতুক লাঞ্ছনা করিয়াছে, নীলাও যে কষ্ট পাইয়াছে, এখনও পাইতেছে—তাহার জন্ত দে'ই দায়ী ! খগেন নিদারুণ অভিমানী, নীলা উগ্র বটে, অভিনানে সে কারো চেয়ে কম নয়—আর যে কখনও কোনদিন খগেন সে বাড়ীতে পা দিবে, এ ভরসা আদৌ নাই, নীলাও যে মুখ ফুটিয়া নিজের আকাঙ্ক্ষা ব্যক্ত করিবে—তাহাও সম্ভব নহে,—তবেই সেই দুইটি প্রেমোন্নত হৃদয় জন্মের মত শূন্য হইয়া গেল ; এই মহাশূন্য আর কি কখনও কোন উপাদানেই পূর্ণ হইবে ? এ প্রশ্ন আপনাকেই সে করিল, আপনিই উত্তর দিল,—না, প্রেমের শূন্যতা পূরণ হইবার নহে ? প্রেমে যা ভাঙ্গে, কোন প্রাণীই তা'কে জোড়া দিতে পারে না ।——ভাবিতে ভাবিতে স্নানীলার কান্না পাইতে লাগিল । আলোটি নিবাইয়া, অন্ধকার করিয়া, একা-ঘরে আপন বিছানায় পড়িয়া স্নানীলা ভারি কান্নাই কাঁদিল । নিজের হৃৎথে, নিজের বেদনায় নহে, স্বার্থপরের কান্নাও নহে, আজ পরের হৃৎথে, বিগলিত ধারে কাঁদিয়া স্নানীলা উপাধান ভিজাইল, বুকের কাপড়ে মুখ মুছিয়া কাপড় ভিজাইল—কিন্তু চোখের জল গেল না । পরের হৃৎথে যে এত অশ্রু ও বহে, ইহার পূর্বে স্নানীলার তাহা জানা ছিল না । আজ জানিল, আজই সে কাঁদিল ।



## দ্বাবিংশ পরিচ্ছেদ

### সুশীলার বন্ধু ।

পরদিন সুশীলার যখন ঘুম ভাঙিল, অনেক বেলা হইয়া গেছে । দাসীকে জিজ্ঞাসা করিতে সে বলিল—আর সবাই বিছালয়ে গিয়াছেন । তবুও শয্যাভ্যাগ করিতে সুশীলার ইচ্ছা হইতেছিল না । আজ তাহার শরীরটি যেন ভাল নাই, অসুখও বিশেষ কিছু সে টের পাইল না । এই অসুখ এবং না-অসুখ এরই মাঝামাঝি একটা-কিছু তাহার হইয়াছিল, ন’ টার আগে সে উঠিবার চেষ্টাও করিল না । খুব দূরে একটা ব্রাহ্মমন্দিরের চূড়ায় ঘং ঘং করিয়া ন’টা বাজিল, সে’ও শয্যাভ্যাগ করিয়া বাহিরে আসিয়া দেখিল, সিংহ সাহেবের মালী অজস্র ফুল লইয়া এই বাড়ীরই হাতায় প্রবেশ করিতেছে । তাহাকে ডাকিয়া সুশীলা জিজ্ঞাসিল—সাব কাঁহা ?

সাব ! সাব ত কুঠিতেই আছেন, হুজুর ।

সে’ও আর কিছু বলিল না, সুশীলাও অনেকক্ষণ পর্যন্ত তাহাকে আর একটি প্রশ্নও করিতে পারিল না । সেলাম করিয়া প্রস্থানোত্ত হইতেই সুশীলা জিজ্ঞাসা করিল—কাঁহা বাহার উহার নেহি গয়া ?

নেহি, হুজুর, কুঠিমে, গরীব পরবর ।--বেচারিা হিন্দী-উড়িয়া মিশ্রিত একটা অজানা ভাষায় জবাব দিয়া, পুনরায় দীর্ঘ সেলাম করিয়া আপন কার্যে চলিয়া গেল । বারান্দার এক কোণে একখানা টুলে বসিয়া একট

## প্রীতির

## নিদর্শন

মেয়ে বুকের প্রায় কাছে শ্লেটখানা চাপিয়া কি লিখিতেছিল—সুশীলা তাহাকে ডাকিয়া জিজ্ঞাসিল—তোমার নাম-টি কি-গা ?

মেয়েটি একগাল হাসিয়া বলিল—আমি যে পদ্মিনী, বড়-মা !

পদ্মিনী ! তুমি পড় ?

না-গো, আমি যে ছবি নিকি । এই দেখ-না বড়-মা, ঐ মোসটা চরছে ত .... বলিয়া শ্লেটখানা সুশীলার সামনে ধরিয়া কহিল—হয় নি ?

সুশীলা মেয়েটিকে উৎসাহ দিয়া বলিল—বাঃ, বেশ হয়েছে, পদ্মিনী । কিন্তু মোসের রঙ ত সাদা নয়, পেন্সিল ঘষে তুমি ওর রঙট ঘে সাদা করে ফেলেছ ।

তাই ত গো ! আচ্ছা, ও গা-টায় আর রঙ দেব না, ও শ্লেটের রঙই থাক্ । কি-বল বড় মা, হবে না ?

হবে । ..পদ্মিনী তুমি সুহাসকে চেন ?

চিনি বৈ-কি ! তার সঙ্গে যে আমি আতর পাতিয়েছি । ও আতর, আতর, তোরে দেব রাঙা বর—বলিয়া মেয়েটি হাসিতে লাগিল ।

সুশীলা বলিল—তোমার আতরকে বলে এস পদ্মিনী, যে, বড় মা বলে, তারা সব স্নান টান করে' যেন আসে, তখনই আমি পড়াব । এখনি যাও ।

এই যাই—বলিয়া পদ্মিনী শ্লেটখানা নিকটস্থ একটা জানালার উপর ঝাড়া করিয়া পেন্সিলটি সেই ফাঁকে গুঁজিয়া “কেউ নেবে না ত বড় মা” —বলিয়া চলিয়া গেল । সুশীলা বলিল—দেখ পদ্মিনী, যদি সুহাসকে না দেখতে পাও, সরমাকেই বলে এসো—বুঝলে ?

আমি সুহাসকেই বলে আসছি ; বড় মা ঐ যাঃ !—সে জিভ কাটিয়া

## প্রীতির

### নিদর্শন

গালে অঙ্গুলি স্থাপন করিয়া বলিল—সুহাসের নাম করে ফেলেছি, তুমি যেন তা’কে বলে নিও না, বড় মা।

বলিবে না, অভয় দিতে মেয়েটি বারান্দা হইতে নামিয়াই উচ্চকণ্ঠে আবৃত্তি করিতে করিতে চলিল—

ও সুহাস, তোরে দেব রাজহাঁস।

মন্ত একটা রাজ....

সুশীলা হাসিয়া স্নানকক্ষে ঢুকিয়া পড়িল। স্নান সারিয়া নিজেই চা তৈয়ার করিল। এক পেয়ালা খাইয়া, আর এক পেয়ালা পূর্ণ করিয়া নিজের ঘরে ঢুকিল। চা-টুকু খাইতে খাইতে সে ভাবিতেছিল—তিনি ক’দিন বাড়ীতেই আছেন, তবে কেন একবারও আসিলেন না। কার্যের ঝঞ্জাট নয়, নিশ্চয়ই, তবে কি সত্যি তিনি নিদারুণ অভিমান বেশে সে দিনের প্রত্যাখ্যানেরই সাজা দিতে উত্তত হইয়াছেন? না, না, তাহাও সম্ভব নহে,—এত অল্পে বিচলিত হইবার লোক ত তিনি নন। এত সামান্য তুচ্ছ ব্যাপারে তিনি কখনই তাহাকে গুরুদণ্ড দিবেন না!—না, নিশ্চয়ই না! তাঁহার অসাধারণ ধৈর্য্য, উদ্ধতশৃঙ্গের মত অচল অটল হৃদয়ের পরিচয় সুশীলা অনেকবার পাইয়াছে; সেদিনও, যেদিন নীলা তাঁহাকে রূঢ়ভাবে অপমানিত করিয়াছিল—সুশীলা ত ভয়ে ভাবনায় আড়ষ্ট হইয়া গিয়াছিল যে আর তিনি আসিবেন না, কিন্তু সকল হুশিস্তার অবসান করিয়া দিয়া তিনি যে তাহার পরদিনই প্রশান্তমুখে প্রসন্নহাস্তেই আসিয়া ডাকিয়াছিলেন—সুশীলা! সেই তিনিই যে তাহাকে, সুশীলাকে এমন করিয়া কষ্ট দিবেন, তাহাই বা সম্ভব হয় কিরূপে?

অল্পদিনের মতই সে সারাটিদিন আশঙ্কা উদ্বেগের মধ্য দিয়া কাটাইয়া-

## প্রীতির

## নিদর্শন

ছিল, কিন্তু অপরাহ্নে সে কিছুতেই ননট বাঁধিতে পারিল না। সিংহের গৃহ তাহার জানা ছিল, সেক্রেটারীয়েটের পিছন দিয়া যে রাস্তাটা বরাবর উত্তর মুখে গেছে, সেইটারই শেষপ্রান্তে সুবৃহৎ অট্টালিকাটি মিঃ সিংহের আবাস ভবন। বৈকালে মেয়েদের সঙ্গীত শিক্ষা দিবার কথা—সুশীলা সেদিনের মত তাহাদের ছুটি দিয়া, কেবলমাত্র সেই পদ্মিনীকে সঙ্গে লইয়া পথে বাহির হইয়া পড়িল।

আমাদের কলিকাতার পার্টিকাদের (বিশেষ করিয়া ষাঁহারা নিয়মিত হাওয়া খাইয়া না বেড়ান,) জানা না থাকিতে পারে যে সহরের বাহিরে অনেক পদানশীল গৃহস্থবধুও পথে ঘাটে নিঃশব্দচিত্তে বিচরণ করিয়া থাকে। তাহাদের পর্দা যদিও একটু-আধটু ফুল হয়, তাহাতে তাহারা বিন্দুমাত্র ফুল নহে। তাহারা মনে করে, সহরের বার যখন হয়েছি, ঘরের বাহির হইতেই বা ক্ষতি কি? তার উপর এই সব জায়গায় স্বাস্থ্যকামী যে সকল পরিবার আসিয়া থাকেন, তাহারা পর্দাটা প্রায়ই খাটো করিয়া আসেন। কাজেই এক দল আর এক দলকে দেখিলে যথব্যাদান করিয়া অষ্টম আশ্চর্য্য দেখার মত স্তম্ভিত হইয়া যায় না। সুশীলা কোনদিনই পথে ঘাটে বাহির হয় নাই—হু' একবার রাঁচীতে এখানে ওখানে যা গেছে, হয় গাড়ীতে না হয় সিংহের মোটরে। তবুও সে নির্ভয় ও নিলজ্জ-পদে দেড় মাইল রাস্তা হাঁটিয়া সিংহের গৃহসম্মুখে উপস্থিত হইল। দ্বারবান কহিল—বাবু ত ছায়া, লেकिन मुलाक़ात नेहि होवे।

সুশীলা তাহাকে যতই বোঝায়, সে 'একগুঁয়ে মোষের' মত ততই বাড় নাড়ে, বলে—ও नेहि होगा।

## প্রীতির

### নিদর্শন

রাগে বিরক্তিতে স্নশীলার যেন কান্না পাইতে লাগিল। সিংহের দ্বারে, তাঁহারই দ্বারবান কর্তৃক সে অপমানিত হইতেছে—যাহার ইঙ্গিত মাত্রে এই নেমকহারাম ভৃত্যকে তথনি লোটা কষল সম্বল করিয়া ‘সুদুকের’ পথে রওনা দিতে হইতে পারে, স্নশীলা ক্রোধ দমন করিতে না পারিয়া কহিল—বাবু টের পেলে তোমার চাকরি যাবে জান ?

ভৃত্যটা তাহাতেও ভয় না পাইয়া বলিল—যাগা ত হোগা ক্যা !

এত স্পর্ধা ! স্নশীলা যেন জ্ঞান হারার নত কি চীৎকার করিবারই উদ্যোগ করিতেছিল, দ্বারবান কহিল—ও চিল্লাও আউর যো খুস করো ভেট নাহি হোবে ; কভি নাহি হোবে। শায়িজীকি হুকুম হায় নেহি—হামলোক ক্যা করে ?

শায়িজী !—স্নশীলা কি ভুল শুনিল ? শায়িজী ! সিংহের জননী না স্ত্রী ! স্ত্রী ত নাই—তিনি নিজেই বহুদিন পূর্বে বলিয়াছেন, তবে কি জননী ?

হুকুম নেহি হায় ?

নেহি, বিবি সাব্, একদম্ নেহি হায়। বাবুকো ভি বাহার যানা নেহি হায় !

স্নশীলা রুদ্ধশ্বাসে জিজ্ঞাসিল—কে এ শক্তিনদী রমণী, যাহার আদেশ সিংহের মত পুরুষও অবনত শিরে বহিয়া, অন্ধকূপে আবদ্ধ আছেন ?

দ্বারবান অপ্রসন্নমুখে জানাইল—সেই মহিয়সী রমণী কে তাহা আদৌ জানে না। অন্তর মহলের উচ্চ প্রাচীর লঙ্ঘন করিয়া এইটুকু সংবাদই তাহার পাইয়াছিল যে এ বাড়ীতে তাঁহার বিনামুমতিতে কাহারই প্রবেশ নির্গমনের যো নাই।

## প্রীতির

## নিদর্শন

ইহার কথায় স্মৃশীলা আদৌ বিশ্বাস স্থাপন করিতে পারিল না। কিন্তু তাহার কড়া পঠার উপেক্ষা করিয়া এক পা বাড়াইতেও তাহার সাহসে কুলাইল না। ফটকের সামনে ঠিক এমনি ভাবে দাঁড়াইয়া তর্কবিতর্ক করিতে তাহার আরও বিতৃষ্ণা জন্মিতেছিল। এক মিনিট ভাবিয়া লইয়া সে দ্রুত উত্তর হইয়াছে, পদ্মিনী তাহার শাড়ীখানিতে টান দিয়া বলিল—ছাড়ে ঐ-যে কে রয়েছে বড় মা!

স্মৃশীলা ছাদের দিকে চাহিয়া দেখিল। দেখিল, কে একজন রমণী সর্ব্বাঙ্গে নানাবিধ অলঙ্কার পরিয়া, ছোট্ট একখানি জাপানী পাখা হাতে 'হাওয়া খাইয়া' বেড়াইতেছেন। রমণীও বোধ করি ইহাদের দেখিতে পাইয়াছিলেন, লজ্জায় জড়নড় হইয়াই বোধ করি সরিয়া গেলেন। স্মৃশীলার আশা হইল, এইবার নিশ্চয়ই সিংহ খবর পাইবেন এবং সংবাদ পাইলে যে তিনি একটি মুহূর্ত্তও বিলম্ব করিবেন না, স্মৃশীলা তাহা জানিত।...তবুও সে ঠিক এই সময়েই পদ্মিনীর বাহু আকর্ষণ করিয়া বলিল—চল পদ্মিনী!

পদ্মিনীও যথেষ্ট বিরক্ত হইয়া উঠিয়াছিল, বলিল—তাই চল বড় মা! সাহেব যেদিন পাঠশালা আসবে, বলো।

স্মৃশীলা চলিতে আরম্ভ করিয়াছে, একটি স্থলাঙ্গী স্ত্রীলোক আসিয়া বলিল—এসো গো বাছারা, গিন্নী ডাকছে।

স্মৃশীলার কণ্ঠে প্রশ্নটি উত্তর হইয়া উঠিয়াছিল যে, কিছুক্ষণ পূর্বের দেখা সেই অলঙ্কার বিভূষিতা নারীটি কে? সে বলিল—আর এখন যেতে পারব না, সন্ধ্যা হ'য়ে এল।

স্ত্রীলোকটি বলিল—একবারটি এস, বাছা, ডাকছে। এখনি না হয় যেও এখন। এস বাছা, এস।

## প্রীতির

### নিদর্শন

সুশীলা অগত্যা তাহাকে অনুসরণ করিয়া চলিল। কয়েকটা ঘর পার হইয়া যেখানে আসিয়া উপস্থিত হইল, সে ঘরটার মানী হইতে কড়ি কাঠটি পর্য্যন্ত বিলাতি সাজসজ্জায়, বিলাতি কুচিতে সুসজ্জিত। ঘরে কেহ ছিল না। সুশীলা তাহাদের বসিতে বলিয়া বাহির হইয়া গেল— তাহার এক মিনিট পরেই সেই রমণী আসিয়া বার দুই তিন ইহাদের আপাদ মস্তক লক্ষ্য করিয়া জিজ্ঞাসিল, কাকে খুঁজছিলে গা ?

সুশীলা বলিল—মিঃ সিংহের সঙ্গে দেখা করতে এসেছিলাম। তা তিনি বোধ করি অসুস্থ আছেন.....

রমণী আবার সেইরূপ সন্ধিগ্ধদৃষ্টিতে সুশীলার পানে চাহিয়া বলিল— অসুস্থ ! কোথায় পেল, বাছা. খবরট ?

সুশীলা প্রথমটা কথা কহিতেই পারিল না। শুধু যে প্রশ্নটাই অভদ্রতাসূচক, তাহা নহে। এই রমণীর সন্ধিগ্ধদৃষ্টি, ততোধিক তাহার বিস্ময়কণ্ঠস্বরে সুশীলার অত্যন্ত ঘৃণা বোধ হইতেছিল। সে রমণীর প্রশ্নের উত্তর না দিয়াই বলিল—তিনি অসুস্থ নন—সে ত ভালোই। একবার দেখা হতে পারে কি ?

অপরা কহিল—না।

সুশীলা নির্বাক ! এক মুহূর্ত পরে বলিল—আমি এসেছিলাম তাঁর কাছে স্কুলের সম্বন্ধে একটা পরামর্শ করবার ছিল।

কি পরামর্শ—শুনতে পাই ?

আপনাকে কি বলব, বলুন.....

তবে বলে কাজ নেই। ঝাঁর স্কুল তাঁর ঠিকানা দিচ্ছি—তাঁকেই জানিও।.....চাই ঠিকানা ?

স্কুল কার ?

রাণী দয়াময়ীর ! দয়াময়ীর ছেলে আছে, সেই এখন দেখা শুনা করবে ।

সুশীলা অত্যাধিক বিস্ময়ে অভিভূত হইয়া পড়িয়াছিল, বলিল, স্কুল, মিঃ সিংহের নয় ?

না গো, না । কতবার বল্‌ব ! রাণী দয়াময়ীর নাম শুনেছ ?— তাঁরই । দয়াময়ী মরেছে—তার ছেলে কুমার সত্যেন্দ্র কলকাতায় থাকে ।

সুশীলা জিজ্ঞাসিল—যদি কিছু মনে না করেন, আপনি কে—জান্তে পারি কি ? অবশ্য আপনি যে তাঁর আত্মীয় তা আমি বুঝতেই পারছি ।

রমণী ফ্রুটলহকারে কহিল—কি মনে হয় তোমার ?

সুশীলা বলিল—বিশেষ আত্মীয় বলেই ত মনে হয় । কিন্তু, আমরা ত অনেক দিন থেকেই জানি তাঁকে……

বাধা দিয়া রমণী বলিয়া উঠিল—এ রকম আত্মীয়ের কোন সন্ধানই পাও নি—এই ত ! হুঁ—তা বেশ বুঝতে পারছি ।

সুশীলা বলিল—আমরা যাই !

রমণী হাসিয়া কহিল—যাই ! তা কি হয় ? এতটা পথ এলে কষ্ট করে, দেখা হ'ল না, একটু মিষ্টমুখ করে যাও ।

সুশীলা হতভম্বের মত চাহিয়া রহিল । রমণী পুনশ্চ কহিল—স্কুলে ন্যাষ্টারী কর ?

ই্যা ।



## প্রীতির

## নিদর্শন

বাড়ী কোথায় ?

কলকাতা ।

হঁ.....বলি, কোন্ পাড়া ?

সুশীলা প্রশ্নটাই সন্ধ্যাক বুঝিতে পারিল না, তা উত্তর দিবে কি ?  
রমণী তাহাকে নীরব দেখিয়া কহিল—কলকাতার আমি সব চিনি গো  
সব চিনি । ও দোণাগাছী, রামগাগান, হাড়কাটা, বউ পদ্মিনীর গলি—  
সবই আমার জানা । বল না, কোন্ পাড়া ?

সুশীলা বিষয় দমন করিতে না পারিয়া কহিল—আপনি কি বলছেন,  
আমি ত তার একটি বিন্দুও বুঝিতে পারছি নে ।

তা ত পারবেই না । আচ্ছা থাক্—সে খবরটা অক্লেশেই নিতে  
পারব'খন । কতদিন এসেছ এখানে ? অনেক দিন নিশ্চয়ই । তা না  
হ'লে আর রাত্রে একলা, একটা কচি মেয়ের হাত ধরে, বাড়ীতে  
হাজির হ'তে পেরেছ ?

সুশীলা রক্তাক্ত মুখে নীরবে আগুনে পুড়িতে লাগিল ।

রমণী বাহিরের দিকে চাহিয়া উচ্চকণ্ঠে ডাকিল—ওরে সহ, সহ,  
জলটল খাবার কিছু নিয়ে আয়-না বাছা !

জল আমি খাব না । আমি যাই ।

রমণী সুশীলার হাতটি ধরিয়া বসাইয়া দিয়া বলিল—একটু বস,  
একটুখানি ।

আমাকে আপনি মাফ করুন । রাত্রি হ'য়ে আসছে, অনেকখানি  
পথ.....

গাড়ী দেব'খন । বসো—পাঁচ মিনিট ।

## প্রীতির

## নিদর্শন

এই সময়েই একটা ভৃত্য আসিয়া কহিল—বাবু জেগেছেন ।

রমণী তাহাকে বলিল—দিগে যা ছ' পাত্র—আমি আসছি এখনি ।  
আর দেখ, লাল বোতলটা থেকে দিস্ ।

সিংহ পীড়িত ?

রমণী হাসিয়া কহিল—হ্যাঁ । বিষম রোগ । যে রোগে ঘোড়া মরে' ফোত হয়, সেই রোগ ।—ছ' চার সেকেণ্ড খামিয়া নিয়মেরে জিজ্ঞাসিল—  
একটু চলবে ? লজ্জা কি ?—বলিয়া সে ছ' হাতে কি একটা ঢালার ইঙ্গিত করিল ।

সুশীলা বলিল—আমি জলটল খেতে পারব না, আপনি আমাকে  
দ্রাণ করুন !—পদ্মিনী কৈ ?

রমণীও বলিল—কোথায় গেল মেয়েটা ?

সুশীলা চারিদিকে চাহিয়া বলিল—কি জানি !

এ দিক ওদিক বেড়াচ্ছে বোধ হয় । তা বেড়াক । উট কৈ ?  
মেয়ে ?

হ্যাঁ ।

তা বেশ, বেশ । ক'বছরের হল উট ? বছর নয়েক হ'বে না ?

ঐ রকমই হ'বে ।

রমণী হাসিয়া বলিল—ঠিক হিসাবে নেই ? আচ্ছা যা হোক !  
মুখখানা কিন্তু তোমার মত-ও নয়.....এই যে সহ !

সুশীলা দাঁড়াইয়া উঠিয়া বলিল—সত্যি বলছি আপনাকে, আমাকে  
ক্ষমা করুন ! আর আপনার লোকটিকে বলুন, পদ্মিনীকে ডেকে  
দিত্তে ।

তা বলছি। ও-রে সত্ৰ, দেখত, মেয়েটি কোথায় গেল !

সত্ৰ বাহির হইয়া যাইতেই রমণী বলিল—বস, বস। একটু কিছু মুখে দাও, যা পারো। দেখ ভাই' বাঙ্গালীর ঘরে এ রীত্ আছে।

সুশীলা মুহূৰ্ত্তে কহিল—এ খাবার সময় নয়, কেবল আপনার কথা রাখবার জন্তেই... বলিয়া সে একটুকরা সন্দেশ গালে ফেলিয়া খানিকটা জল গিলিয়া ফেলিল।

রমণী এবার স্নেহবিগলিতস্বরে বলিতে লাগিল—এই ত ভাই কথা রাখাও হ'ল, গৃহস্থের কল্যাণ করা-ও হল।

সুশীলা কথা কহিল না।

রমণী জিজ্ঞাসিল—তোমার নামটি কি ভাই ?

সুশীলা নাম বলিল।

আমার.....

সুশীলা ভদ্রতা রাখার উদ্দেশ্যেই কহিল—আপনারটি ত বলেন না ?

রমণী হাসিয়া বলিল—আমার নাম ভাই সরসী। দেখ এই তোমার নামটি বেশ, তবে বড় পুরোণো ! সেকেলে, সেকেলে, না ?

সুশীলা বলিল—তা হ'বে। নাম ত আর নিজের রাখা নয়।

তা বটে ! বেশ নামটি তোমার মেয়ের। পদ্মিনী—বেশ নতুন নামটি। দেখ-ভাই সুশীলা, প্রথমটা তোমার ওপর আমার একটু রাগই হ'ছিল, এখন আর তা নেই। দু'টো কথা বলব, তোমারই হিতের জন্তে। যদি রাখ ত বলি ?

অদম্য কৌতূহলের বশেই সুশীলা বলিল—বলুন না ?

রমণী বলিল—দেখ এর আর বেশী দিন নয়। ঐ লালবাতী না কি

বলে তাই জালছে। সেই লালবাতীর টুনার কাছে খবর পেয়েই ত আমি এখানে এসেছি।.....সে আপন মনেই বলিতে লাগিল জলবে না? অত নবাবী কি ধোপে ঢেঁকে! পাঁচখানা মটর রাখা, ঢাকার নবাবই পারে না, তা উনি ত উনি, পুঁটি মাছ! লালবাতীয়ালাই বললে ঘেনায় একেবারে কণ্ঠায় কণ্ঠায় হ'য়ে পড়েছে, বড় আদালতের হুকুম নিয়ে বাতী জালবে।

সুশীলা বলিল—ইন্সলভেন্সি?

রমণী বলিল—কে-জানে বাপু কি ভেন্সি। লালবাতীই ত বলে, দেউলে, দেউলেও বলে।

সুশীলা 'হাঁ' করিয়া চাহিয়া রহিল, তলে তলে এমনটি হইয়াছে! হুঃখে তাহার মুখ অত্যন্ত স্নান হইয়া গেল।

সরসী কহিল, তোমাকেও তাই বলছি, ঐট হ'য়েছে, তোমারও ত একটা হিল্লো করে নেওয়া চাই; তা কিছু নগদ টগদ নিয়ে, কি-বল? তা হাজার পাচক দিইয়ে দিতে পারব। বেশীও কিছু পারতুম কিন্তু তাই তা আর হ'বে না—তোমার ঐ একটি, আমার পাঁচটি! বড়টি এই সবে চোদ্দ, তার পরেরটি বারো, এগারো, নয়, তিন—মাঝে একটি মারা গেছে কি-না। তিনটি মেয়ে, শেষের ছ'টি ছেলে।

সুশীলা হাঁ করিতে গেল, সরসী সেই ক্ষুদ্র অবসরটুকুও না দিয়াই বলিল—অনেক পাগ করেছে, শেষাশেষি ভোগটিও বড় অন্ন হ'বে না। শুনেছি না-কি লালবাতী জাললে লোক পথেও বার হ'তে পারে না। না-গো, অজ্ঞাতবাস—আর কি!

না, না, ওসব মিছে কথা! ঢের ইন্সলভেন্ট আছে—বেশ কাজকর্ম করছে, ঘুরে বেড়াচ্ছে, ছেলে মেয়ের বিয়ে দিচ্ছে।

## প্রীতির

### নিদর্শন

তাই না কি ?

হ্যাঁ । আমি দেখেছি, জানি ।

তা সে মরুক গে যাক । আমি ভাই এখনই একটা বিলি ব্যবস্থা করে নিতে চাই । তাই যেদিন এসেছে, সেদিন থেকেই আটকে রেখেছি— আমার টুর্নী এলে, লেখাপড়া করে তবে ছাড়ব । আজই রাত্রেই গাড়ীতে রমেশ বাবু আসবে । তা, তুমি ভাই ঐত্তেই রাজী ত ? রাজী হ'য়ে পড় ভাই । নইলে দুই-ই যাবে । শেষে কিছুই পাবে না ।

আপনি কি বলছেন ? ? ? আমি কিছুই চাই নে ।

সরসী বলিল—কেন ভাই অবুঝ হ'চ্ছ ? পাঁচহাজার ! এমনই বা কি কম ! তার ওপর, লেখাপড়া জান, মাষ্টরী করতে পার, তোনার ভাবনা কি ? ঐ দয়াময়ীর ছেলে কুমার সত্যেন্দ্র যদি স্কুল রাখে সে ত আর তোমাদের তাড়াবে না । আমরা ভাই মুখ্য সূখ্য মানুষ - আমাদের এই একমাত্র ভরসা । দেখ ভাই সুশীলা, এই তিনটে বছর কি কম ভুগিয়েছে আমার ? শুন্‌লুম রাঁচিতে, এলুম, অমনি পাগাল কোথায় ঝরিয়া, কোথায় সিমলে, কোথায় কাশী ! এমন করে ঘুরিয়ে মেরেছে ! শুন্‌লুম কলকাতায়, গেলুম, গিয়ে দেখি পালিয়ে পালিয়ে বেড়াচ্ছে । এবার তাই মতলব করে আগে-ভাগে এসে পাকড়াও করেছি । তাই কি থাকতে চায়—কত হাঙ্গাম ;—শেষ মদের পিপে চাপা দিয়ে তবে রাখতে পেরেছি ।

আতঙ্কে শিহরিয়া সুশীলা বলিয়া উঠিল, চাপা দিয়ে !

সরসী মুহূ হাস্য করিল । বলিল—না, গো, সে-রকম কিছু নয় । বোতল, বোতল, বোতল । এবার আবার কলকাতায় গিয়ে না-কি

## প্রীতির

## নিদর্শন

ক'টা মেয়ের সর্বনাশের চেষ্টায় ছিল, কদিন নেশার মুখে তা'দেরই নাম করেছে ! কি-ষে ভালো নাম তিনটে করেছে, ভুলে যাচ্ছি—মরণ আমার মনের ! কিছু যদি মনে থাকে ! হ্যাঁ হ্যাঁ, হ'য়েছে নীলা, নীলা, আর একটা স্মু, হ্যাঁ স্মু-ই বটে !

সুশীলা পাংশু বিবর্ণ-মুখে নিঃশ্বাস রোধ করিয়া বসিয়া রহিল । সরসী বলিতে লাগিল, এমন সর্বনাশ যে কতজনের করেছে তার কি আর 'হিস্তে' আছে ভাই ? আজ বলতে বুক ফেটে যায়. বোন, আমারই এ সর্বনাশ যেদিন করেছিল.....বলিতে বলিতে সরসীর কণ্ঠ বাষ্পরুদ্ধ হইয়া গেল । এক মিনিট পরে সে সজল কণ্ঠেই কহিতে লাগিল - এই পাপেই রাবণরাজা সবংশে নিধন হ'য়েছিল—তা এ-ত তুচ্ছ মানুষ ! ভাই, আমার কথা রাখ । অমত করো না, আর ভাগীদার জোটবার আগেই আমার কথায় রাজী হও, টাকাটা আমার টুর্নী রমেশ বাবু এলেই তোমাকে পাইয়ে দেব ।

এই সময়েই পদ্মিনী আসিয়া সুশীলার পাশে দাঁড়াইয়া মৃদুস্বরে বলিল—বড়মা, সাহেব ও ঘরে গুয়ে রয়েছে । আমাকে ডেকে সব জিজ্ঞাসা করলে । তারপরই কি রকম একটা শব্দ করে লাফিয়ে উঠল, তখন আবার চিং হ'য়ে ধপাস্ করে গুয়ে পড়েছ । এই দেখ-সেনা, বড় মা !

সরসী বলিল—দেখ্বে, এস ।

সুশীলা ঘেন কলের পুতুলটির মতই সরসীকে অনুসরণ করিয়া চলিল । পথে সরসী কহিল—যখন কলকাতা যাবে, আমার সঙ্গে দেখা করো ভাই । বুঝ্লে ? বন্ধুত্বই যখন হ'ল । তোমাকে আমি ঠিকানা বলে দেব—বুঝ্লে ?

## প্রীতি

### নিদর্শন

সুশীলা হঠাৎ থামিয়া পড়িয়া বলিল—আর আমি যাব না, আপনি যান।

আর যেতে হ'বে না। ঐ যে!—বলিয়া সরসী সুশীলার স্বন্ধে হাত দিয়া এ-দিক নির্দেশ করিল। সুশীলা যাহা দেখিল, তাহাতে তাহার সর্বস্ব রোমাঞ্চিত হইয়া উঠিল। সিংহ প্রায় নগ্নবেশে টলিতে টলিতে এদিকেই আসিতেছিলেন। সুশীলা হু'হাতে মুখ ঢাকিয়া কহিল—আয় পদ্মিনী। চলে আয়।

সিংহ নিকটে আসিয়া সরসীর কেশাগ্রভাগ আকর্ষণ করিয়া দন্তে দন্তে কহিলেন—সর্বনাশী! এবার কি হয়?

সরসী হো হো করিয়া হাসিয়া বলিল—কি আবার হ'বে?

কি হ'বে?—দেখেছি?—শুনিয়া সুশীলাও চক্ষু তুলিল। দেখিল দক্ষিণ হস্তে পিস্তল উঠাইয়া সিংহ সরসীকেই লক্ষ্য করিতেছেন।

সরসী কিন্তু ভয় পাইল না, সে আবার হাসিল, বিকট হাসি হাসিল। হাসিয়া বলিল—কর গুলি,—কর!

করি?

কর।

সুশীলা ভয়ানকভাবে চীৎকার করিয়া কহিল—কি করছেন?

গুলি। একসঙ্গে তিনটি, না, না চার। তুমি, আমি, এই সর্বনাশী আর ঐ মেয়েটাও।

পদ্মিনী সুশীলার কাপড়ের ভিতর মুখ লুকাইয়া কাঁদিয়া উঠিল। সুশীলা বলিল—আমাকে মারুণ, আমার মরণই মঙ্গল, ও-কে কেন?

সিংহ বলিলেন—সব। প্রথমে তুই।

শ্রীতিব্র

নিদর্শন

সরসী বলিল—কর, কর। থামলে কেন?—পিস্তল খট করিল, কিন্তু অগ্নিরাক্ষস দেখা দিল না।

সিংহ পিস্তলের কার্তুজের ঘর নিরীক্ষণ করিয়া কহিলেন—খুলে নিয়েছিস?

নেব না? নইলে যে তুমি আত্মহত্যে হ'তে!

সিংহ সজোরে পিস্তলটি কক্ষ গাত্রে নিষ্কিপ্ত করিয়া, সরসীর গলাটা টিপিয়া বলিলেন—এইবার!

সরসী চীৎকার করিয়া উঠিল—নিধু! নিধু!

নিধু উদ্ধ্বাসে আসিয়া সিংহের পৃষ্ঠে গোটা তিনেক ঘুঁসি লাগাইয়া সরসীকে মুক্ত করিল। নিধিরাম কলকাতার একজন প্রসিদ্ধ গুণ্ডা, সরসীই তাহাকে আনিয়াছিল। সরসী মুক্ত হইয়া গণ্ডে হাত বুলাইতে বুলাইতে কহিল—দেখেছ? এইবার বুঝেছ কি? সে সরসী এ নয়। যাকে ভুলিয়ে ঘরের বার করেছিলে, সেই বোকা, পাড়ার্গেয়ে, তেরো বছরের হতভাগী সরসী এ-নয়। এখন ইচ্ছা করলে তোমার মুণ্ডুটাই..... নিধিরাম!

নিধিরাম সিংহের পৃষ্ঠে আর একটা ঘুঁসি বসাইয়া বলিল—হ'য়েছে!

সিংহ মাটিতে পড়িয়া আর্তনাদ করিতে লাগিলেন। নিধিরাম দু'একটা মাঝে মাঝে আরও পুরস্কার প্রদান করিতে ভুলিল না।

সরসী বলিল—এই একটা মেয়ের সর্বনাশ করেছে! আবার কলকাতায় কা'দের চেষ্টায় ছিলে, কে-জানে! ক'দিন যে তা'দের খুব নাম করছিলে? কি ভালো নাম ছ'টো—সু আর নীলা! এই, না? বল-না, একবার শুনি?



## প্রীতির

### নিদর্শন

সিংহ গর্জন করিল—Infernal bitch !

সুশীলা এই প্রথম কথা কহিল, বলিল—কে, বদশ্চাম বাবু?  
উনি, না—?

সিংহ উঠিবার চেষ্টা করিতেই নিধিরাম ক্ষতস্থানে মশকে ঔষধ প্রদান করিল।

সরসী বলিল—বঁধে ফেলে রাখ্, নিধু। মদ দে, যত চায়, তত দে !  
আজকের রাতটা। কাল সকালে রমেশ বাবু এসে পড়লে, সব ঠিক  
হ'য়ে যাবে। দে-দে, খুব মদ দে।

সিংহ মুখ-ব্যাদান করিয়া রহিল।

সরসী নিধুকে ইঙ্গিত করিয়া, সুশীলাকে বলিল—চল ভাই, গাড়ী  
ছুতে দিতে বলি তোমাকে। আর যদি রাজী থাক, পশু একবার এস,  
টাকাটা নিয়ে যেও।

সুশীলা বলিল—সরসী ভাই, বন্ধু, তোমাকে অসংখ্য ধন্যবাদ !  
টাকার আমার দরকার নেই ভাই। তবে তুমি যা বল্ছ যদি সত্য হয় ঐ  
পাঁচ হাজার টাকা শুকেই তুমি দান করো। শুয় বিপদকালে কাজে  
লাগবে। আমার এই অনুরোধটি তুমি রেখো ভাই। আনাকে তুমি  
বন্ধু বলেছ, মনে আছে ?

আছে।

কথা রাখবে ?

রাখব। কিন্তু তোমার……

সুশীলা হাতটি উর্দ্ধে উত্থিত করিয়া কহিল—আমার ভিনি আছেন,  
সরসী।

প্রীতির

নিদর্শন

বেশ, বন্ধু বেশ ! চল ।

চল, বলিয়া স্নানীলা পদ্মিনীর হাত ধরিল । সিংহের দিকে ফিরিয়া  
বলিল, ঠুকে তুলে শুইয়ে দিতে বল, বন্ধু !

নিধু !

—তাহারা বাহির হইয়া গেল ।

ত্রয়োবিংশ পরিচ্ছেদ

হিন্দুয়ানী ।

রাত্রি ভোর হইয়াছে । অন্ধকার তখনও পৃথিবীকে ত্যাগ করিয়া  
ঘাইতে পারে নাই, স্নানীলা খড়খড়িটা ফাঁক করিয়া দেখিয়া, বিছানায়  
ফিরিয়া আসিয়া কহিল—ভোর যে হ'য়ে গেল, খগেন বাবু । একটু  
সুতেন না আপনি ? এইবার একটু গড়িয়ে নিন্, আমি ত আছি, আর  
জর যখন ছেড়েছে বলছেন—

খগেন বলিল—তুমিই হাত দিয়ে দেখ-না স্ন ! আমি কি মিছে  
বলছি ?

আমি ও বুঝতে পারি না ।

খগেন স্নানীলার হাতটি ধরিয়া বলিল—গরম কি ঠাণ্ডা বুঝতে পারবে  
না । কি রকম মনে হ'চ্ছে ?

ঠাণ্ডাই ত মনে হয় ।

## প্রীতির

### নিদর্শন

ঐ জায়গায় হাত দিয়ে, যারা নাড়ী দেখতে জানে না, তারা জর নির্ণয় করে। পীজরাটা হ'ল জর-বোর্ড আর কি !

সুনীলা হাসিয়া বলিল—আচ্ছা, আপনি এত শিখলেন কোথেকে বলুন ত ? ক্যাম্বেল হাঁসপাতালের অফিসে সেই একাউন্টেন্টের কাজ করেই কি ?

সুনীলার হাতখানি তখনও খগেনের স্পৃষ্ট থাবার মধ্যেই ছিল। সে'টিতে চাপ দিয়া খগেন কলিল—হ্যা গো, হ্যা, তাই করেই। কিন্তু বিচ্ছেটা কি-রকম হ'য়েছে তা বল ?

সুনীলা হাসিয়া বলিল—উঁ হুঁ, কিছু হয় নি। কেবল আন্দাজী কতকগুলো.....

খগেন তাহার হাতের একটা আঙুল মট করিয়া মটকাইয়া দিয়া বলিল—তাই বৈ কি ! কাল কি রকম ? আমি বলুম, জর ১০০° থার্মোমিটারে কত উঠলো ম'শাই ? তিন নয় ?

সুনীলা বলিল—সে আমিও পীজরায় হাত দিয়ে বলে দিতে পারি। কিন্তু কাল সন্ধ্যাবেলা বসেন যে জরটা রাত ১২টার সময় ছেড়ে যাবে, আমি দু'টোর সময় থার্মোমিটার দিয়ে দেখলুম, তখনও রয়েছে। এই ত হ'ল না ম'শাই, মিলল না ত।

না মিলুক, জর ত ছেড়েছে, বলিয়া সে আবার সেই শিখিল, শীতল, স্নিগ্ধ করতলটি চাপিয়া ধরিল। সুনীলা জিজ্ঞাসা করিল—আচ্ছা খগেন বাবু, এত খবরও নাড়ী দেখে পায় ?

সুনীলায় অবিশ্বাসের স্বরে খগেন বিস্মিতই হইল; বলিল—কালই যে বলুম সু ! এই খবর কি বলছ, এক বছর, দু'বছর, দশবছরের খবর

## প্রীতির

## নিদর্শন

পাওয়া যায় ! অন্ততঃ আমাদের দেশের বৈজ্ঞগণ পেতেন আগে ! এখন সে শিক্ষাও নেই, কিছুই নেই । আমার বুদ্ধমাতামহের না প্রীতান এমনই ছিল, একবার তিনি একটি লোকের নাড়ী দেখে তার ছেলেকে বলে দেন, অমুক বছরের অমুক মাসের অমুকদিনে তোমার বাবাকে গঙ্গান্নান করাতে ত্রিবেণী নিয়ে যাবে । ছেলের কারণ জিজ্ঞাসা করলে ! “নিম্নে বেও না বাপু !” কিছুদিন আগেই বেরিয়ে তারা ঠিক ত্রিবেণী পৌঁছোল । এবং সেইদিনে সেইসময়ে বুদ্ধ সন্তান বেষ্টিত হ’য়ে সজ্ঞানে গঙ্গান্নান করলে !

সত্যি খগেন বাবু ?

মিথ্যে হবার কোন কারণ নেই । আমার বাবার মুখে শুনেছিলুম এই ঘটনা । আমার বাবা মিথ্যে বলতেন না ।

তা জানি । বাবার কাছে অনেকবার শুনেছি । আচ্ছা আপনি নাড়ী দেখতে শিখলেন কোথায় ? সত্যিই কিছু হাঁসপাতালে.....

খগেন বলিল—না । আমি শিখেছিলুম আমার এক মামার কাছে । ঐ বুদ্ধমাতামহেরই বংশের ।

সুনীলা বলিল—আপনি ডাক্তারী করেন না কেন খগেন বাবু ?

এইবার করব । বলিয়া খগেন হাসিল ।

হাসছেন কেন ? এ’টা কি হাসির কথা হ’ল ? কি-ছাই চাকরী করেন ? সারা মাস খেটে একশ’টি টাকা ! কতই বা বাড়বে ? হ’ল তিনশ’ই হোক । স্বাধীন জীবিকা-কে জীবিকা হ’বে, আর পরনা-ও হ’বে । তাই করুন, খগেন বাবু ।

খগেন বলিল—তাই করব, তোমার যখন অসুখ হ’বে, আমাকেই ডেকো । ফি-টা-ও দিও—যেন তার বেলায় ফাঁকি দিও না ।

## প্রীতির

### নিদর্শন

সুনীলা বলিল—আপনি আমার অসুখ কামনা করছেন, খগেন বাবু?

নৈলে আর ডাক্তারী করব কোথায় বল? কে-ই বা ডাক্বে কেই বা ভিজিট দেবে? চাকরী-বাকরী ছেড়ে যে বসব, পেট চলা চাই ত! সেই ইন্দু ডাক্তারের মা'র গল্প জান ত? জান-না?

সুনীলা বহিল—বাজে কথা আমি শুন্তে চাই-নে।

খগেন বলিল—শোনই আগে। বাজে নয়। পাড়াগাঁয়ে ইন্দু ডাক্তার চিকিৎসা করে। এখন গাঁ খানায় বেশী লোকের বাস নয়, ডাক্-টাক্ ও বড় কম। ডাক্তারের সংসার চলা দায় হ'য়ে পড়েছে। ডাক্তার নিজে কি করে জানি নে, ডাক্তারের বড়ী মা সত্যনারায়ণের সিনী টিনী দেয়। এক সময় গাঁয়ে বারোয়ারী হ'বে, রক্ষে কালী পূজা। চাষার দল সব চাঁদা চাইতে গেছে, ডাক্তারের মা কেঁদে কেটে বল্লে—বাছা চাঁদা দেব কি বল? ইন্দুর কি আমার রোজগার পাতি আছে! মা কালী করুণ, গাঁয়ে মড়ক-টড়ক হোক', তখন চাইতে হবে না, বাবা, তোমাদের বাড়ী আমি নিজে বয়ে দুনো চাঁদা দিয়ে আসব। মা কালী মুখ তুলে চান্, তখন আমি নিজেই জোড়াপাঁঠা দিয়ে তাঁর পূজা দেব।—শুনে চাষার দল বল্লে, দোহাই মাঠাকরুণ, তোমার চাঁদা দিতে হ'বে না, আমরা অননিই মা'র প্রসাদ দিয়ে যাব। তা আমার ডাক্তারীতেও প্রথম কামনা হে মা কালী, সু-র অসুখ দাও, নৈলে আর পেট চলে না!—এই ত!

সুনীলা হাসিয়া বলিল—তা বৈ কি! অমন নাড়ীজান আপনার, কলকাতায় ডাক্তারখানা খুলে কত লোক ডেকে নিয়ে যাবে।

তা'না হয় নিয়ে গেল ! চিকিৎসে কি রকম হ'বে ? 'বাপু হে, তুমি বাছুর খেয়েছ'—গোছ না কি ?

সে আবার কি ?

এক কবরেজের এক শিষ্য ছিল। শিষ্যটি প্রায়ই কবিরাজের সঙ্গে রোগী দেখতে যেত। একদিন একটা রোগীর বাড়ী কবিরাজ রোগীকে বসেন—তোমায় বারণ করলুম বাপু, শুন্লে না, খই টই শুলি খেলে, পেটটি যে বড়ই ক্ষীত হ'য়েছে ! এখন বাড়ীর লোক, রোগী নিজে, সবাই ত অবাক। কবিরাজ তবে হাত গুণ্তেও জানেন। শিষ্যটি কিন্তু বেশ চালাক, সে দেখতে পেলে বিছানার পাশে গোটাকতক খই তখনও পড়ে রয়েছে। যাক্ কবিরাজ ত মহালবঙ্গ চূর্ণ না কি খেতে বলে গেলেন—রোগীও সে যাত্রা বেঁচে উঠলো। এদিকে কিছুদিন পরে শিষ্যটি 'স্বাধীন' হ'য়ে স্বয়ং কবিরাজ হ'য়ে বসলেন। একটা রোগীর খুব বাড়াবাড়ি। কিছুতেই কিছু হ'চ্ছে না, বাড়ীর লোকও চটে উঠেছে। কবিরাজ নিজেও চটে উঠেছেন। তিনি চটেছেন, রোগীর ওপর ! কিন্তু কোন খুঁতই পাচ্ছেন না। একদিন, এখন, ঘরে ঢুকেই দেখলেন, একগাছা বাছুরের দড়ী রয়েছে পড়ে বিছানার কাছেই। রেগে অগ্নিশ্রমী হ'য়ে বসেন—এরকম অত্যাচার করলে কি রোগ সারে বাপু ! এই যে কুপথ্যটি করেছ, বাঁচান দায় হ'য়ে উঠলো যে !—শুনে সবাই অবাক। কবিরাজ বসেন—বাপু খিদেই না হয় পেয়েছিল, তাই বলে হিন্দুর ছেলে হ'য়ে ঐ অথাটটিই খেয়ে বসলে !—কি ম'শায় ! কি খেয়েছে ! —আর ম'শায় ! ঐ দেখুন-না একটি গো-বৎসই খেয়ে বসে আছেন !... শুনে বাড়ীর লোক কি করলে জান ? দমাদম, দমাদম ! ধনঞ্জয় ! ধনঞ্জয় !

## প্রীতির

### নিদর্শন

সুনীলা হাসিয়া লুটোপুট ঝাইতে লাগিল। বলিল—ওহ্-হ, খগেন বাবু, খগেনবাবু, এতও আপনি জানেন?—সে লুপ্তিত চাবিশুদ্ধ অক্ষসটি স্বন্ধে তুলিয়া দিল।

খগেন আবার তাহার হাতটি ধরিয়া বলিল—এ-রকম করি? কি-বল? তার পর উত্তম মধ্যম খেয়ে.....

সুনীলা হাসিয়া বলিল—আবার! খগেনবাবু, আবার!

অল্পক্ষণ পরে কহিল—সত্যি আপনি ডাক্তারী পড়লে উন্নতি করতে পারতেন, খগেনবাবু, নিশ্চয়ই।

বোধ হয় পারতুম! একটু হাসিয়া পুনরায় কহিল—কি-রকম জ্ঞান? মূর্থ বয়সে ছেলে অস্ত্রে অনেক লেখা পড়া শিখেছে, পাশ করেছে শুনলে যেমন স্বগতোক্তি করে—পড়লে আমিও পারতুম!

আচ্ছা খগেনবাবু এখন পড়লে হয় না?

খগেন তাহার গম্ভীর মুখের পানে চাহিয়া কহিল—হয়! কিন্তু আমার আকিঞ্চে যে বড় উঁচু, সু—

কি আবার ‘আকিঞ্চে’?

শুধু একটা ডাক্তারী খেতাব নিয়ে পয়সা পেটাই আমার চরম ও পরম লক্ষ্য নয়। যদি ডাক্তারীই করতে হয়, ও শাস্ত্রের যেখানে বা আছে, বিলেত টিলেত ঘুরে পড়ে শুনে আসতে ইচ্ছে হয়। কিন্তু, সে ত আর হ’বার নয়।

সুনীলা জিজ্ঞাসিল—কত টাকা থাকলে হ’ত খগেনবাবু?

খগেন অন্যমনস্কের মত কহিল—কি বলছ?

সুনীলা প্রমত্ত পুনরায় কহিল। খগেন একমুহূর্ত্ত ভাবিয়া স্নান মুখে  
জবাব দিল—অনেক টাকা, তবে ঠিক কত, জানিনে।

ফেগিলা বলিল—আপনার বন্ধ বোরেল্লাবু জানেন।

খগেন সুনীলার হাতটি ছাড়িয়া দিল। সুনীলা ও খগেন উভয়েই  
জানিত, সে নিদ্রামগ্ন।

খগেন কহিল—তিনি ত জানবেনই।.....এখন কেমন আছ  
নীলা?

বেশ আছি—বলিয়া ফেগিলা অন্তরিকে মুখ করিয়া শুইয়া পড়িল।  
কিছুক্ষণ ইহারা আর কোন কথা কহিল না। খড়খড়ির ফাঁকে ফাঁকে  
অরুণোদয়ের আভাষ জানিয়াই সুনীলা উঠিয়া দাঁড়াইয়া বলিল—আপনি  
মুখ হাত ধুয়ে ফেলুন, চা করে আনি।

আধঘণ্টা পরে মূহু পদে ঘরে ঢুকিয়া বলিল—এখনো ঘুমচে ত?

খগেন বলিল—হ্যাঁ। এখন কিছুক্ষণ ঘুমোবে।

সে ভালই। আসুন আপনি।—বলিয়া সে অগ্রবর্ত্তিনী হইল।

অন্তদিনের মত কাশ্মিরী বারান্দায় চাথের টেবিলে ট্রে রাখিয়া  
ভূতা দাঁড়াইয়াছিল, খগেন বলিল—পড়বার ঘরে আন-সু।—নীলা উঠলে  
শব্দ পাওয়া যাবে।

সুনীলা নিজেই সমস্ত লইয়া আসিল। ভূতা টেবিলটা কক্ষ মধ্যে  
পাতিয়া দিয়া প্রস্থান করিল।

খগেন চা খাইতে খাইতে কহিল—তুমি থাকে না-সু?

থাক'ধন।

এখন না?



## প্রীতির

### নিদর্শন

না। একটু পরে খাব।

রক্ষানি দ্বারটি ঠেলিয়া আবার সরিয়া যাইতেছিল, সুনীলা ডাকিল।  
রক্ষানি “একটু পরে আস্ব দিদি,” বলিয়া চলিয়া যাইতেছিল, সুনীলা  
দ্বার-সন্নিহিতে আসিয়া কহিল—এখনই এস-না, রক্ষানি। একটু পরে  
আবার স্নান করতে যাব।

রক্ষানি নতমুখে কহিল—একটা কথা বলতে এসেছিলুম দিদিমণি।

তাহাকে ইতঃস্তত করিতে দেখিয়া সুনীলা অভয়-কণ্ঠে কহিল—  
বল-না রক্ষানি।

তবুও সে ইতঃস্তত করিতেছে, সুনীলা স্নেহমাখা স্বরে বলিল—কি  
রক্ষানি?

রক্ষানি বলিল—বাড়ীতে অসুখ-বিসুখ। কি করে’ বলি, দিদিমণি?  
তার ওপর তুমি আবার একলা। কিন্তু...

সুনীলা বলিল—বল।

আমাদের পরব পড়েছে দিদিমণি।

ওঃ! মহরম বুঝি?

হ্যাঁ। আমার ত বলতে সাহস হয় না দিদিমণি, এমন অচল সংসার  
ফেলে যাই-ই বা কেমন করে?

সুনীলা উৎসাহিত হইয়া বলিল—তাই বলে তোমার ধর্মকাৰ্য্যে যোগ  
দিতে পাবে না তুমি! না রক্ষানি, তুমি যাও। আমি বলছি।

রক্ষানি নতমুখে স্থলিতস্বরে কহিল—তোমাদের দুর্গো পূজার মত  
বড় পরব এ’টা কি না আমাদের! তাই...

আমি জানি রক্ষানি। তুমি যাও। তারি ত কাজ, আমি চালিয়ে নেব।

তোমার কষ্ট হ'বে....

কিছু হবে না, রক্ষানি। হৃদশদিন চালিয়ে নিতে আমার কোনই কষ্ট হ'বে না। বরং তোমাকে ছেড়ে দিতে না পারলেই আমার কষ্ট হ'বে। তুমি যাও রক্ষানি।—কবে আসবে আবার?

পশু' আসব, দিদিমণি। আর যদি পারি, কাল রাত্রেই আসব।

বেশ।

রক্ষানি কৃতজ্ঞতাপূর্ণস্বরে একটি একটি করিয়া কহিতে লাগিল—  
তোমাকে যে এতটুকু বেলা থেকে জানি দিদিমণি। কর্তাবাবু বরাবরই কইতেন, রক্ষানি, হিতেন আর সুনীলা এরা দু'টি আমার ছেলে। এদের এত বুদ্ধি, এত বিবেচনা, এত দয়া-নায়া.....ইত্যাদি।

রক্ষানি বাহির হইয়া যাইতেছিল, সুনীলা তাহাকে পুনরাব্রাহণ করিয়া কহিল—এ সময় বাবা যে তোমায কি দিতেন রক্ষানি। কৈ, তা ত তুমি বলেন না?

সে হ'বে। কর্তাবাবু আসুন-না।

না, না। বাবা আজ উপস্থিত নেই বলেই কি তাঁর নিয়মিত কাজগুলি বাদ পড়বে! তা কি হয়? কি দিতেন, বল রক্ষানি? না বল, বাবার হিসেবের খাতা ত আমার কাছেই আছে, দাঁড়াও.....জানি।

রক্ষানি বলিল—দিদিমণি, বাবু নতুন কাপড়, একটা জামা, একটা টুপি দিতেন, আর নগদ দশটা টাকা দিতেন।

তুমি একটু দাঁড়াও—বলিয়া সুনীলা বাহির হইয়া গেল। মিনিট তিনেক পরেই একখানা বাঁধা খাতা হাতে ফিরিয়া আসিয়া বলিল—আঠারো টাকা, না, রক্ষানি? এই নাও।

## প্রীতির

### নিদর্শন

রক্ষানি অতি বুদ্ধ হইয়াছে। ঘাইবার কালে সে জড়িতস্বরে অনেক কথাই বলিয়া গেল, কেহই সেগুলি স্পষ্ট বুঝিতে না পারিলেও, যতটা তাহাদের কাণে গিয়াছিল তাহাতেই একজনের মুখ লজ্জায় গোলাপ বর্ণ ধারণ করিল, আর একজন সেই মুখের পানে মুগ্ধদৃষ্টিতে চাহিয়া স্ববিরের মত বসিয়া রহিল।

সুনীলা তাহা দেখিয়াই আবার লাল হইয়া বলিল—আপনি এখন নীলার কাছেই বস্‌হেন ত খগেন বাবু! আমি স্নান টান করে আসি।

খগেন যেন নিদ্রোখিতের মত বলিয়া উঠিল—তাই এসো।

বঁটা হুই পরে সুনীলা যখন ঘরে ঢুকিল, খগেন চমকিতস্বরে বলিয়া উঠিল—পূজো করছিলে না-কি স্ন ?

সুনীলা হাসিল। মাথাটা নাড়িয়া মৃদুকণ্ঠে কহিল—পূজো করব, নত্ব ত জানি নে, খগেন বাবু! রান্নাঘরে হিলুম। নীলা জাগে নি?

না। কিন্তু রান্নাঘরে গরদ পরে' ঢুকতে হয়, এ তুমি জানলে কোথেকে?

সুনীলা চেয়ারটা টানিয়া বসিয়া পড়িল। হাস্তফুলস্বরে কহিল—দেখানেন থেকেই জানি না কেন! জানি ত!

হা না-হয় জান। দেখতেই পাচ্ছি। কিন্তু যখনই যাও রান্নাঘরে, তখনই কি গরদ পর? কখনো দেখি নি কি-না, তাই জিজ্ঞাসা করছি।

তখন কেন ঢুকব? তখন ত আমি রাঁধি নে, রক্ষানি রাঁধে। সত্যি বল্‌চি আপনাকে, কেন যে বাবা একটা মুসলমানকে দিয়ে রান্না

## প্রীতির

## নিদর্শন

বান্নার কাজ করান, এ আমি কিছুতেই বুঝতে পারি নে। এতে সুখই বা কি হয় তা'ও ত জানি নে।

আমি জানি স্নু।

কি? রক্ষানিকে স্নেহ করেন, তাই? সে ত অল্প কাজ দিয়েও রাখতে পারতেন। তা নয়, খগেন বাবু। অল্প কারণ আছে এর।

খগেন বলিল—আছেই ত, স্নু—তঁার অল্প উদ্বেগ। তিনি চান পৃথিবীতে নতুনত্ব স্থাপন করতে।

নতুনত্ব স্থাপন করতে? ঐ বুঝি নতুনত্ব? কি কথাই বলেন! ৬-৭ হাজার হাজার লোকে করে।

খগেন বলিল—ও নতুনত্ব না। তিনি ত চান না, বিশ্বব্রহ্মাণ্ডের কারু সঙ্গে তাঁর কোন যোগ রাখতে।

কি রকম?

কি রকম? দেখ, তিনি গঙ্গান্নান করেন স্বাস্থ্যের জন্ত, করেন ত? আবার মুসলমানের রান্নাই খান—কেন? তোমরা তাঁর মেয়ে, লেখাপড়া, গান-বাজনা শিখিয়েওছেন, বয়েসও হয়েছে কিন্তু তিনি পরম নিশ্চিন্ত।

সুনীলা শাস্ত্রীজি জিজ্ঞাসিল—এতে চিন্তার বিষয় কি আছে, খগেন বাবু?

নেই? তোমাদের তিনটি বোনের মত তিনটি মেয়ে যদি অল্প কোন পরিবারে থাকত, বাপ মা তাদের কি করত জানো? রেতে দিনে ভেবে ভেবে তাদের পেটের ভাত চাল হ'য়ে যেত। দেহে অস্থি আর চর্ম সার হ'তো।

## প্ৰীতিৰ

## নিদৰ্শন

কেন ?

খগেন বিশ্বয়ে প্ৰথম চাই তিন মিনিটকাল তাহাৰ মুখের দিকে চাহিয়া থাকিয়া, বলিল—বিয়ের বয়স যে পাৰ হ'ব, সু !

হ'লই বা পাৰ ! কাৰই বা ক্ষতি তা'তে ?—কথাটোৰ শেষ অবধি কিন্তু সে মুখখানি তুলিয়া ধৰিয়া রাখিতে পাৰিল না ।

খগেন বলিল—বাংলা দেশে বোধ কৰি একমাত্ৰ জ্যাঠামশাই এক পিতা, যাঁৰ সঙ্কল্প হ'ছে.....সে ইতঃস্তত কৰিতে লাগিল ।

সুনীলা ব্যগ্ৰস্বরে জিজ্ঞাসিল - কি সঙ্কল্প ?

খগেন বলিতে লাগিল—বাংলাদেশে মেয়ের বিয়ে দেওয়া কি রকম কষ্টকৰ ও ব্যয়সাধ্য জ্ঞান ত ? আমাৰ নিজের একটি বোন ছিল সু.....

বাধা দিয়া সুনীলা কহিল—সে ত আমি জানি খগেন বাবু ! বাবা কতবার ব'লেছেন সে-কথা । বলতে বলতে বাবার চোখ দিয়ে জল পড়তো !

খগেন ন্তানস্বরে কহিল—জ্যাঠাম'শায় বলেন, কেন ? যে দেশে এত আয়াসস্বজনকই কাজ-এ, মেয়ের বাপেরা কেন মেয়েদের কৌমাৰ্য্য ব্ৰত শেখায় না, তাই ভাবি । যে দেশে বৈধব্য ব্ৰত ঘরে ঘরে পৰম নিষ্ঠাৰ সঙ্কে পালিত হ'ছে সে-দেশে কুমাৰী রাখা কি সম্ভব নয় ? অন্ততঃ আৰ কেউ না কৰুক, আমি সে চেষ্টা কৰব । আমাৰ মেয়েদের আমি অনুচাই রাখব এবং তাঁহা ইচ্ছায় যদি সফল কাম হই, তখন দেশের অনেকেই সাহস পাবে ; অনেক মেয়ে, অনেক মেয়ের মা-বাপ মন্ত বিপদ থেকে রক্ষা পাবে ।.....সু, এই জন্তেই গঙ্গানান কৰনেও, তিলক ফোটা কাটলেও, মুসলমানের হাতের ভাতেও তাঁৰ বাধত না ।

## প্রীতির

## নিদর্শন

সুনীলা কথা কহিল না। খগেন কথাটাকে এইরূপে শেষ করিল যে, তাহার ভগ্নীর শৌচনীয় মৃত্যুর পর হইতেই তাঁর সঙ্কল্প দৃঢ় হ'য়েছিল,—এ কথা হেরম্বনাথ অনেকবার খগেনকেও শুনাইয়া দিয়াছেন।

কথাটা সে শেষ করিল বটে, কিন্তু তাহার প্রোতাটির মনের মধ্যে মা'ড়সার মত কথাগুলো এক প্রাপ্ত হইতে অল্প প্রাপ্ত পর্য্যন্ত জাল বুনিয়া বেড়াইতে লাগিল। অবশেষে সে দাঁড়াইয়া উঠিয়া কহিল—আপনি জানেন না, খগেন বাবু, দিদির সম্বন্ধে তিনি মত বদলেছেন।

খগেন বলিল—সম্ভব।

সুনীলা আনত মুখখানি নীচু করিয়া বসিয়া রহিল। তাহার সাদা হাত ভূখানিতে এবং কপোলের যে অংশটা চোখে পড়িতেছিল তাহাতেই স্বেদবিন্দু দেখিয়া খানিক পরে খগেন বলিল—তা এই গরমে গোসাই ঠাকুরণ সেজে বসে রইলে কেন? কপালটি যে ভিজ়ে গেছে, ঘামে। পাখাটা খুলে দেব? না হয় ছেড়ে এসো।

না। পাখার দরকার নেই। আর ছাড়তে ত এখন পারব না। রান্নাঘরের কাজ ত আমার শেষ হয় নি, এখনও।

খগেন হাসিয়া কহিল—একলা মানুষ, কত সময় লাগে রান্নাতে?

সুনীলা বলিল—একলা কৈ? আপনাকেও যে খেতে হবে আজ! নৈলে কি এ-সব পরেছি আমার নির্জের জন্তে! আজ না খেয়ে পার পাবেন ভেবেছেন?

খগেন গম্ভীরভাবে বলিল—না তা ভাবি নি। 'তবে এতটা না করলেও চলত?

কি না করলে চলত?

## প্রীতির

### নিদর্শন

এই পটুবস্ত্র পরিধান.....ইত্যাদি।

সুনীলা হাসি হাসি মুখখানি বাঁকাইয়া বলিল—তা চলত বৈ-কি !  
ম'শায়ের যে হিহুয়ানী, কখন বলে বসুতেন, ছোয়া-নেপা, নোংরা-সোংরা,  
ও আমার চলবে না।

খগেন বলিল—গঙ্গাজলেই তা'হলে পাকুটি করছ ?

নিশ্চয়ই। সে গঙ্গা হরিদ্বারে নামিয়া, কত নগ-নগরী ভ্রমণ করিয়া,  
কত নর-নারীকে ধস্ত করিয়া, ব্রহ্ম-কমণ্ডলু উচ্ছলি', হরের জটায় জোট  
খাইয়া অবশেষে টালার ট্যাঙ্কে উঠিয়া 'শতিতোদ্ধার ও প্রাণোদ্ধার'  
করছেন, সত্যি বলছি খগেনবাবু—সেই জলেই পাক করছি। দোষ হয়  
নি ত ?

খগেন কৃত্রিম গাভীর্য্য সহকারে কহিল—দাঁড়াও। কাপড়টা ত  
গরদই পরেছ, বেশ দামী জিনিষই দেখছি, সেমিস্টা যে স্মৃতিরই ! এঃ—  
নাঃ—তবে আর হ'ল না খাওয়াটা, দেখছি। নাঃ।

সুনীলা চেয়ার ছাড়িয়া খগেনের পাশে আসিয়া বলিল—তাই বুঝি ?  
কি চোখ ! এটা স্মৃতি ? সাদা সিন্ধ বলে !.....বলিয়া সে ক্ষুদ্র দেশটি  
দেখাইয়া দিল।

খগেন পূর্ব্ববৎ কহিল—এই যা—আমাকে ছুঁলে, ঐ কাপড়ে হাঁড়ী  
ধরবে ত। তবেই হ'য়েছে !

সুনীলা রাগিয়া বলিল—কি বিদ্যো ! তসর গরদে দোষ আছে বুঝি ?  
না খান—না খাবেন, অত খুঁত ধরলে আমি বাঁচি নে।

তবে না-হয় খাবই'খন। বলিয়া সে হাসিয়া ফেলিল।

সুনীলা হাসিয়া খগেনের পৃষ্ঠে ক্ষুদ্র একটি কিল মারিয়া উচ্ছল

## প্রীতির

## নিদর্শন

হাসিতে মুখখানি ভরিয়া বলিল—হিঁদুয়ানী দেখে আর বাঁচি  
নে !

বোধ করি সেই ক্ষুদ্র কিলের শব্দেই ফেণিলার নিদ্রাটি ভাঙ্গিয়া গেল ;  
সে চক্ষু চাহিয়া ঈষৎ হাসিয়া বলিল—থগেনবাবু, আমিও আর কারু হাতে  
থাব না, আমিও হিন্দু হব ।—সুনীলা পাখার স্নইচ্ বোডের কাছে গিয়া  
দাঁড়াইয়াছিল ।

থগেন তর্ক করিল না । সুনীলার কাছে শুনিয়াছিল, এই সম্প্রকীয়  
তর্কেই সে উত্তেজিত হইয়া উঠিয়াছিল এবং তাহাতেই প্রবল জরে  
আক্রান্ত হয় । একটু হাসিয়া সে ব্যঙ্গ করিয়া কহিল—কি রকম হিন্দু  
নীলা ? দ্বিজুবাবুর “এবার হয়েছি হিন্দু” না-কি ? বলিয়া সে সর্বজন  
পরিচিত গানটার একাংশ সুরে গাহিল ;—

আর মুরগী খাই না,      কেন-না পাই না !

(‘তবে ) হয় যদি বিনা খরচেই,

আহা ! জানত আমার      স্বভাব উদার,

( তা’তে ) গোপনে নাইক অকুচি !

ফেণিলা সোৎসাহে কহিল—গান থগেনবাবু, সবটা গান ! আপনার  
মুখে হাসির গান আমার বড় ভাল লাগে !

থগেন গাহিল । একটি নয়, দুইটি, তিনটি, ‘রিফর্মড হিন্দু’, ‘হ’ল  
কি !’ শেষের গানটার একটা কলি থগেন বার বার গাহিতে লাগিল ;—

হোল কি ! এ হোল কি ! এত ভারি আশ্চর্য্যি ।

বিলাত ফেরতা টানছে হুকা, সিগারেট খাচ্ছে ভাশ্চাৰ্য্যি ।

\* \* \* \*



## প্রীতির

### নিদর্শন

ছেলেরা সব চশমা প'রে বসে আছে কাটখোটা,

সাহেবরা সব গেকুয়া পরছে, বাঙালী নেকটাই হ্যাট কোট্টা ।

থগেন গীত শেষ করিতেই ফেগিলা বলিল—আপনি দেখেছেন থগেন-বাবু? সাহেবকে গেকুয়া পরতে, আর বাঙালীকে নেকটাই হ্যাট কোট-টা পরতে ?

শেষেরটা ত আখহার দেখছি । গোড়ারটা দেখিনি বটে, তবে ঐ Salvation army'র ওরা...

আমি দুই দেখেছি । আপনার বন্ধু বীরেন্দ্রবাবুকে দেখেছেন আপনি, খন্দর প'রে? আর আপনার সিংহ...

থগেন হাসিয়া বলিল—ঠিক বলেছ নীলা ।

দুই মিনিট পরে ফেগিলা জিজ্ঞাসিল—আপনার সঙ্গে তাঁর দেখা হয় থগেনবাবু ?

থগেন বলিল—বীরেন্দ্রবাবুর? হয়েছিল দু'দিন । মাঝে মাঝে হয় নীলা !

নীলা পাশ ফিরিতে ফিরিতে কহিল—তাকে, দেখা হলে শুধু এই কথাটি বলবেন থগেনবাবু. যে আমাদের বাড়ীর দরজায় দাঁড়িয়ে তিনি যা বলেছিলেন, আমরা সাধ্যমত তাঁর সব কথাগুলিই রক্ষা করেছি । বলবেন ?

থগেন একটুখানি অন্যমনস্ক হইয়া পড়িয়াছিল, ফেগিলার প্রশ্নে চমকিয়া বলিল—ঐ্যা ?

ফেগিলা বলিল—তাকে বলবেন, টেবিল চেয়ারে বসে মজলিস করা ছেড়ে দিয়েছি । আজ যদি তিনি এ বাড়ীতে আসেন, এই পরিবর্তন দেখে নিশ্চয় খুসীই হবেন ।

## প্রীতির

## নিদর্শন

সে চুপ করিতেই থগেন বলিল—দেখা হলে একদিন তাঁকে ডেকেই আনব নীলা, কি বল ?

ফেণিলা ত্রস্তে বলিয়া উঠিল—না, থগেনবাবু, ঐ কাজটি করবেন না, দোহাই আপনার। আমি তাঁকে দেখাবার জন্যে করি নি ত, যে তাঁকে ডেকে দেখিয়ে বাহবা নেব। আমার ভালো লেগেছে, করেছি। তবে তিনিই না-কি গুরু, তাই তাঁকে খবরটা দিলুম। আপনি বলবেন ?

থগেন বলিল—তা বলব। কিন্তু গুরু যদি নিজেই আসতে চান ?

ফেণিলা কি ভাবিয়া লইল। একটু পরে বলিল—তা তিনি বলবেন না, কখনই বলবেন না। তাঁর মত দৃঢ় চিত্তের পুরুষ, কোন প্রলোভনেই ভুলবেন না—আমি জানি, আমি জানি।

থগেন উত্তরোত্তর বিস্মিতই হইতেছিল। সে ইতোমধ্যেই অনেক কথা শুনিয়াছিল, কতকটা নিজের মনেই গড়িয়া লইয়াছিল। বলিল—গুরুকে ত গুরুদক্ষিণা নিতে হয় কি না তাই বলছি, নইলে যে অসম্পূর্ণ থেকে যায় দীক্ষা !

সে কি আমিও না জানি, থগেনবাবু ! কিন্তু, গঙ্গাজলে কি ফুল দিয়ে পূজো করতে হয় ? গঙ্গাজলেই গঙ্গা পূজো হয়। আমার কাজের দ্বারাই তাঁর কাছে দক্ষিণা পৌছে যাবে। সেই যে কি গৃহদীপ্তয় না-কি বলে, তাই করব।

থগেন সহাস্যে কহিল—কোন গৃহ ?

ফেণিলা বলিল—এই গৃহ। আর কোথা পাব, থগেনবাবু ? এই একাধরেই, একলা, চিরদিন শেষ দিন পর্যন্ত.....দেখি, কি পারি !

একা কেন ?

## প্রীতির

### নিদর্শন

দেখবেন। বলিয়া সে একটুখানি হাসিল। তাহার রোগ কাতর  
শুষ্ক মুখের মুহূ হাসিতেই কিন্তু বেচারার খগেন ঘামিয়া উঠিল।

সুনীলা আসিয়া বলিল—যান খগেনবাবু, স্নান করে আসুন! এই  
যে নীলা, একটু দুধ আনি ভাই?

হ্যাঁ ভাই গোসাই, আনো ভাই, দাও ভাই, থাই ভাই!

তিনজনেই হো হো করিয়া হাসিয়া উঠিল।

## চতুর্বিংশ পরিচ্ছেদ

### স্বর্ণমুষ্টি ভিক্ষা।

সুনীলা বামহস্তের তর্জ্জনী ও বৃদ্ধাস্থুষ্ঠ দ্বারা পাণ ক'টি চাপিয়া  
ডানহস্তে চূণ লাগাইতেছিল। হঠাৎ মিলিত কণ্ঠের সঙ্গীতের স্বরে উৎকর্ণ  
হইয়া বলিল—কিসের গান বেরুল আবার?

খগেন বলিল—মহরমের।

সুনীলা বলিল—মহরমের আবার গান বেরোয় বুঝি?

খগেন উত্তর দিবার পূর্বেই গানের কতকাংশ তাহাদের কর্ণে স্পষ্ট  
হইয়া উঠিল। সুনীলা জানেলায় আসিয়া দাঁড়াইল। একদল ছেলে,  
পতাকা হস্তে হার্মোনিয়ম বাজাইয়া, গান গাহিয়া ভিক্ষা করিয়া  
বেড়াইতেছে। সে শুনিল :—

তোর ক্ষুদ্র বকের সাহস টুক

ওরে, মায়ের দুঃখে মলিন মুখ,

সবার সাথে মিলিয়ে রে ভাই

একটি কণা ভিক্ষা দেবে—

... মুছে তোদের চোখের জল ।

শুধুই কেঁদে, শুধুই কেঁদে কি কাজ ওরে করবি তোরা বল ।

বুথাই হ'বে, ব্যর্থ হ'বে—তোদের সোণার চোখের জল ।

তাহাদের মধ্যে দুইটি বালক একটা ঝুলিতে ঢাল, পয়সা টাকা নোট  
প্রভৃতি লইয়া জানালার নীচে আসিয়া কঙ্কণস্বরে গাহিল—একটি কণা  
ভিক্ষা দেবে, মুছে তোদের চোখের জল ।

সুনীলা বামহাতে চোখটা মুছিয়া খগেনের দিকে ফিরিয়া কহিল—  
কি দেব খগেন বাবু? সে জিজ্ঞাসা করিল বটে, কিন্তু উত্তর শুনিবার  
মত ধৈর্য্য তাহার ছিল না । ছুটিয়া উপরে উঠিয়া গেল এবং ছ'মিনিটের  
মধ্যেই মুষ্টিপূর্ণ করিয়া জানেলা গলাইয়া ছেলের ঝুলিতে ফেলিয়া  
দিল ।

ছেলেরা গাহিল—

ওরে, চাই নে শুধুই সোণা-দানা,

চাই রে তোর হৃদয় থানা

দে, তোর মনের শক্তি হৃদের ভক্তি

বাড়ুক মোদের বুকের বল । \*

ছেলেরা গাহিতে গাহিতে ক্রমশঃ বহুদূরে চলিয়া গেল । তাহাদের  
মিলিত কণ্ঠস্বর যখন আর শোনা গেল না, সুনীলা খগেনের দিকে চাহিয়া  
বলিল—হাত শুটিয়ে বসে কেন? কি-দেব? না? বাঃ বাঃ ।

---

সম্পূর্ণ গীতটি মদ্রচিত "দিশেহারায়" আছে ।

## প্রীতির

## নিদর্শন

কি দিলে স্নু ?

আমার হারছড়াটা !—কি দেব, বলুন ? না বললে শুন্ছি নে। তবে বুঝি মুখে করবার যো নেই ? তাই হ'য়েছে—বলিয়া সে লানমুখে খগেনের অভুক্ত আহ্বাধোর পানে চাহিয়া বসিয়া রহিল। খগেন বলিল—তা নয়, স্নু, তা নয়। আর আমি খেতে পারছি নে।

কোথেকে পারবেন বলুন ? আনাড়ীর রান্না কেই বা পারে খেতে ! বলছি তা নয়—তবু ঐ কথা বলবে !

বলব না ত কি করব ? ঐ খান আপনি ? ঐ আপনার খাওয়া ? ঐ খেয়ে আপনি দশটা ছ'টা আফিসে মসীযুদ্ধ করেন ?

খগেন এক গাল হাসিয়া বলিল—মসীযুদ্ধ করে যে সব বীর তারা অল্লাহারী হয় তা জান না বুঝি ? সত্যি স্নু, ক্ষুধা যে কি তা তারা ভুলেই যায়।

সুনীলা তাহার মুখের প্রতি লক্ষ্য করিয়া গভীর হইয়া জিজ্ঞাসিল কেন ?

খগেন উত্তর দিল—ক্ষিধেটা কি জান ত ? এখন ক্ষিধে পায় একটা লাল ক্রমাগত বেরিয়ে ষ্টমাকটাকে ভর্তি করতে থাকে এই জিনিষটাই খাওয়া হজম করে। এখন, বাবুরা সেই যে ন'টায় খেয়ে হাঁফাতে হাঁফাতে গিয়ে অসি (!) তুলেছেন তা'তেই আবার ক্ষুধা জন্মাল, লালোও নির্গত হ'তে লাগল কিন্তু সেই ছ'টার আগে ত আর টিফিন হয় না, কাজেই লালটা ততক্ষণে নাড়ীগুলিকেই এসিডে পুড়িয়ে জীর্ণ করতে লাগল। এই রকম করে' করেই লালার তেজও কমে যায়, হজমও কমে যায়—ক্ষিধে আর জানবেন তাঁরা কোথেকে, বল ?

## প্রীতির

## নিদর্শন

জঃখে সুনীলার মনটি ত্রিঘমান হইয়া গেল। সে কিছুক্ষণ কথাই কহিতে পারিল না। তারপর আস্তে আস্তে মুখটি তুলিয়া অব্যক্তকণ্ঠে কহিয়া উঠিল—তবু সেই—চাকরীই করতে……প্রবল বাস্পোচ্ছ্বাসে কথাটা আর শেষ হইল না।

থগেন ম্লানমুখে কহিল—নইলে উপায় কি বল!

সুনীলা ঘাড় নাড়িয়া বলিল, উপায় ঢের আছে। আপনি যদি দেখতে না চান—অন্ত কথা।

থগেন হাসিল, কহিল—ঢের আছে। বল-কি? আমি ত একটাও দেখতে পাচ্ছি নে। আমার এ চশমাটার পাওয়ার বোধ করি কমে গেছে, একবার টেষ্ট করিয়ে নিতে হ'চ্ছে—যদি দেখতে পাই।

সুনীলা অত্যন্ত বিরক্ত হইয়া কহিল—আপনার মত অন্ধ চশমা পরে শোভার জন্তে, দৃষ্টি বাড়াবার জন্ত নয়, থগেন বাবু! আপনি যদি না দেখতে চান, কার সাধ্য নেই দেখায় আপনাকে।

থগেন এবার আর হাসিল না। গম্ভীর মুখেই বলিল—অনেক আছে বলছ ত! আচ্ছা একটা শুনি—দেখি—দেখতে পাই কি-না?

কেন—আপনি ডাক্তারী পড়ুন না। নিজের ইচ্ছে রয়েছে, জ্ঞানও রয়েছে কতক। তাই কেন—করুন না। চাই কি একবার বিলেতটা ঘুরে এলে……

থগেন কৃত্রিম গাম্ভীর্যের সহিত কহিল—রোস, রোস, অত তাড়াতাড়ি নয়। না পড়ে বিদ্বান হওয়া. আর না শিখে ডাক্তারী করা—দুই-ই চলে; কিন্তু পড়তে গেলে, আর বিলেত যেতে হ'লে কতগুলি টাকার দরকার জান?

## প্রীতির

### নিদর্শন

সুনীলা জিজ্ঞাসিল—কত ?

খগেন উদাস-ভাবে জবাব দিল, ঠিক কত তা জানি নে, তবে শুনেছি হাজার পনেরো নিশ্চয়ই, কিছু বেশীও হ'তে পারে ।

সুনীলা মনে মনে কি ভাবিয়া লইয়া মুখ তুলিল ; বলিল, এই টাকাটার আপনি জোগাড় করতে পারেন না—আপনার আত্মীয় বন্ধুর কাছে ?

এইবার খগেন হো হো করিয়া হাসিয়া উঠিল ; হাসির বেগ কমিলে বলিল—আমার হ'রকমের আত্মীয় বন্ধু আছেন, সূ । এক হ'চ্ছেন, তোমাদের ঐ সিংহ সাহেবের মত ! কি বল চাইব, মিঃ সিংহের কাছে ? বলত তুমি, চাই । চাইব ?

সুনীলা মহা-বিরক্তির সহিত কহিল—আর ?

খগেন বলিল—আর ! আর আমার নিঃস্ব খুড়ীমা । যার একমাত্র কণ্ঠার বিবাহে আর দশ দিনের মধ্যে যদি আমি অর্থ-সাহায্য করতে না পারি—জাতি-চ্যুতির সম্ভাবনা আছে ।

সুনীলা ব্যগ্র হইয়া কহিল—কৈ—এ কথা ত আমাদের কোনদিনই বলেন নি আপনি ?

উদাসীনের মত খগেন বলিল—না । বলি নি ।

সুনীলার মুখ গম্ভীর হইল ; সে বলিল—তা বলবেন কেন ? আমরা আপনার কে-যে বলবেন !

কিন্তু এ আঘাতের সব-টুকু বেদনা সে নীরবেই সহ্য করিয়াই লইল । সুনীলা তাহাতে তাহার চেয়েও বেশী বেদনা পাইয়া, ব্যথা-স্কন্ধস্বরে বলিল—তা বলবেন কেন ? অজানা-অচেনা কোথাকার কে পর আমরা, আমাদের বলবেন কেন ?

## প্রীতির

## নিদর্শন

থগেন সাতিশয় বিষয়ে কয়েক মুহূর্ত স্থির দৃষ্টিতে চাহিয়া থাকিয়া বলিল—তোমরা অজানা-অচেনা পর যদি, আপনার কে-আমার তাই শুনি ?

সে আপনাই জানেন ।

হাঁ, সে আমিই জানি । বলিয়া একটুখানি চূপ করিল । আবার বলিল—না হু, কত বলবে ? কত শুন্বে ? হুঃখীর কথা যত শুন্বে, ব্যথা ততই বাড়বে । আর একটা ত নয় !

আবার কি ?

একজনের কিছু ধারি । যদিও শোধবার মত সঞ্চয় নেই, তবুও তার দেখা পেলে একটা চুক্তি লেখা পড়া করে'ও দিতে পারি । তার দেখা পাইছি নে ।

সুনীলা জিজ্ঞাসিল—সে-কে ?

থগেন জবাব দিল— এক কাবুলীওলা ।

এক মুহূর্ত পরে সুনীলা জিজ্ঞাসিল, কত টাকা ?

হু'শো । যার জন্তে.....

জানি । তা, দেখা ক'রে টাকাটা ফেলেই দিন না ছাই । ও-আপদ গালাই ধার রেখে লাভ ত নেই ।

থগেন হাসিয়া বলিল—কিছু না । কিছু না ! তবে টাকাটা নেই—  
এই যা !

সুনীলা মনে মনে আবার কি ভাবিয়া লইল, বলিল—সেই চেকটা ত রয়েছে এখনও । সেইটা ভাবিয়ে.....

তোমার টাকা ?



## প্রীতির

### নিদর্শন

সুনীলা একথার জবাব দিল না। খগেন পুনরায় কহিল—‘না সুনী, আমি একটা লেখাপড়া করেই দেব, তার দেখা পেলো।

কেন, নেবেন না? তা নেবেন কেন? আমরা ত……বলিতে বলিতে সে কাঁদিয়া ফেলিল। চোখের জল গোপন করিতে দাঁড়াইয়া উঠিল এবং আলনারীটার দ্বার ধরিয়া কিছুক্ষণ দাঁড়াইয়া থাকিয়া, শেষে বলিল—নিশ্চয়, খাওয়া ত হ’য়েছে, হাত ধুয়ে ফেলুন-গে।

খগেন উঠিল না। সুনীলার চোখের জল না দেখিলেও এইটাই সে অনুমান করিয়াছিল, তখন তাহাকে উষ্ণকণ্ঠে কথা কহিতে শুনিয়া বলিল—বারবার এ কথায় আমি কষ্ট পাই, জান সুনী?

সুনীলা কি-জানিত বলা যায় না, সাড়া দিল না। কয়েক মুহূর্ত নিশ্চল প্রতিমার মত দাঁড়াইয়া রহিয়া, অকস্মাৎ সজলকণ্ঠে কহিল—মুখে কষ্ট পান, খগেন বাবু, মনে নয়। মনে কষ্ট হ’লে আমাকে—আমাদের কষ্ট দিতে বাজত আপনার।

তোমাদের কষ্ট দিতে?

সুনীলা একেবারে খগেনের দিকে ফিরিয়া ভীষণ তেজের সহিত বলিয়া উঠিল—কালই নাঠে গিয়ে তাদের খুঁজে টাকাটা ফেলে দিয়ে আসুন।

খগেন পরিতৃপ্তির হাশ্বে মুখটি প্রফুল্ল করিয়া কহিল—দিতে হ’বে? তোমারও, আমারও—কি বল? আচ্ছা—যাব।

তারপর—আচ্ছা, কত টাকা হ’লে আপনার খুড়ীমার মেয়েটির বিবাহ হয়, বলুন ত?

সে’টাও দেবে না-কি?

কত টাকার দরকার—বলুন না শুনি ?

খগেন বলিল—প্রায় সতেরো-শো ।

সুনীলা খগেনের সামনে বসিয়া, হিসাব করার নত বলিতে লাগিল—  
সতেরো শো, আর পণেরো, না, না—ও'টা বিশ,—এই একশহাজার সাত  
শো টাকা হল, না ?

খগেন কিছুই বুঝিতে পারিল না । বলিল—একশ হাজার সাতশো  
কি ?

কেন—আপনিই ত বল্লেন—পণেরো !

পণেরো ! পণেরো কি বল ? কাব্লীর-সে ত হু'শ !

সুনীলা আগুন হইয়া কহিল—সে হু'শ ত আপনার নামে চেক দেওয়া  
রয়েছে ।

খগেন বলিল—তবে ?

সুনীলা জবাব দিল—আহা ! বিলেতের খরচটা ধরতে হ'বে না !  
পণেরো বলেছেন-বলেই পণেরোতেই যে হ'বে তার ঠিক কি ! কিছু বেনী  
রাখাই উচিত ! তা, এই টাকার ওয়ার বণ্ড দেব—আজই আপনি দে-  
গুলো ভাগ্যবার চেষ্টা করুন, ব্যাঙ্কে ।

বিশ্ব-ব্রহ্মাণ্ডে একমাত্র সুনীলা ছাড়া আর কাহারো মুখে এ কথাটা  
শুনিলে খগেন কেন, যে-কোন সুস্থচিত্ত ব্যক্তি পরিহাস করিয়াই  
সশব্দে হাসিয়া উঠিত ! কোথাকার কে, না—আত্মীয় না—কিছু, এতটা  
টাকা তাহাকেই দিতে চায়—এ শুনিলে 'অর্থমনর্থম'এর জগতে কে-ই বা  
বিশ্বাস করিয়া টাকাটা লইতেই হাত বাড়াইতে পারে !—কিন্তু খগেন  
হাসিলও না । অবিশ্বাসও করিল না । বরঞ্চ সে যা করিল, ঠিক তাই

## প্রীতির

### নিদর্শন

বিপরীত । সে আসন ছাড়িয়া সোজা দাঁড়াইয়া উঠিল । অনেকক্ষণ নতাননা পূর্ণাঙ্গী যুবতীর ঈষদন্ত-মুখের দিকে চাহিয়া স্থলিত বচনে কহিল— কিন্তু লোকে কি বলবে সু ?

সুনীলা সে কথার উত্তর দিল না । সে অল্পদিক দিয়া কথাটাকে পরিষ্কার করিতেই বলিল—আমার নামের আর নীলার নামের কাগজ আমার কাছেই আছে । আমি আমারগুলো ‘এনডোর্স’ করে দিই— আপনাকে—আপনি বেরিয়ে পড়ুন । পথে বাবার সঙ্গে দেখা করে ত বাবেনই । আমরা ও না-হয় লক্ষ্যে অবধি সঙ্গেই যাব । কি বলেন ?—যেন সমস্তই ঠিক হইয়া গেছে, টিকিট কিনিয়া বোম্বাই ডাক-গাড়ীতে চড়িয়া বসিলেই হয়, এমনভাবে সুনীলা কক্ষ ত্যাগ করিয়া যাইতেছিল, খগেন তাহার সামনে আসিয়া অত্যন্ত করুণস্বরে কহিল, - একে কি দান বলব ?

সে আপনি অভিধান খুজুন গে—বলিয়া সুনীলা একটু হাসিয়া, না, না—মুখখানি ভার করিয়া উপরে উঠিয়া গেল । খগেন-ও এক মিনিট মুড়ের মত দাঁড়াইয়া থাকিয়া আর একটা দরজা দিয়া হাত মুখ ধুইতে স্থান কক্ষে প্রবেশ করিল ।

## পঞ্চবিংশ পৰিচ্ছেদ

### ‘নিদর্শন’

থগেন নিদ্রিত ফেগিলার শয্যাপার্শ্বে বসিয়া দৈনিক সংবাদপত্রখানি পাঠ করিতেছিল, ঘরের সম্মুখে আসিয়া সুনীলা ডাকিল—একবার এদিকে আসুন ত !

থগেন ঘরে ঢুকিয়া দেখিল, রাশি রাশি কাগজপত্র ছড়ানো রহিয়াছে, মাটিতে বসিয়া সুনীলা সেইগুলিই গুছাইয়া তুলিতেছে। তাহাকে দেখিয়াই বলিল—এই ক’খানা মিলিয়ে দেখুন ত—কত হয় ?

থগেন সবিস্ময়ে তাহার মুখের পানে চাহিয়া বলিল—এত তাড়া ?

যা বলছি—করুন না আপনি।

থগেন কাগজ পেন্সিল লইয়া যোগ দিয়া বলিল—পুরোপুরি বাইশ হাজার হ’য়েছে।

সুনীলা অত্র কাগজগুলি ভাঁজ করিতে করিতে বলিল—কিন্তু দেশে গিয়ে আপনার বোনটির বিবাহ দেওয়া বোধ করি হ’য়ে উঠবে না। আপনি আপনার খুড়ীমা’কে টাকাটা পাঠিয়ে দিয়ে লিখুন যে, আপনি এখানে থাকছেন না। হ’বে না তা’তে ?

থগেন বলিল—তা না হয় হো’ল, কিন্তু—

সুনীলা স্পষ্ট সহজকণ্ঠে বলিয়া উঠিল—আপনার ও-কিন্তু টিন্ডুলো থাক এখন। যান, চট্ ক’রে’ জামাটামাগুলো গায়ে দিয়ে নিন্—দেড়টা বাজে, ব্যাকিং তিনটেয় বন্ধ হয়—জানেন ত ?

## শ্রীতির

### নিদর্শন

তা ত জানি । তবে.....

সুনীলা তর্জনী উত্তোলন করিয়া ক্রোধের সঙ্গে বলিল—ওগুলো পরেই হবে'ধন । যান্‌যান্—

তবুও খগেন উঠিতেছে না দেখিয়া সে তিক্তস্বরে তিরস্কার করিল—আপনি কি ভেবেছেন—বলুন ত ? কথাটা বিশ্বাস হচ্ছে না আপনার ?

খগেন মাড়া দিল না, নতমুখে নীরবে বসিয়া রহিল । আর একজন তাহার মুখের দিকে চাহিয়াই অভিমানে ক্রোধে রক্তবর্ণ হইয়া বলিল—বারবার এক কথা ভালো লাগে না আমার ! উঠ্‌বেন কি—না তাই বলুন ।

খগেন বলিল—না সূ ! এ হ'তে পারে না, হ'বে না ।

সুনীলা দুই মুহূর্ত্ত স্তব্ধভাবে বসিয়া থাকিয়া উগ্র সজলকণ্ঠে কহিল—হ'তে পারে. হয়-ও—আপনি কেবল.....সে চূপ করিল ।

খগেন বলিল—কি করে হ'তে পারে বল ?

সুনীলা কথার জবাব দিল না, গুনিতে পাইল কি-না তাহাও ঠিক বলা যায় না । সে শুধু স্তম্ভিত আড়ষ্টের মত কাগজগুলায় চোখ রাখিয়া বসিয়া রহিল । এবং তাহার সারা মুখখানার রঙ যে ফ্যাকাসে হইয়া শেষে কালীবর্ণ ধারণ করিল, তাহা দেখিয়াই খগেন অবরুদ্ধকণ্ঠে বলিয়া উঠিল—এত দয়া কেন করলে সূ ? অপাত্রে দান করে কে কবে কোথায় সূখী হ'তে পেরেছে ?

সুনীলা মুখ না তুলিয়াই অশ্রুপূর্ণ জড়িত কণ্ঠে কহিল—সে আমার ইচ্ছে ।

## প্রীতির

## নিদর্শন

খগেন বলিল—কিন্তু তুমি না-হয় পাত্র অপাত্র বিবেচনা না করেই দান করছ, আমি যে নেব, আমার সে শক্তি কৈ? আমার যে শক্তি নেই স্নু। হাত পাতায় যে শক্তি, যে অধিকার থাকার দরকার, আমার যে.....

কথাটা শেষ পর্যন্ত শুনিবার ধৈর্য্য স্নুনীলার ছিল না। সে মাঝখানেই মুখ তুলিয়া উত্তপ্ত কণ্ঠস্বরে খগেনের কণ্ঠ ঢাকিয়া দিয়া বলিল—কিন্তু নীলার কাছে এসে চাইতে, হাত পাততে অধিকার ত পূর্ণ মাত্রাতেই বজায় ছিল! কৈ-তার বেলা ত এত যুক্তি তর্ক করেন নি আপনি।

খগেন শরবিক্ত পক্ষীটির মত ছটফট করিয়া উঠিল। বলিল—না স্নু, সেদিন তোমার কাছেই এসেছিলুম। আমি মিথ্যে বলি নি তোমাকে।

স্নুনীলা কথা বলিল না। কিন্তু সে-যে অবিশ্বাস করিয়া চূপ করিয়া গেল, এ'ও খগেনের মনে স্থান পাইল না। সে শুধু উন্মুখ-মুখ-চোখ তুলিয়া স্নুনীলার আনত মুখের পানে চাহিয়া রহিল। পাঁচু সাত মিনিট কাটিয়া গেল, তবুও উভয়েই নীরব। তখন খগেনই বলিল—এতটা টাকা, যা বোধ করি সারাজীবনে আমি রোজগার করতেও পারব না এবং এইটাই বোধ করি তোমার সারাজীবনের সম্বল—একি আমি নষ্ট করতে পারি? কি দরকার আমার বিলেত গিয়ে? না-ই বা পড়লুম! বেশ ত আছি।

স্নুনীলা কটুকণ্ঠে কহিল—বেশ আছেন?

খগেন মলিন মুখে কহিল—মন্দ কি? কেটে যাচ্ছে ত!

## প্রীতির

### নিদর্শন

সে ত বনে কুকুর শেয়ালেরও কাটে। তা'কে আপনি কাটা বলেন?—একটু থামিয়া পুনশ্চ কহিল—জীবনের উচ্চ আকাঙ্ক্ষা পূর্ণ করতে যাদের এতটুকু চেষ্টাও নেই....

খগেন বাধা দিয়া বলিয়া উঠিল—সে হচ্ছেও আছে, সবই আছে, কিন্তু আমি যে একান্তই নিরুপায়, একান্তই অসহায়!

আপনি নিরুপায়-ও নন, অসহায়-ও নন। হচ্ছে করলেই, আপনার উপায় ও রয়েছে, সহায় ও রয়েছে। খগেনবাবু, আমি ত বিলাসিতা করতে আপনাকে বিলেত যেতে বলি নি। আপনি যাচ্ছেন লেখাপড়া শিখতে, আপনি যাচ্ছেন দেশ-বিদেশের বিদ্যা অর্জন করে আনতে। এবং তাই থেকে কত মহৎ কাজ হ'তে পারে তা জানেন? আজ আপনার শত ইচ্ছায় যা করতে আপনি সক্ষম হ'চ্ছেন না, তখন দেশের কত কাজ আপনার দ্বারাতেই সম্ভব হ'বে ভেবে দেখুন-দেখি? দেশে ক্রতীসন্তান যতই বাড়বে, দেশের অভাব যে ততই কমবে, খগেন বাবু!—সে থামিল, একমুহূর্ত্ত মাত্র। তখন আবার বলিল—আপনি কেন ভেবে দেখছেন না, কত লোকের উপকার আপনি করতে পারবেন? কত লোকের ভাল-মন্দ আপনার পরেই নির্ভর করবে? আপনি কেন দেখছেন না যে, কত শত লোক বিপদে আপদে আপনার পানে চেয়ে অভয়-আশ্বাসের ভরসা করবে?—একি কম গর্বের কথা!

খগেন বলিল—কিন্তু কি সর্ব্বে টাকাটা আমি নেব তা বলে দাও সু।

সর্ব্ব! কি সর্ব্বে চান আপনি, তাই বলুন না?

খগেন মনে মনে ভাবিয়া বলিল—দু'টি সর্ব্বে নিতে পারি।

## প্রীতির

## নিদর্শন

সুনীলা জিজ্ঞাসিল—কি ? কি ?

খগেন আবার একটু ভাবিয়া বলিল—এক, যদি তুমি এই টাকাটা আমাকে ঋণ দাও। কিন্তু যদিই, আমার ভাগ্যাদেবী আমার পরে কোন দিনই না অপ্রসন্ন হ'ন, তখন,—তখন—তোমার টাকাটি যে শোধ করা অসাধ্যই হ'য়ে পড়বে।

সুনীলা ব্যগ্রস্বরে জিজ্ঞাসিল—আর একটা কি বলছিলেন যে !

খগেন একটুখানি ভাবিয়া বলিল—সে থাক্।

সুনীলা অকস্মাৎ খগেনের হাতটা চাপিয়া ধরিয়া বলিল—না বলুন।

খগেন বলিল—কি হ'বে শুনে ! সে পাগলামী।

তাই শুন্ব।—বলুন।

পাগলামী শুনে কি হ'বে তোমার ?

সুনীলা হাতটা ছাড়িয়া দিয়া অপ্রসন্নমুখে বলিল—থাক্—কাজ নেই আপনার বলে।

রাগ করলে সু ?

সুনীলা মুখখানি কৰুণ করিয়া কহিল—না, রাগ কিসের ?

খগেন এই বেদনাপূর্ণ ক'টি কথাতেই উদ্বিগ্ন হইয়া উঠিল ; বলিল—একান্তই শুন্বে সু ?

সুনীলা তেজোদীপ্তস্বরে বলিল—না শুন্ব না, শুন্ব না। একটা কথা শোন্বার জন্তে এত সাধতে পারি না আমি।

খগেন নতমুখে বলিল—বল সু, একটি কথা মাত্র। কেবল বল, যে আমি যেহেতু ভাবতে পারি—টাকাটা দান নয়, ঋণ নয়—আমারই...



## শ্রীতির

### নিদর্শন

কে বলেছে দান ? ঋণই বা কে বলেছে ? ও-সব ত আপনিই ভাঙছেন, গড়ছেন । আমি বলেছি ?

বল স্নু, ভাবতে পারি যে টাকাটা তোমার-আমার...

সুনীলা দাঁড়াইয়া উঠিয়া সতেজে বলিল—কতবার বলব ! আপনার আপনার, আপনার । তিন সত্য করলুম, হ'য়েছে ?

খগেন-ও দাঁড়াইয়া উঠিয়া সুনীলার হাত ছ'টি চাপিয়া ধরিয়া বলিল—হ'য়েছে ।.....কিন্তু সে হাত ছাড়িল না । একটুখানি বিধার সঙ্গেই বলিল—কিন্তু জ্যাঠাম'শায়.....

সুনীলা বলিল—সে-ভাবনা আপনার নয় । সব ভাবনা-চিন্তা আমার ঝাড়েই তুলে দিখে বেরিয়ে পড়ুন ত ! ক'টা বাজল—দেখেছেন ! 'ছ'টো বাজে যে ! যান্—যান্—একখানা ট্যান্ডি করে' বেরিয়ে পড়ুন ।

খগেন তবুও হাত ছ'টি ছাড়িল না । কি-যেন বলি-বলি করিয়াও সে বলিতে পারিতেছিল না, তাহা বুঝিয়াই সুনীলা বলিল—আবার কি ? —এবারে স্বরটা তেজের-ও নয়, স্পষ্টও নয়—যেন একটু জড়াইয়া গেল ।

খগেন সুনীলার পানে না চাহিয়াই কহিল—এই টাকাটা তোমার...

সুনীলা অধৈর্যের মত বলিয়া উঠিল—কি বলবেন এবার ? টাকাটা অহিন্দু । মুসলমানের রান্না খাই আমি, আমার মত ওর-ও জাত নেই ?

খগেন ধীরে ধীরে তার হাত ছ'টি স্বকের উপর তুলিয়া লইয়া বলিল—তোমার যদি জাত নেই স্নু, আমারই বা কোথায় আছে ? বলিয়া খগেন একটু খানি বলের সহিতই সেই নির্জীব নিম্পন্দ নারীটিকে নিকটে আকর্ষণ করিল ।

## প্রীতির

## নিদর্শন

সুনীলা মাথাটি হেলাইয়া, তাহার স্বকের উপর রাখিয়া বলিল—কি বলছেন ?

\* \* \* \*

আর একটা কাজ করবেন। ফেরবার পথে বীরেন্দ্র বাবুর বাড়ীটা একবার ঘুরে আসবেন। আপনারও অনেক সাহায্য হ'বে, নীলারও...

খগেন হাসিয়া বলিল—আচ্ছা।

সুনীলা রক্তাক্ত কপোলটা গোপন করিতেই জানেলার ধারে আসিয়া দাঁড়াইয়া ছিল। একথানা খালি ট্যান্ডি ট্রাম রাস্তার দিকে যাইতেছিল, খগেনকে বলিল—থামান, থামান, থামান!

খগেন চলিয়া গেল।

আধঘণ্টা পরেই আর একথানা মোটর থামার শব্দে চমকিত হইয়া সুনীলা জানলায় আসিয়া দেখিল, সুশীলা নামিয়া হাতের ব্যাগটি খুলিয়া ভাড়া মিটাইতেছে। তাহার চেহারা শুক, মলিন, পাণ্ডুবর্ণ। সুনীলা তাড়াতাড়ি নীচে নামিতেই সুশীলা ক্ষীণকণ্ঠে জিজ্ঞাসিল—বাড়ীর সব খবর কি সু?

সুনীলা বলিল—উপরে এস, বলছি। পাঁচদিন নীলা শয্যাগত, আজ একটু ভালো আছে।

সুনীলা জিজ্ঞাসিল—খগেন আসে-টাসে?

সুনীলা নতমুখেই জবাব দিল—আসেন। এখনি ছিলেন, দিদি, বেরিয়েছেন।

সুশীলা দীর্ঘনিঃশ্বাস ফেলিয়া বলিল—চল সু।

## প্রীতির

### নিদর্শন

সিঁড়িতে উঠিতে উঠিতে সুনীলা বলিল—মিঃ সিংহ, দিদি ?  
রাঁচীতেই ? ভাল আছেন ?

সুশীলা বলিল—বোধ হয় ।

সুশীলা ভাবিয়াছিল, ফেণিলা সাপ্পাতে সে বাহির হইতেই পারিবে  
না । কিন্তু ফেণিলা তাহাকে দেখিয়া আনন্দে অধীর হইয়া বলিল—  
কোন্ গাড়ীতে এলে দিদি ? ভালো ছিলে ?

লক্ষ্মী থেকে আস্চি, নীলা । বাবার কাছে একদিন ছিলাম ।

সুনীলা ও ফেণিলা সম্বন্ধে জিজ্ঞাসিল—বাবা ভালো আছেন দিদি ?

হ্যাঁ ভাই ভালোই আছেন । খগেন কোথা গেল ? এখন  
আস্বে ত ?

ফেণিলা সুশীলার পানে চাহিল । সুনীলা অতৃপ্তিকে মুখ করিয়া  
বলিল—আসবেন ।

সাতটার ভেতর আস্বে ত ? তা'কে যে আমার বিশেষ  
দরকার রয়েছে । আমাকে নিয়ে যাবে সে কুমার সত্যেন্দ্রনারায়ণের  
কাছে ।

কুমার সত্যেন্দ্রনারায়ণ ! কে দিদি ?

আমাদের রাঁচীর বিজ্ঞান্যের প্রোপাইটার ।

মিঃ সিংহ নন ?

না ..... সে সব বলব'ধন । স্নান করে ফেলি ।

সুনীলা ব্যস্ত হইয়া কহিল—আমিও হু'টো রান্না চড়িয়ে দিই গে ।

সুশীলা নিবেদন করিল, বলিল—এখন চা আর ঝুটী টুট খাব স্ন,  
আমার ক্ষিধে নাই ।

## প্রীতির

## নিদর্শন

সুনীলা বলিতে লাগিল—সে কি হয় দিদি ? ছপুরবেলা অনাহারে ইত্যাদি ।

না ভাই, এবেলা আর নয় । সন্ধ্যাবেলা ৬টার ভেতরে খগেন আর আমাকে খাবার করে দিস্—খেয়ে যাবো বালীগঞ্জে । হ্যাঁরে, সে খায় ?

সুনীলা লজ্জায় রক্তিম হইয়া কহিল—খান্ ।

ফেণিলা বলিল—রন্ধানির হাতে নয়, মেঝে নিজে রেঁধেছে, তাই খেয়েছে । এবার বাবাকে বলে বুড় রন্ধানিকে পেন্সন করে' দেওয়া যাবে । কি-বল দিদি !

সুনীলা হাসিয়া 'হুঁ' !—বলিয়া বাহির হইয়া গেল । তখন টুয়ালেটা হাতে করিয়া ঘরে ঢুকিয়া বলিল—হ্যাঁরে নীলার অত অসুখ, বাবাকে কৈ খবর দিস্ নি ত ?

সুনীলা বলিল—কখনু' দিই দিদি ? আর অল্পে অল্পে গেল তাই, নইলে দিতেই হ'ত ।

সুনীলা হাসিল, বলিল—আর খগেন ছিল, তাও বটে না-রে !—সে প্রস্থান করিতেই সুনীলা বলিল—চুপ করে' রইলে তুমি মেঝে ?

কি করব রে ?

ফেণিলা হাসিয়া বলিল—ছপুরবেলা অত লাফাতে লাফাতে খগেন বাবু এ ঘরে ঢুকে জামা গায়ে দিখে কোথায় গেলেন ভাই, ব্যাঞ্জে । টাকা জমা দিতে ?

সুনীলা লাল হইয়া জিজ্ঞাসিল—তুই জান্দি.....

ফেণিলা হাসিয়া কহিল—ম'শাই, এ দোরটা যে খোলাই ছিল, হু'জনের কারুই সে হুঁস হ'ল-না একবার ! বলিহারী !

## প্রীতির

### নিদর্শন

সুনীলা কি-একটা বলিতে উত্তত হইয়াছিল, ফেণিলা তৎপূর্বেই কহিল - বোধ করি সিন্ধী বনগমন করেছে, না-মেঝ ?

কি-জানি ! তবে, একটা কিছু চ'য়েছে—নিশ্চয়ই।

সন্ধ্যার একটু পূর্বে খগেন লাফাইতে লাফাইতে উপরে উঠিয়া ডাকিল—নীলা, নীলা, কে এসেছেন দেখ ?—এ-কি বড়দি, আপনি কখন এলেন ?

আগন্তুকটি কে দেখিবার জন্য সকলেই মুখ ফিরাইয়াছিল, কিন্তু যে মুহূর্ত্তেই বীরদত্তের সৌম্য শাস্ত মুর্ত্তি তাহাদের চক্ষের সম্মুখে প্রকাশ পাইল, সুনীলা সুনীলা পাশের দরজা দিয়া সরিয়া গেল। ফেণিলা কাপড়টা মুখে ঢাকা দিল।

বীরদত্ত বাহিরে দাঁড়াইয়াই কহিলেন—তোমার অসুখ করেছে ? খগেন বল্লে—উত্তেজনার জর। তা-হোক, এ উত্তেজনায় যদি একটু আধটু জর হয় ক্ষতি কি ! কত লোক যে উন্মাদ পাগল হ'য়ে ঘর ছেড়ে, সংসার ছেড়ে, বিভব-সম্পদ সব ছেড়ে ফকির হ'য়ে বেরিয়েছে ! হ'লই বা একটু জর ! বাংলা দেশে লক্ষ লক্ষ লোকের জর ত লেগেই আছে, তা'দের ত উত্তেজনা-ও নেই, অবসাদ-ও নেই—তবু ত তারা জরের হাত থেকে নিষ্কৃতি পায় না। তবে সে জর আর এ-জর তফাত যে কি—সে ত আর আমাকে বলতে হ'বে না, তুমি নিজেই জান !

বীরদত্ত থামিলেন ; একমিনিট পরে পুনরায় কহিলেন—আমি সব শুনেছি নীলা ! শুনেই তোমাকে দেখবার জন্যে অধীর হয়ে উঠেছিলাম। সে-দেখা নয়—মনের দেখা,—দেশের তরুণ থেকেই এক সন্তান অন্ত এক সন্তানকে দেখবার জন্যে যেমন উদগ্রীব হয়, আমিও তেমনি ব্যাকুল

## প্রীতির

## নিদর্শন

হ'য়েছিল। কি আর বলব তোমাকে নীলা ! এই আশীর্বাদ কহি তোমার মনস্কামনা যেন সকল হয় ; বাংলা দেশের মেয়েরা যেন তোমাকে দেখে এ-হেন সময়ে স্ব-স্ব কর্তব্য বেছে নিতে পারে !—

বীরদৎ হাত দু'টি উপরে তুলিয়া কহিলেন—আশীর্বাদ ! আশীর্বাদ !

লক্ষ করতালির শব্দ থামিয়া গেলেও যেমন অনেক্ষণ অবধি বান্ বান্ করিয়া বাজিতে থাকে বীরদৎ চ'লিয়া যাইবার পরেও ফেগিলা দু'টি হাতে বুকের 'পরে রাখিয়া, সেই গুরু গম্ভীর শব্দই যেন সে শুনিতে লাগিল :—

আশীর্বাদ ! আশীর্বাদ !

সুশীলা বলিল—এ-কি সন্ন্যাস ?

খগেন মুগ্ধকণ্ঠে কহিল—কি জানি দিদি ! আজই মাদ্রাজে যাচ্ছেন, প্রচারে ।

সুশীলা সহাসকণ্ঠে কহিল—তুমিও ?

খগেন একমুহূর্ত্ত ভাবিয়া বলিল—না বড়-দি, আমি বিলেত যাচ্ছি ।

বিলেত !—সুশীলা বজ্রাহতের মত কহিল—বিলেত । তুমি—  
খগেন ? সে ফেগিলার দিকে চাহিতে লাগিল ।

খগেন উত্তর দিবার পূর্বেই সুশীলা চঞ্চল পদক্ষেপে খগেনের সামনে আসিয়া ছোট খাতাখানি খগেনের কোলের উপর ফেলিয়া দিয়া তেমনি চঞ্চল চরণে চলিয়া গেল ।

সুশীলা খাতাটা তাড়াতাড়ি তুলিয়া লইল ; খুলিয়া দেখিল, ব্যাঙ্কের খাতা, খগেনের নামে । টাইটেল পৃষ্ঠায় সুশীলার হাতে বাংলায় লেখা :—

“প্রীতির নিদর্শন”

প্রীতির

নিদর্শন

ফেণিলা পড়িয়া হাসিতে হাসিতে বলিল—ভুল হ'য়েছে, মেঝে, ভুল হ'য়েছে—ওটা “প্রীতির নিদর্শন”—স্বরূপ, কি, চিহ্ন এমনি কিছু হওয়া উচিত ছিল।

সুশীলা লেখাটার পানে দৃষ্টি নিবদ্ধ করিয়া স্নেহ-স্বরে কহিল—না, নীলা। ঠিকই হ'য়েছে। এ-ত আর চিহ্ন নয়, সবটাই দিচ্ছে, ওর প্রীতির নিদর্শন। ভুল নয়, কি বল খগেন?

খগেন বলিল—আমি বাংলায় পণ্ডিত নই, বড়-দি।

কিসে পণ্ডিত তবে?

কিছুতেই না, দিদি। আমি মুর্থ, একটা আসল, আস্ত, খাজা, নিরেট, গো-মূর্থ।

সুশীলা ছপ্ করিয়া খগেনের পিঠে খাতাটির আঘাত করিয়া কহিল—মিথো কথা! এক বিস্ত্রের অসাধারণ পণ্ডিত তুমি! বুঝতে পারছ না?.....বল্‌ব? কিন্তু সুশীলা বলিল না, মুগ্ধনেত্রে দেখিল :—


খগেন.....“with looks of cordial love

Hung over her enamored.”

Milton.

আরও দেখিল, খগেনের দৃষ্টিটা দ্বারপার্শ্বে অবস্থিত সুশীলার 'পরেই নিবদ্ধ; আর সুশীলার চোখ সে দেখিতে পাইল, কেবলমাত্র তাহার গণ্ডের একদিকটাই সুশীলার নজরে পড়িল এবং সেখানে যে রং সে দেখিল, সে রং কুলের নয়, রৌদ্রের নয়, ইন্দ্রধনুর নয়—কেবল তরুণী নবীনার গণ্ডেরই রং।

শেষ



## এই লেখকের আর ক'খানি বহি ।

১। আলোকে আঁধারে ( উপন্যাস )	...	১৥০
২। দিশেহারা ( সুবৃহৎ উপন্যাস )	...	২৭
৩। স্বপ্ন-পরিণীতা ( ঐ )	...	১৥০
৪। গৃহদেবী ( ঐ )	..	১০
৫। সীতার ভাগ্য ( ঐ )	...	১৭
৬। বোরানী ( উপহার যোগ্য ঐ )	...	১৭
৭। কিশোরী ( মেয়েদের ঐ )	...	১৭
৮। ডাইনিবুড়ী ( শিশুদের ঐ )	...	১৮০
৯। সংশোধন ( ছেলেদের নাটক )	...	১০
১০। অঞ্জলি ( গল্প সমষ্টি )	...	১১০
১১। বড়বাবু ( কয়েকটি প্রসিদ্ধ গল্প )	...	১৮০
রাজস্বর গল্প ( সূচিবিত ) প্রতি খণ্ড	...	১৮০





## কয়েকখানি উৎকৃষ্ট উপাশাস ।

**ঐশ্বর্যশ্রী**—শ্রীযতীন্দ্রনাথ পাল প্রণীত সুবৃহৎ পারিবারিক উপাশাস, মূল্য ৩ টাকা মাত্র। যতীনবাবুর পারিবারিক উপাশাস সম্বন্ধে শিষ্য কিছুই বলিবার নাই। এইটুকু বলিলেই যথেষ্ট হইবে যতীনবাবুর উপাশাস বঙ্গ-গৃহলক্ষীদের একমাত্র আদরের সামগ্রী। সুন্দর ছাপা, বিত্তী বাঁধাই।

**স্বয়ংস্বরা**—শ্রীশ্রীপতিমোহন ঘোষ প্রণীত সামাজিক উপাশাস মূল্য ১১০ টাকা মাত্র। এই পুস্তকখানিতে সমাজের অনেক চিত্রই আছে। সকলেরই পাঠ করা উচিত। এ্যাস্টিক কাগজে ছাপা, রেশমী বাঁধ।

**বিষয়ের ক'নে**—শ্রীযতীন্দ্রনাথ পাল প্রণীত বৈচিত্র্যময় সামাজিক উপাশাস। ভাব, ভাষা, ঘটনা আগাগোড়া নূতন। এ্যাস্টিক কাগজে ছাপা, রেশমী বাঁধাই, মূল্য ১১০ টাকা মাত্র।

**কমলিনী**—শ্রীযোগীন্দ্রনাথ সরকার এম, এ, বি, এ প্রণীত সুন্দর উপাশাস—মূল্য ১১০। ছাপা বাঁধা সকলই সুন্দর।

**মিলন**—শ্রীযতীন্দ্রনাথ পাল প্রণীত সচিত্র সুন্দর স্ত্রীপাঠ্য উপাশাস। উপহার দিবার মত এমন পুস্তক আর একখানিও নাই, নিঃসঙ্কেচ পুস্তকস্তার হস্তে প্রদান করা যায়। রঙ্গিন কালীতে ছাপা, তুলার প্যাডে রেশমে বাঁধা, মূল্য ১ টাকা মাত্র।

**সতীর স্বর্গ**—শ্রীযতীন্দ্রনাথ পাল প্রণীত স্ত্রীপাঠ্য উপাশাসের মধ্যে ‘সতীর স্বর্গ’ সর্বশ্রেষ্ঠ স্থান অধিকার করিয়াছে। ২য় সংস্করণ রেশমে বাঁধা, সোনার জলে নাম লেখা, মূল্য ১১০ মাত্র।

**সতীলক্ষ্মী**—শ্রীহরিসাধন মুখোপাধ্যায় প্রণীত গার্হস্থ্য উপাশাস তৃতীয় সংস্করণ প্রকাশিত হইয়াছে। রেশমে বাঁধা, মূল্য ২ টাকা।

**লক্ষ্মীলাভ**—ঐযতীন্দ্রনাথ পাল প্রণীত এ এক নূতন ধরণের নূতন উপাশাস। পল্লী-জননীর নিখুঁত চিত্র। স্বর্ণমণ্ডিত রেশমে বাঁধা, মূল্য ১১০ মাত্র।

**স্বর্ণকুটীর**—দার্শনিক পণ্ডিত শ্রীসুরেন্দ্রমোহন ভট্টাচার্য প্রণীত সুন্দর উপাশাস। ২য় সংস্করণ প্রকাশিত হইয়াছে। সুসজ্জিত রেশমে বাঁধা ; মূল্য ১১০ দেড় টাকা মাত্র।

**হরশার্ভভী**—শ্রীসত্যচরণ চক্রবর্তী

উপাঙ্গ অপেক্ষাও মধুর। যেমন ছাপা, তে

**স্বর্ণ-প্রতিমা**—শ্রীহরিসাধন মুখোপাধ্যায় রম্যে বঁধা  
সচিত্র সুন্দর প্রকাণ্ড সামাজিক উপাঙ্গ। স্বর্ণ-প্রতিমা হিন্দুগৃহের উজ্জ্বল  
চিত্র। পুণ্য-প্রেমের অপূর্ণ সমাবেশ। মূল্য ১১০ টাকা মাত্র।

**বিন্দুর বিহে**—শ্রীনারায়ণচন্দ্র ভট্টাচার্য্য প্রণীত। কথার বিবাহে  
প্রিতার দীর্ঘশ্বাস, অণবের দারুণ হাহাকার, বঙ্গগৃহের প্রতিদিনের ঘটনা।  
নানরঞ্জন চিত্র, রেশমে বঁধা, সোনার জলে নাম লেখা। মূল্য ১১০ টাকা  
মাত্র।

**কমলার অদৃষ্ট**—শ্রীহরিসাধন মুখোপাধ্যায় প্রণীত গার্হস্থ্য  
উপাঙ্গ। রেশমে বঁধা, সোনার জলে নাম লেখা, মূল্য ১১০ টাকা।

**সঙ্গিনী**—শ্রীযতীন্দ্রনাথ পাল প্রণীত। সঙ্গিনী বঙ্গকুলললনা মাত্রেই  
পাঠ করা উচিত। বিবাহিত জীবনে যাহাতে রমণীর সমস্ত সুখমা নিশ্চিন্দা  
হইয়া উঠে, এই পুস্তকে অতি সরল ভাবে তাহারই পথ প্রদর্শন করা  
হইয়াছে। ইহা বাতীত সঙ্গিনীতে সাবিত্রী, সীতা, দময়ন্তী প্রভৃতি আদর্শ  
সঙ্গিনীগণের জীবনী প্রদান করা হইয়াছে। তুলার প্যাডে রেশমে বঁধা,  
সোনার জলে নাম লেখা, মূল্য ১২ টাকা মাত্র।

**সুখের মিলন**—শ্রীনারায়ণচন্দ্র ভট্টাচার্য্য প্রণীত অপূর্ণ সামা-  
জিক উপাঙ্গ। সুন্দর বঁধা, সুন্দর ছাপা, মূল্য ১১০ টাকা।

**পরাশ্রীনা**—শ্রীহরিসাধন মুখোপাধ্যায় প্রণীত সুবৃহৎ পারিবারিক  
উপাঙ্গ। উপাঙ্গস্থানির আগাগোড়া নূতন। এমন ঘটনাবলি উপাঙ্গ  
স্বকাল বাহির হয় নাই। মূল্য ১১০ টাকা।

**সতীরাণী**—শ্রীযতীন্দ্রনাথ পাল প্রণীত গার্হস্থ্য উপাঙ্গ। বিবাহ-  
সময়ে উপহার দিবার একমাত্র পুস্তক। দ্বিতীয় সংস্করণ, তুলার প্যাডে  
বঁধা, মূল্য ১২ এক টাকা।

**স্বপ্নবাহার**—শ্রীযতীন্দ্রনাথ পাল প্রণীত প্রহসন। মিনার্ভা থিয়েটারে  
এ সমারোহে অভিনয় চলিতেছে। মূল্য ১৮০ আনা।

**ভাপ্যবতী**—শ্রীঅমরেন্দ্রনাথ মণ্ডল প্রণীত সুন্দর সামাজিক উপ-  
াঙ্গ। সিন্ধে বঁধা, সোণার জলে নাম লেখা, মূল্য ১১০ টাকা মাত্র।

**ভোরের আন্দোল**—শ্রীনবকৃষ্ণ ঘোষ প্রণীত সামাজিক উপ-

এক মনস্তাপের কথা শ্রদ্ধাকারের অপূর্ণ  
 লিপ্যন্তর। ...ও সাড়া তুলিবে—সমাজের একটি কঠিন  
 সমস্যার মোহ। ...প্রাণ ব্যাকুল হইয়া উঠিবে—অদম্য আগ্রহে গ্রন্থের  
 আত্মোপাস্ত পাঠ করিতে হইবে। সিক্কে বাঁধা, মূল্য ১।০ টাকা মাত্র।

**বিসর্জকন**—শ্রীহরপ্রসাদ বন্দ্যোপাধ্যায় প্রণীত সামাজিক উপন্যাস।  
 সিক্কে বাঁধা, মূল্য ১।০ টাকা মাত্র।

**অনাদৃত**—শ্রীহরপ্রসাদ বন্দ্যোপাধ্যায় প্রণীত সামাজিক উপ-  
 ন্যাস। সিক্কে বাঁধা, মূল্য ১।০ টাকা মাত্র।

**মুষ্কিল আসান**—শ্রীযতীন্দ্রনাথ পাল প্রণীত গার্হস্থ্য উপন্যাস।  
 সিক্কে বাঁধা, মূল্য ১।০ টাকা মাত্র।

**স্নেহের দান**—শ্রীনবকৃষ্ণ ঘোষ বি, এ, প্রণীত। স্বরূপ  
 সামাজিক উপন্যাস। ভাবে, ভাষায়, ঘটনাবৈচিত্র্যে ও করণার নতুনত্ব  
 এই অত্যুৎকৃষ্ট উপন্যাসের তুলনা নাই। মূল্য ২.০ টাকা।

**ভাগ্যহীনা**—শ্রীমতা—দেবী প্রণীত সুন্দর সামাজিক উপন্যাস।  
 সুন্দর কাগজে সুন্দর বাঁধা, মূল্য ১।০।

**আলোকে অঁধারে**—শ্রীবিজয়রত্ন মজুমদার প্রণীত উচ্চাঙ্গের  
 সামাজিক উপন্যাস। সুন্দর কাগজ ও বাঁধাই। মূল্য ১।০ টাকা।

**স্বপ্ন-পরিণীতা**—শ্রীবিজয়রত্ন মজুমদার প্রণীত উৎকৃষ্ট সামাজিক  
 উপন্যাস। সিক্কে বাঁধান, মূল্য ১।০ টাকা।

**সোণার কমল**—শ্রীচাক্ষুণীলা মিত্র প্রণীত সুন্দর সামাজিক  
 উপন্যাস। সুন্দর বাঁধাই, মূল্য ১।০ টাকা।

**একালের মেয়ে**—শ্রীনবকৃষ্ণ ঘোষ প্রণীত উৎকৃষ্ট গার্হস্থ্য  
 উপন্যাস। মূল্য ১।০ টাকা।

**দিশেহারা**—শ্রীবিজয়রত্ন মজুমদার প্রণীত বৃহৎ গার্হস্থ্য উপন্যাস  
 ভাবে, ভাষায় অল্পম, চরিত্র-সৌন্দর্য্যে মনোরম। ভালো বাঁধাই  
 মূল্য ২.০ টাকা।

**কেলাণার মাসকাবার**—শ্রীনবকৃষ্ণ ঘোষ প্রণীত। ১।০।

**বরেন্দ্র লাইব্রেরী**

২০৪ কর্ণওয়ালিস ষ্ট্রীট, কলিকাতা।









